

Namo tassa bhagavato arahato sammāsambuddhassa

# Majjhimanikāye

## Uparipaṇṇāsa-aṭṭhakathā

### 1. Devadahavaggo

#### 1. Devadahasuttavaṇṇanā

**1. Evaṃ me sutanti** devadahasuttaṃ. Tattha **devadahaṃ nāmāti** devā vuccanti rājāno, tattha ca sakyarājūnaṃ maṅgalapokkharāṇī ahosi pāsādikā ārakkhasampannā, sā devānaṃ dahattā “devadaha”nti paññāyittha. Tadupādāya sopi nigamo devadahantveva saṅkhaṃ gato. Bhagavā taṃ nigamaṃ nissāya lumbinivane viharati. **Sabbaṃ taṃ pubbekatahetūti** pubbe katakammaṃ paccayā. Iminā kammavedanañca kiriyavedanañca paṭikkhipitvā ekaṃ vipākavedanameva sampañcchantīti dasseti. **Evaṃ vādino, bhikkhave, nigaṇṭhāti** iminā pubbe aniyamtvā vuttaṃ niyamtvā dasseti.

**Ahuvamheva mayanti** idaṃ bhagavā tesam ajānanabhāvaṃ jānantova kevalaṃ kalisāsaṇaṃ āropetukāmo pucchati. Ye hi “mayaṃ ahuvamhā”tipi na jānanti, te kathaṃ kammaṃ katabhāvaṃ vā akatabhāvaṃ vā jānissanti. Uttariṇapucchāyapī eseva nayo.

**2. Evaṃ santeti** cūḷadukkhakkhandhe (ma. ni. 1.179-180) mahānigaṇṭhassa vacane sacce santeti attho, idha pana ettakassa ṭhānassa tumhākaṃ ajānanabhāve santeti attho. **Na kallanti** na yuttaṃ.

**3. Gālhūpalepanenāti** bahalūpalepanena, punappunaṃ visarañjītena, na pana khaliyā littena viya. **Esaniyāti** esanisalākāya antamaso nantakavaṭṭiyāpi. **Eseyyāti** gambhīraṃ vā uttānaṃ vāti vīmaṃseyya. **Agadaṅgāranti** jhāmaharītakassa vā āmalakassa vā cuṇṇaṃ. **Odaheyyāti** pakkhipēyya. **Arogotiādi** māgaṇḍiyasutte (ma. ni. 2.213) vuttameva.

**Evameva khoti** ettha idaṃ opammaṃ sandanaṃ, sallaṇa viddhassa hi viddhakāle vedanāya pākāṭakālo viya imesaṃ “mayaṃ pubbe ahuvamhā vā no vā, pāpakammaṃ akaramhā vā no vā, evarūpaṃ vā pāpaṃ karamhā”ti jānanakālo siyā. Vaṇamukhassa parikantaṇḍīsu catūsu kālesu vedanāya pākāṭakālo viya “ettakaṃ vā no dukkhaṃ nijjiṇṇaṃ, ettake vā nijjiṇṇe sabbameva dukkhaṃ nijjiṇṇaṃ bhavissati, suddhante patiṭṭhitā nāma bhavissāmā”ti jānanakālo siyā. Aparabhāge phāsubhāvajānanakālo viya diṭṭheva dhamme akusalānaṃ dhammānaṃ pahānāya kusalānaṃ dhammānaṃ upasampadāya jānanakālo siyā. Evamettha ekāya upamāya tayo atthā, catūhi upamāhi eko attho paridīpito.

**4. Ime pana tato ekampi** na jānanti, virajjhivā gate salle aviddhova “viddhosi mayā”ti paccatthikassa vacanappamāṇeneva “viddhosmī”ti saññaṃ uppādetvā dukkhappattapuriso viya kevalaṃ mahānigaṇṭhassa vacanappamāṇena sabbametam saddahantā evaṃ sallopamāya bhagavatā niggaḥitā paccāharitum asakkontā yathā nāma dubbalo sunakho migam uṭṭhāpetvā sāmikassa abhimukhaṃ karitvā attanā osakkati, evaṃ mahānigaṇṭhassa matthake vādaṃ pakkhipantā **nigaṇṭho, āvusotiādīmāhaṃsu.**

**5. Atha ne bhagavā saccariyake** niggaṇhanto **pañca kho imetiādīmāha.** **Tatrāyasmantānanti** tesu pañcasu dhammesu āyasmantānaṃ. **Kā atītaṃse satthari saddhāti** atītaṃsavādimhi satthari kā saddhā. Yā atītavādaṃ saddahantānaṃ tumhākaṃ mahānigaṇṭhassa saddhā, sā katamā? Kiṃ bhūtattā

abhūtatthā, bhūtavipākā abhūtavipākāti pucchati. Sesapadesupi eseva nayo. **Sahadhammikanti** sahetukaṃ sakāraṇaṃ. **Vādapaṭihāraṇti** paccāgamanakavādaṃ. Ettāvata tesam “apanetha saddhaṃ, sabbadubbala esā”ti saddhāchedakavādaṃ nāma dasseti.

**6. Avijjā aññāṇāti** avijjāya aññāṇena. **Sammohāti** sammohena. **Vipaccethāti** viparītato saddahatha, vipallāsaggāhaṃ vā gaṇhathāti attho.

**7. Diṭṭhadhammavedanīyanti** imasmiṃyeva attabhāve vipākadāyakaṃ. **Upakkamenāti** payogena. **Padhānenāti** vīriyena. **Samparāyavedanīyanti** dutiye vā tatiye vā attabhāve vipākadāyakaṃ. **Sukhavedanīyanti** iṭṭhārammaṇavipākadāyakaṃ kusalakammaṃ. Viparītaṃ **dukkhavedanīyaṃ**. **Paripakkavedanīyanti** paripakke nipphanne attabhāve vedanīyaṃ, diṭṭhadhammavedanīyasseevetaṃ adhivacanaṃ. **Aparipakkavedanīyanti** aparipakke attabhāve vedanīyaṃ, samparāyavedanīyasseevetaṃ adhivacanaṃ. Evaṃ santepi ayamettha viseso – yaṃ paṭhamavaye kataṃ paṭhamavaye vā majjhimavaye vā pacchimavaye vā vipākaṃ deti, majjhimavaye kataṃ majjhimavaye vā pacchimavaye vā vipākaṃ deti, pacchimavaye kataṃ tattheva vipākaṃ deti, taṃ diṭṭhadhammavedanīyaṃ nāma. Yaṃ pana sattadivasabbhantare vipākaṃ deti, taṃ paripakkavedanīyaṃ nāma. Taṃ kusalampi hoti akusalampi.

Tatrimāni vatthūni – **puṇṇo** nāma kira duggatamanusso rājagahe sumanasetṭhiṃ nissāya vasati. Tameṇa ekadivasam nagaramhi nakkhatte saṅghuṭṭhe seṭṭhi āha – “sace ajja kasissasi, dve ca goṇe naṅgalaṅca labhissasi. Kiṃ nakkhattaṃ kīṭissasi, kasissasi”ti. Kiṃ me nakkhattena, kasissamīti? Tena hi ye goṇe icchasi, te gahetvā kasāhīti. So kasituṃ gato. Taṃ divasaṃ sārīputtatthero nirodhā vuṭṭhāya “kassa saṅgahaṃ karomī”ti? Āvajjanto puṇṇaṃ disvā pattacīvaraṃ ādāya tassa kasaṇaṭṭhānaṃ gato. Puṇṇo kasiṃ ṭhapetvā therassa dantakaṭṭhaṃ datvā mukhodakaṃ adāsi. Thero sarīraṃ paṭijaggitvā kammantassa avidūre nisīdi bhattābhīhāraṃ olokento. Athassa bhariyaṃ bhattaṃ āharantiṃ disvā antarāmaggeyeva attānaṃ dassesi.

Sā sāmikassa āhaṭabhattaṃ therassa patte pakkhipitvā puna gantvā aññaṃ bhattaṃ sampādetvā divā agamāsi. Puṇṇo ekavāraṃ kasitvā nisīdi. Sāpi bhattaṃ gahetvā āgacchantī āha – “sāmi pātova te bhattaṃ āhariyittha, antarāmagge pana sārīputtattheraṃ disvā taṃ tassa datvā aññaṃ pacitvā āharantiyā me ussūro jāto, mā kujjhi sāmī”ti. Bhaddakaṃ te bhadda kataṃ, mayā therassa pātova dantakaṭṭhaṅca mukhodakaṅca dīnaṃ, amhākaṃyevānena piṇḍapātopi paribhutto, ajja therena katasamaṇadhammassa mayaṃ bhāgino jātāti cittaṃ pasādesi. Ekavāraṃ kasitaṭṭhānaṃ suvaṇṇameva ahoṣi. So bhuñjītvā kasitaṭṭhānaṃ olokento vijjotamānaṃ disvā uṭṭhāya yaṭṭhiyā paharivā rattasuvaṇṇabhāvaṃ jānitvā “rañño akathetvā paribhuñjītuṃ na sakkā”ti gantvā rañño ārocesi. Rājā taṃ sabbaṃ sakāṭehi āharāpetvā rājāṅgaṇe rāsiṃ kāretvā “kassimasmiṃ nagare ettakaṃ suvaṇṇaṃ atthī”ti pucchi. Kassaci natthīti ca vutte seṭṭhiṭṭhānamassa adāsi. So **puṇṇasetṭhi** nāma jāto.

Aparampi vatthu – tasmiṃyeva rājagahe **kāḷavaḷiyo** nāma duggato atthi. Tassa bhariyā paṇṇambilaṃyāgumaṃ paci. Mahākassapatthero nirodhā vuṭṭhāya “kassa saṅgahaṃ karomī”ti āvajjanto taṃ disvā gantvā gehadvāre aṭṭhāsi. Sā pattaṃ gahetvā sabbaṃ tattha pakkhipitvā therassa adāsi, thero vihāraṃ gantvā satthu upanāmesī. Satthā attano yāpanamattaṃ gaṇhi, sesaṃ pañcannaṃ bhikkhusatānaṃ pahosi. Kāḷavaḷiyopi taṃ ṭhānaṃ patto cūlakaṃ labhi. Mahākassapo satthāraṃ kāḷavaḷiyassa vipākaṃ pucchi. Satthā “ito sattame divase seṭṭhicchattaṃ labhissati”ti āha. Kāḷavaḷiyo taṃ kathaṃ sutvā gantvā bhariyāya ārocesi.

Tadā ca rājā nagaraṃ anusaṅcaranto bahinagare jīvasūle nisinnaṃ purisaṃ addasa. Puriso rājānaṃ disvā uccāsaddaṃ akāsi “tumahākaṃ me bhuñjanabhattaṃ pahiṇatha devā”ti. Rājā “pesessāmī”ti vatvā sāyamāsabhatte upanīte saritvā “imaṃ harituṃ samatthaṃ jānāthā”ti āha, nagare sahasabhaṇḍikaṃ cāresuṃ. Tatiyavāre kāḷavaḷiyassa bhariyā aggahesi. Atha naṃ rañño dassesuṃ, sā purisavesaṃ gahetvā pañcāvudhasannaddhā bhattapātiṃ gahetvā nagarā nikkhami. Bahinagare tāle adhivattho **dīghatālo** nāma yakkho taṃ rukkhamaḷena gacchantiṃ disvā “tiṭṭha tiṭṭha bhakkhosi me”ti āha. Nāhaṃ tava

bhakkho, rājadūto ahanti. Kattha gacchasīti. Jīvasūle nisinnassa purisassa santikanti. Mamapi ekaṃ sāsanaṃ harituṃ sakkhissasīti. Āma sakkhissāmīti. “Dīghatālassa bhariyā sumanadevarājadhītā kālī puttāṃ vijātā”ti āroceyyāsī. Imasmim̄ tālamūle satta nidhikumbhiyo atthi, tā tvaṃ gaṇheyyāsīti. Sā “dīghatālassa bhariyā sumanadevarājadhītā kālī puttāṃ vijātā”ti ugghosentī agamāsī.

Sumanadevo yakkhasamāgame nisinnō sutvā “eko manusso amhākaṃ piyapavattim̄ āharati, pakkosatha na”nti sāsanaṃ sutvā pasanno “imassa rukkhassa parimaṇḍalacchāyāya pharaṇaṭṭhāne nidhikumbhiyo tuyhaṃ dammī”ti āha. Jīvasūle nisinnapuriso bhattaṃ bhuñjivā mukhapuñchanakāle itthiphassoti ñatvā cūlāya ḍaṃsi, sā asinā attano cūlaṃ chinditvā rañño santikaṃyeva gatā. Rājā bhattabhojjitabhāvo kathaṃ jānitabboti? Cūlasaññāyāti vatvā rañño ācikkhitvā taṃ dhanam̄ āharāpesi. Rājā aññassa ettakaṃ dhanam̄ nāma atthīti. Natthi devāti. Rājā tassā patim̄ tasmim̄ nagare dhanasetṭhim̄ akāsī. **Mallikāyapi** deviyā vatthu kathetabbaṃ. Imāni tāva **kusalakamme vatthūni**.

**Nandamānavako** pana uppalavaṇṇāya theriyā vippaṭipajji, tassa mañcato utṭhāya nikkhamitvā gacchantassa mahāpathavī bhijjivā okāsamadāsī, tattheva mahānarakam̄ pavittṭho. **Nandopi** goghātako paṇṇāsa vassāni goghātakakammaṃ katvā ekadivasam̄ bhojanakāle maṃsam̄ alabhanto ekassa jīvamānakagoṇassa jivhaṃ chinditvā aṅgāresu pacāpetvā khādītum̄ āradḍho. Athassa jivhā mūle chijjivā bhattapātiyaṃyeva patitā, so viravanto kālam̄ katvā niraye nibbatti. **Nandopi yakkho** aññena yakkhena saddhim̄ ākāsena gacchanto sārīputtattheram̄ navoropitehi kesehi rattibhāge abbhokāse nisinnam̄ disvā sīse paharitukāmo itarassa yakkhassa ārocetvā tena vāriyamānopi pahāram̄ datvā ḍayhāmi ḍayhāmīti viravanto tasmim̄yeva ṭhāne bhūmim̄ pavisitvā mahāniraye nibbattoti imāni **akusalakamme vatthūni**.

Yaṃ pana antamaso maraṇasantikepi kataṃ kammaṃ bhavantare vipākaṃ deti, taṃ sabbaṃ **samparāyavedanīyam** nāma. Tattha yo aparihīnassa jhānassa vipāko nibbattissati, so idha nibbattitavipākoti vutto. Tassa mūlabhūtam̄ kammaṃ neva diṭṭhadhammavedanīyam̄ na samparāyavedanīyanti, na vicāritam̄, kiñcāpi na vicāritam̄, samparāyavedanīyameva panetanti veditabbaṃ. Yo paṭhamamaggādīnam̄ bhavantare phalasaṃpattivipāko, so idha nibbattitaguṇotveva vutto. Kiñcāpi evaṃ vutto, maggakammaṃ pana **paripakkavedanīyanti** veditabbaṃ. Maggacetaṇāyeva hi sabbalaham̄ phaladāyikā anantaraphalattāti.

**8. Bahurvedanīyanti** saññābhavūpagaṃ. **Appavedanīyanti** asaññābhavūpagaṃ. **Savedanīyanti** savipākaṃ kammaṃ. **Avedanīyanti** avipākaṃ kammaṃ. **Evaṃ santeti** imesaṃ diṭṭhadhammavedanīyādīnam̄ kammānam̄ upakkamena samparāyavedanīyādi bhāvākāraṇassa alābhe sati. **Aphaloti** nipphalo niratthakoti. Ettāvataṃ aniyyānikasāsane payogassa aphalataṃ dassetvā padhānacchedakavādo nāma dassitoti veditabbo. **Sahadhammikā vādānuvādāti** parehi vuttakāraṇena sakāraṇā hutvā nigaṇṭhānam̄ vādā ca anuvādā ca. **Gārayhaṃ ṭhānam̄ āgacchantīti** viññūhi garahitabbaṃ kāraṇam̄ āgacchanti. “Vādānuppattā gārayhaṭṭhānā”tipi pāṭho. Tassattho – parehi vuttena kāraṇena sakāraṇā nigaṇṭhānam̄ vādam̄ anuppattā taṃ vādam̄ sosentā milāpentā dukkaṭakammakāriṇotiādāyo dasa gārayhaṭṭhānā āgacchanti.

**9. Saṅgatibhāvahetūti** niyatibhāvākāraṇā. **Pāpasaṅgatikāti** pāpaniyatino. **Abhijātihetūti** chaḷabhijātihetu.

**10.** Evaṃ nigaṇṭhānam̄ upakkamassa aphalataṃ dassetvā idāni niyyānikasāsane upakkamassa vīriyassa ca saphalataṃ dassetuṃ **kathaṇca, bhikkhaveli**tiādīmāha. Tattha **anaddhabhūtanti** anadhibhūtam̄. Dukkheṇa anadhibhūto nāma manussattabhāvo vuccati, na taṃ addhabhāveti nābhivhavatīti attho. Tampi nānappakārāya dukkarakārikāya payojento dukkheṇa addhabhāveti nāma. Ye pana sāsane pabbajitvā āraññakā vā honti rukkhāmūlikādāyo vā, te dukkheṇa na addhabhāventi nāma. Niyyānikasāsanasmīhi vīriyam̄ sammāvāyāmo nāma hoti.

Thero panāha – yo issarakule nibbatto sattavassiko hutvā alaṅkatappaṭṭiyatto pituaṅke nisinno ghare bhattakiccaṃ katvā nisinnena bhikkhusaṅghena anumodanāya kariyamānāya tisso sampattiyo dassetvā saccesu pakāsitesu arahattaṃ pāpuṇāti, mātāpitūhi vā “pabbajissasi tātā”ti vutto “āma pabbajissāmi”ti vatvā nhāpetvā alaṅkaritvā vihāraṃ nīto tacapaṅcakaṃ uggaṅhitvā nisinno kesesu ohāriyamānesu khuraggeveva arahattaṃ pāpuṇāti, navapabbajito vā pana manosilātelamakkhiteṇa sīseṇa punadivase mātāpitūhi pesitaṃ kājabhattaṃ bhuñjitvā vihāre nisinnova arahattaṃ pāpuṇāti, ayaṃ na dukkhena attānaṃ addhabhāveti nāma. Ayaṃ pana ukkaṭṭhasakkāro. Yo dāsikucchiyaṃ nibbatto antamaso rajatamuddikampi piḷandhitvā gorakapiyaṅgumattenāpi sarīraṃ vilimpetvā “pabbajetha na”nti nīto khuragge vā punadivase vā arahattaṃ pāpuṇāti, ayampi na anaddhabhūtaṃ attānaṃ dukkhena addhabhāveti nāma.

**Dhammikaṃ sukhaṃ** nāma saṅghato vā gaṇato vā uppannaṃ catupaccayasukhaṃ. **Anadhimucchitoti** taṅhā mucchanāya amucchito. Dhammikaṅhi sukhaṃ na pariccajāmīti na tattha gedho kātabbo. Saṅghato hi uppannaṃ salākabhattaṃ vā vassāvāsikaṃ vā “idamatthaṃ eta”nti paricchinditvā saṅghamajjhe bhikkhūnaṃ antare paribhuñjanto pattantare padumaṃ viya sīlasamādhivipassanāmaggaṃ paṅcannāṃ khandhānaṃ mūlabhūtaṃ. **Dukkhanidānassāti** taṅhāya. Sā hi paṅcakkhandhadukkhassa nidānaṃ. **Saṅkhāraṃ padahatoti** sampayogavīriyaṃ karontassa. **Virāgo hotīti** maggena virāgo hoti. Idaṃ vuttaṃ hoti “saṅkhārapadhānena me imassa dukkhanidānassa virāgo hoti”ti **evaṃ pajānātīti** iminā sukhāpaṭṭipadā khippābhiññā kathitā. Dutiyavāreṇa tassa sampayogavīriyassa majjhataṭṭakāro kathito. **So yassa hi khvāssāti** ettha ayaṃ saṅkhepattho – so puggalo yassa dukkhanidānassa saṅkhārapadhānena virāgo hoti, saṅkhāraṃ tattha padahati, maggapadhānena padahati. Yassa pana dukkhanidānassa ajjupekkhato upekkhaṃ bhāventassa virāgo hoti, upekkhaṃ tattha bhāveti, maggabhāvanāya bhāveti. **Tassāti** tassa puggalassa.

**11. Paṭibaddhacittoti** chandarāgena baddhacitto. **Tibbacchandoti** bahalacchando. **Tibbāpekkhoti** bahalapatthano. **Santiṭṭhantinti** ekato tiṭṭhantiṃ. **Sañjagghantinti** mahāhasitaṃ hasamānaṃ. **Samhasantinti** sitaṃ kurumānaṃ.

**Evameva kho, bhikkhavi** ettha idaṃ opammavibhāvanaṃ – eko hi puriso ekissā itthiyā sāratto ghāsacchādanamālālaṅkāradīni datvā ghare vāseti. Sā taṃ aticaritvā aññaṃ sevati. So “nūna ahaṃ assā anurūpaṃ sakkāraṃ na karomī”ti sakkāraṃ vaḍḍhesi. Sā bhiiyosomattāya aticaratiyeva. So – “ayaṃ sakkariyamānāpi aticarateva, ghare me vasamānā anattampi kareyya, nīharāmi na”nti parisamajjhe alaṃvacanīyaṃ katvā “mā puna gehaṃ pāvīsī”ti vissajjesi. Sā kenaci upāyena tena saddhiṃ santhavaṃ kātuṃ asakkontī naṭanaccakādīhi saddhiṃ vicarati. Tassa purisassa taṃ disvā neva uppajjati domanassaṃ, somanassaṃ pana uppajjati.

Tattha purisassa itthiyā sārattakālo viya imassa bhikkhuno attabhāve ālayo. Ghāsacchādanādīni datvā ghare vasāpanakālo viya attabhāvassa paṭijagganakālo. Tassā aticaraṇakālo viya jaggiyamānasseva attabhāvassa pittaṃ pakopādīnaṃ vasena sābādhatā. “Attano anurūpaṃ sakkāraṃ alabhanti aticarati”ti sallakkhetvā sakkāraṃ vaḍḍhanaṃ viya “bhesajjaṃ alabhanto evaṃ hoti”ti sallakkhetvā bhesajjakaraṇakālo. Sakkāre vaḍḍhitepi puna aticaraṇaṃ viya pittādīsu ekassa bhesajje kariyamāne sesānaṃ pakopavasena puna sābādhatā. Parisamajjhe alaṃvacanīyaṃ katvā gehā nikkadḍhanaṃ viya “idāni te nāhaṃ dāso na kammakaro, anamatagge saṃsāre taṃyeva upaṭṭhahanto vicariṃ, ko me tayā attho, chijja vā bhijja vā”ti tasmim anapekkhataṃ āpajjitvā vīriyaṃ thiraṃ katvā maggena kilesasamugghātaṃ. Naṭanaccakādīhi naccamānaṃ vicarantiṃ disvā yathā tassa purisassa domanassaṃ na uppajjati, somanassameva uppajjati, evameva imassa bhikkhuno arahattaṃ pattassa pittaṃ pakopādīnaṃ vasena ābādhiṃ attabhāvaṃ disvā domanassaṃ na uppajjati, “muccissāmi vata khandhaparīhāradukkhato”ti somanassameva uppajjatīti. Ayaṃ pana upamā “paṭibaddhacittassa domanassaṃ uppajjati, appaṭibaddhacittassa natthetanti ṅatvā itthiyā chandarāgaṃ pajahati, evamayaṃ bhikkhu saṅkhāraṃ vā padahantassa upekkhaṃ vā bhāventassa dukkhanidānaṃ pahīyati, no aññathāti

ñatvā tadubhayaṃ sampādentō dukkhanidānaṃ pajahatī’’ti etamatthaṃ vibhāvetuṃ āgatāti veditabbā.

**12. Yathā sukhaṃ kho me viharatoti** yena sukkena viharitūṃ icchāmi tena, me viharato.

**Padahatoti** pesentassa. Ettha ca yassa sukhaṃ paṭipadā asappāyā, sukhumacīvarāni dhārentassa pāsādike senāsane vasantassa cittaṃ vikkhipati, dukkhā paṭipadā sappāyā, chinnabhinnāni thūlacīvarāni dhārentassa susānarukkhamūlādīsu vasantassa cittaṃ ekaggaṃ hoti, taṃ sandhāyetaṃ vuttaṃ.

**Evameva khoti** ettha idaṃ opammaṃsandanaṃ, usukāro viya hi jātijarāmarañabhīto yogī daṭṭhabbo, vaṅkakuṭilajimhatejanaṃ viya vaṅkakuṭilajimhacittaṃ, dve alātā viya kāyikacetāsikavīriyaṃ, tejanaṃ ujuṃ karontassa kaṅjikatelaṃ viya saddhā, namanadaṇḍako viya lokuttaramaggo, usukārassa vaṅkakuṭilajimhatejanaṃ kaṅjikatelena sinehetvā alātesu tāpetvā namanadaṇḍakena ujukaraṇaṃ viya imassa bhikkhuno vaṅkakuṭilajimhacittaṃ saddhāya sinehetvā kāyikacetāsikavīriyena tāpetvā lokuttaramaggena ujukaraṇaṃ, usukārāsseva evaṃ ujukatena tejanena sapattaṃ vijjhivā sampattianubhavanaṃ viya imassa yogino tathā ujukatena cittaṃ kilesagaṇaṃ vijjhivā pāsādike senāsane nirodhavaratalagatassa phalasaṃpattisukhānubhavanaṃ daṭṭhabbaṃ. Idha tathāgato sukhaṃpaṭipadākhippābhīññābhikkhuno, dukkhāpaṭipadādandhābhīññābhikkhuno ca paṭipattiyo kathitā, itaresaṃ dvinnaṃ na kathitā, tā kathetuṃ imaṃ desanaṃ ārabhi. Imāsu vā dvīsu kathitāsu itarāpi kathitāva honti, āgamaṇīyapaṭipadā pana na kathitā, taṃ kathetuṃ imaṃ desanaṃ ārabhi. Sahāgamaṇīyāpi vā paṭipadā kathitāva, adassitaṃ pana ekaṃ buddhuppādaṃ dassetvā ekassa kulaputtassa nikkhamanadesanaṃ arahattena vinivaṭṭessāmīti dassetuṃ imaṃ desanaṃ ārabhi. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Devadahasuttavaṇṇanā niṭṭhitā.

## 2. Pañcattayasuttavaṇṇanā

**21. Evaṃ me sutanti** pañcattayasuttaṃ. Tattha **eketi** ekacce. **Samaṇabrāhmaṇāti** paribbajupagatabhāvena samaṇā jātiyā brāhmaṇā, lokena vā samaṇāti ca brāhmaṇāti ca evaṃ sammatā. Aparantaṃ kappetvā vikappetvā gaṇhantīti **aparantakappikā**. Aparantakappo vā etesaṃ atthītipi aparantakappikā. Ettha ca **antoti** “sakkāyo kho, āvuso, eko anto’’tiādīsu (a. ni. 6.61) viya idha koṭṭhāso adhippeto. **Kappoti** taṇhādīṭṭhiyo. Vuttampi cetam “kappoti uddānato dve kappā taṇhākappo ca diṭṭhikappo cā’’ti. Tasmā taṇhādīṭṭhivasena anāgataṃ khandhakoṭṭhāsaṃ kappetvā ṭhitāti aparantakappikāti evamettha attho daṭṭhabbo. Tesam evaṃ aparantaṃ kappetvā ṭhitānaṃ punappunaṃ uppajjanavasena aparantameva anugatā diṭṭhīti **aparantānudiṭṭhino**. Te evaṃdiṭṭhino taṃ aparantaṃ ārabha āgamma paṭicca aññampi janaṃ diṭṭhigatikaṃ karontā anekavihitāni adhivuttipadāni abhivadanti. **Anekavihitānīti** anekavidhāni. **Adhivuttipadānīti** adhivacanapadāni. Atha vā bhūtamattaṃ adhibhavivā yathāsabhāvato aggahetvā vattanato **adhivuttiyoti** diṭṭhiyo vuccanti, adhivuttīnaṃ padāni **adhivuttipadāni**, diṭṭhidīpakāni vacanānīti attho.

**Saññīti** saññāsamaṅgī. **Arogoti** nicco. **Ittheketi** itthaṃ eke, evameketi attho. Iminā soḷasa saññīvādā kathitā, **asaññīti** iminā aṭṭha asaññīvādā, **nevasaññīnāsaññīti** iminā aṭṭha nevasaññīnāsaññīvādā, **sato vā pana sattassāti** iminā satta ucchedavādā. Tattha **satoti** vijjamānassa. **Ucchedanti** upacchedaṃ. **Vināsanti** adassanaṃ. **Vibhavanti** bhavavigamaṃ. Sabbānetāni aññamaññavevacanāneva. **Diṭṭhadhammanibbānaṃ vāti** iminā pañca diṭṭhadhammanibbānavādā kathitā. Tattha **diṭṭhadhammoti** paccakkhadhammo vuccati, tattha tattha paṭiladdhaattabhāvassetam adhivacanaṃ. Diṭṭhadhamme nibbānaṃ diṭṭhadhammanibbānaṃ, imasmimyeva attabhāve dukkhavūpasamanti attho. **Santaṃ vāti** saññītiādivasena tīhākārehi santaṃ. **Tīni hontīti** saññī attātiādīni santaattavasena ekaṃ, itarāni dveti evaṃ tīni.

**22. Rūpiṃ vāti** karajarūpena vā kasiṇarūpena vā rūpiṃ. Tattha lābhī kasiṇarūpaṃ attāti gaṇhāti, takkī ubhopi rūpāni gaṇhātiyeva. **Arūpinti** arūpasamāpattinimittam vā, ṭhapetvā saññākkhandham sesarūpadhamme vā attāti paññapentā lābhinopi takkikāpi evaṃ paññapenti. Tatiyadiṭṭhi pana missakagāhavasena pavattā, catutthā takkagāheneva. Dutiyacatukke paṭhamadiṭṭhi samāpannakavārena kathitā, dutiyadiṭṭhi asamāpannakavārena, tatiyadiṭṭhi supparamattena vā sarāvamattena vā kasiṇaparikkammavasena, catutthadiṭṭhi vipulakasiṇavasena kathitāti veditabbā.

**Etam vā panekesam upātivattatanti** saññītipadena saṅkhepato vuttam saññāsattakam atikkantānanti attho. Apare aṭṭhakanti vadanti. Tadubhayaṃ parato āvibhavissati. Ayaṃ panettha saṅkhepattho – keci hi etā satta vā aṭṭha vā saññā samatikkamitum sakkonti, keci pana na sakkonti. Tattha ye sakkonti, teva gahitā. Tesam pana ekesam upātivattatam atikkamitum sakkontānam yathāpi nāma gaṅgam uttiṇṇesu manussesu eko dīghavāpiṃ gantvā tiṭṭheyya, eko tato param mahāgāmaṃ; evameva eke viññāṇaṅcāyatanam appamāṇam āneṅjanti vatvā tiṭṭhanti, eke ākiṅcaññāyatanam. Tattha viññāṇaṅcāyatanam tāva dassetum **viññāṇakasiṇameketi** vuttam. Parato “ākiṅcaññāyatanameke”ti vakkhati. **Tayidanti** tam idam diṭṭhigataṅca diṭṭhipaccayaṅca diṭṭhārammaṅca. **Tathāgato abhijānāti**. Iminā paccayena idam nāma dassanam gahitanti abhivisiṭṭhena ṇāṇena jānāti.

Idāni tadeva vitthārento **ye kho te bhontoti**ādīmāha. **Yā vā pana etāsam saññānanti** yā vā pana etāsam “yadi rūpasaññāna”nti evaṃ vuttasaññānam. **Parisuddhāti** nirupakkilesā. **Paramāti** uttamā. **Aggāti** seṭṭhā. **Anuttariyā akkhāyatīti** asadisā kathiyati. **Yadi rūpasaññānanti** iminā catasso rūpāvacarasaññā kathitā. **Yadi arūpasaññānanti** iminā ākāsānaṅcāyatanaviññāṇaṅcāyatanasaññā. Itarehi pana dvīhi padehi samāpannakavāro ca asamāpannakavāro ca kathitoti evametā koṭṭhāsato aṭṭha, atthato pana satta saññā honti. Samāpannakavāro hi purimāhi chahisaṅgahitoyeva. **Tayidam saṅkhatanti** tam idam sabbampi saññāgatam saddhiṃ diṭṭhigatena saṅkhatam paccayehi samāgantvā katam. **Oḷārikanti** saṅkhatattāva oḷārikam. **Atthi kho pana saṅkhārānam nirodhoti** etesam pana saṅkhatanti vuttānam saṅkhārānam nirodhasaṅkhātam nibbānam nāma atthi. **Atthetanti iti veditvāti** tam kho pana nibbānam “atthi eta”nti evaṃ jānitvā. **Tassa nissaraṇadassāvīti** tassa saṅkhatassa nissaraṇadassī nibbānadassī. **Tathāgato tadupātivattoti** tam saṅkhatam atikkanto samatikkantoti attho.

**23. Tatrāti** tesu aṭṭhasu asaṅñīvādesu. **Rūpiṃ vāti**ādīni saññīvāde vuttanayeneva veditabbāni. Ayaṅca yasmā asaṅñīvādo, tasmā idha dutiyacatukkaṃ na vuttam. **Paṭikkosantīti** paṭibāhanti paṭisedhenti. **Saññā rogoti**ādīsu ābādhatṭhena **rogo**, sadosaṭṭhena **gaṇḍo**, anupaviṭṭhatṭhena **sallam**. **Āgatiṃ vā gatiṃ vāti**ādīsu paṭisandhivasena **āgatiṃ**, cutivasena **gatiṃ**, cavanavasena **cutiṃ**, upapajjanavasena **upapattiṃ**, punappunam uppajjitvā aparāparam vaḍḍhanavasena **vuḍḍhiṃ virūḷhiṃ vepullam**. Kāmaṅca catuvokārabhave rūpaṃ vināpi viññāṇassa pavattī atthi, sese pana tayo khandhe vinā natthi. Ayaṃ pana paṅho paṅcavokārabhavavasena kathito. Paṅcavokāre hi ettake khandhe vinā viññāṇassa pavattī nāma natthi. Vitaṇḍavādī panettha “aññatra rūpādivācanato arūpabhavēpi rūpaṃ, asaṅñābhavē ca viññāṇam atthi, tathā nirodhasamāpannassā”ti vadati. So vattabbo – byañjanacchāyāya ce attham paṭibāhasi, āgatiṃ vātiādivācanato tam viññāṇam pakkhidvipadacatuppādā viya uppatitvāpi gacchati, padasāpi gacchati, govisaṅavallīādīni viya ca vaḍḍhatīti āpajjati. Ye ca bhagavatā anekasatesu suttesu tayo bhavā vuttā, te arūpabhavassa abhāvā dveva āpajjanti. Tasmā mā evaṃ avaca, yathā vuttamattham dhārehīti.

**24. Tatrāti** aṭṭhasu nevasaññīnāsaññīvādesu bhummaṃ. Idhāpi **rūpiṃ vāti**ādīni vuttanayeneva veditabbāni. **Asaññā sammohoti** nissaññābhāvo nāmesa sammohaṭṭhānam. Yo hi kiṅci na jānāti, tam asaṅñī esoti vadanti. **Diṭṭhasutamutaviññātabbasāṅkhāramattenāti** diṭṭhaviññātabbamattena sutaviññātabbamattena mutaviññātabbamattena. Ettha ca vijānātīti viññātabbam, diṭṭhasutamutaviññātabbamattena paṅcadvārikasaññāpavattimattenāti ayaṅhi ettha attho. **Saṅkhāramattenāti** oḷārikasaṅkhārapavattimattenāti attho. **Etassa āyatanassāti** etassa nevasaññānāsaññāyatanassa. **Upasampadanti** paṭilābham. **Byasanam hetanti** vināso hesa, vuṭṭhānam hetanti attho. Paṅcadvārikasaññāpavattaṅhi oḷārikasaṅkhārapavattam vā appavattam katvā tam

samāpajjitabbaṃ. Tassa pana pavattena tato vuṭṭhānaṃ hotīti dasseti.

**Saṅkhārasamāpattipattabbamakkhāyatīti** oḷārikasaṅkhārapavattiyā pattabbanti na akkhāyati.

**Saṅkhāravasesasamāpattipattabbanti** saṅkhārānaṃyeva avasesā bhāvanāvasena sabbasukhumabhāvaṃ pattā saṅkhārā, tesam pavattiyā etaṃ pattabbanti attho. Evarūpesu hi saṅkhāresu pavattesu etaṃ pattabbaṃ nāma hoti. **Tayidanti** taṃ idaṃ etaṃ sukhumampi samānaṃ saṅkhatam saṅkhatattā ca oḷārikam.

**25. Tatrāti** sattasu ucchedavādesu bhummaṃ. **Uddham saranti** uddham vuccati anāgatasamsāravādo, anāgataṃ samsāravādaṃ sarantīti attho. **Āsattiṃyeva abhivadanti** lagganakamyeva vadanti. “Āsatta”ntipi pāṭho, taṅhamyeva vadantīti attho. **Iti pecca bhavissāmāti** evaṃ pecca bhavissāma. Khattiyā bhavissāma, brāhmaṇā bhavissāmāti evamettha nayo netabbo. **Vāñijūpamā maññeti** vāñijūpamā viya vāñijapaṭibhāgā vāñijasadisā mayhaṃ upaṭṭhahanti. **Sakkāyabhayāti** sakkāyassa bhayā. Te hi yatheva “cattāro kho, mahārāja, abhayassa bhāyanti. Katame cattāro? Gaṇḍuppādo kho, mahārāja, bhayā pathaviṃ na khādati ‘mā pathavī khiyī’ti, konto kho, mahārāja, ekapādena tiṭṭhati ‘mā pathavī osīdī’ti, kīkī kho, mahārāja, uttānā seti ‘mā ambhā undriyī’ti, brāhmaṇadhammiko kho, mahārāja, brahmacariyaṃ na carati ‘mā loko ucchijjī’ti ime cattāro abhayassa bhāyanti, evaṃ sakkāyassa bhāyanti”. **Sakkāyaparijegucchāti** tameva tebhūmakasaṅkhātaṃ sakkāyaṃ parijigucchamānā. **Sā gaddulabaddhoti** daṇḍake rajjuṃ pavesetvā baddhasunakho. **Evamevime**ti ettha daḷhatthambho viya khīlo viya ca tebhūmakadhammasaṅkhāto sakkāyo daṭṭhabbo, sā viya diṭṭhigatiko, daṇḍako viya diṭṭhi, rajju viya taṅhā, gaddulena bandhitvā thambhe vā khīle vā upanibaddhasunakhassa attano dhammatāya chinditvā gantuṃ asamatthassa anuparidhāvanam viya diṭṭhigatikassa diṭṭhidaṇḍake pavesitāya taṅhārajjuyā bandhitvā sakkāye upanibaddhassa anuparidhāvanam veditabbaṃ.

**26. Imāneva pañcāyatanānīti** imāneva pañca kāraṇāni. Iti mātikaṃ ṭhapentenapi pañceva ṭhapitāni, nigamentenapi pañceva nigamitāni, bhājentena pana cattāri bhājitāni. Diṭṭhadhammanibbānaṃ kuhiṃ pavitṭhanti. Ekattanānattavasena dvīsu padesu pavitṭhanti veditabbaṃ.

**27.** Evañca catucattālīsa aparantakappike dassetvā idāni aṭṭhārasa pubbantakappike dassetuṃ **santi, bhikkhavi**tiādimāha. Tattha atītakotṭhāsasaṅkhātaṃ pubbantam kappetvā vikappetvā gaṇhantīti **pubbantakappikā**. Pubbantakappo vā etesaṃ atthīti pubbantakappikā. Evaṃ sesampi pubbe vuttappakāraṃ vuttanayeneva veditabbaṃ. **Sassato attā ca loko cāti** rūpādīsu aññataram attāti ca lokoti ca gahetvā sassato amaro nicco dhuvoti abhivadanti. Yathāha “rūpaṃ attā ceva loko ca sassato cāti attānañca lokañca paññapenti”ti vitthāro. Asassatādīsupi eseva nayo. Ettha ca paṭhamavādena cattāro sassatavādā vuttā, dutiyavādena satta ucchedavādā.

Nanu cete heṭṭhā āgatā, idha kasmā puna gahitāti. Heṭṭhā tattha tattha mato tattha tattheva ucchijjatīti dassanattam āgatā. Idha pana pubbenivāsālābhī diṭṭhigatiko atītam passati, na anāgataṃ, tassa evaṃ hoti “pubbantato āgato attā idheva ucchijjati, ito paraṃ na gacchatī”ti imassatthassa dassanattam gahitā. Tatiyavādena cattāro ekaccasassatavādā vuttā, catutthavādena cattāro amarāvikkhepikā vuttā. **Antavāti** sapariyanto paricchinnō parivaṭṭumo. Avaḍḍhitakasiṇassa taṃ kasiṇam attāti ca lokoti ca gahetvā evaṃ hoti. Dutiyavādo vaḍḍhitakasiṇassa vasena vutto, tatiyavādo tiriyaṃ vaḍḍhetvā uddhamadho avaḍḍhitakasiṇassa, catutthavādo takkivasena vutto. Anantaracatukkaṃ heṭṭhā vuttanayameva.

**Ekantasukhīti** nirantarasukhī. Ayaṃ diṭṭhi lābhijātissaratakkīnaṃ vasena uppajjati. Lābhino hi pubbenivāsāññāna khattiyādīkule ekantasukhameva attano jātiṃ anussarantassa evaṃ diṭṭhi uppajjati. Tathā jātissarassa paccuppannaṃ sukhamanubhavato atītasu sattasu jātīsu tādisameva attabhāvaṃ anussarantassa. Takkissa pana idha sukhasamaṅgino “atītepāhaṃ evameva aho”nti takkeneva uppajjati.

**Ekantadukkhīti** ayaṃ diṭṭhi lābhino nuppajjati. So hi ekanteneva idha jhānasukhena sukhī hoti.

Idha dukkhena phuṭṭhassa pana jātissarassa takkisseva ca sā uppajjati. Tatiyā idha vokiṇṇasukhadukkhānaṃ sabbesampi tesam uppajjati, tathā catutthā diṭṭhi. Lābhino hi idāni catutthajjhānavasena adukkhamasukhassa, pubbe catutthajjhānikameva brahmalokaṃ anussarantassa. Jātissarassāpi paccuppanne majjhataṃ, anussarantassāpi majjhatabhūtaṭṭhānameva anussarantassa, takkinopi paccuppanne majjhataṃ, atītepi evaṃ bhavissatīti takkeneva gaṇhantassa eṣā diṭṭhi uppajjati. Ettāvata cattāro sassatavādā, cattāro ekaccasassatikā, cattāro antānantikā, cattāro amarāvikkhepikā, dve adhicca-samuppannikāti aṭṭhārasapi pubbantakappikā kathitā honti.

**28.** Idāni diṭṭhuddhāraṃ uddharanto **tatra, bhikkhavi**tiādīmāha. Tattha **paccattamyeva nānanti** paccakkhañānaṃ. **Parisuddhanti** nirupakkilesaṃ. **Pariyodātanti** pabhassaraṃ. Sabbapadehi vipassanāñānaṃyeva kathitaṃ. Saddhādayo hi pañca dhammā bāhiraṃsamayasmimpi honti, vipassanāñānaṃ sāsanaṃsmiṃyeva. **Tattha nānabhāgamattameva pariyo**dapenti mayamidaṃ jānāmāti evaṃ tattha nānakoṭṭhāsaṃ otārentiyeva. **Upādānamakkhāyatīti** na taṃ nānaṃ, micchādassanaṃ nāmetaṃ, tasmā tadapi tesam bhavantānaṃ diṭṭhupādānaṃ akkhāyatīti attho. Athāpi taṃ jānanaṃmattalakkhaṇattā nānabhāgamattameva, tathāpi tassa dassanassa anupātivattanato upādānapaccayato ca upādānameva. **Tadupātivattoti** taṃ diṭṭhiṃ atikkanto. Ettāvata cattāro sassatavādā, cattāro ekaccasassatikā, cattāro antānantikā, cattāro amarāvikkhepikā, dve adhiccasaṃuppannikā, soḷasa saññivādā, aṭṭha asaññivādā, aṭṭha nevasaññināsaññivādā, satta ucchedavādā, pañca diṭṭhadhammanibbānavādāti brahmajāle āgatā dvāsaṭṭhipi diṭṭhiyo kathitā honti. Brahmajāle pana kathite idaṃ suttaṃ akathitameva hoti. Kasmā? Idha tato atirekāya sakkāyadiṭṭhiyā āgatattā. Imasmiṃ pana kathite brahmajālaṃ kathitameva hoti.

**30.** Idāni imā dvāsaṭṭhi diṭṭhiyo uppajjamānā sakkāyadiṭṭhipamukheneva uppajjantīti dassetaṃ **idha, bhikkhave, ekaccoti**ādīmāha. Tattha **paṇinissaggāti** pariccāgena. **Kāmasaṃyojanānaṃ anadhiṭṭhānāti** pañcakāmaguṇataṇhānaṃ nissaṭṭhattā. **Pavivekaṃ pītinti** sappītikajjhānadvayaṃpītiṃ. **Nirujjhatīti** jhānanirodhena nirujjhati. Samāpattito pana vuṭṭhitassa niruddhā nāma hoti. Yatheva hi “adukkhamasukhāya vedanāya nirodhā uppajjati nirāmisam sukhaṃ, nirāmisasukhassa nirodhā uppajjati adukkhamasukhā vedanā”ti ettha na ayamatto hoti – catutthajjhānanirodhā tatiyajjhānaṃ upasampajja viharatīti. Ayaṃ panettha attho – catutthajjhānā vuṭṭhāya tatiyaṃ jhānaṃ samāpajjati, tatiyajjhānā vuṭṭhāya catutthaṃ jhānaṃ samāpajjati, evaṃsampaḍamidaṃ veditabbaṃ. **Uppajjati domanassanti** hīnajjhānapariyādānakadomanassaṃ. Samāpattito vuṭṭhitacittassa pana kammanīyabhāvo kathito.

**Pavivekā pītīti** sā eva jhānadvayaṃpīti. **Yaṃ chāyā jahatīti** yaṃ ṭhānaṃ chāyā jahati. **Kim vuttaṃ** hoti? Yasmiṃ ṭhāne chāyā atthi, tasmīṃ ātapo natthi. Yasmiṃ ātapo atthi, tasmīṃ chāyā natthīti.

**31. Nirāmisam sukhanti** tatiyajjhānasukhaṃ.

**32. Adukkhamasukhanti** catutthajjhānavedanam.

**33. Anupādānohamasmīti** niggahaṇo ahamasmi. **Nibbānasappāyanti** nibbānassa sappāyaṃ upakārahūtaṃ. Nanu ca maggadassanaṃ nāma sabbattha nikantiyā sukkhāpitāya uppajjati, kathametaṃ nibbānassa upakārapaṭipadā nāma jātanti, sabbattha anupādiyanavasena aggaṇhanavasena upakārapaṭipadā nāma jātaṃ. **Abhivadatīti** abhimānena upavadati. **Pubbantānudiṭṭhinti** aṭṭhārasavidhampi pubbantānudiṭṭhiṃ. **Aparantānudiṭṭhinti** catucattārisavidhampi aparantānudiṭṭhiṃ. **Upādānamakkhāyatīti** ahamasmīti gahaṇassa sakkāyadiṭṭhipariyāpannattā diṭṭhupādānaṃ akkhāyati.

**Santivarapadanti** vūpasantakilesattā santaṃ uttamapadaṃ. **Channaṃ phassāyatanānanti** bhagavatā “yattha cakkhu ca nirujjhati rūpasaññā ca nirujjhati so āyatano veditabbo”ti ettha dvinnam āyatanānaṃ paṭikkhepena nibbānaṃ dassitaṃ.



“Yattha āpo ca pathavī, tejo vāyo na gādhati;  
Ato sarā nivattanti, ettha vaṭṭaṃ na vattati;  
Ettha nāmañca rūpañca, asesam uparujjhatī”ti. (saṃ. ni. 1.27) –

Ettha pana saṅkhārapaṭikkhepena nibbānaṃ dassitaṃ.

“Kattha āpo ca pathavī, tejo vāyo na gādhati;  
Kattha dīghañca rassañca, aṇuṃ thūlaṃ subhāsubhaṃ;  
Kattha nāmañca rūpañca, asesam uparujjhatī”ti. (dī. ni. 1.498);

Tatra veyyākaraṇaṃ bhavati –

“Viññānaṃ anidassanaṃ, anantaṃ sabbato pabha”nti –

Ettha saṅkhārapaṭikkhepena nibbānaṃ dassitaṃ. Imasmiṃ pana sutte chaāyatanapaṭikkhepena dassitaṃ. Aññattha ca **anupādāvimokkhoti** nibbānameva dassitaṃ, idha pana arahattaphalasaṃpatti. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Pañcattayasuttavaṇṇanā niṭṭhitā.

### 3. Kintisuttavaṇṇanā

**34. Evaṃ me sutanti** kintisuttaṃ. Tattha **pisinārāyanti** evaṃnāmake maṇḍalapadese. **Baliharaneṭi** tasmīṃ vanasaṇḍe bhūtānaṃ balim āharanti, tasmā so baliharaṇanti vutto. **Cīvarahetūti** cīvarakāraṇā, cīvaraṃ paccāsīsamānoti attho. **Itibhavābhavahetūti** evaṃ imaṃ desanāmayam puññakiriyavatthum nissāya tasmīṃ tasmīṃ bhava sukhaṃ vedissāmīti dhammaṃ desetīti kiṃ tumhākaṃ evaṃ hotīti attho.

**35. Cattāro satipaṭṭhānāti**ādayo sattatiṃsa bodhipakkhiyadhammā lokiyalokuttarāva kathitā. **Tatthāti** tesu sattatiṃsāya dhammesu. **Siyamsūti** bhavyeyyūṃ. **Abhidhammeti** viṣiṭṭhe dhamme, imesu sattatiṃsabodhipakkhiyadhammesūti attho. **Tatra ceti** idampi bodhipakkhiyadhammesveva bhummaṃ. **Atthato ceva nānaṃ byañjanato cāti** ettha “kāyova satipaṭṭhānaṃ vedanāva satipaṭṭhāna”nti vutte atthato nānaṃ hoti, “satipaṭṭhānā”ti vutte pana byañjanato nānaṃ nāma hoti. **Tadamināpīti** taṃ tumhe imināpi kāraṇena jānāthāti atthañca byañjanañca samānetvā athassa ca aññathā gahitabhāvo byañjanassa ca micchā ropitabhāvo dassetabbo. **Yo dhammo yo vinayoti** ettha atthañca byañjanañca viññāpanakāraṇameva dhammo ca vinayo ca.

**37. Atthato hi kho sametīti** satiyeva satipaṭṭhānanti gahitā. **Byañjanato nānanti** kevalam byañjanameva satipaṭṭhānoti vā satipaṭṭhānāti vā micchā ropetha. **Appamattakaṃ khoti** suttantaṃ patvā byañjanaṃ appamattakaṃ nāma hoti. Parittamattaṃ dhanitaṃ katvā ropitepi hi nibbutiṃ pattuṃ sakkā hoti.

Tatridaṃ vatthu – vijayārāma vihāravāsī kireko khīṇāsavatto dvinnaṃ bhikkhūnaṃ suttaṃ āharitvā kammaṭṭhānaṃ kathento – “samuddho samuddhoti, bhikkhave, assutavā puthujjano bhāsati”ti dhanitaṃ katvā āha. Eko bhikkhu “samuddho nāma, bhante”ti āha. Āvuso, samuddhoti vuttepi samuddoti vuttepi mayam loṇasāgarameva jānāma, tumhe pana no atthagavesakā, byañjanagavesakā, gacchatha mahāvihāre paṇḍabyañjanānaṃ bhikkhūnaṃ santike byañjanaṃ sodhāpethāti kammaṭṭhānaṃ akathetvāva uṭṭhāpesi. So aparabhāge mahāvihāre bheriṃ paharāpetvā bhikkhusaṅghassa catūsu maggesu pañhaṃ kathetvāva parinibbuto. Evaṃ suttantaṃ patvā byañjanaṃ appamattakaṃ nāma hoti.

Vinayaṃ pana patvā no appamattakaṃ. Sāmaṇerapabbajjāpi hi ubhatosuddhito vaṭṭati, upasampadādikammānīpi sithilādīnaṃ dhanitādikaraṇamatteneva kuppanti. Idha pana suttantabyañjanaṃ sandhāyetaṃ vuttaṃ.

**38.** Atha catutthavāre vivādo kasmā? Saññāya vivādo. “Ahaṃ satimeva satipaṭṭhānaṃ vadāmi, ayaṃ ‘kāyo satipaṭṭhāna’nti vadati”ti hi nesamaññā hoti. Byañjanepi eseva nayo.

**39. Na codanāya taritabbanti** na codanathāya vegāyitabbaṃ. Ekacco hi puggalo “nalāte te sāsapamattā piḷakā”ti vutto “mayhaṃ nalāte sāsapamattaṃ piḷakaṃ passasi, attano nalāte tālapakkamattaṃ mahāgaṇḍaṃ na passasi”ti vadati. Tasmā puggalo upaparikkhitabbo. **Adalhaditṭhī** anādānadiṭṭhī suṃsumāraṃ hadaye pakkhipanto viya daḷhaṃ na gaṇhāti.

**Upaghātoti** caṇḍabhāvena vaṇaghaṭṭitassa viya dukkhuppatti. **Suppaṭinissaggīti** “kiṃ nāma ahaṃ āpanno, kadā āpanno”ti vā “tvaṃ āpanno, tava upajjhāyo āpanno”ti vā ekaṃ dve vāre vatvāpi “asukamañña asukadivase nāma, bhante, āpannattha, saṅkamañña anussarathā”ti saritvā tāvadeva vissajjati. **Vihesāti** bahuṃ atthañña kāraṇaṇa āharantassa kāyacittakilamatho. **Sakkomīti** evarūpo hi puggalo okāsaṃ kāretvā “āpattiṃ āpannattha, bhante”ti vutto “kadā kismiṃ vatthusmi”nti vatvā “asukadivase asukasmim vatthusmi”nti vutte “na sarāmi, āvuso”ti vadati, tato “saṅkamañña, bhante, sarathā”ti bahuṃ vatvā sārīto saritvā vissajjati. Tenāha “sakkomī”ti. Iminā nayena sabbattha attho veditabbo.

**Upekkhā nātimaññitabbāti** upekkhā na atikkamitabbā, kattabbā janetabbāti attho. Yo hi evarūpaṃ puggalaṃ ṭhitakāmyeva passāvaṃ karontaṃ disvāpi “nanu, āvuso, nisīditabba”nti vadati, so upekkhaṃ atimaññīti nāma.

**40. Vacīsamhāroti** vacanasañcāro. Imehi kathitaṃ amūsaṃ antaraṃ paveseyya, tumhe imehi idañcīdañña vuttāti amūhi kathitaṃ imesaṃ antaraṃ paveseyyāti attho. **Diṭṭhipaḷāsoti**ādīhi cittaṃ anārādhanīyabhāvo kathito. **Taṃ jānamāno samāno garaheyyāti** taṃ satthā jānamāno samāno nindeyya amheti. **Etaṃ panāvuso, dhammanti** etaṃ kalahabhaṇḍanadhammaṃ.

**Taṅceti** taṃ saññattikāraṃ bhikkhuṃ. **Evaṃ byākareyyāti** mayā ete suddhante patiṭṭhāpitāti avatvā yena kāraṇena saññīti katā, tadeva dassento evaṃ byākareyya. **Tāhaṃ dhammaṃ sutvāti** ettha **dhammoti** sārāṇīyadhammo adhippeto. **Na ceva attānanti**ādīsu “brahmalokappamañño hesa aggi utṭhāsī, ko etamaññātra mayā nibbāpetuṃ samattho”ti hi vadanto attānaṃ ukkaṃseti nāma. “Ettakā jānā vicaranti, okāso laddhuṃ na sakkā, ekopi ettakamattaṃ nibbāpetuṃ samattho nāma natthī”ti vadamāno paraṃ vambheti nāma. Tadubhayampesa na karoti. **Dhammo** panettha sammāsambuddhassa byākaraṇaṃ, tesamañña bhikkhūnaṃ saññattikaraṇaṃ **anudhammo**, tadeva **byākāroti nāma. Na ca koci sahadhammikoti** añño cassa koci sahetuko parehi vutto vādo vā anuvādo vā garahitabbabhāvaṃ āgacchanta nāma natthī. Sesamañña sabbattha uttānamevāti.

Papañcasūdaniyā majjhimanīkāyaṭṭhakathāya

Kintisuttavaṇṇanā niṭṭhitā.

#### 4. Sāmagāmasuttavaṇṇanā

**41. Evaṃ me sutanti** sāmagāmasuttaṃ. Tattha **sāmagāmeti** sāmākānaṃ ussannattā evaṃladdhanāme gāme. **Adhunā kālaṅkatoti** sampati kālaṃ kato. **Dvedhikajātāti** dvejjhajātā dvebhāgajātā. Bhaṇḍanādīsu **bhaṇḍanaṃ** pubbhāgakalaho, taṃ daṇḍādānādivasena paṇṇattivītikamavasena ca vaddhitaṃ **kalaho**, “na tvaṃ imaṃ dhammavinayaṃ ājānāsī”tiādīkaṃ viruddhavaṇṇanaṃ **vivādo. Vitudantāti** vitujjantā. **Sahitaṃ meti** mama vacanaṃ atthasamhitamañña.

**Adhiciṇṇaṃ te viparāvattanti** yaṃ tava adhiciṇṇaṃ cirakālasevanavasena paguṇaṃ, taṃ mama vādaṃ āgamma nivattaṃ. **Āropito te vādoti** tuyhaṃ upari mayā doso āropito. **Cara vādappamokkhāyāti** bhattapuṇaṃ ādāya taṃ taṃ upasaṅkamitvā vādappamokkhatthāya uttari pariyesamāno cara. **Nibbeṭhehi vāti** atha mayā āropitavādato attānaṃ mocehi. **Sace pahosīti** sace sakkosi. **Vadhoyevāti** maraṇameva.

**Nāṭaputtiyesūti** nāṭaputtassa antevāsikesu. **Nibbinnarūpāti** ukkaṅṭhitasabhāvā, abhivādanādīni na karonti. **Virattarūpāti** vigatapemā. **Paṭivānarūpāti** tesam nippaccakiriyato nivattasabhāvā. **Yathā tanti** yathā ca durakkhātādisabhāve dhammavinaye nibbinnavirattapaṭivānarūpehi bhavitabbaṃ, tatheva jātāti attho. **Durakkhāteti** dukkathite. **Duppavediteti** duviññāpīte. **Anupasamasamvattaniketi** rāgādīnaṃ upasamaṃ kātuṃ asamatto. **Bhinnathūpeti** bhinnapatiṭṭhe. Ettha hi nāṭaputtova nesam patiṭṭhena thūpo, so pana bhinnno mato. Tena vuttaṃ “bhinnathūpe”ti. **Appaṭisaraṇeti** tasseva abhāvena paṭisaraṇavirahite.

Nanu cāyaṃ nāṭaputto nālandavāsiko, so kasmā pāvāyaṃ kālaṃkatoti. So kira upālinā gahapatinā paṭividdhasaccena dasahi gāthāhi bhāsīte buddhaguṇe sutvā uṇhaṃ lohitaṃ chaḍḍesi. Atha naṃ aphāsukaṃ gahetvā pāvaṃ agamaṃsu, so tattha kālamakāsi. Kālaṃ kurumāno ca “mama laddhi aniyyānikā sārarahitā, mayam tāva naṭṭhā, avasesajano mā apāyapūraho aho. Sace panāhaṃ ‘mama sāsanaṃ aniyyānika’nti vakkhāmi, na saddahissanti. Yaṃnūnāhaṃ dvepi jane na ekañihārena uggaṇhāpeyyaṃ, te mamaccayena aññamaññaṃ vivadissanti. Satthā taṃ vivādaṃ paṭicca ekaṃ dhammakathaṃ kathessati, tato te sāsanaṃ mahantabhāvaṃ jātissanti”ti.

Atha naṃ eko antevāsiko upasaṅkamitvā āha “bhante, tumhe dubbalā, mayhaṃ imasmiṃ dhamme sāraṃ ācikkhatha ācariyappamaṇa”nti. Āvuso, tvaṃ mamaccayena sassatanti gaṇheyyāsīti. Aparopi taṃ upasaṅkami, taṃ ucchedaṃ gaṇhāpesi. Evaṃ dvepi jane ekaladdhike akatvā bahū nāñihārena uggaṇhāpetvā kālamakāsi. Te tassa sarīrakiccaṃ katvā sannipatitvā aññamaññaṃ pucchimsu “kassāvuso, ācariyo sāramācikkhī”ti? Eko utṭahitvā mayhanti āha. Kiṃ ācikkhīti? Sassatanti. Aparo taṃ paṭibāhitvā mayhaṃ sāraṃ ācikkhīti āha. Evaṃ sabbe “mayhaṃ sāraṃ ācikkhī, ahaṃ jeṭṭhako”ti aññamaññaṃ vivādaṃ vaḍḍhetvā akkose ceva paribhāse ca hatthapādapahārādīni ca pavattetvā ekamaggena dve agacchantā nāñadisāsu pakkamimsu, ekacce gihī ahesuṃ.

Bhagavato pana dharamānakālepi bhikkhusaṅge vivādo na uppajji. Satthā hi tesam vivādakāraṇe uppannamattheyeva sayam vā gantvā te vā bhikkhū pakkosāpetvā khanti mettā paṭisaṅkhā avihimsā sārāṇiyadhammesu ekaṃ kāraṇaṃ kathetvā vivādaṃ vūpasameti. Evaṃ dharamānopi saṅghassa patiṭṭhāva aho. Parinibbāyamānopi avivādakāraṇaṃ katvāva parinibbāyi. Bhagavatā hi sutte desitā cattāro mahāpadesā (a. ni. 4.180; dī. ni. 2.187) yāvajjadivasā bhikkhūnaṃ patiṭṭhā ca avassayo ca. Tathā khandhake desitā cattāro mahāpadesā (mahāva. 305) sutte vuttāni cattāri pañhabyākaraṇāni (a. ni. 4.42) ca. Tenevāha – “yo vo mayā, ānanda, dhammo ca vinayo ca desito paññatto, so vo mamaccayena satthā”ti (dī. ni. 2.216).

**42. Atha kho cundo samaṇuddesoti** ayaṃ thero dhammasenāpatissa kaniṭṭhabhātiko. Taṃ bhikkhū anupasampannakāle cundo samaṇuddesoti samudācaritvā therakālepi tatheva samudācarimsu. Tena vuttaṃ “cundo samaṇuddeso”ti. **Upasaṅkamīti** kasmā upasaṅkami? Nāṭaputte kira kālaṃkate jambudīpe manussā tattha tattha kathaṃ pavattayimsu – “nigaṇṭho nāṭaputto eko satthāti paññāyittha, tassa kālakiriyāya sāvakanāṃ evarūpo vivādo jāto, samaṇo pana gotamo jambudīpe cando viya sūriyo viya ca pākātoyeva, kīdiso nu kho samaṇe gotame parinibbute sāvakanāṃ vivādo bhavissati”ti. Thero taṃ kathaṃ sutvā cintesi – “imaṃ kathaṃ gahetvā dasabalassa ārocessāmi, satthā ca etaṃ atthupattim katvā ekaṃ desanaṃ kathessati”ti. So nikkhamitvā yena sāmagāmo, yenāyasmā ānando tenupasamkamīti. Ujumeva bhagavato santikaṃ agantvā yenassa upajjhāyo āyasmā ānando tenupasamkamīti attho. Evaṃ kirassa aho – “upajjhāyo me mahāpañño, so imaṃ sāsanaṃ satthu ārocessati, atha satthā tadanurūpaṃ dhammaṃ desessati”ti. **Kathāpābhatanti** kathāmūlaṃ, mūlañhi pābhatanti vuccati. Yathāha –

“Appakenapi medhāvī, pābhatena vicakkhaṇo;  
Samuṭṭhāpeti attānaṃ, aṇuṃ aggaṃva sandhama”nti. (jā. 2.1.4);

**Dassanāyāti** dassanattāya. Kiṃ paniminā bhagavā na diṭṭhapubboti? No na diṭṭhapubbo, ayañhi āyasmā divā nava vāre rattim nava vāreti ekāhaṃ aṭṭhārasa vāre upaṭṭhānameva gacchati. Divasassa pana satakkhattuṃ vā sahaṣṣakkhattuṃ vā gantukāmo samānopi na akāraṇā gacchati, ekaṃ pañhuddhāraṃ gahetvāva gacchati. So taṃdivasaṃ tena gantukāmo evamāha.

**Ahitāya dukkhāya devamanussānanti** ekasmiṃ vihāre saṅghamajjhe uppanno vivādo kathaṃ devamanussānaṃ ahitāya dukkhāya saṃvattati? Kosambakakkhandhake (mahāva. 451) viya hi dvīsu bhikkhūsu vivādaṃ āpannesu tasmim vihāre tesam antevāsikā vivadanti, tesam ovādaṃ gaṇhanto bhikkhunisaṅgho vivadati, tato tesam upaṭṭhākā vivadanti, atha manussānaṃ ārakkhadevatā dve koṭṭhāsā honti. Tattha dhammavādīnaṃ ārakkhadevatā dhammavādīniyo honti, adhammavādīnaṃ adhammavādīniyo honti. Tato tāsam ārakkhadevatānaṃ mittā bhummadevatā bhijjanti. Evaṃ paramparāya yāva brahmalokā ṭhapetvā ariyasāvake sabbe devamanussā dve koṭṭhāsā honti. Dhammavādīhi pana adhammavādīnova bahutarā honti, tato yaṃ bahūhi gahitaṃ, taṃ gaṇhanti. Dhammaṃ vissajjetvā bahutarāva adhammaṃ gaṇhanti. Te adhammaṃ pūretvā viharantā apāye nibbattanti. Evaṃ ekasmiṃ vihāre saṅghamajjhe uppanno vivādo bahūnaṃ ahitāya dukkhāya hoti.

**43. Abhiññā desitāti** mahābodhimūle nisinnena paccakkhaṃ katvā paveditā. **Patissayamānarūpā viharantīti** upanissāya viharanti. **Bhagavato accayenāti** etarahi bhagavantaṃ jeṭṭhakaṃ katvā sagārāvā viharanti, tumhākaṃ, bhante, uggatejatāya durāsadatāya vivādaṃ janetuṃ na sakkonti, bhagavato pana accayena vivādaṃ janeyyunti vadati. Yattha pana taṃ vivādaṃ janeyyūṃ, taṃ dassento **ajjhājīve vā adhipātīmokkhe vāti** āha. Tattha **ajjhājīveti** ājīvahetu ājīvakāraṇā – “bhikkhu uttarimanussadhammaṃ ullapati āpatti pārājikassā”tiādīnā (pari. 287) nayena parivāre paññattāni cha sikkhāpadāni, tāni ṭhapetvā sesāni sabbasikkhāpadāni **adhipātīmokkhaṃ** nāma. **Appamattako so ānandāti** ajjhājīvaṃ adhipātīmokkhaṃ ārabha uppannavivādo nāma yasmā parassa kathāyapi attano dhammatāyapi sallakkhetvā suppajaho hoti, tasmā “appamattako”ti vutto.

Tatrāyaṃ nayo – idhekacco “na sakkā uttarimanussadhammaṃ anullapantena kiñci laddhu”ntiādīni cintetvā ājīvahetu uttarimanussadhammaṃ vā ullapati sañcarittaṃ vā āpajjati, yo te vihāre vasati, so bhikkhu arahātiādīnā nayena sāmantaṃjappanaṃ vā karoti, agilāno vā attano atthāya paṇītabhojanāni viññāpetvā bhuñjati, bhikkhunī vā pana tāni viññāpetvā pāṭidesanīyaṃ āpajjati, yo koci dukkaṭavattukamaṃ yaṃkiñci sūpodanaviññattimeva vā karoti, aññataraṃ vā pana paṇṇattivītikkamaṃ karonto viharati, tamenam sabrahmacārī evaṃ sañjānanti – “kiṃ imassa iminā lābhena laddhena, yo sāsane pabbajitvā micchājīvena jīvikaṃ kappeti, paṇṇattivītikkamaṃ karotī”ti. Attano dhammatāyapissa evaṃ hoti – “kissa mayhaṃ iminā lābhena, yvāhaṃ evaṃ svākkhāte dhammavinaye pabbajitvā micchājīvena jīvikaṃ kappemi, paṇṇattivītikkamaṃ karomī”ti sallakkhetvā tato oramati. Evaṃ parassa kathāyapi attano dhammatāyapi sallakkhetvā suppajaho hoti. Tena bhagavā “appamattako”ti āha.

**Magge vā hi, ānanda, paṭipadāya vāti** lokuttaramaggaṃ patvā vivādo nāma sabbaso vūpasammati, natthi adhigatamaggānaṃ vivādo. Pabbabhāgamaggaṃ pana pabbabhāgapāṭipadañca sandhāyetaṃ vuttaṃ.

Tatrāyaṃ nayo – evaṃ bhikkhuṃ manussā lokuttaradhamme sambhāventi. So saddhivihārikādayo āgantvā vanditvā ṭhite pucchati “kiṃ āgatattā”ti. Manasikātabbakammaṭṭhānaṃ pucchituṃ, bhanteti. Nisīdatha, khaṇeneva arahattaṃ pāpetuṃ samatthakammaṭṭhānakathaṃ ācikkhissāmīti vatvā vadati – “idha bhikkhu attano vasanaṭṭhānaṃ pavisitvā nisinnā mūlakammaṭṭhānaṃ manasi karoti, tassa taṃ manasikaroto obhāso uppajjati. Ayaṃ paṭhamamaggo nāma. So dutiyaṃ obhāsaññaṃ nibbatteti, dutiyamaggo adhigato hoti, evaṃ tatiyañca catutthañca. Ettāvataṃ maggappatto ceva phalappatto ca hotī”ti. Atha te bhikkhū “akhīṇāsavo nāma evaṃ kammaṭṭhānaṃ kathetuṃ na sakkoti, addhāyaṃ

khīṇāsavo’’ti niṭṭhaṃ gacchanti.

So aparena samayena kālaṃ karoti. Samantā bhikkhācāragāmehi manussā āgantvā pucchanti “kenaci, bhante, thero pañhaṃ pucchito’’ti. Upāsakā pubbeva therena pañho kathito amhākanti. Te pupphamaṇḍapaṃ pupphakūṭāgāraṃ sajjetvā suvaṇṇena akkhipidhānamukhapidhānādiṃ karitvā gandhamālādīhi pūjetvā sattāhaṃ sādhuṅṅikāṃ kīletvā jhāpetvā aṭṭhīni ādāya cetiyaṃ karonti. Aññe āgantukā vihāraṃ āgantvā pāde dhovivā “mahātheraṃ passissāma, kahaṃ, āvuso, mahāthero’’ti pucchanti. Parinibbuto, bhanteti. Dukkaraṃ, āvuso, therena kataṃ maggaphalāni nibbattentena, pañhaṃ pucchittha, āvusoti. Bhikkhūnaṃ kammaṭṭhānaṃ kathento iminā niyāmena kathesi, bhanteti. Na eso, āvuso, maggo, vipassanupakkilesa nāmesa, na tumhe jānittha, puthujjano, āvuso, theroti. Te kalahaṃ karontā uṭṭhahitvā “sakalavihāre bhikkhū ca bhikkhācāragāmesu manussā ca na jānanti, tumheyeva jānātha. Kataramaggena tumhe āgatā, kiṃ vo vihāradvāre cetiyaṃ na diṭṭha’’nti. Evaṃvādīnaṃ pana bhikkhūnaṃ sataṃ vā, hotu sahasaṃ vā, yāva taṃ laddhiṃ nappajahanti, saggopi maggopi vāritoyeva.

Aparopi tādisova kammaṭṭhānaṃ kathento evaṃ katheti – citteneva tīsu uddhānesu tīhi kapallāni āropetvā heṭṭhā aggim katvā citteneva attano dvattiṃsākāraṃ uppāṭetvā kapallesu pakkhipitvā citteneva daṇḍakena parivattetvā parivattetvā bhajjitabbaṃ, yā jhāyamāne chārikā hoti, sā mukhavātena palāsetabbā. Ettakena dhūtapāpo nāmesa samaṇo hoti. Sesā purimanayeneva vitthāretabbaṃ.

Aparo evaṃ katheti – citteneva mahācāṭiṃ ṭhapetvā matthiṃ yojetvā citteneva attano dvattiṃsākāraṃ uppāṭetvā tattha pakkhipitvā matthiṃ otāretvā manthitabbaṃ. Mathiyamānaṃ vilīyati, vilīne upari pheṇo ugacchati. So pheṇo paribhuñjitabbo. Ettāvātā vo amataṃ paribhuttaṃ nāma bhavissati. Ito paraṃ “atha te bhikkhū’’tiādi sabbaṃ purimanayeneva vitthāretabbaṃ.

44. Idāni yo evaṃ vivādo uppajjeyya, tassa mūlaṃ dassento **chayimānī**tiādimāha. Tattha **agāravoti** gāravavirahito. **Appatissoti** appatissayo anīcavutti. Ettha pana yo bhikkhu satthari dhāraṃ tīsu kālesu upaṭṭhānaṃ na yāti, satthari anupāhane caṅkamante saupāhano caṅkamati, nīce caṅkame caṅkamante ucce caṅkame caṅkamati, heṭṭhā vasante upari vasati, satthu dassanaṭṭhāne ubho aṃse pārupati, chattaṃ dhāreti, upāhanaṃ dhāreti, nhānatitthe uccāraṃ vā passavaṃ vā karoti, parinibbuto vā pana cetiyaṃ vanditūṃ na gacchati, cetiyassa paññānaṭṭhāne satthudassanaṭṭhāne vuttaṃ sabbaṃ karoti, aññehi ca bhikkhūhi “kasmā evaṃ karosi, na idaṃ vaṭṭati, sammāsabuddhassa nāma lajjitūṃ vaṭṭatī’’ti vutte “tūṇhī hoti, kiṃ buddho buddhoti vadasi’’ti bhaṇati, ayaṃ **satthari agāravo** nāma.

Yo pana dhammassavane saṅghuṭṭhe sakkaccaṃ na gacchati, sakkaccaṃ dhammaṃ na suṇāti, niddāyati vā sallapento vā nisīdati, sakkaccaṃ na gaṇhāti na dhāreti, “kiṃ dhamme agāraṃ karosi’’ti vutte “tūṇhī hoti, dhammo dhammoti vadasi, kiṃ dhammo nāmā’’ti vadati, ayaṃ **dhamme agāravo** nāma.

Yo pana therena bhikkhūnaṃ anajjhīṭṭho dhammaṃ deseti, nisīdati pañhaṃ katheti, vuḍḍhe bhikkhū ghaṭṭento gacchati, tiṭṭhati nisīdati, dussapallatthikaṃ vā hatthapallatthikaṃ vā karoti, saṅghamajjhe ubho aṃse pārupati, chattaṃ pāhanaṃ dhāreti, “bhikkhusaṅghassa lajjitūṃ vaṭṭatī’’ti vuttepi “tūṇhī hoti, saṅgho saṅghoti vadasi, kiṃ saṅgho, migasaṅgho ajasaṅgho’’tiādi vadati, ayaṃ **saṅghe agāravo** nāma. Ekabhikkhusmimpi hi agārove kate saṅghe katoyeva hoti. Tisso sikkhā pana aparipūrayamānova **sikkhāya na paripūrakārī** nāma.

**Ajjhattaṃ vāti** attani vā attano parisāya vā. **Bāhiddhāti** parasmim vā parassa parisāya vā.

46. Idāni ayaṃ cha ṭhānāni nissāya uppannavivādo vaḍḍhanto yāni adhikaraṇāni pāpuṇāti, tāni dassetuṃ **cattārimānī**tiādimāha. Tattha vūpasamanatthāya pavattamānehi samathehi adhikātabbānī **adhikaraṇāni**. Vivādova adhikaraṇaṃ **vivādādhikaraṇaṃ**. Itaresupi eseva nayo.

Idāni imānīpi cattāri adhikaraṇāni patvā upari vaḍḍhento so vivādo yehi samathehi vūpasammati, tesam dassanattam **satta kho panimeti**ādīmāha. Tattha adhikaraṇāni samenti vūpasamentīti **adhikaraṇasamathā**. **Uppannuppannānanti** uppannānaṃ uppannānaṃ. **Adhikaraṇānanti** etesaṃ vivādādhikaraṇādīnaṃ catunnaṃ. **Samathāya vūpasamāyāti** samanattahañceva vūpasamanattahañca. **Sammukhāvinayo dātabbo...pe... tiṇavatthārakoti** ime satta samathā dātabbā.

Tatrāyaṃ vinicchayakathā – adhikaraṇesu tāva dhammoti vā adhammoti vāti aṭṭhārasahi vatthūhi vivadantānaṃ bhikkhūnaṃ yo vivādo, idaṃ **vivādādhikaraṇaṃ** nāma. Sīlavipattiyā vā ācāradiṭṭhiājīvavipattiyā vā anuvadantānaṃ yo anuvādo upavadanā ceva codanā ca, idaṃ **anuvādādhikaraṇaṃ** nāma. Mātikāyaṃ āgatā pañca vibhaṅge dveti satta āpattikkhandhā **āpattādhikaraṇaṃ** nāma. Yaṃ saṅghassa apalokanādīnaṃ catunnaṃ kammānaṃ karaṇaṃ, idaṃ **kiccādhikaraṇaṃ** nāma.

Tattha **vivādādhikaraṇaṃ** dvīhi samathehi sammati sammukhāvinayena ca yebhuyyasikāya ca. Sammukhāvinayeneva sammamānaṃ yasmiṃ vihāre uppannaṃ, tasmīṃyeva vā, aññattha vūpasametum gacchantānaṃ antarāmagge vā, yattha gantvā saṅghassa niyyātitaṃ, tattha saṅghena vā gaṇena vā vūpasametum asakkonte tattheva ubbāhikāya sammatapuggalehi vā vinicchitaṃ sammati. Evaṃ sammamāne pana tasmīṃ yā saṅghasammukhatā dhammasammukhatā, vinayasammukhatā, puggalasammukhatā, ayaṃ **sammukhāvinayo** nāma.

Tattha ca kārakasaṅghassa sāmaggivasena sammukhībhāvo saṅghasammukhatā. Sametabbassa vatthuno bhūtataṃ dhammasammukhatā. Yathā taṃ sametabbaṃ, tattheva samanaṃ vinayasammukhatā. Yo ca vivadati, yena ca vivadati, tesam ubhinnaṃ attapaccatthikānaṃ sammukhībhāvo puggalasammukhatā. Ubbāhikāya vūpasame panettha saṅghasammukhatā parihāyati. Evaṃ tāva sammukhāvinayeneva sammati.

Sace panevampi na sammati, atha naṃ ubbāhikāya sammatā bhikkhū “na mayaṃ sakkoma vūpasametu”nti saṅghasseva niyyānti. Tato saṅgho pañcaṅgasamannāgataṃ bhikkhūnaṃ salākaggāhakaṃ sammannitvā tena gulhakavivaṭakasakaṇṇajappakesu tīsu salākaggāhesu aññataravasena salākaṃ gāhetvā sannipatitaparīsāya dhammavādīnaṃ yebhuyyatāya yathā te dhammavādīno vadanti, evaṃ vūpasantaṃ adhikaraṇaṃ sammukhāvinayena ca yebhuyyasikāya ca vūpasantaṃ hoti. Tattha sammukhāvinayo vuttanayo eva. Yaṃ pana yebhuyyasikāya kamma karaṇaṃ, ayaṃ **yebhuyyasikā** nāma. Evaṃ vivādādhikaraṇaṃ dvīhi samathehi sammati.

**Anuvādādhikaraṇaṃ** catūhi samathehi sammati sammukhāvinayena ca sativinayena ca amūḷhavinayena ca tassapāpiyasikāya ca. Sammukhāvinayeneva sammamānaṃ yo ca anuvadati, yañca anuvadati, tesam vacanaṃ sutvā, sace kāci āpatti natthi, ubho khamāpetvā, sace atthi, ayaṃ nāmettha āpattīti evaṃ vinicchitaṃ vūpasammati. Tattha sammukhāvinayalakkhaṇaṃ vuttanayameva.

Yadā pana khīṇāsavassa bhikkhuno amūlikāya sīlavipattiyā anuddhaṃsitassa sativinayaṃ yācamānassa saṅgho ñatticatutthena kammena sativinayaṃ deti, tadā sammukhāvinayena ca sativinayena ca vūpasantaṃ hoti. Dinne pana sativinaye puna tasmīṃ puggale kassaci anuvādo na ruhati.

Yadā ummattako bhikkhu ummādasena kate assāmaṇake ajjhācāre “saratāyasmā evarūpiṃ āpatti”nti bhikkhūhi vuccamāno – “ummattakena me, āvuso, etaṃ kataṃ, nāhaṃ taṃ sarāmī”ti bhaṇantopi bhikkhūhi codiyamānova puna acodanattāya amūḷhavinayaṃ yāceti, saṅgho cassa ñatticatutthena kammena amūḷhavinayaṃ deti, tadā sammukhāvinayena ca amūḷhavinayena ca vūpasantaṃ hoti. Dinne pana amūḷhavinaye puna tasmīṃ puggale kassaci tappaccayā anuvādo na ruhati.

Yadā pana pārājikena vā pārājikasāmantena vā codiyamānassa aññenāññaṃ paṭicarato pāpussannatāya pāpiyassa puggalassa – “sacāyaṃ acchinnamūlo bhavissati, sammā vattitvā osāraṇaṃ

labhissati, sace chinnamūlo, ayamevassa nāsanā bhavissatī”ti maññamāno saṅgho ñatticatutthena kammena tassapāpiyasikaṃ karoti, tadā sammukhāvinayena ca tassa pāpiyasikāya ca vūpasantaṃ hoti. Evaṃ anuvādādhikaraṇaṃ catūhi samathehi sammati.

**Āpattādhikaraṇaṃ** tīhi samathehi sammati sammukhāvinayena ca paṭiññātakaraṇena ca tiṇavatthārakena ca. Tassa sammukhāvinayeneva vūpasamo natthi. Yadā pana ekassa vā bhikkhuno santike saṅhagaṇamajjhesu vā bhikkhu lahukaṃ āpattiṃ deseti, tadā āpattādhikaraṇaṃ sammukhāvinayena ca paṭiññātakaraṇena ca vūpasammati. Tattha sammukhāvinayo tāva yo ca deseti, yassa ca deseti, tesam sammukhatā. Sesam vuttanayameva. Puggalassa ca gaṇassa ca desanākāle saṅhasammukhatā parihāyati. Yaṃ panettha “ahaṃ, bhante, itthannāmaṃ āpattiṃ apanno”ti ca, āma “passamī”ti ca paṭiññātāya “āyatiṃ saṃvareyyāsī”ti karaṇaṃ, taṃ paṭiññātakaraṇaṃ nāma. Saṅghādisese parivāsādiyācanā paṭiññā, parivāsādīnaṃ dānaṃ paṭiññātakaraṇaṃ nāma.

Dvepakkhajātā pana bhaṇḍanakārakā bhikkhū bahuṃ assāmaṇakaṃ ajjhācāraṃ caritvā puna lajjidhamme uppanne “sace mayaṃ imāhi āpattīhi aññamaññaṃ kāressāma, siyāpi taṃ adhikaraṇaṃ kakkhaḷattāya saṃvatteyyā”ti aññamaññaṃ āpattiyā kārāpane dosaṃ disvā yadā tiṇavatthārakakammaṃ karonti, tadā āpattādhikaraṇaṃ sammukhāvinayena ca tiṇavatthārakena ca sammati. Tatra hi yattakā hatthapāsūpagatā “na me taṃ khamatī”ti evaṃ diṭṭhāvikkammaṃ akatvā “dukkaṭaṃ kammaṃ puna kātabbaṃ kamma”nti na ukkoṭenti, niddampi okkantā honti, sabbesampi ṭhapetvā thullavajjaṇca gihipaṭisaṃyuttaṇca sabbāpattiyo vuṭṭhahanti. Evaṃ āpattādhikaraṇaṃ tīhi samathehi sammati. **Kiccādhikaraṇaṃ** ekena samathena sammati sammukhāvinayeneva.

Imāni cattāri adhikaraṇāni yathānurūpaṃ imehi sattahi samathehi sammanti. Tena vuttaṃ “uppannuppannānaṃ adhikaraṇānaṃ samathāya vūpasamāya sammukhāvinayo dātabbo...pe... tiṇavatthārako”ti. Ayamettha vinicchayanayo, vitthāro pana samathakkhandhake (cūḷava. 185) āgatoyeva. Vinicchayopissa **samantapāsādikāya** vutto.

47. Yo paṇāyaṃ imasmiṃ sutte “idhānanda, bhikkhū vivadantī”tiādiko vitthāro vutto, so etena nayena saṅkhepatova vuttoti veditabbo. Tattha **dhammoti**ādīsu suttantapariyāyena tāva dasa kusalakammaṃpathā **dhammo**, akusalakammaṃpathā **adhammo**. Tathā “cattāro satipaṭṭhānā”ti heṭṭhā āgatā sattatimśa bodhipakkhiyadhammā, tayo satipaṭṭhānā tayo sammappadhānā tayo iddhipādā cha indriyāni cha balāni aṭṭha bojjaṅgā navaṅgiko maggo cāti, cattāro upādānā pañca nīvaraṇānītiādayo saṅkaliṭṭhadhammā cāti ayaṃ adhammo.

Tattha yaṃkiñci ekaṃ adhammakotṭhāsaṃ gahetvā “imaṃ adhammaṃ dhammoti karissāma, evaṃ ambhākaṃ ācariyakulaṃ niyyānikaṃ bhavissati, mayaṇca loke pākaṭā bhavissāmā”ti taṃ adhammaṃ “dhammo aya”nti kathentā dhammoti vivadanti. Tattheva dhammakotṭhāsesu ekaṃ gahetvā “adhammo aya”nti kathentā adhammoti vivadanti.

Vinayapariyāyena pana bhūtena vatthunā codetvā sāretvā yathāpaṭiññāya kātabbakammaṃ **dhammo** nāma, abhūtena pana vatthunā acodetvā asāretvā apaṭiññāya katabbakammaṃ **adhammo** nāma. Tesupi adhammaṃ “dhammo aya”nti kathentā dhammoti vivadanti, “adhammo aya”nti kathentā adhammoti vivadanti.

Suttantapariyāyena pana rāgavinayo dosavinayo mohavinayo saṃvaro pahānaṃ paṭisaṅkhāti ayaṃ **vinayo** nāma, rāgādīnaṃ avinayo asaṃvaro appahānaṃ appaṭisaṅkhāti ayaṃ **avinayo** nāma. Vinayapariyāyena vatthusampatti ñattisampatti anusāvanasampatti sīmasampatti parisasampattīti ayaṃ **vinayo** nāma, vatthuvipatti...pe... parisavipattīti ayaṃ **avinayo** nāma. Tesupi yaṃkiñci avinayaṃ “vinayo aya”nti kathentā vinayoti vivadanti, vinayaṃ avinayoti kathentā avinayoti vivadanti.

**Dhammanetti samanumajjitabbā**ti dhammarajju anumajjitabbā ñāṇena ghaṃsitabbā

upaparikkhitabbā. Sā panesā dhammanetti “iti kho vaccha ime dasa dhammā akusalā dasa dhammā kusalā”ti evaṃ mahāvachchagottasutte (ma. ni. 2.194) āgatāti vuttā. Sā eva vā hotu, yo vā idha dhammoti ca vinayo ca vutto. **Yathā tattha sametīti** yathā tāya dhammanettiyā sameti, “dhammo dhammova hoti, adhammo adhammova, vinayo vinayova hoti, avinayo avinayova”. **Tathā tanti** evaṃ taṃ adhikaraṇaṃ vūpasametabbāṃ. **Ekaccānaṃ adhikaraṇānanti** idha vivādādhikaraṇameva dassitaṃ, sammukhāvinayo pana na kismiñci adhikaraṇe na labbhati.

**48.** Taṃ panetaṃ yasmā dvīhi samathehi sammati sammukhāvinayena ca yebhuyyasikāya ca, tasmā heṭṭhā mātikāya ṭhapitānukkamena idāni sativinayassa vāre pattepi taṃ avatvā vivādādhikaraṇayeva tāva dutiyasamathaṃ dassento **kathañcānanda, yebhuyyasikāti**ādīmāha. Tattha **bahutarāti** antamaso dvīhi tīhipi atirekatarā. Sesamettha heṭṭhā vuttanayeneva veditabbāṃ.

**49.** Idāni heṭṭhā avitthāritaṃ sativinayaṃ ādiṃ katvā vitthāritāvasesasamathe paṭipāṭiyā vitthāretuṃ **kathañcānanda, sativinayoti**ādīmāha. Tattha **pārājikasāmantena vāti** dve sāmantāni khandhasāmantañca āpattisāmantañca. Tattha pārājikāpattikkhandho saṅghādisesāpattikkhandho thullaccaya-pācittiya-pāṭidesanīya-dukkāṭa-dubbhāsītāpattikkhandhoti evaṃ purimassa pacchimakhandhaṃ khandhasāmantaṃ nāma hoti. Paṭhamapārājikkassa pana pubbabhāge dukkāṭaṃ, sesānaṃ thullaccayanti idaṃ āpattisāmantaṃ nāma. Tattha khandhasāmante pārājikasāmantaṃ garukāpatti nāma hoti. **Saratāyasmāti** saratu āyasmā. **Ekaccānaṃ adhikaraṇānanti** idha anuvādādhikaraṇameva dassitaṃ.

**50. Bhāsita-parikkantanti** vācāya bhāsitaṃ kāyena ca parikkantaṃ, parakkamitvā katanti attho. **Ekaccānanti** idhāpi anuvādādhikaraṇameva adhippettaṃ. Paṭiññātakaraṇe “ekaccāna”nti āpattādhikaraṇaṃ dassitaṃ.

**52. Davāti** sahasā. **Ravāti** aññaṃ bhaṇitukāmena aññaṃ vuttaṃ. **Evaṃ kho, ānanda, tassapāpiyasikā hotīti** tassapuggalassa pāpussannatā pāpiyasikā hoti. Iminā kammassa vatthu dassitaṃ. Evarūpassa hi puggalassa kammaṃ kāttabbaṃ. Kammena hi adhikaraṇassa vūpasamo hoti, na puggalassa pāpussannatāya. Idhāpi ca anuvādādhikaraṇameva adhikaraṇanti veditabbāṃ.

**53. Kathañcānanda, tiṇavatthārakoti** ettha idaṃ kammaṃ tiṇavatthārakasadisattā tiṇavatthārakoti vuttaṃ. Yathā hi gūthaṃ vā muttaṃ vā ghaṭṭiyamānaṃ duggandhatāya bādhati, tiṇehi avattharivā suppaṭicchādītassa panassa so gandho na bādhati, evameva yaṃ adhikaraṇaṃ mūlānumūlaṃ gantvā vūpasamiyamānaṃ kakkhaḷattāya vāḷattāya bhedāya saṃvattati, taṃ iminā kammena vūpasantaṃ gūthaṃ viya tiṇavatthārakena paṭicchannaṃ vūpasantaṃ hotīti idaṃ kammaṃ tiṇavatthārakasadisattā tiṇavatthārakoti vuttaṃ. Tassa **idhānanda, bhikkhūnaṃ bhaṇḍanajātānanti**ādivacanena ākāramattameva dassitaṃ, khandhake āgatāyeva panettha kammavācā pamānaṃ. **Ṭhapetvā thullavajjaṃ ṭhapetvā ghipaṭisaṃyuttanti.** Ettha pana **thullavajjanti** thūllavajjaṃ pārājikañceva saṅghādisesañca. **Ghipaṭisaṃyuttanti** gihīnaṃ hīnena khūmsanavambhanadhammikapaṭissavesu āpannā āpatti. **Adhikaraṇānanti** idha āpattādhikaraṇameva veditabbāṃ. Kiccādhikaraṇassa pana vasena idha na kiñci vuttaṃ. Kiñcāpi na vuttaṃ, sammukhāvinayeneva panassa vūpasamo hotīti veditabbo.

**54. Chayime, ānanda, dhammā sāraṇīyāti** heṭṭhā kalahavasena suttaṃ āraddhaṃ, upari sāraṇīyadhama āgatā. Iti yathānusandhināva desanā gatā hoti. Heṭṭhā kosambiyasutte (ma. ni. 1.498-500) pana sotāpattimaggasammādiṭṭhi kathitā, imasmiṃ sutte sotāpattiphalasammādiṭṭhi vuttāti veditabbā. **Aṇunti** appasāvajjaṃ. **Thūlanti** mahāsāvajjaṃ. Sesamettha uttānamevāti.

Papañcasūdaniyā majjhimanikāyaṭṭhakathāya

Sāmagāmasuttavaṇṇanā niṭṭhitā.



## 5. Sunakkhattasuttavaṇṇanā

**55. Evaṃ me sutanti** sunakkhattasuttam. Tattha **aññāti** arahattam. **Byākatāti** khīṇā jātītiādīhi catūhi padehi kathitā. **Adhimānenāti** appatte pattasaññino, anadhigate adhigatasaññino hutvā adhigatam amhehīti mānena byākarimṣu.

**56. Evañcetha sunakkhatta tathāgatassa hotīti** sunakkhatta ettha etesaṃ bhikkhūnaṃ pañhabyākaṛaṇe – “idaṃ thānaṃ etesaṃ avibhūtaṃ andhakāraṃ, tenime anadhigate adhigatasaññino, handa nesaṃ visodhetvā pākaṭam katvā dhammaṃ desemi”ti, evañca tathāgatassa hoti. **Atha ca panidhekacce...pe... tassapi hoti aññathattanti** bhagavā paṭipannakānaṃ dhammaṃ deseti. Yattha pana icchācāre thitā ekacce moghapurisā honti, tatra bhagavā passati – “ime imaṃ pañhaṃ uggahetvā ajānitvāva jānantā viya appatte pattasaññino hutvā gāmanigamādīsu visevamānā vicarissanti, taṃ nesaṃ bhavissati dīgharattam ahitāya dukkhāyā”ti evamassāyaṃ icchācāre thitānaṃ kāraṇā paṭipannakānampi atthāya “dhammaṃ desissāmī”ti uppanassa cittassa aññathābhāvo hoti. Taṃ sandhāyetam vuttam.

**58. Lokāmisādhimuttoti** vaṭṭāmisā-kāmāmisā-lokāmisābhūtesu pañcasu kāmaguṇesu adhimutto tanninno taggaruko tappabbhāro. **Tappatirūpīti** kāmaguṇasabhāgā. **Āneñjapaṭisaṃyuttāyāti** āneñjasamāpattipaṭisaṃyuttāya. **Samseyyāti** katheyya. **Āneñjasamyojanena hi kho visamyyuttoti** āneñjasamāpattisaṃyojanena visamsaṭṭho. **Lokāmisādhimuttoti** evarūpo hi lūkhacīvaradharo mattikāpattam ādāya attano sadisehi katipayehi saddhiṃ paccantajanapadam gacchati, gāmaṃ piṇḍāya pavitṭhakāle manussā disvā “mahāpaṃsukulikā āgatā”ti yāgubhattādīni sampādetvā sakkaccaṃ dānaṃ denti, bhattakicce niṭṭhite anumodanaṃ sutvā – “svepi, bhante, idheva piṇḍāya pavisathā”ti vadanti. Alaṃ upāsakā, ajjāpi vo bahūnaṃ dinnanti. Tena hi, bhante, antovassaṃ idha vaseyyāthāti adhivāsetvā vihāramaggaṃ pucchitvā vihāraṃ gacchanti. Tattha senāsanam gahetvā pattacīvaram paṭisāmenti. Sāyaṃ eko āvāsiko te bhikkhū pucchati “kattha piṇḍāya caritthā”ti? Asukagāmeti. Bhikkhāsampannāti? Āma evarūpā nāma manussānaṃ saddhā hoti. “Ajeva nu kho ete edisā, niccampi edisā”ti? Saddhā te manussā niccampi edisā, te nissāyeva ayaṃ vihāro vaḍḍhatīti. Tato te paṃsukulikā punappunaṃ tesam vaṇṇam kathenti, divasāvasesam kathetvā rattimpī kathenti. Ettāvatā icchācāre thitassa sīsam nikkhantaṃ hoti udaram phālitaṃ. Evaṃ lokāmisādhimutto veditabbo.

**59.** Idāni āneñjasamāpattilābhiṃ adhimānikaṃ dassento **thānaṃ kho panetanti**ādīmāha. **Āneñjādhimuttassāti** kilesasiñcanavirahitāsu heṭṭhimāsu chasu samāpattīsu adhimuttassa tanninnassa taggaruno tappabbhārassa. **Se pavutteti** taṃ pavuttaṃ. Cha samāpattilābhino hi adhimānikassa pañcakāmaguṇāmisabandhanā patitapaṇḍupalāso viya upaṭṭhāti. Tenetaṃ vuttam.

**60.** Idāni ākiñcaññāyatanaṃ samāpatti lābhino adhimānikassa nighaṃsam dassetuṃ **thānaṃ kho panāti**ādīmāha. Tattha **dvedhā bhinnāti** majjhe bhinnā. **Appaṭisandhikāti** khuddakā muṭṭhipāsāṇamattā jatunā vā silesena vā allīyāpetvā paṭisandhātuṃ sakkā. Mahantaṃ pana kuṭāgārappamaṇaṃ sandhāyetam vuttam. **Se bhinneti** taṃ bhinnaṃ. Upari samāpattilābhino hi heṭṭhāsamāpatti dvedhābhinnā selā viya hoti, taṃ samāpajjissāmīti cittaṃ na uppajjati. Tenetaṃ vuttam.

**61.** Idāni nevasaññānāsaññāyatanaṃ lābhino adhimānikassa ca nighaṃsam dassento **thānaṃ kho panāti**ādīmāha. Tattha **se vanteti** taṃ vantaṃ. Aṭṭhasamāpattilābhino hi heṭṭhāsamāpattiyo vantasadisā hutvā upaṭṭhahanti, puna samāpajjissāmīti cittaṃ na uppajjati. Tenetaṃ vuttam.

**62.** Idāni khīṇāsavassa nighaṃsam dassento **thānaṃ kho panāti**ādīmāha. Tattha **se ucchinnamūleti** so ucchinnamūlo. Upari samāpattilābhino hi heṭṭhāsamāpatti mūlacchinnatālo viya upaṭṭhāti, taṃ samāpajjissāmīti cittaṃ na uppajjati. Tenetaṃ vuttam.

**63. Thānaṃ kho panāti** pāṭiyekko anusandhi. Heṭṭhā hi samāpattilābhino adhimānikassapi khīṇāsavassapi nighaṃso kathito, sukkhavipassakassa pana adhimānikassapi khīṇāsavassapi na kathito.

Tesaṃ dvinnampi nighamsaṃ dassetuṃ imaṃ desanaṃ ārabhi. Taṃ pana paṭikkhittaṃ. Samāpattilābhino hi adhimānikassa nighamse kathite sukkhaviṇṇassakassapi adhimānikassa kathitova hoti, samāpattilābhino ca khīṇāsavassa kathite sukkhaviṇṇassakakhīṇāsavassa kathitova hoti. Etesaṃ pana dvinnaṃ bhikkhūnaṃ sappāyāsappāyaṃ kathetuṃ imaṃ desanaṃ ārabhi.

Tattha siyā – puthujjanassa tāva ārammaṇaṃ asappāyaṃ hotu, khīṇāsavassa kathaṃ asappāyanti. Yadaggena puthujjanassa asappāyaṃ, tadaggena khīṇāsavassa asappāyameva. Visamaṃ nāma jānitvā khāditampi ajānitvā khāditampi visameva. Na hi khīṇāsavenapi “ahaṃ khīṇāsavo”ti asaṃvutena bhavitabbaṃ. Khīṇāsavenapi yuttapayutteneva bhavituṃ vaṭṭati.

**64.** Tattha **samaṇeṇāti** buddhasamaṇena. **Chandarāgabyāpādenāti** so avijjāsaṅkhāto visadoso chandarāgena ca byāpādena ca ruppāti kuppāti. **Asappāyānīti** avaḍḍhikarāni ārammaṇāni. **Anuddhamseyyāti** soseyya milāpeyya. **Saupādisesanti** sagahaṇasesaṃ, upāditabbaṃ gaṇhitabbaṃ idha upādīti vuttaṃ. **Analaṅca te antarāyāyāti** jīvitantarāyaṃ te kātuṃ asamattaṃ. **Rajosūkanti** rajo ca vīhisukādi ca sūkaṃ. **Asu ca visadosoti** so ca visadoso. **Tadubhayenāti** yā sā asappāyakiriyā ca yo visadoso ca, tena ubhayena. **Puthuttanti** mahantabhāvaṃ.

**Evameva khoti** ettha saupādānasalluddhāro viya appahīno avijjāvisadoso daṭṭhabbo, asappāyakiriyāya ṭhitabhāvo viya chasu dvāresu asaṃvutakālo, tadubhayena vaṇe puthuttaṃ gate maraṇaṃ viya sikkhaṃ paccakkhāya hīnāyāvattanaṃ, maraṇamattaṃ dukkhaṃ viya aññatarāya garukāya saṃkiliṭṭhāya āpattiyā āpajjanaṃ daṭṭhabbaṃ. Sukkapakkhepi imināva nayena opammaṃsandanaṃ veditabbaṃ.

**65. Satiyāyetaṃ adhivacananti** ettha sati paññāgatikā. Lokikāya paññāya lokikā hoti, lokuttarāya lokuttarā. **Ariyāyetaṃ paññāyāti** parisuddhāya vipassanāpaññāya.

Idāni khīṇāsavassa balaṃ dassento **so vatāti**ādīmāha. Tattha **saṃvutakārīti** pihitakārī. **Iti viditvā nirupadhīti** evaṃ jānitvā kilesupadhipahānā nirupadhī hoti, nirupādānoti attho. **Upadhisāṅkhaye vimuttoti** upadhīnaṃ saṅkhayabhūte nibbāne ārammaṇato vimutto. **Upadhismiṃti** kāmupadhiṃ. **Kāyaṃ upasaṃharissatīti** kāyaṃ allīyāpessati. Idaṃ vuttaṃ hoti – taṇhakkhaye nibbāne ārammaṇato vimutto khīṇāsavo pañca kāmagaṇe sevituṃ, kāyaṃ vā upasaṃharissati cittaṃ vā uppādessatīti netamaṃ ṭhānaṃ vijjati. Sesaṃ sabbattha uttānatthamevāti.

Papañcasūdaniyā majjhimanikāyaṭṭhakathāya

Sunakkhattasuttavaṇṇanā niṭṭhitā.

## 6. Āneñjasappāyasuttavaṇṇanā

**66. Evaṃ me sutanti** āneñjasappāyasuttaṃ. Tattha **aniccāti** hutvā abhāvaṭṭhena aniccā. **Kāmāti** vatthukāmāpi kilesakāmāpi. **Tucchāti** niccasāradhuvasāraattasāravirahitattā rittā, na pana natthīti gaṇhetabbā. Na hi tucchamuṭṭhīti vutte muṭṭhi nāma natthīti vuttaṃ hoti. Yassa pana abbhantare kiñci natthi, so vuccati tuccho. **Musāti** nāsanakā. **Mosadhammāti** nassanasabhāvā, khettaṃ viya vatthu viya hiraññasuvaṇṇaṃ viya ca na paññāyittha, katipāheneva supinake diṭṭhā viya nassanti na paññāyanti. Tena vuttaṃ “mosadhammā”ti, **māyākatametanti** yathā māyāya udakaṃ maṇīti katvā dassitaṃ, badaripaṇṇaṃ kahāpaṇoti katvā dassitaṃ, aññaṃ vā pana evarūpaṃ dassanūpacāre ṭhitasseva tathā paññāyati, upacārātikkamato paṭṭhāya pākātikameva paññāyati. Evaṃ kāmāpi ittarapaccupaṭṭhānaṭṭhena “māyākata”nti vuttā. Yathā ca māyākāro udakādīni maṇīādīnaṃ vasena dassento vañceti, evaṃ kāmāpi aniccādīni niccādisabhāvaṃ dassentā vañcentīti vañcanakaṭṭhenapi “māyākata”nti vuttā. **Bālalāpananti** mayhaṃ putto, mayhaṃ dhītā, mayhaṃ hiraññaṃ mayhaṃ suvaṇṇanti evaṃ bālānaṃ lāpanato bālāpanaṃ. **Diṭṭhadhammikā kāmāti** mānusakā pañca kāmagaṇā. **Samparāyikāti** te ṭhapetvā

avasesā. **Diṭṭhadhammikā. Kāmasaññāti** mānusakē kāme ārabbhā uppannasaññā. **Ubhayametam mārādheyyanti** ete kāmā ca kāmasaññā ca ubhayampi mārādheyyam. Yehi ubhayametam gahitam, tesañhi upari māro vasaṃ vatteti. Tam sandhāya “ubhayametam mārādheyya”nti vuttaṃ.

**Mārassesa visayoti**ādīsupi yathā coḷassa visayo coḷavisayo, paṇḍassa visayo paṇḍavisayo, saṃvarānaṃ visayo saṃvaravisayoti pavattanaṭṭhānaṃ visayoti vuccati, evaṃ yehi ete kāmā gahitā, tesam upari māro vasaṃ vatteti. Tam sandhāya **mārassesa visayoti** vuttaṃ. Pañca pana kāmaguṇe nivāpabījāṃ viya vippakiranto māro gacchati. Yehi pana te gahitā, tesam upari māro vasaṃ vatteti. Tam sandhāya **mārassesa nivāpoti** vuttaṃ. Yathā ca yattha hatthiādayo vasaṃ vattenti, so hatthigocaro assagocaro ajagocaroti vuccati, evaṃ yehi ete kāmā gahitā, tesu māro vasaṃ vatteti. Tam sandhāya **mārassesa gocaroti** vuttaṃ.

**Etthāti** etesu kāmesu. **Mānasāti** cittasambhūtā. Tattha siyā – duvidhe tāva kāme ārabbhā abhijjhānalakkhaṇā abhijjhā, karaṇuttariyalakkhaṇo sārāmbho ca uppajjatu, byāpādo katham uppajjatīti? Mamāyite vatthusmiṃ acchinnepi socanti, acchijjantepi socanti, acchinnasaṅkinopi socanti, yo evarūpo cittassa āghātoti evaṃ uppajjati. **Teva ariyasāvakkassāti** te ariyasāvakkassa. Vakāro āgamasandhimattaṃ hoti. **Idha manusikkhatoti** imasmim sāsane sikkhantassa te tayopi kilesā antarāyakarā honti. **Abhibhuyya lokanti** kāmaloکاṃ abhibhavivā. **Adhiṭṭhāya manasāti** jhānārammaṇacittena adhiṭṭhahivā. **Aparittanti** kāmāvacaracittaṃ parittaṃ nāma, tassa paṭikkhepena mahaggataṃ aparittaṃ nāma. **Pamaṇantipi** kāmāvacarameva, rūpāvacaraṃ arūpāvacaraṃ **appamaṇaṃ**. **Subhāvitanti** pana etaṃ kāmāvacarādīnaṃ nāmaṃ na hoti, lokuttarassevetam nāmaṃ. Tasmā etassa vasena aparittaṃ appamaṇaṃ subhāvitanti sabbam lokuttarameva vaṭṭati.

**Tabbahulavihārinoti** kāmapaṭibāhanena tameva paṭipadaṃ bahulaṃ katvā viharantassa. **Āyatane cittaṃ pasīdatīti** kāraṇe cittaṃ pasīdati. Kiṃ panettha kāraṇaṃ? Arahattaṃ vā, arahattassa vipassanaṃ vā, catutthajjhānaṃ vā, catutthajjhānassa upacāraṃ vā. **Sampasāde satīti** ettha duvidho sampasādo adhimokkhasampasādo ca paṭilābhasampasādo ca. Arahattassa hi vipassanaṃ paṭṭhapetvā viharato mahābhūtādīsu upaṭṭhahantesu yenime nīhārena mahābhūtā upaṭṭhahanti, upādārūpā upaṭṭhahanti nāmarūpā upaṭṭhahanti, paccayā sabbathā upaṭṭhahanti, lakkhaṇārammaṇā vipassanā upaṭṭhahati, ajjeva arahattaṃ gaṇhissāmīti appaṭiladdheyeva āsā santiṭṭhanti, adhimokkhaṃ paṭilabhati. Tatiyajjhānaṃ vā pādakaṃ katvā catutthajjhānatthāya kasiṇaparikkammaṃ karontassa nīvaraṇavikkhambhānādīni samanupassato yenime nīhārena nīvaraṇā vikkhambhanti, kilesā sannisīdanti, sati santiṭṭhanti, saṅkhāragataṃ vā vibhūtaṃ pākaṭaṃ hutvā dibbacakkhukassa paraloko viya upaṭṭhāti, cittuppādo lepapiṇḍe laggamāno viya upacārena samādhīyati, ajjeva catutthajjhānaṃ nibbattessāmīti apaṭiladdheyeva āsā santiṭṭhanti, adhimokkhaṃ paṭilabhati. Ayaṃ **adhimokkhasampasādo** nāma. Tasmim sampasāde sati. Yo pana arahattaṃ vā paṭilabhati catutthajjhānaṃ vā, tassa cittaṃ vipassanaṃ hotiyeva. Idha pana “āyatane cittaṃ pasīdatī”ti vacanato arahattavipassanāya ceva catutthajjhānūpacārassa ca paṭilābho **paṭilābhasampasādoti** veditabbo. Vipassanā hi paññāya adhimuccanassa kāraṇaṃ, upacāraṃ āneñjasamāpattiyā.

**Etarahi vā āneñjaṃ samāpajjati. Paññāya vā adhimuccatīti** ettha etarahi vā paññāya adhimuccati, āneñjaṃ vā samāpajjatīti evaṃ padaparivattanaṃ katvā attho veditabbo. Idañhi vuttaṃ hoti – tasmim sampasāde sati etarahi vā paññāya adhimuccati, arahattaṃ sacchikarotīti attho. Tam anabhisambhuṇanto āneñjaṃ vā samāpajjati, atha vā **paññāya vā adhimuccatīti** arahattamaggaṃ bhāveti, tam anabhisambhuṇanto āneñjaṃ vā samāpajjati. Arahattamaggaṃ bhāvetum asakkonto etarahi catusaccaṃ vā sacchikaroti. Tam anabhisambhuṇanto āneñjaṃ vā samāpajjatīti.

Tatrāyaṃ nayo – idha bhikkhu tatiyajjhānaṃ pādakaṃ katvā catutthajjhānassa kasiṇaparikkammaṃ karoti. Tassa nīvaraṇā vikkhambhanti, sati santiṭṭhanti, upacārena cittaṃ samādhīyati. So rūpārūpaṃ parigaṇhāti, paccayaṃ parigaṇhāti, lakkhaṇārammaṇikaṃ vipassanaṃ vavatthapeti, tassa evaṃ hoti – “upacārena me jhānaṃ visesabhāgiyaṃ bhaveyya, tiṭṭhatu visesabhāgiyatā, nibbedhabhāgiyaṃ naṃ

karissāmi”ti vipassanaṃ vaḍḍhetvā arahattaṃ sacchikaroti. Ettakenassa kiccaṃ kataṃ nāma hoti. Arahattaṃ sacchikātuṃ asakkonto pana tato osakkitamānaso antarā na tiṭṭhati, catutthajjhānaṃ samāpajjatiyeva. Yathā kiṃ? Yathā puriso “vanamahimsaṃ ghātesāmi”ti sattiṃ gahetvā anubandhanto sace taṃ ghātetī, sakalagāmaṃvāsino tosessati, asakkonto pana antarāmagge sasagodhādayo khuddakamige ghātetvā kājaṃ pūretvā etiyeva.

Tattha purisassa sattiṃ gahetvā vanamahimsānubandhanaṃ viya imassa bhikkhuno tatiyajjhānaṃ pādakaṃ katvā catutthajjhānassa parikkammaṃ, vanamahimsasaghātanaṃ viya – “nīvaraṇavikkhambhanādīni samanupassato visesabhāgiyaṃ bhavya, tiṭṭhatu visesabhāgiyā, nibbedhabhāgiyaṃ naṃ karissāmi”ti vipassanaṃ vaḍḍhetvā arahattaṃ sacchikaraṇaṃ, mahimsaṃ ghātetuṃ asakkontassa antarāmagge sasagodhādayo khuddakamige ghātetvā kājaṃ pūretvā gamaṇaṃ viya arahattaṃ sacchikātuṃ asakkontassa, tato osakkitvā catutthajjhānasamāpajjanaṃ veditaṃ. Maggabhāvanā catusaccasacchikiriyāyojanāsūpi eseṃ nayo.

Idāni arahattaṃ sacchikātuṃ asakkontassa nibbattaṭṭhānaṃ dassento **kāyassa bheda**tiādimāha. Tattha **yanti** yena kāraṇena taṃ saṃvattanikaṃ viññānaṃ assa āneṅjūpaṃ, taṃ kāraṇaṃ vijjati attho. Ettha ca **tamsaṃvattanika**nti tassa bhikkhuno saṃvattanikaṃ. Yena vipākaviññānaṃ so bhikkhu saṃvattati nibbattati, taṃ viññānaṃ. **Āneṅjūpa**nti kusalaṅneṅjasabhāvūpaṃ assa, tādisameva bhavyati attho. Keci kusalaṅneṅjaṃ vadanti. Yaṃ tassa bhikkhuno saṃvattanikaṃ upapattihetubhūtaṃ kusalaṅneṅjaṃ āneṅjūpaṃ assa, vipākakālepi tannamakameva assati attho. So paṇāyamattho – “puññaṃ ce saṅkhāraṃ abhisankharoti, puññūpaṃ hoti viññānaṃ. Apuññaṃ ce saṅkhāraṃ abhisankharoti, apuññūpaṃ hoti viññānaṃ. Āneṅjaṃ ce saṅkhāraṃ abhisankharoti, āneṅjūpaṃ hoti viññāna”nti (saṃ. ni. 2.51) iminā nayena veditaṃ. **Āneṅjasappāyati** āneṅjassa catutthajjhānassa sappāyā. Na kevalaṅca sā āneṅjasseva, upari arahattassāpi sappāyāva upakārabhūtāyevati veditaṃ. Iti imasmiṃ paṭhamakāneṅje samādhivasena osakkaṇā kathitā.

**67. Iti paṭisaṅcikkhatī**ti catutthajjhānaṃ patvā evaṃ paṭisaṅcikkhati. Ayaṅhi bhikkhu heṭṭhimena bhikkhūnaṃ paññavantataro tassa ca bhikkhuno attano cāti dvinnampi kammaṭṭhānaṃ ekato katvā sammasati. **Tabbahulavihārinoti** rūpapaṭibāhanena tameva paṭipadaṃ bahulaṃ katvā viharantassa. **Āneṅjaṃ samāpajjati**ti ākāsaṅcāyatāneṅjaṃ samāpajjati. Sesāṃ purimasadisameva. Yathā ca idha, evaṃ sabbattha visesamattameva pana vakkhāma. Iti imasmiṃ dutiyaāneṅje vipassanāvasena osakkaṇā kathitā, “yaṃkiñci rūpa”nti evaṃ vipassanāmaggaṃ dassentena kathitāti attho.

**Iti paṭisaṅcikkhatī**ti ākāsaṅcāyatanaṃ patvā evaṃ paṭisaṅcikkhati. Ayaṅhi heṭṭhā dvīhi bhikkhūhi paññavantataro tesaṅca bhikkhūnaṃ attano cāti tiṅṅampi kammaṭṭhānaṃ ekato katvā sammasati. **Ubhayameṃ aniccanti** ettha aṭṭha ekekakoṭṭhāsā diṭṭhadhammikasaṃparāyikavasena pana saṅkhipitvā ubhayanti vuttaṃ. **Nālaṃ abhinanditūti** taṅhādīṭṭhivasena abhinanditūti na vuttaṃ. Sesapadadvayepi eseṃ nayo. **Tabbahulavihārinoti** kāmapaṭibāhanena ca rūpapaṭibāhanena ca tameva paṭipadaṃ bahulaṃ katvā viharantassa. **Āneṅjaṃ samāpajjati**ti viññāṅcāyatāneṅjaṃ samāpajjati. Imasmiṃ tatiyāneṅje vipassanāvasena osakkaṇā kathitā.

**68. Iti paṭisaṅcikkhatī**ti viññāṅcāyatanaṃ patvā evaṃ paṭisaṅcikkhati. Ayaṅhi heṭṭhā tīhi bhikkhūhi paññavantataro tesaṅca bhikkhūnaṃ attano cāti catunnampi kammaṭṭhānaṃ ekato katvā sammasati. **Yatthetā aparisesā nirujjhanti**ti yaṃ ākiñcaññāyatanaṃ patvā etā heṭṭhā vuttā sabbasaññā nirujjhanti. **Etāṃ santāṃ etāṃ paṇīti**ti etāṃ aṅgasantatāya ārammaṇasantatāya ca **santāṃ**, atappakaṭṭhena **paṇīti**. **Tabbahulavihārinoti** tāsāṃ saññānaṃ paṭibāhanena tameva paṭipadaṃ bahulaṃ katvā viharantassa. Imasmiṃ paṭhamakākiñcaññāyatane samādhivasena osakkaṇā kathitā.

**Iti paṭisaṅcikkhatī**ti viññāṅcāyataneva patvā evaṃ paṭisaṅcikkhati. Ayaṅhi heṭṭhā catūhi bhikkhūhi paññavantataro tesaṅca bhikkhūnaṃ attano cāti pañcannampi kammaṭṭhānaṃ ekato katvā sammasati. **Attena vā attaniyena vāti** ahaṃ mamāti gahetabbena suññaṃ tucchāṃ rittāṃ. Evamettha

dvikoṭikā suññatā dassitā. **Tabbahulavihārinoti** heṭṭhā vuttapaṭipadañca imañca suññatapaṭipadam bahulaṃ katvā viharantassa. Imasmim̐ dutiyākiñcaññāyatane vipassanāvasena osakkanā kathitā.

**70. Iti paṭisañcikkhatī** viññāṇañcāyataneva patvā evaṃ paṭisañcikkhati. Ayañhi heṭṭhā pañcavi bhikkhūhi paññavantataro tesañca bhikkhūnaṃ attano cāti channampi kammaṭṭhānaṃ ekato katvā sammasati. **Nāhaṃ kvacani kassaci kiñcanatasmim̐, na ca mama kvacani kismiñci kiñcanaṃ natthī** ettha pana catukoṭikā suññatā kathitā. Kathaṃ? Ayañhi **nāhaṃ kvacanī** kvaci attānaṃ na passati, **kassaci kiñcanatasminti** attano attānaṃ kassaci parassa kiñcanabhāve upanetabbaṃ na passati, attano bhātīṭṭhāne bhātaraṃ sahāyaṭṭhāne sahāyaṃ parikkhāraṭṭhāne vā parikkhāraṃ maññitvā upagantvā upanetabbaṃ na passatī attho. **Na ca mama kvacanī** ettha mama – saddaṃ tāva ṭhapetvā na ca kvacani parassa ca attānaṃ kvaci na passatī ayamattho. Idāni mama – saddaṃ āharitvā **mama kismiñci kiñcanaṃ natthī** so parassa attā mama kismiñci kiñcanabhāve atthī na passati. Attano bhātīṭṭhāne bhātaraṃ sahāyaṭṭhāne sahāyaṃ parikkhāraṭṭhāne vā parikkhāraṃ kismiñci ṭhāne parassa attānaṃ iminā kiñcanabhāvena upanetabbaṃ na passatī attho. Evamayaṃ yasmā neva katthaci attānaṃ passati, na taṃ parassa kiñcanabhāve upanetabbaṃ passati, na parassa attānaṃ passati, na parassa attānaṃ attano kiñcanabhāve upanetabbaṃ passati, tasmā ayaṃ suññatā catukoṭikāti veditabbā. **Tabbahulavihārinoti** heṭṭhā vuttapaṭipadam imaṃ catukoṭisuññatañca bahulaṃ katvā viharantassa. Imasmim̐ tatiyākiñcaññāyatanevipassanāvaseneva osakkanā kathitā.

**Iti paṭisañcikkhatī** ākiñcaññāyatanaṃ patvā evaṃ paṭisañcikkhati. Ayañhi heṭṭhā chahi bhikkhūhi paññavantataro tesañca bhikkhūnaṃ attano cāti sattannampi kammaṭṭhānaṃ ekato katvā sammasati. **Yatthetā aparisesā nirujjhantī** yaṃ nevasaññānāsaññāyatanaṃ patvā ettha etā heṭṭhā vuttā sabbasaññā nirujjhanti. **Tabbahulavihārinoti** tāsāṃ saññānaṃ paṭibāhanena tameva paṭipadam bahulaṃ katvā viharantassa. Imasmim̐ nevasaññānāsaññāyatane samādhivasena osakkanā kathitā.

**71. No cassa no ca me siyā**ti sace mayhaṃ pubbe pañcavidhaṃ kammavaṭṭaṃ na āyūhitaṃ assa, yaṃ me idaṃ etarahi evaṃ pañcavidhaṃ vipākavaṭṭaṃ etaṃ me na siyā nappavatteyyāti attho. **Na bhavissatī**ti sace etarahi pañcavidhaṃ kammavaṭṭaṃ āyūhitaṃ na bhavissati. **Na me bhavissatī**ti tasmim̐ asati anāgate me pañcavidhaṃ vipākavaṭṭaṃ na bhavissati. **Yadatthi yaṃ bhūtaṃ taṃ pajahāmī**ti yaṃ atthi yaṃ bhūtaṃ etarahi khandhapañcakaṃ, taṃ pajahāmi. **Evaṃ upekkhaṃ paṭilabhatī**ti so bhikkhu evaṃ vipassanupekkhaṃ labhatīti attho.

**Parinibbāyeyya nu kho so, bhante, bhikkhu na vā parinibbāyeyyāti** kiṃ pucchāmīti pucchati, tatiyajjhānaṃ pādakaṃ katvā ṭhitassa arahattampi osakkanāpi paṭipadāpi paṭisandhipi kathitā, tathā catutthajjhānādīni pādakāni katvā ṭhitānaṃ, nevasaññānāsaññāyatanaṃ pādakaṃ katvā ṭhitassa na kiñci kathitaṃ, taṃ pucchāmīti pucchati. **Apetthāti** api ettha. **So taṃ upekkhaṃ abhinandatī**ti so taṃ vipassanupekkhaṃ taṃhādīṭṭhiabhinandanāhi abhinandati. Sesapadadvayepi eseva nayo. **Tannissitaṃ hoti viññāṇanti** viññāṇaṃ vipassanānissitaṃ hoti. **Tadupādānanti** yaṃ nikantiviññāṇaṃ, taṃ tassa upādānaṃ nāma gahaṇaṃ nāma hoti. **Saupādānoti** sagahaṇo. **Na parinibbāyatī**ti vipassanāya sālāyo bhikkhu mama sāsane na parinibbāyati. Yo pana vihārapariveṇaupatṭhākādīsu sālāyo, tasmim̐ vattabbameva natthīti dasseti. **Kahaṃ panāti?** Kattha pana? **Upādiyamāno upādiyati**ti paṭisandhim̐ gaṇhamāno gaṇhāti. **Upādānasetṭhaṃ kira so, bhanteti**, bhante, so kira bhikkhu gahetabbaṭṭhānaṃ setṭhaṃ uttamaṃ bhavaṃ upādiyati, setṭhabhave paṭisandhim̐ gaṇhātīti attho. Iminā tassa bhikkhuno paṭisandhi kathitā. Idāni arahattaṃ kathetuṃ **idhānandā**tiādīmāha.

**73. Nissāya nissāyāti** taṃ taṃ samāpattim̐ nissāya. **Oghassa nittharaṇā akkhātī**ti oghataraṇaṃ kathitaṃ, tatiyajjhānaṃ pādakaṃ katvā ṭhitabhikkhuno oghanittharaṇā kathitā...pe... nevasaññānāsaññāyatanaṃ pādakaṃ katvā ṭhitabhikkhuno oghanittharaṇā kathitāti vadati.

**Katamo pana, bhante, ariyo vimokkhoti** idha kiṃ pucchati? Samāpattim̐ tāva padaṭṭhānaṃ katvā vipassanaṃ vaḍḍhetvā arahattaṃ gaṇhanto bhikkhu nāvaṃ vā uḷumpādīni vā nissāya mahoghaṃ taritvā

pāraṃ gacchanto viya na kilamati. Sukkhavipassako pana pakiṇṇakasaṅkhāre sammāsītīvā arahattaṃ gaṇhanto bāhubalena sotaṃ chinditvā pāraṃ gacchanto viya kilamati. Iti imassa sukkhavipassakassa arahattaṃ pucchāmīti pucchati. **Ariyasāvako**ti sukkhavipassako ariyasāvako. Ayañhi heṭṭhā aṭṭhahi bhikkhūhi paññavantataro tesañca bhikkhūnaṃ attano cāti navannampi kammaṭṭhānaṃ ekato katvā sammāsati. **Esa sakkāyo yāvatā sakkāyoti** yattako tebhūmakavaṭṭasaṅkhāto sakkāyo nāma atthi, sabbopi so esa sakkāyo, na ito paraṃ sakkāyo atthīti paṭisañcikkhati.

**Etaṃ amataṃ yadidaṃ anupādā cittassa vimokkhoti** yo panesa cittassa anupādāvimokkho nāma, etaṃ amataṃ etaṃ santaṃ etaṃ pañṭanti paṭisañcikkhati. Aññattha ca “anupādā cittassa vimokkho”ti nibbānaṃ vuccati. Imasmiṃ pana sutte sukkhavipassakassa arahattaṃ kathitaṃ. Sesam sabbattha uttānameva.

Kevalaṃ pana imasmiṃ sutte sattasu ṭhānesu osakkanā kathitā, aṭṭhasu ṭhānesu paṭisandhi, navasu ṭhānesu arahattaṃ kathitanti veditabbaṃ. Kathaṃ? Tatiyaṃ jhānaṃ tāva pādakaṃ katvā ṭhitassa bhikkhuno osakkanā kathitā, paṭisandhi kathitā, arahattaṃ kathitaṃ, tathā catutthajjhānaṃ, tathā ākāsañcāyatanam. Viññāṇañcāyatanam pana padaṭṭhānaṃ katvā ṭhitānaṃ tiṇṇaṃ bhikkhūnaṃ osakkanā kathitā, paṭisandhi kathitā, arahattaṃ kathitaṃ. Tathā ākiñcaññāyatanam pādakaṃ katvā ṭhitassa bhikkhuno. Nevaññānāsaññāyatanam pādakaṃ katvā ṭhitassa pana osakkanā natthi, paṭisandhi pana arahattañca kathitaṃ. Sukkhavipassakassa arahattameva kathitanti. Evaṃ sattasu ṭhānesu osakkanā kathitā, aṭṭhasu ṭhānesu paṭisandhi, navasu ṭhānesu arahattaṃ kathitanti veditabbaṃ. Imañca pana sattasu ṭhānesu osakkanam aṭṭhasu paṭisandhiṃ navasu arahattaṃ samodhānetvā kathentena imaṃ āneñjasappāyasuttaṃ sukathitaṃ nāma hotīti.

Papañcasūdaniyā majjhimanikāyaṭṭhakathāya

Āneñjasappāyasuttavaṇṇanā niṭṭhitā.

## 7. Gaṇakamoggallānasuttavaṇṇanā

**74. Evaṃ me sutanti** gaṇakamoggallānasuttaṃ. Tattha **yāva pacchimasopānakaḷevarāti** yāva paṭhamasopānaphalakā ekadivaseneva sattabhūmiko pāsādo na sakkā kātuṃ, vatthuṃ sodhetvā thambhussāpanato paṭṭhāya pana yāva cittakammakaraṇā anupubbakiriyaṃ cettha paññāyatīti dasseti. **Yadidaṃ ajjheneti** tayopi vedā na sakkā ekadivaseneva adhīyituṃ, etesaṃ ajjhenepi pana anupubbakiriyaṃ paññāyatīti dasseti. **Issattheti** āvudhavijjāyapi ekadivaseneva vāavedhi nāma na sakkā kātuṃ, ṭhānasampādanamuṭṭhikaraṇādīhi pana etthāpi anupubbakiriyaṃ paññāyatīti dasseti. **Saṅkhāneti** gaṇanāya. Tattha anupubbakiriyaṃ attanāva dassento **evaṃ gaṇāpemaṭi**ādīmāha.

**75. Seyyathāpi brāhmaṇāti** idha bhagavā yasmā bāhiraṃsamaye yathā yathā sippaṃ uggaṇhanti, tathā tathā kerāṭikā honti, tasmā attano sāsanaṃ bāhiraṃsamayena anupametvā bhadrassaṅgāyāyena upamento **seyyathāpīti**ādīmāha. Bhadro hi assāyāyāyasmā kārāṇe damito hoti, taṃ jīvitahetupi nātikkamati. Evameva sāsane sammāpaṭipanno kulaputto sīlavelaṃ nātikkamati. **Mukhādhāneti** mukhaṭṭhapane.

**76. Satisampajaññāya cāti** satisampajaññāhi samaṅgibhāvattāya. Dve hi khīṇāsavā satatavihārī ca nosatavihārī ca. Tattha **satatavihārī** yaṃkiñci kammaṃ katvāpi phalasaṃpattim samāpajjitum sakkoti, no **satatavihārī** pana appamattakepi kicca kiccappasuto hutvā phalasaṃpattim appetaṃ na sakkoti.

Tatridaṃ vatthu – eko kira khīṇāsavattāthero khīṇāsavasāmaṇeraṃ gahetvā araññāvāsaṃ gato, tattha mahātherassa senāsanaṃ pattaṃ, sāmaṇerassa na pāpuṇāti, taṃ vitakkento thero ekadivasampi phalasaṃpattim appetaṃ nāsakkhi. Sāmaṇero pana temāsaṃ phalasaṃpattiratīyā vītināmetvā

“sappāyo, bhante, araṇṇavāso jāto”ti theram pucchi. Thero “na jāto, āvuso”ti āha. Iti yo evarūpo khīṇāsavo, so ime dhamme ādito paṭṭhāya āvajjitvāva samāpajjitum sakkhissatīti dassento “satisampajaṇṇāya cā”ti āha.

**78. Yeme, bho gotamāti** tathāgate kira kathayanteva brāhmaṇassa “ime puggalā na ārādhenti, ime ārādhenti”ti nayo udapādi, taṃ dassento evaṃ vattumāraddho.

**Paramajjadhammesūti** ajjadhammā nāma chasatthāradhammā, tesu gotamavādova, paramo uttamoti attho. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Gaṇakamoggallānasuttavaṇṇanā niṭṭhitā.

### 8. Gopakamoggallānasuttavaṇṇanā

**79. Evaṃ me sutanti** gopakamoggallānasuttam. Tattha **aciraparinibbute bhagavatīti** bhagavati aciraparinibbute, dhātubhājanīyaṃ katvā dhammasaṅgītiṃ kātuṃ rājagahaṃ āgatakāle. **Raṇṇo pajjotassa āsaṅkamānoti** caṇḍapajjoto nāmesa rājā bimbisāramahārājassa sahāyo ahosi, jīvakam pesetvā bhesajjakāritakālato paṭṭhāya pana daḷhamittova jāto, so “ajātasattunā devadattassa vacanaṃ gahetvā pitā ghātito”ti sutvā “mama piyamittaṃ ghātetvā esa rajjam karissāmīti maññati, mayham sahāyassa sahāyānaṃ atthikabhāvaṃ jānāpessāmī”ti parisati vācam abhāsi. Taṃ sutvā tassa āsaṅkā uppanā. Tena vuttam “raṇṇo pajjotassa āsaṅkamāno”ti. **Kammantoti** bahinagare nagarapaṭisaṅkhārāpanatthāya kammantaṭṭhānaṃ.

**Upasaṅkamīti** mayam dhammavinayasāṅgītiṃ kāressāmāti vicarāma, ayañca mahesakkho rājavallabho saṅgahe kate veḷuvanassa ārakkham kareyyāti maññamāno upasaṅkami. **Tehi dhammehīti** tehi sabbaññutaññānadhammehi. **Sabbena sabbanti** sabbākārena sabbam. **Sabbathā sabbanti** sabbakoṭṭhāsehi sabbam. Kiṃ pucchāmīti pucchati? Cha hi satthāro paṭhamataram appaṇṇātakulehi nikkhamitvā pabbajitā, te tathāgate dharamāneyeva kālaṃkatā, sāvakāpi nesam appaṇṇātakuleheva pabbajitā. Te tesam accayena mahāvivādam akaṃsu. Samaṇo pana gotamo mahākulā pabbajito, tassa accayena sāvakānaṃ mahāvivādo bhavissatīti ayaṃ kathā sakalajambudīpaṃ pattharamānā udapādi. Sammāsambuddhe ca dharante bhikkhūnaṃ vivādo nāhosi. Yopi ahosi, sopi tattheva vūpasamito. Parinibbutakāle panassa – “aṭṭhasaṭṭhiyojanasatasahasubbedham sinerum apavāhitum samatthassa vātassa purato purāṇapaṇṇam kiṃ ṭhassati, dasa pāramiyo pūretvā sabbaññutaññānaṃ pattassa satthu alajjamāno maccurājā kassa lajjissatī”ti mahāsamvegam janetvā bhīyosomattāya bhikkhū samaggā jātā ativiya upasantupasantā, kiṃ nu kho etanti idaṃ pucchāmīti pucchati. **Anusaṇṇāyamānoti** anusaṇṇāyamāno, katākatam janantoti attho. Anuvicaramāno vā.

**80. Atthi nu khoti** ayampi heṭṭhimapucchameva pucchati. **Appaṭisaraṇeti** appaṭisaraṇe dhammavinaye. **Ko hetu sāmaggīyāti** tumhākaṃ samaggabhāvassa ko hetu ko paccayo. **Dhammappaṭisaraṇāti** dhammo amhākaṃ paṭisaraṇam, dhammo avassayoti dīpeti.

**81. Pavattatīti** paguṇam hutvā āgacchati. **Āpatti hoti vītikkamoti** ubhayametam buddhassa āṇātikkanameva. **Yathādhammaṃ yathānusiṭṭham kāremāti** yathā dhammo ca anusiṭṭhi ca ṭhitā, evaṃ kāremāti attho.

**Na kira no bhavanto kārenti dhammo no kāretīti** padadvayepi no kāro nipātamattam. Evaṃ sante na kira bhavanto kārenti, dhammova kāretīti ayamettha attho.

**83. Tagghāti** ekaṃse nipāto. **Kahaṃ pana bhavam ānandoti** kiṃ therassa veḷuvane

vasanabhāvaṃ na jānātīti? Jānāti. Veḷuvanassa pana anena ārakkhā dinnā, tasmā attānaṃ ukkaṃsāpetukāmo pucchati. Kasmā pana tena tattha ārakkhā dinnā? So kira ekadivasaṃ mahākaccāyanattheraṃ gijjhakūṭā otarantaṃ disvā – “makkaṭo viya eso”ti āha. Bhagavā taṃ kathaṃ sutvā – “sace khamāpeti, iccetaṃ kusalaṃ. No ce khamāpeti, imasmiṃ veḷuvane gonaṅgalamakkaṭo bhavissatī”ti āha. So taṃ kathaṃ sutvā – “samaṇassa gotamassa kathāya dvedhābhāvo nāma natthi, pacchā me makkaṭabhūtakāle gocaraṭṭhānaṃ bhavissatī”ti veḷuvane nānāvidhe rukkhe ropetvā ārakkhaṃ adāsi. Aparabhāge kālaṃ katvā makkaṭo hutvā nibbatti. “Vassakārā”ti vutte āgantvā samīpe aṭṭhāsi. **Tagghāti** sabbavāresu ekaṃsavacaneyeva nipāto. **Taggha, bho ānandāti** evaṃ therena parisamajjhe attano ukkaṃsitabhāvaṃ ñatvā ahampi therāṃ ukkaṃsissāmīti evamāha.

**84. Na ca kho, brāhmaṇāti** thero kira cintesi “sammāsambuddhena vaṇṇitajjhānampi atthi, avaṇṇitajjhānampi atthi, ayaṃ pana brāhmaṇo sabbameva vaṇṇetīti pañhaṃ viṣaṃvādeti, na kho pana sakkā imassa mukhaṃ ulloketuṃ na piṇḍapātaṃ rakkhituṃ, pañhaṃ ujuṃ katvā kathessāmī”ti idaṃ vattuṃ āradhāṃ. **Antaraṃ karitvāti** abbhantaraṃ karitvā. **Evarūpaṃ kho, brāhmaṇa, so bhagavā jhānaṃ vaṇṇesīti** idha sabbasaṅgāhakajjhānaṃ nāma kathitaṃ.

**Yaṃ no mayanti** ayaṃ kira brāhmaṇo vassakārabrāhmaṇaṃ usūyati, tena pucchitapañhassa akathanaṃ paccāsīsamāno kathitabhāvaṃ ñatvā “vassakārena pucchitaṃ pañhaṃ punappunaṃ tassa nāmaṃ gaṇhanto vitthāretvā kathesi, mayā pucchitapañhaṃ pana yaṭṭhikoṭiyā uppīlento viya ekadesameva kathesī”ti anattamano ahosi, tasmā evamāha. Sesāṃ sabbattha uttānamevāti.

Papañcasūdaniyā majjhimanikāyaṭṭhakathāya

Gopakamoggallānasuttavaṇṇanā niṭṭhitā.

## 9. Mahāpuṇṇamasuttavaṇṇanā

**85. Evaṃ me sutanti** mahāpuṇṇamasuttaṃ. Tattha **tadahūti** tasmim ahu, tasmim divaseti attho. Upavasanti etthāti **uposatho**. Upavasantīti sīlena vā anasana vā upetā hutvā vasantīti attho. Ayaṃ panettha atthuddhāro – “āyāma, āvuso, kappina, uposathaṃ gamissāmā”tiādīsu hi pātimokkhuddeso uposatho. “Aṭṭhaṅgasamannāgato kho visākhe uposatho upavuttho”tiādīsu (a. ni. 8.53) sīlaṃ. “Suddhassa ve sadā phaggu, suddhassuposatho sadā”tiādīsu (ma. ni. 1.79) upavāso. “Uposatho nāma nāgarājā”tiādīsu (dī. ni. 2.246) paññatti. “Na, bhikkhave, tadahuposathe sabhikkhukā āvāsā”tiādīsu (mahāva. 181) upavasitabbadivaso. Idhāpi soyeva adhippeto. So panesa aṭṭhamīcātuddasīpannarasībhedena tividho. Tasmā sesadvayanivāraṇatthaṃ **pannaraseti** vuttaṃ. Tena vuttaṃ “upavasanti etthāti uposatho”ti. Māsapuṇṇatāya puṇṇā saṃpuṇṇāti **puṇṇā**. Mā-iti cando vuccati, so ettha puṇṇoti **puṇṇamā**. Evaṃ puṇṇāya puṇṇamāyāti imasmiṃ padadvaye attho vedītabbo.

**Desanti** kāraṇaṃ. **Tena hi tvaṃ bhikkhu sake āsane nisīditvā pucchāti** kasmā bhagavā ṭhitassa akathetvā nisīdāpesīti. Ayaṃ kira bhikkhu saṭṭhimattānaṃ padhāniyabhikkhūnaṃ saṅghatthero saṭṭhi bhikkhū gahetvā araṇṇe vasati, te tassa santike kammaṭṭhānaṃ gahetvā ghaṭenti vāyamanti. Mahābhūtāni pariggaṇhanti upādārūpāni, nāmarūpapaccayalakkhaṇārammaṇikavipassanaṃ pariggaṇhanti. Atha ne ācariyupaṭṭhānaṃ āgantvā vanditvā nisinne thero mahābhūtapariggahādīni pucchati. Te sabbāṃ kathenti, maggaphalapañhaṃ pucchitā pana kathetuṃ na sakkonti. Atha thero cintesi – “mama santike etesaṃ ovādassa parihāni natthi, ime ca āradhaviṇṇiyā viharanti. Kukkuṭassa pānīyapivanakālamattampi nesaṃ pamādakiriyā natthi. Evaṃ santepi maggaphalāni nibbattetuṃ na sakkonti. Ahaṃ imesaṃ ajjhāsayaṃ na jānāmi, buddhaveneyyā ete bhavissanti, gahetvā ne satthu santikaṃ gacchāmi, atha nesaṃ satthā cariyavasena dhammaṃ desessatī”ti, te bhikkhū gahetvā satthu santikaṃ āgato.

Satthāpi sāyanhasamaye ānandattherena upanītaṃ udakaṃ ādāya sarīraṃ utuṃ gaṇhāpetvā



migāramātupāsādapariveṇe paññattavarabuddhāsane nisīdi, bhikkhusaṅghopi naṃ parivāretvā nisīdi.

Tasmiṃ samaye sūriyo atthaṅgāmeti, cando uggacchati, majjhaṭṭhāne ca bhagavā nisinno. Candassa pabhā natthi, sūriyassa pabhā natthi, candimasūriyānaṃ pabhaṃ makkhetvā chabbaṇṇā yamakabuddharasmiyo vijjotamānā puñjā puñjā hutvā disāvidisāsu dhāvanti sabbam heṭṭhā vuttanayena vitthāretabbaṃ. Vaṇṇabhūmi nāmesā, dhammakathikasēvettha thāmo pamāṇaṃ, yattakaṃ sakkoti, tattakaṃ kathetabbaṃ. Dukkathitanti na vattabbaṃ. Evaṃ sannisinnāya parisāya thero uṭṭhahitvā sathhāraṃ pañhassa okāsaṃ kāresi. Tato bhagavā – “sace imasmiṃ ṭhitake pucchante ‘ācariyo no uṭṭhito’ ti sesabhikkhū uṭṭhahissanti, evaṃ tathāgate agāro kato bhavissati. Atha nisinnāva pucchissanti, ācariye agāro kato bhavissati, ekaggā hutvā dhammadesanaṃ paṭicchitum na sakkuṇṇissanti. Ācariye pana nisinne tepi nisīdissanti. Tato ekaggā dhammadesanaṃ paṭicchitum sakkuṇṇissanti” ti iminā kāraṇena bhagavā ṭhitassa akathetvā nisīdāpetīti.

**Ime nu kho, bhanteti** vimatipucchā viya kathitā. Thero pana pañcakkhandhānaṃ udayabbayaṃ pariggaṇhitvā arahattaṃ patto mahākhīṇāsavo, natthi etassa vimati. Jānantenapi pana ajānantena viya hutvā pucchitum vaṭṭati. Sace hi jānanto viya pucchati, “jānāti aya” nti tassa tassa vissajjento ekadesameva katheti. Ajānantena viya pucchite pana kathento ito ca etto ca kāraṇaṃ āharitvā pākāṭaṃ katvā katheti. Koci pana ajānantopi jānanto viya pucchati. Thero evarūpaṃ vacanaṃ kiṃ karissati, jānantoyeva pana ajānanto viya pucchatiṭi veditabbo.

**Chandamūlakāti** taṇhāmūlakā. **Evaṃrūpo siyanti** sace odāto hotukāmo, haritālavaṇṇo vā manosilāvaṇṇo vā siyanti pattheti. Sace kāḷo hotukāmo, nīluppalavaṇṇo vā añjanavaṇṇo vā atasīpupphavaṇṇo vā siyanti pattheti. **Evaṃvedanoti** kusalavedano vā sukhavedano vā siyanti pattheti. Saññādīsipi eseva nayo. Yasmā pana atīte patthanā nāma natthi, patthentenāpi ca na sakkā taṃ laddhum, paccuppannepi na hoti, na hi odāto kālabhāvaṃ patthetvā paccuppane kāḷo hoti, na kāḷo vā odāto, dīgho vā rasso, rasso vā dīgho, dānaṃ pana datvā sīlaṃ vā samādiyitvā “anāgate khattiyō vā homi brāhmaṇo vā” ti patthentassa patthanā samijjhati. Tasmā anāgatameva gahitaṃ.

**Khandhādhivacananti** khandhānaṃ khandhapaṇṇatti kittakena hotīti pucchati.

**Mahābhūtā hetūti** “tayo kusalahetū” tiādīsū (dha. sa. 1441) hi hetuhetu vutto. Avijjā puññābhisaṅkhārādīnaṃ sādharmaṇattā sādharmaṇahetu. Kusalākusalaṃ attano attano vipākādāne uttamahetu. Idha paccayahetu adhippeto. Tattha pathavīdhātu mahābhūtaṃ itaresaṃ tiṇṇaṃ bhūtānaṃ upādārūpassa ca paññāpanāya dassanattāya hetu ceva paccayo ca. Evaṃ sesesupi yojanā veditabbā.

**Phassoti** “phuṭṭho, bhikkhave, vedeti, phuṭṭho sañjānāti, phuṭṭho ceteti” ti (saṃ. ni. 4.93) vacanato phasso tiṇṇaṃ khandhānaṃ paññāpanāya hetu ceva paccayo ca. **Viññāṇakkhandhassāti** ettha paṭisandhiviññāṇena tāva saddhiṃ gabbhaseyyakānaṃ uparimaparicchēdena samatīmsa rūpāni sampayuttā ca tayo khandhā uppajjanti, taṃ nāmarūpaṃ paṭisandhiviññāṇassa paññāpanāya hetu ceva paccayo ca. Cakkhudvāre cakkhupasādo ceva rūpārammaṇaṇca rūpaṃ, sampayuttā tayo khandhā nāmaṃ. Taṃ nāmarūpaṃ cakkhuviññāṇassa paññāpanāya hetu ceva paccayo ca. Eseva nayo sesaviññāṇesu.

**87. Kathaṃ pana, bhanteti** idaṃ kittakena nu khoti vaṭṭaṃ pucchanto evamāha. **Sakkāyadīṭṭhi na hotīti** idaṃ vivaṭṭaṃ pucchanto evamāha.

**88. Ayaṃ rūpe assādoti** iminā pariññāpaṭivedho ceva dukkhasaccaṇca kathitaṃ. **Ayaṃ rūpe ādīnavoti** iminā pahānapaṭivedho ceva samudayasaccaṇca. **Idaṃ rūpe nissaraṇanti** iminā sacchikiriyāpaṭivedho ceva nirodhasaccaṇca. Ye imesu tīsu ṭhānesu sammādiṭṭhiādayo dhammā, ayaṃ bhāvanāpaṭivedho maggasaccaṃ. Sesapadesupi eseva nayo.

**89. Bahiddhāti** parassa saviññāṇake kāye. **Sabbanimittesūti** iminā pana anindriyabaddhampi saṅgaṇhāti. “Saviññāṇake kāye”ti vacanena vā attano ca parassa ca kāyo gahitova, bahiddhā ca sabbanimittaggaṇaṇena anindriyabaddhaṃ gaṇhāti.

**90. Anattakatānīti** anattani ṭhatvā katāni. **Kamattānaṃ phusissantīti** katarasmim attani ṭhatvā vipākaṃ dassentīti sassatadassanaṃ okkamanto evamāha. **Tañhādhipeyyenāti** tañhājeṭṭhakena. **Tatra tatrāti** tesu tesu dhammesu. **Saṭṭhimattānanti** ime bhikkhū pakatikammaṭṭhānaṃ jahitvā aññaṃ navakammaṭṭhānaṃ sammasantā pallaṅkaṃ abhinditvā tasmimyeva āsane arahattaṃ pāpuṇṇisu. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Mahāpuṇṇamasuttavaṇṇanā niṭṭhitā.

### 10. Cūlapuṇṇamasuttavaṇṇanā

**91. Evaṃ me sutanti** cūlapuṇṇamasuttaṃ. Tattha **tuṇhībhūtaṃ tuṇhībhūtanti** yaṃ yaṃ disaṃ anuviloketi, tattha tattha tuṇhībhūtaṃ eva. **Anuviloketvāti** pañcapasādapapaṭimaṇḍitāni akkhīni ummīletvā tato tato viloketvā antamaso hatthakukkucapādukukkucānampi abhāvaṃ disvā. **Asappurisoti** pāpapuriso. **No hetam, bhanteti** yasmā andho andhaṃ viya so taṃ jānitum na sakkoti, tasmā evamāhaṃsu. Eteneva nayena ito paresupi vāresu attho vedītabbo. **Assaddhasamannāgatoti** pāpadhammasamannāgato. **Asappurisabhattīti** asappurisevano. **Asappuriscintīti** asappuriscintāya cintako. **Asappurisantīti** asappurisantanaṃ mantetā. **Asappurisavācoti** asappurisavācaṃ bhāsītā. **Asappurisaṃmantoti** asappurisaṃmānaṃ kattā. **Asappurisaḍḍhīti** asappurisaḍḍhiyā samannāgato. **Asappurisaḍḍhānti** asappurisehi dātabbaṃ dānaṃ. **Tyāssa mittāti** te assa mittā. **Attabyābādhāyapi cetetīti** pāṇaṃ hanissāmi, adinnaṃ ādiyissāmi, micchā carissāmi, dasa akusalakammaṃ samādāya vattissāmīti evaṃ attano dukkhatthāya cinteti. **Parabyābādhāyāti** yathā asuko asukaṃ pāṇaṃ hanti, asukassa santakaṃ adinnaṃ ādiyati, dasa akusalakammaṃ samādāya vattati, evaṃ naṃ āṇāpessāmīti evaṃ parassa dukkhatthāya cinteti. **Ubhayabyābādhāyāti** ahaṃ asukaṃ asukaṃ gahetvā dasa akusalakammaṃ samādāya vattissāmīti evaṃ ubhayadukkhatthāya cintetīti.

**Attabyābādhāyapi mantetīti** ādīsu ahaṃ dasa akusalakammaṃ samādāya vattissāmīti mantento attabyābādhāya manteti nāma. Asukaṃ dasa akusalakammaṃ samādāpessāmīti mantento parabyābādhāya manteti nāma. Aññaṇa saddhī – “mayam ubho pi ekato hutvā dasa akusalakammaṃ samādāya vattissāmā”ti mantento ubhayabyābādhāya manteti nāma.

**Asakkaccaṃ dānaṃ detīti** deyyadhammampi puggalampi na sakkaroti. Deyyadhammaṃ na sakkaroti nāma uttāṇḍulādidosasamannāgataṃ āhāraṃ deti, na pasannaṃ karoti. Puggalaṃ na sakkaroti nāma nisīdanaṭṭhānaṃ asammajjitvā yattha vā tattha vā nisīdāpetvā yaṃ vā taṃ vā ādhāraṃ ṭhapetvā dānaṃ deti. **Asahatthāti** attano hatthena, na deti, dāsakammakārādīhi dāpeti. **Acittikatvāti** heṭṭhā vuttanayena deyyadhammepi puggalepi na cittikāraṃ katvā deti. **Apavidhanti** chaḍḍetukāmo hutvā vammike uragaṃ pakkipanto viya deti. **Anāgamanadiṭṭhikoti** no phalapāṭikaṅkhī hutvā deti.

**Tattha upapajjati** na dānaṃ datvā niraye upapajjati. Yaṃ pana tena pāpaladdhikāya micchādassanaṃ gahitaṃ, tāya micchādiṭṭhiyā niraye upapajjati. Sukkapakkho vuttapaṭipakkhanayena vedītabbo. **Devamahattatāti** chakāmāvacaradevā. **Manussamahattatāti** tiṇṇaṃ kulānaṃ sampatti. Sesam sabbattha uttānameva. Imaṃ pana suttaṃ suddhavaṭṭavaseneva kathitanti.

Papañcasūdaniyā majjhimanikāyaṭṭhakathāya

Cūḷapunnāmasuttavaṇṇanā niṭṭhitā.

Paṭhamavaggavaṇṇanā niṭṭhitā.

## 2. Anupadavaggo

### 1. Anupadasuttavaṇṇanā

**93. Evaṃ me sutanti** anupadasuttaṃ. Tattha **etadavocāti** etaṃ (paṭi. ma. 3.4) ‘‘paṇḍito’’tiādinaṃ nayena dhammasenāpatisāriputtattherassa guṇakathaṃ avoca. Kasmā? Avasesattheresu hi mahāmoggallānattherassa iddhimāti guṇo pākaṭo, mahākassapassa dhutavādoti, anuruddhattherassa dibbacakkhukoti, upālittherassa vinayadharoti, revatattherassa jhāyī jhānābhīratoti, ānandattherassa bahussutoti. Evaṃ tesaṃ tesaṃ therānaṃ te te guṇā pākaṭā, sāriputtattherassa pana apākaṭā. Kasmā? Paññavato hi guṇā na sakkā akathitā jānituṃ. Iti bhagavā ‘‘sāriputtassa guṇe kathessāmi’’ti sabhāgaparīsāya sannipātaṃ āgāmesī. Visabhāgapuggalānañhi santike vaṇṇaṃ kathetuṃ na vaṇṇati, te vaṇṇe kathiyamāne avaṇṇameva kathenti. Imasmiṃ pana divase therassa sabhāgaparīsā sannipati, tassā sannipatitabhāvaṃ disvā satthā vaṇṇaṃ kathento imaṃ desanaṃ ārabhi.

Tattha **paṇḍitoti** dhātukusalatā āyatanakusalatā paṭiccasamuppādakusalatā ṭhānāṭṭhānakusalatāti imehi catūhi kāraṇehi paṇḍito. **Mahāpaññoti**ādīsu mahāpaññādīhi samannāgatoti attho.

Tatridaṃ mahāpaññādīnaṃ nānattaṃ – tattha katamā **mahāpaññā**? Mahante sīlakkhandhe pariggaṇhātīti mahāpaññā, mahante samādhikkhandhe, paññākkhandhe, vimuttikkhandhe, vimuttiñāṇadassanakkhandhe pariggaṇhātīti mahāpaññā, mahantāni ṭhānāṭṭhānāni, mahantā vihārasamāpattiyo, mahantāni ariyasaccāni, mahante satipaṭṭhāne, sammappadhāne, iddhipāde, mahantāni indriyāni, balāni, bojjhaṅgāni, mahante ariyamagge, mahantāni sāmāññaphalāni, mahantā abhiññāyo, mahantaṃ paramatthaṃ nibbānaṃ pariggaṇhātīti mahāpaññā.

Katamā **puṭhupaññā**, puthu nānākkhandhesu ñāṇaṃ pavattatīti puṭhupaññā. Puthu nānādhātūsu, puthu nānāāyatanesu, puthu nānāatthesu, puthu nānāpaṭiccasamuppādesu, puthu nānāsuññātamanupalabbhesu, puthu nānāatthesu, dhammesu, niruttīsu, paṭibhānesu, puthu nānāsīlakkhandhesu, puthu nānāsamādhī-paññā-vimutti-vimuttiñāṇadassanakkhandhesu, puthu nānāṭṭhānāṭṭhānesu, puthu nānāvihārasamāpattīsu, puthu nānāariyasaccesu, puthu nānāsatiipaṭṭhānesu, sammappadhānesu, iddhipādesu, indriyesu, balesu, bojjhaṅgesu, puthu nānāariyamaggesu, sāmāññaphalesu, abhiññāsu, puthu nānājanasādhāraṇe dhamme samatikkamma paramatthe nibbāne ñāṇaṃ pavattatīti puṭhupaññā.

Katamā **hāsapaññā**, idhekacco hāsabahulo vedabahulo tuṭṭhibahulo pāmojjabahulo sīlaṃ paripūreti, indriyasamvaram paripūreti, bhojane mattaññutaṃ, jāgariyānuyogaṃ, sīlakkhandhaṃ, samādhikkhandhaṃ, paññākkhandhaṃ, vimuttikkhandhaṃ, vimuttiñāṇadassanakkhandhaṃ paripūretīti hāsapaññā. Hāsabahulo pāmojjabahulo ṭhānāṭṭhānaṃ paṭivijjhati, hāsabahulo vihārasamāpattiyo paripūretīti hāsapaññā, hāsabahulo ariyasaccāni paṭivijjhati. Satipaṭṭhāne, sammappadhāne, iddhipāde, indriyāni, balāni, bojjhaṅgāni, ariyamaggaṃ bhāvetīti hāsapaññā, hāsabahulo sāmāññaphalāni sacchikaroti, abhiññāyo paṭivijjhatīti hāsapaññā, hāsabahulo vedatuṭṭhipāmojjabahulo paramatthaṃ nibbānaṃ sacchikarotīti hāsapaññā.

Katamā **javanapaññā**, yaṃkiñci rūpaṃ atītānāgatapaccuppannaṃ...pe... yaṃ dūre santike vā, sabbaṃ rūpaṃ aniccato khippaṃ javatīti javanapaññā. Dukkhatto khippaṃ... anattato khippaṃ javatīti javanapaññā. Yā kāci vedanā...pe... yaṃkiñci viññānaṃ atītānāgatapaccuppannaṃ...pe... sabbaṃ viññānaṃ aniccato dukkhato anattato khippaṃ javatīti javanapaññā. Cakkhu...pe... jarāmarāṇaṃ

atītānāgatapaccuppannaṃ aniccato dukkhato anattato khippaṃ javatīti javanapaññā. Rūpaṃ atītānāgatapaccuppannaṃ aniccaṃ khayatthena, dukkhaṃ bhayatthena, anattā asāraikatthenāti tulayitvā tīrayitvā vibhāvayitvā vibhūtaṃ katvā rūpanirodhe nibbāne khippaṃ javatīti javanapaññā. Vedanā, saññā, saṅkhārā, viññāṇaṃ, cakkhu...pe... jarāmaṇaṃ atītānāgatapaccuppannaṃ aniccaṃ khayatthena...pe... vibhūtaṃ katvā jarāmaṇanirodhe nibbāne khippaṃ javatīti javanapaññā. Rūpaṃ atītānāgatapaccuppannaṃ...pe... viññāṇaṃ. Cakkhu...pe... jarāmaṇaṃ atītānāgatapaccuppannaṃ aniccaṃ saṅkhataṃ paṭicasamuppannaṃ khayadhammaṃ vayadhammaṃ virāgadhammaṃ nirodhadhammanti tulayitvā tīrayitvā vibhāvayitvā vibhūtaṃ katvā jarāmaṇanirodhe nibbāne khippaṃ javatīti javanapaññā.

Katamā **tikkhapaññā**, khippaṃ kilese chindatīti tikkhapaññā. Uppannaṃ kāmavitakkaṃ nādhivāseti, uppannaṃ byāpādavittakkaṃ, uppannaṃ vihiṃsāvitakkaṃ, uppannapanne pāpake akusale dhamme, uppannaṃ rāgaṃ, dosaṃ, mohaṃ, kodhaṃ, upanāhaṃ, makkhaṃ, paḷāsaṃ, issaṃ, macchariyaṃ, māyaṃ, sātheyyaṃ, thambhaṃ, sārāmbhaṃ, mānaṃ, atimānaṃ, maḍaṃ, pamādaṃ, sabbe kilese, sabbe duccharite, sabbe abhisāṅkhāre, sabbe bhavagāmikamme nādhivāseti pajahati vinodeti byantūkaroti anabhāvaṃ gametīti tikkhapaññā. Ekasmiṃ āsane cattāro ariyamaggā, cattāri sāmāññaphalāni, catasso paṭisambhidāyo, cha ca abhiññāyo adhigatā honti sacchikatā passitā paññāyāti tikkhapaññā.

Katamā **nibbedhikapaññā**, idhekacco sabbasaṅkhāresu ubbegabahulo hoti uttāsabahulo ukkaṇṭhanabahulo aratibahulo anabhiratibahulo bahimukho na ramati sabbasaṅkhāresu, anibbiddhapubbaṃ appadālitapubbaṃ lobhakkhandhaṃ nibbijjhati padāletīti nibbedhikapaññā. Anibbiddhapubbaṃ appadālitapubbaṃ dosakkhandhaṃ, mohakkhandhaṃ, kodhaṃ, upanāhaṃ...pe... sabbe bhavagāmikamme nibbijjhati padāletīti nibbedhikapaññā.

**Anupadadhammavipassananti** samāpattivāsena vā jhānaṅgavasena vā anupaṭipāṭiyā dhammavipassanaṃ vipassati, evaṃ vipassanto addhamāsenā arahattaṃ patto. Mahāoggallānatthero pana sattahi divasehi. Evaṃ santepi sārīputtatthero mahāpaññavantataro. Mahāoggallānatthero hi sāvakaṇaṃ sammasanacāraṃ yaṭṭhikoṭiyā uppīlento viya ekadesameva sammasanto satta divase vāyāmitvā arahattaṃ patto. Sārīputtatthero ṭhapetvā buddhānaṃ paccekabuddhānaṃ sammasanacāraṃ sāvakaṇaṃ sammasanacāraṃ nippadesaṃ sammasi. Evaṃ sammasanto addhamāsaṃ vāyāmi. Arahattaṃ kira patvā aññāsi – “ṭhapetvā buddhe ca paccekabuddhe ca añño sāvako nāma paññāya mayā pattabbaṃ pattuṃ samattho nāma na bhavissatī”ti. Yathā hi puriso veḷuyatthiṃ gaṇhissāmīti mahājaṭaṃ veḷuṃ disvā jaṭaṃ chindantassa papañco bhavissatīti antarena hatthaṃ pavesetvā sampattameva yaṭṭhiṃ mūle ca agge ca chinditvā ādāya pakkameyya, so kiñcāpi paṭhamataraṃ gacchati, yaṭṭhiṃ pana sāraṃ vā ujūṃ vā na labhati. Aparo ca tathārūpameva veḷuṃ disvā “sace sampattam yaṭṭhiṃ gaṇhissāmi, sāraṃ vā ujūṃ vā na labhissāmi”ti kacchaṃ bandhitvā mahantena satthena veḷujaṭaṃ chinditvā sārā ceva ujū ca yaṭṭhiyo uccinitvā ādāya pakkameyya. Ayaṃ kiñcāpi pacchā gacchati, yaṭṭhiyo pana sārā ceva ujū ca labhati. Evaṃsampadamidaṃ veditabbaṃ imesaṃ dvinnaṃ therānaṃ padhānaṃ.

Evaṃ pana addhamāsaṃ vāyāmitvā dhammasenāpati sārīputtatthero sūkarakhatalaṇadvāre bhāgīneyyassa dīghanakhaparibbājakassa vedanāpariggahasuttante desiyamāne dasabalaṃ bījayamāno ṭhito desanānusārena ñāṇaṃ pesetvā pabbajitadivasato pannarasame divase sāvakaṇāmiññāssa matthakaṃ patvā sattaṣṭhi ñāṇāni paṭivijjhivā soḷasavidhaṃ paññaṃ anuppatto.

**Tatridaṃ, bhikkhave, sārīputtassa anupadadhammavipassanāyāti** yā anupadadhammavipassanaṃ vipassatīti anupadadhammavipassanā vuttā, tatra anupadadhammavipassanāya sārīputtassa idaṃ hoti. Idāni vattabbaṃ taṃ taṃ vipassanākoṭṭhāsaṃ sandhāyetaṃ vuttaṃ.

**94. Paṭhame jhāneti** ye paṭhame jhāne antosamāpattiyam dhammā. **Tyāssāti** te assa.

**Anupadavavatthitā hontīti** anupaṭipāṭiyā vavatthitā paricchinā ñātā viditā honti. Katham? Thero hi te dhamme olokento abhiniropanalakkhaṇo vitakko vattatīti jānāti. Tathā anumajjanalakkhaṇo vicāro, pharaṇalakkhaṇā pīti, sātālakkhaṇam sukham, avikkhepalakkhaṇā cīttekaggatā, phusanalakkhaṇo phasso vedayitalakkhaṇā vedanā, sañjānanalakkhaṇā saññā, cetayitalakkhaṇā cetanā, vijānanalakkhaṇam viññānam, kattukamyatālakkaṇo chando, adhimokkhalakkhaṇo adhimokkho, paggāhalakkhaṇam vīriyam upaṭṭhānalakkhaṇā sati, majjhatalakkhaṇā upekkhā, anunayamanasikāralakkhaṇo manasikāro vattatīti jānāti. Evaṃ jānam abhiniropanaṭṭhena vitakkaṃ sabhāvato vavatthapeti...pe... anunayamanasikāraṇaṭṭhena manasikāram sabhāvabhāvato vavatthapeti. Tena vuttam “tyāssa dhammā anupadavavatthitā hontī”’ti.

**Viditā uppajjantīti** uppajjamānā viditā pākaṭāva hutvā uppajjanti. **Viditā upaṭṭhahantīti** tiṭṭhamānāpi viditā pākaṭāva hutvā tiṭṭhanti. **Viditā abbattham gacchantīti** nirujjhamānāpi viditā pākaṭāva hutvā nirujjhanti. Ettha pana taṃñāṇatā ceva ñāṇabahutā ca mocetabbā. Yathā hi teneva aṅgulaggena taṃ aṅgulaggaṃ na sakkā phusituṃ, evameva teneva cītena tassa cīttassa uppādo vā ṭhiti vā bhaṅgo vā na sakkā jānitunti. Evaṃ tāva taṃñāṇatā mocetabbā. Yadi pana dve cīttāni ekato uppajjeyyūṃ, ekena cītena ekassa uppādo vā ṭhiti vā bhaṅgo vā sakkā bhavēyya jānituṃ. Dve pana phassā vā vedanā vā saññā vā cetanā vā cīttāni vā ekato uppajjanakāni nāma natthi, ekekameva uppajjati. Evaṃ ñāṇabahutā mocetabbā. Evaṃ sante katham? Mahātherassa antosamāpattiyam soḷasa dhammā viditā pākaṭā hontīti. Vatthārammaṇānam pariggahitatāya. Therena hi vatthu ceva ārammaṇaṇca pariggahitaṃ, tenassa tesam dhammānam uppādam āvajjantassa uppādo pākaṭo hoti, ṭhānam āvajjantassa ṭhānam pākaṭam hoti, bhedaṃ āvajjantassa bhedo pākaṭo hoti. Tena vuttam “viditā uppajjanti viditā upaṭṭhahanti viditā abbattham gacchantī”’ti. **Ahutvā sambhontīti** iminā udayam passati. **Hutvā paṭiventīti** iminā vayam passati.

**Anupāyoti** rāgavasena anupagamano hutvā. **Anapāyoti** paṭighavasena anapagato. **Anissitoti** taṃhāditṭhinissayehi anissito. **Appaṭibaddhoti** chandarāgena abaddho. **Vippamuttoti** kāmarāgato vippamutto. **Visamyuttoti** catūhi yogehi sabbakilesehi vā visamyutto. **Vimariyādīkatēnāti** nimmariyādīkatena. **Cetasāti** evaṃvidhena cītena viharati.

Tattha dve mariyādā kilesamariyādā ca ārammaṇamariyādā ca. Sace hissa antosamāpattiyam pavatte soḷasa dhamme ārabba rāgādayo uppajjeyyūṃ, kilesamariyādā tena katā bhavēyya, tesu panassa ekopi na uppannoti kilesamariyādā natthi. Sace panassa antosamāpattiyam pavatte soḷasa dhamme āvajjantassa ekacce āpātham nāgaccheyyūṃ. Evamassa ārammaṇamariyādā bhavēyyūṃ. Te panassa soḷasa dhamme āvajjantassa āpātham anāgatadhammo nāma natthīti ārammaṇamariyādāpi natthi.

Aparāpi dve mariyādā vikkhambhanamariyādā ca samucchedamariyādā ca. Tāsu samucchedamariyādā upari āgamissati, imasmiṃ pana ṭhāne vikkhambhanamariyādā adhippetā. Tassa vikkhambhitapaccanīkattā natthīti vimariyādīkatena cetasā viharati.

**Uttari nissaraṇanti** ito uttari nissaraṇam. Aññesu ca suttesu “uttari nissaraṇa”’nti nibbānam vuttam, idha pana anantaro viseso adhippetoti veditabbo. **Tabbahulīkārāti** tassa pajānanassa bahulīkaraṇena. **Atthitvevassa hotīti** tassa therassa atthītiyeva daḷhataram hoti. Iminā nayena sesavāresupi attho veditabbo.

Dutiyavāre pana sampasādanaṭṭhena **sampasādo**. Sabhāvato vavatthapeti.

Catutthavāre **upekkhāti** sukhaṭṭhāne vedanupekkhāva. **Passaddhattā cetaso anābhogoti** yo so “yadeva tattha sukha”’nti cetaso ābhogo, etenetam oḷārikamakkhāyatīti evam passaddhattā cetaso anābhogo vutto, tassa abhāvāti attho. **Satipārisuddhīti** parisuddhāsatiyeva. **Upekkhāpi**

pārisuddhiupekkhā.

**95. Sato vuṭṭhahatīti** satiyā samannāgato ñāṇena sampajāno hutvā vuṭṭhātī. **Te dhamme samanupassatīti** yasmā nevasaññānāsaññāyatane buddhānaṃyeva anupadadhammavipassanā hoti, na sāvakanāṃ, tasmā ettha kalāpavipassanaṃ dassento evamāha.

**Paññāya cassa disvā āsavā parikkhīṇā hontīti** maggapaññāya cattāri saccāni disvā cattāro āsavā khīṇā hontī. Sāriputtattherassa samathavipassanaṃ yuganaddhaṃ āharitvā arahattaṃ pattavāropi atthi, nirodhasamāpattisamāpannavāropi. Arahattaṃ pattavāro idha gahito, nirodhaṃ pana ciṇṇavasitāya aparāparaṃ samāpajjissatīti vadanti.

Tatthassa yasmim̄ kāle nirodhasamāpatti sīsaṃ hoti, nirodhassa vāro āgacchati, phalasaṃpatti gūḷhā hoti. Yasmim̄ kāle phalasaṃpatti sīsaṃ hoti, phalasaṃpattiyā vāro āgacchati, nirodhasamāpatti gūḷhā hoti. Jambudīpavāsino therā pana vadanti “sāriputtatthero samathavipassanaṃ yuganaddhaṃ āharitvā anāgāmiphalaṃ sacchikatvā nirodhaṃ samāpajji, nirodhā vuṭṭhāya arahattaṃ patto” ti. **Te dhammeti** antosaṃpattiyāṃ pavatte tisamuṭṭhānikarūpadhamme, heṭṭhā nevasaññānāsaññāyatanaṃ samāpattiyāṃ pavattadhamme vā. Tepi hi imasmim̄ vāre vipassitabbadhammāva, tasmā te vā vipassatīti dassetuṃ idaṃ vuttanti veditabbaṃ.

**97. Vasippatoti** ciṇṇavasitaṃ patto. **Pāramippatoti** nipphattiṃ patto. **Orasoti**ādīsu thero bhagavato ure nibbattasaddhaṃ sutvā jātoti **oraso**, mukhena pabhāvitaṃ saddhaṃ sutvā jātoti **mukhato jāto**, dhammena pana jātattā nimmitattā **dhammajo dhammanimmito**, dhammadāyassa ādiyanato **dhammadāyādo**, āmisadāyassa anādiyanato **no āmisadāyādoti** veditabbo. Sesam̄ sabbattha uttānamevāti.

Papañcasūdaniyā majjhimanikāyaṭṭhakathāya

Anupadasuttavaṇṇanā niṭṭhitā.

## 2. Chabbisodhanasuttavaṇṇanā

**98. Evaṃ me sutanti** chabbisodhanasuttaṃ. Tattha **khīṇā jāti**tiādīsu ekenāpi padena aññā byākatāva hoti, dvīhipi. Idha pana catūhi padehi aññābyākaraṇaṃ āgataṃ. **Diṭṭhe diṭṭhavāditī**tiādīsu yāya cetanāya diṭṭhe diṭṭhaṃ meti vadati, sā diṭṭhe diṭṭhavāditā nāma. Sesapadesupī eseva nayo. **Ayamanudhammoti** ayaṃ sabhāvo. **Abhinanditabbanti** na kevalaṃ abhinanditabbaṃ, parinibbutassa panassa sabbopi khīṇāsavassa sakkāro kātabbo. **Uttariṃ pañhoti** sace panassa veyyākaraṇena asantuṭṭhā hotha, uttarimpi ayaṃ pañho pucchitabboti dasseti. Ito paresupī tīsu vāresu ayameva nayo.

**99. Abalanti** dubbalaṃ. **Virāgunanti** vigacchanasabhāvaṃ. **Anassāsikanti** assāsavirahitaṃ. **Upāyūpādānāti** taṇhādīṭṭhīnametaṃ adhivacanaṃ. Taṇhādīṭṭhiyo hi tebhūmakadhamme upentīti **upāyā**, upādiyantīti **upādānā**. **Cetaso adīṭṭhānābhinivesānusayā**tipi tāsāmyeva nāmaṃ. Cittañhi taṇhādīṭṭhīhi sakkāyadhammesu tiṭṭhati adhiṭṭhatīti taṇhādīṭṭhiyo **cetaso adhiṭṭhānā**, tāhi taṃ abhinivisatīti **abhinivesā**, tāhiyeva taṃ anusetīti **anusayā**ti vuccanti. **Khayā virāgā**tiādīsu khayena virāgenāti attho. Sabbāni cetāni aññamaññāvevacanāneva.

**100. Pathavīdhātūti** patiṭṭhānadhātu. **Āpodhātūti** ābandhanadhātu. **Tejodhātūti** paripācanadhātu. **Vāyodhātūti** vitthambhanadhātu. **Ākāsadhātūti** asamphuṭṭhadhātu. **Viññāṇadhātūti** vijānanadhātu. **Na anattato upagacchinti** ahaṃ attāti attakoṭṭhāsena na upagamim̄. **Na ca pathavīdhātunissitanti** pathavīdhātunissitā sesadhātuyo ca upādārūpaṇca arūpakkhandhā ca. Tepi hi nissitavatthurūpānaṃ pathavīdhātunissitattā ekena pariyāyena pathavīdhātunissitāva. Tasmā “na ca pathavīdhātunissita”nti vadanto sesarūpārūpadhammepi attato na upagacchinti vadati. Ākāsadhātunissitapade pana

avinibbhogavasena sabbampi bhūtopādārūpaṃ **ākāsadhātunissitaṃ** nāma, tathā taṃnissitarūpavatthukā arūpakkhandhā. Evaṃ idhāpi rūpārūpaṃ gahitameva hoti. Viññāḍadhātunissitapade pana sahaajāta tayo khandhā cittasamuṭṭhānarūpaṃ **viññāḍadhātunissitanti** rūpārūpaṃ gahitameva hoti.

**101. Rūpe cakkhuviññāḍe cakkhuviññāḍaviññāḍatābbesu dhammesūti** ettha yaṃ atīte cakkhudvārassa āpāthaṃ āgantvā niruddhaṃ, yañca anāgate āpāthaṃ āgantvā nirujjhissati, yampi etarahi āgantvā niruddhaṃ, taṃ sabbam rūpaṃ nāma. Yaṃ pana atītepi āpāthaṃ anāgantvā niruddhaṃ, anāgatepi anāgantvā nirujjhissati, etarahipi anāgantvā niruddhaṃ, taṃ cakkhuviññāḍaviññāḍatābbadhammesu saṅgahitanti vutte tipītakacūḷābhayatthero āha – “imasmiṃ ṭhāne dvidhā karotha, upari chandovāre kinti karissatha, nayidaṃ labbhatī”ti. Tasmā tīsu kālesu āpāthaṃ āgataṃ vā anāgataṃ vā sabbampi taṃ rūpameva, cakkhuviññāḍasampayuttā pana tayo khandhā cakkhuviññāḍaviññāḍatābbadhammāti vedītabbā. Ayañhettha attho “cakkhuviññāḍena saddhiṃ viññāḍatābbesu dhammesū”ti. **Chandoti** taṇhāchando. **Rāgoti** sveva rajjanavasena rāgo. **Nandīti** sveva abhinandanavasena nandī. **Taṇhāti** sveva taṇhāyanavasena taṇhā. Sesadvāresupi eseve nayo.

**102. Ahaṅkāramamaṅkāramānānusayāti** ettha ahaṅkāro māno, mamaṅkāro taṇhā, sveva mānānusayo. **Āsavānaṃ khayaññāyāti** idaṃ pubbenivāsaṃ dibbacakkhuñca avatvā kasmā vuttaṃ? Bhikkhū lokiyadhammaṃ na pucchanti, lokuttarameva pucchanti, tasmā pucchitapañhaṃyeva kathento evamāha. Ekavissajjitasuttaṃ nāmetam, chabbisodhanantipissa nāmaṃ. Ettha hi cattāro vohārā pañca khandhā cha dhātuyo cha ajjhantikabāhirāni āyatanāni attano saviññāḍakakāyo paresam saviññāḍakakāyoti ime cha koṭṭhāsā visuddhā, tasmā “chabbisodhaniya”nti vuttaṃ. **Parasamuddavāsitherā** pana attano ca parassa ca viññāḍakakāyaṃ ekameva katvā catūhi āhārehi saddhinti cha koṭṭhāse vadanti.

Ime pana cha koṭṭhāsā “kiṃ te adhigataṃ, kinti te adhigataṃ, kadā te adhigataṃ, kattha te adhigataṃ, katame te kilesā pahīnā, katamesam tvaṃ dhammānaṃ lābhī”ti (pārā. 198) evaṃ vinayaniddesapariyāyena sodhetabbā.

Ettha hi **kiṃ te adhigatanti** adhigamapucchā, jhānavimokkhādīsu sotāpattimaggādīsu vā kiṃ tayā adhigataṃ. **Kinti te adhigatanti** upāyapucchā. Ayañhi etthādhippāyo – kiṃ tayā aniccalakkhaṇaṃ dhuraṃ katvā adhigataṃ, dukkhānattalakkhaṇesu aññataraṃ vā, kiṃ vā samādhivasena abhinivisitvā, udāhu vipassanāvasena, tathā kiṃ rūpe abhinivisitvā, udāhu arūpe, kiṃ vā ajjhattaṃ abhinivisitvā, udāhu bahiddhāti. **Kadā te adhigatanti** kālapucchā, pubbaṇhamajjhanhikādīsu katarasmiṃ kāleti vuttaṃ hoti.

**Kattha te adhigatanti** okāsapucchā, kismiṃ okāse, kiṃ rattiṭṭhāne divāṭṭhāne rukkhāmūle maṇḍape katarasmiṃ vā vihāreti vuttaṃ hoti. **Katame te kilesā pahīnāti** pahīnakilese pucchati, kataramaggavajjhā tava kilesā pahīnāti vuttaṃ hoti.

**Katamesam tvaṃ dhammānaṃ lābhīti** paṭiladdhadhammapucchā, paṭhamamaggādīsu katamesam tvaṃ dhammānaṃ lābhīti vuttaṃ hoti.

Tasmā idāni cepi koci bhikkhu uttarimanussadhamaḍdhigamaṃ byākareyya, na so ettāvātāva sakkātabbo. Imesu pana chasu ṭhānesu sodhanatthaṃ vattabbo “kiṃ te adhigataṃ, kiṃ jhānaṃ udāhu vimokkhādīsu aññatara”nti? Yo hi yena adhigato dhammo, so tassa pākāṭo hoti. Sace “idaṃ nāma me adhigata”nti vadati, tato “kinti te adhigata”nti pucchitabbo. Aniccalakkhaṇādīsu kiṃ dhuraṃ katvā, aṭṭhatimsāya vā āramaṇesu rūpārūpaajjhatabhiddhādibhedesu vā dhammesu kena mukhena abhinivisitvāti? Yo hi yassābhiniveso, so tassa pākāṭo hoti.

Sace pana “ayaṃ nāma me abhiniveso, evaṃ mayā adhigata”nti vadati, tato “kadā te adhigata”nti pucchitabbo, “kiṃ pubbaṇhe, udāhu majjhanhikādīsu aññatarasmiṃ kāle”ti? Sabbesañhi attanā

adhigatakālo pākaṭo hoti. Sace “amukasmim nāma me kāle adhigata”nti vadati, tato “kattha te adhigata”nti pucchitabbo, “kim divatṭhāne, udāhu rattiṭṭhānādīsu aññatarasmim okāse”ti? Sabbesañhi attanā adhigatokāso pākaṭo hoti. Sace “amukasmim nāma me okāse adhigata”nti vadati, tato “katame te kilesā pahīnā”ti pucchitabbo, “kim paṭhamamaggavajjhā, udāhu dutiyādimaggavajjhā”ti? Sabbesañhi attanā adhigatamaggena pahīnakilesā pākaṭā honti.

Sace “ime nāma me kilesā pahīnā”ti vadati, tato “katamesam tvaṃ dhammānaṃ lābhī”ti pucchitabbo, “kim sotāpattimagassa, udāhu sakadāgāmimagādīsu aññatarassā”ti? Sabbesañhi attanā adhigatadhammo pākaṭo hoti. Sace “imesam nāmāhaṃ dhammānaṃ lābhī”ti vadati, ettāvatāpissa vacanaṃ na saddhātappaṃ. Bahussutā hi uggahaparipucchākusalā bhikkhū imāni cha ṭhānāni sodhetuṃ sakkonti. Imassa bhikkhuno āgamanapaṭipadā sodhetabbā, yadi āgamanapaṭipadā na sujjhati, “imāya paṭipadāya lokuttaradhammā nāma na labbhanti”ti apanetabbo.

Yadi panassa āgamanapaṭipadā sujjhati, “dīgharattaṃ tīsu sikkhāsu appamatto jāgariyamanuyutto catūsu paccayesu alaggo ākāse pañisamena cetasā viharatī”ti paññāyati, tassa bhikkhuno byākaraṇaṃ paṭipadāya saddhim samsandati sameti. “Seyyathāpi nāma gaṅgodakaṃ yamunodakena saddhim samsandati sameti, evameva supaññattā tena bhagavatā sāvakanāṃ nibbānagāminī paṭipadā samsandati sameti nibbānaṅca paṭipadā cā”ti (dī. ni. 2.296) vuttasadisam hoti.

Apica kho ettakenāpi sakkāro na kātabbo. Kasmā? Ekaccassa hi puthujjanassāpi sato khīṇāsavapaṭipattisadisā paṭipadā hoti. Tasmā so bhikkhu tehi tehi upāyehi uttāsetabbo. Khīṇāsavassa nāma asaniyāpi matthake patamānāya bhayaṃ vā chambhitattaṃ vā lomahaṃso vā na hoti, puthujjanassa appamattakenāpi hoti.

Tatrimāni vatthūni – dīghabhāṇakaabhayatthero kira ekaṃ piṇḍapātikaṃ pariggahetuṃ asakkonto daharassa saññaṃ adāsi. So taṃ nhāyamānaṃ kalyāṇinādīmukhadvāre nimujjitvā pāde aggahesi. Piṇḍapātiko kumbhīloti saññāya mahāsaddamakāsi, tadā naṃ puthujjanoti sañjānimsu. Candamukhatissarājakāle pana mahāvihāre saṅghatthero khīṇāsavo dubbalacakkhuko vihāreyeva acchi. Rājā theram pariggaṇhissāmīti bhikkhūsu bhikkhācāraṃ gatesu appasaddo upasaṅkamitvā sappo viya pāde aggahesi. Thero silāthambho viya niccalo hutvā ko etthāti āha? Ahaṃ, bhante, tissoti. Sugandhaṃ vāyasi no tissāti? Evaṃ khīṇāsavassa bhayaṃ nāma natthīti.

Ekacco pana puthujjanopi atisūro hoti nibbhayo. So rañjanīyena ārammaṇena pariggaṇhitabbo. Vasabharājāpi hi ekaṃ theram pariggaṇhamāno ghare nisīdāpetvā tassa santike badarasālavaṃ maddamāno nisīdi. Mahātherassa kheḷo cali, tato therassa puthujjanabhāvo āvibhūto. Khīṇāsavassa hi rasataṇhā nāma suppahīnā, dibbesupi rasesu nikanti nāma na hoti. Tasmā imehi upāyehi pariggahetvā sacassa bhayaṃ vā chambhitattaṃ vā lomahaṃso vā rasataṇhā vā uppajjati, na tvaṃ arahāti apanetabbo. Sace pana abhīrū acchambhī anutrāsī hutvā sīho viya nisīdati, dibbārammaṇepi nikantiṃ na janeti. Ayaṃ bhikkhu sampannaveyyākaraṇo samantā rājarājamahāmattādīhi pesitaṃ sakkāraṃ arahatīti.

Papañcasūdaniyā majjhimanikāyaṭṭhakathāya

Chabbisodhanasuttavaṇṇanā niṭṭhitā.

### 3. Sappurisadhammasuttavaṇṇanā

**105. Evaṃ me sutanti sappurisadhammasuttaṃ.** Tattha **sappurisadhammanti** sappurisānaṃ dhammaṃ. **Asappurisadhammanti** pāpapurisānaṃ dhammaṃ. Evaṃ mātikaṃ ṭhapetvāpi puna yathā nāma maggakusalo puriso vāmaṃ muñcitvā dakkhiṇaṃ gaṇhāti. Paṭhamaṃ muñcitabbaṃ katheti, evaṃ pahātappaṃ dhammaṃ paṭhamaṃ desento **katamo ca, bhikkhave, asappurisadhammoti**ādīmāha. Tattha **uccākulāti** khattiyakulā vā brāhmaṇakulā vā. Etadeva hi kuladvayaṃ “uccākula”nti vuccati. **So**



**tattha pujjoti** so bhikkhu tesu bhikkhūsu pūjāraho. **Antaraṃ karitvāti** abbhantaraṃ katvā.

**Mahākulā**ti khattiyakulā vā brāhmaṇakulā vā vessakulā vā. Idameva hi kulattayaṃ “mahākula”nti vuccati. **Mahābhogakulā**ti mahantehi bhogehi samannāgatā kulā. **Uḷārabhogakulā**ti uḷārehi paṇītehi bhogehi sampannakulā. Imasmiṃ padadvaye cattāripi kulāni labbhanti. Yattha katthaci kule jāto hi puññabalehi mahābhogopi uḷārabhogopi hotiyeva.

**106. Yasassīti** parivārasampanno. **Appaññātāti** rattiṃ khittasarā viya saṅghamajjhādīsu na paññāyanti. **Appesakkhāti** appaparivārā.

**107. Āraññikoti** samādinnaāraññikadhutaṅgo. Sesadhutaṅgesupi eseva nayo. Imasmiṃca sutte pāliyaṃ naveva dhutaṅgāni āgatāni, vitthārena panetāni terasa honti. Tesu yaṃ vattabbaṃ, taṃ sabbbaṃ sabbākārena **visuddhimagge** dhutaṅganiddese vuttameva.

**108. Atammayatāti** tammayatā vuccati taṇhā, nittaṇhāti attho. **Atammayataññeva antaraṃ karitvāti** nittaṇhataṃyeva kāraṇaṃ katvā abbhantaraṃ vā katvā, citte uppādetvāti attho.

Nirodhavāre yasmā anāgāmikhīṇāsavāva taṃ samāpattiṃ samāpajjanti, puthujjanassa sā natthi, tasmā asappurisavāro parihīno. **Na kañci maññatīti** kañci puggalaṃ tīhi maññanāhi na maññati. **Na kuhiñci maññatīti** kismiñci okāse na maññati. **Na kenaci maññatīti** kenaci vatthunāpi taṃ puggalaṃ na maññati. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Sappurisadhammasuttavaṇṇanā niṭṭhitā.

#### 4. Sevitabbāsevitabbasuttavaṇṇanā

**109. Evaṃ me sutanti** sevitabbāsevitabbasuttaṃ. Tattha **tañca aññamaññaṃ kāyasamācāranti** aññaṃ sevitabbaṃ kāyasamācāraṃ, aññaṃ asevitabbaṃ vadāmi, sevitabbameva kenaci pariyāyena asevitabbanti, asevitabbaṃ vā sevitabbanti ca na vadāmi attho. Vacīsamācārādīsu eseva nayo. Iti bhagavā sattahi padehi mātikaṃ ṭhapetvā vitthārato avibhajitvāva desanaṃ niṭṭhāpesi. Kasmā? Sāriputtattherassa okāsakaraṇatthaṃ.

**113. Manosamācāre** micchādiṭṭhisammādiṭṭhiyo diṭṭhipaṭilābhavasena viṣuṃ aṅgaṃ hutvā ṭhitāti na gahitā.

**114. Cittuppāde** akammaṭṭhappattā abhijjhādayo veditabbā.

**115.** Saññāpaṭilābhavāre **abhijjhāsahagatāya saññāyāti**ādīni kāmasaññādīnaṃ dassanatthaṃ vuttāni.

**117. Sabyābajjhanti** sadukkhaṃ. **Apariniṭṭhitabhāvāyāti** bhavānaṃ apariniṭṭhitabhāvāya. Ettha ca sabyābajjhatabhāvā nāma cattāro honti. Puthujjanopi hi yo tenatabhāvena bhavaṃ pariniṭṭhāpetuṃ na sakkoti, tassa paṭisandhito paṭṭhāya akusalā dhammā vaḍḍhanti, kusalā dhammā ca parihāyanti, sadukkameva attabhāvaṃ abhinibbatteti nāma. Tathā sotāpannasakadāgāmianāgāmīno. Puthujjanādayo tāva hontu, anāgāmī kathaṃ sabyābajjhaṃ attabhāvaṃ abhinibbatteti, kathañcassa akusalā dhammā abhivaḍḍhanti, kusalā dhammā parihāyantīti. Anāgāmīpi hi suddhāvāse nibbatto uyyānavimānakapparukkhe oloketvā “aho sukhaṃ aho sukha”nti udānaṃ udāneti, anāgāmīno bhavalobho bhavataṇhā appahīnāva honti, tassa appahīnataṇhatāya akusalā vaḍḍhanti nāma, kusalā

parihāyanti nāma, sadukkhameva attabhāvaṃ abhinibbatteti, apariniṭṭhitabhavoyeva hotīti veditabbo.

**Abyābajjhanti** adukkhaṃ. Ayampi catunnaṃ janānaṃ vasena veditabbo. Yo hi puthujjanopi tenattabhāvena bhavaṃ pariniṭṭhāpetuṃ sakkoti, puna paṭisandhiṃ na gaṇhāti, tassa paṭisandhiggahaṇato paṭṭhāya akusalā parihāyanti, kusalāyeva vaḍḍhanti, adukkhamēva attabhāvaṃ nibbatteti, pariniṭṭhitabhavoyeva nāma hoti. Tathā sotāpannasakadāgāmianāgāmino. Sotāpannādayo tāva hontu, puthujjano kathaṃ abyābajjhaattabhāvaṃ nibbatteti, kathañcassa akusalaparihāniādīni hontīti. Puthujjanopi pacchimabhaviko tenattabhāvena bhavaṃ pariniṭṭhāpetuṃ samattho hoti. Tassa aṅgulimālassa viya ekenūnapānasahassaṃ ghātentassāpi attabhāvo abyābajjhoyeva nāma, bhavaṃ pariniṭṭhāpetiyeva nāma. Akusalameva hāyati, vipassanameva gabbhaṃ gaṇhāpeti nāma.

**119. Cakkhuvīññeyanti**ādīsu yasmā ekaccassa tasmīṃyeva rūpe rāgādayo uppajjanti, abhinandati assādeti, abhinandanto assādeto anayabyasanaṃ pāpuṇāti, ekaccassa nuppajjanti, nibbindati virajjati, nibbindanto virajjanto nibbutiṃ pāpuṇāti, tasmā “tañca aññamañña”nti na vuttaṃ. Esa nayo sabbattha.

**Evaṃ vitthārena atthaṃ ājāneyyunti** ettha ke bhagavato imassa bhāsitasā atthaṃ ājānanti, ke na ājānanti? Ye tāva imassa suttassa pālīñca aṭṭhakathañca uggaṇhitvā takkarā na honti, yathāvuttaṃ anulomapaṭipadaṃ na paṭipajjanti, te na ājānanti nāma. Ye pana takkarā honti, yathāvuttaṃ anulomapaṭipadaṃ paṭipajjanti, te ājānanti nāma. Evaṃ santepi sapaṭisandhikānaṃ tāva dīgharattaṃ hitāya sukhāya hotu, appaṭisandhikānaṃ kathaṃ hotīti. Appaṭisandhikā anupādānā viya jātavedā parinibbāyanti, kappasatasahassānampi accayena tesāṃ puna dukkhaṃ nāma natthi. Iti ekaṃsena tesāṃyeva dīgharattaṃ hitāya sukhāya hoti. Sesāṃ sabbattha uttānamevāti.

Papañcasūdaniyā majjhimanikāyaṭṭhakathāya

Sevitabbāsevitabbasuttavaṇṇanā niṭṭhitā.

## 5. Bahudhātukasuttavaṇṇanā

**124. Evaṃ me sutanti** bahudhātukasuttaṃ. Tattha **bhayānīti**ādīsu **bhayanti** cittutrāso. **Upaddavoti** anekaggatākāro. **Upasaggoti** upasaṭṭhākāro tattha tattha lagganākāro. Tesāṃ evaṃ nānattaṃ veditabbaṃ – pabbatādivisamanissitā corā janapadavāsīnaṃ pesenti “mayāṃ asukadivase nāma tumhākaṃ gāmaṃ paharissāmā”ti. Taṃ pavattiṃ sutakālato paṭṭhāya bhayaṃ santāsaṃ āpajjanti. Ayaṃ cittutrāso nāma. “Idha no corā kupitā anattampi āvaheyyu”nti hatthasāraṃ gahetvā dvipadacatuppadehi saddhiṃ araññaṃ pavisitvā tattha tattha bhūmiyaṃ nipajjanti, ḍaṃsamakasādīhi khajjamānā gumbantarāni pavisanti, khāṇukaṇṭake maddanti. Tesāṃ evaṃ vicarantānaṃ vikkhittabhāvo anekaggatākāro nāma. Tato coresu yathāvutte divase anāgacchantesu “tucchakasāsanaṃ taṃ bhavissati, gāmaṃ pavisissāmā”ti sapaṭikkhārā gāmaṃ pavisanti, atha tesāṃ pavitṭhabhāvaṃ ñatvā gāmaṃ parivāretvā dvāre aggimā datvā manusse ghātetvā corā sabbāṃ vibhavaṃ vilumpetvā gacchanti. Tesu ghātītāvasesā aggimā nibbāpetvā koṭṭhacchāyabhitticchāyādīsu tattha tattha laggitvā nisīdanti natṭhaṃ anusocamānā. Ayaṃ upasaṭṭhākāro lagganākāro nāma.

**Naḷāgārāti** naḷehi paricchannā agārā, sesasambhārā panettha rukkhamayā honti. Tiṇāgārepi eseva nayo. **Bā lato uppajjantīti** bā lameva nissāya uppajjanti. Bālo hi apaṇḍitapuriso rajjaṃ vā uparajjaṃ vā aññaṃ vā pana mahantaṃ ṭhānaṃ patthento katipaye attanā sadise vidhavāputte mahādhutte gahetvā “etha ahaṃ tumhe issare karissāmī”ti pabbatagahaṇādīni nissāya antante gāme paharanto dāmarikabhāvaṃ jānāpetvā anupubbena nigamepi janapadepi paharati, manusse gehāni chaḍḍetvā khemantaṭṭhānaṃ patthayamānā pakkamanti, te nissāya vasantā bhikkhūpi bhikkhuniyopi attano attano vasantaṭṭhānāni pahāya pakkamanti. Gatagataṭṭhāne bhikkhāpi senāsanaṃpi dullabhaṃ hoti. Evaṃ catunnaṃ parisānaṃ bhayaṃ āgatameva hoti. Pabbajitesupi dve bālā bhikkhū aññamaññaṃ vivādaṃ

paṭṭhapetvā codanaṃ ārabhanti. Iti kosambivāsikānaṃ viya mahākalaho uppajjati, catunnaṃ parisānaṃ bhayaṃ āgatameva hotīti evaṃ yāni kānici bhayāni uppajjanti, sabbāni tāni bālato uppajjantīti veditabbāni.

**Etadavocāti** bhagavatā dhammadesanā matthakaṃ apāpetvāva niṭṭhāpitā. Yaṃnūnāhaṃ dasabalaṃ pucchitvā sabbaññutaññānevevassa desanāya pāripūriṃ kareyyanti cintetvā etaṃ “kittāvatā nu kho, bhante” tiādivacanaṃ avoca.

**125.** Aṭṭhārasasu dhātūsu aḍḍhekādasadhātuyo rūpariggaḥo, aḍḍhaṭṭhamakadhātuyo arūpariggaḥoti rūpārūpariggaḥova kathito. Sabbāpi khandhavasena pañcakkhandhā honti. Pañcapi khandhā dukkhasaccaṃ, tesam samuṭṭhāpikā taṇhā samudayasaccaṃ, ubhinnaṃ appavatti nirodhasaccaṃ, nirodhapajānanā paṭipadā maggasaccaṃ. Iti catusaccakammaṭṭhānaṃ ekassa bhikkhuno niggamanaṃ matthakaṃ pāpetvā kathitaṃ hoti. Ayamettha saṅkhepo, vitthārato panetā dhātuyo **visuddhimagge** kathitāva. **Jānāti passatīti** saha vipassanāya maggo vutto.

Pathavīdhātuādayo saviññānakakāyaṃ suññato nissattato dassetuṃ vuttā. Tāpi purimāhi aṭṭhārasahi dhātūhi pūretabbā. Pūrentena viññānadhātuto nīharitvā pūretabbā. Viññānadhātu hesā cakkhuvīññādivasena chabbidhā hoti. Tattha cakkhuvīññānadhātuyā pariggahitāya tassā vatthu cakkhudhātu, ārammaṇaṃ rūpadhātūti dve dhātuyo pariggahitāva honti. Esa nayo sabbattha. Manoviññānadhātuyā pana pariggahitāya tassā purimāpacchimavasena manodhātu, ārammaṇavasena dhammadhātūti dve dhātuyo pariggahitāva honti. Iti imāsu aṭṭhārasasu dhātūsu aḍḍhekādasadhātuyo rūpariggaḥoti purimanayeneva idampi ekassa bhikkhuno niggamanaṃ matthakaṃ pāpetvā kathitaṃ hoti.

**Sukhadhātūti**ādīsu sukhañca taṃ nissattasuññatattāna dhātu cāti sukhadhātu. Esa nayo sabbattha. Ettha ca purimā catasso dhātuyo sappaṭipakkhavasena gahitā, pacchimā dve sarikkhakavasena. Avibhūtabhāvena hi upekkhādhātu avijjādhātuyā sarikkhā. Ettha ca sukhadukkhadhātūsu pariggahitāsu kāyaviññānadhātu pariggahitāva hoti, sesāsu pariggahitāsu manoviññānadhātu pariggahitāva hoti. Imāpi cha dhātuyo heṭṭhā aṭṭhārasahiyeva pūretabbā. Pūrentena upekkhādhātuto nīharitvā pūretabbā. Iti imāsu aṭṭhārasasu dhātūsu aḍḍhekādasadhātuyo rūpariggaḥoti purimanayeneva idampi ekassa bhikkhuno niggamanaṃ matthakaṃ pāpetvā kathitaṃ hoti.

Kāmadhātuādīnaṃ dvedhāvitakke (ma. ni. 1.206) kāmavitakkādīsu vuttanayeneva attho veditabbo. Abhidhammepi “tattha katamā kāmadhātu, kāmapaṭisaṃyutto takko vitakko” tiādinā (vibha. 182) nayeneva etāsaṃ vitthāro āgatoyeva. Imāpi cha dhātuyo heṭṭhā aṭṭhārasahiyeva pūretabbā. Pūrentena kāmadhātuto nīharitvā pūretabbā. Iti imāsu aṭṭhārasasu dhātūsu aḍḍhekādasadhātuyo rūpariggaḥoti purimanayeneva idampi ekassa bhikkhuno niggamanaṃ matthakaṃ pāpetvā kathitaṃ hoti.

Kāmadhātuādīsu pañca kāmāvacarakkhandhā kāmadhātu nāma, pañca rūpāvacarakkhandhā rūpadhātu nāma, cattāro arūpāvacarakkhandhā arūpadhātu nāma. Abhidhamme pana “tattha katamā kāmadhātu, heṭṭhato avicīnirayaṃ pariyaṇṭaṃ karitvā” tiādinā (vibha. 182) nayena etāsaṃ vitthāro āgatoyeva. Imāpi tisso dhātuyo heṭṭhā aṭṭhārasahiyeva pūretabbā. Pūrentena kāmadhātuto nīharitvā pūretabbā. Iti imāsu aṭṭhārasasu dhātūsu aḍḍhekādasadhātuyo rūpariggaḥoti purimanayeneva idampi ekassa bhikkhuno niggamanaṃ matthakaṃ pāpetvā kathitaṃ hoti.

**Saṅkhatāti** paccayehi samāgantvā katā, pañcannaṃ khandhānametaṃ adhivacanaṃ. Na saṅkhatā **asaṅkhatā**. Nibbānassetam adhivacanaṃ. Imāpi dve dhātuyo heṭṭhā aṭṭhārasahiyeva pūretabbā. Pūrentena saṅkhatadhātuto nīharitvā pūretabbā. Iti imāsu aṭṭhārasasu dhātūsu aḍḍhekādasadhātuyo rūpariggaḥoti purimanayeneva idampi ekassa bhikkhuno niggamanaṃ matthakaṃ pāpetvā kathitaṃ hoti.

**126. Ajjhattikabāhirānī** ajjhattikāni ca bāhirāni ca. Ettha hi cakkhuādīni ajjhattikāni cha, rūpādīni bāhirāni cha. Idhāpi **jānāti passatīti** saha vipassanāya maggo kathito.

**Imasmim sati idantiādi** mahātaṇhāsāṅkhaye vitthāritameva.

**127. Aṭṭhānanti** hetupaṭikkhepo. **Anavakāsoti** paccayapaṭikkhepo. Ubhayenāpi kāraṇameva paṭikkhipati. Kāraṇāñhi tadāyattavuttitāya attano phalassa ṭhānanti ca avakāsoti ca vuccati. **Yanti** yena kāraṇena. **Diṭṭhisampannoti** maggadiṭṭhiyā sampanno sotāpanno ariyasāvako. **Kaṅci saṅkhāranti** catubhūmakesu saṅkhatasaṅkhāresu kaṅci ekasaṅkhārampi. **Niccato upagaccheyyāti** niccoti gaṇheyya. **Netam ṭhānam vijjatīti** etaṃ kāraṇam natthi na upalabbhati. **Yaṃ puthujjanoti** yena kāraṇena puthujjano. **Ṭhānametaṃ vijjatīti** etaṃ kāraṇam atthi. Sassetadiṭṭhiyā hi so tebhūmakesu saṅkhatasaṅkhāresu kaṅci saṅkhāram niccato gaṇheyyāti attho. Catutthabhūmakasaṅkhārā pana tejussadattā divasaṃ santatto ayoguḷo viya makkhikānam diṭṭhiyā vā aññesaṃ vā akusalānaṃ ārammaṇaṃ na honti. Iminā nayena **kaṅci saṅkhāram sukhatotiādīsūpi** attho veditabbo.

**Sukhato upagaccheyyāti** “ekantasukhī attā hoti arogo paraṃ maraṇā” ti (ma. ni. 3.21, 22) evaṃ attadiṭṭhivasena sukhato gāhaṃ sandhāyetaṃ vuttaṃ. Diṭṭhivippayuttacittena pana ariyasāvako pariāhābhībhūto pariāhāvūpasamattaṃ mattahatthim parittāsito viya, cakkhābrahmaṇo viya ca gūthaṃ kaṅci saṅkhāram sukhato upagacchati. Attavāre kasiṇādipaṇṇattisaṅghatthaṃ saṅkhāranti avatvā kaṅci dhammanti vuttaṃ. Idhāpi ariyasāvakassa catubhūmakavasena veditabbo, puthujjanassa tebhūmakavasena. Sabbavāresu ariyasāvakassāpi tebhūmakavaseneva paricchedo vaṭṭati. Yaṃ yañhi puthujjano gaṇhāti, tato tato ariyasāvako gāhaṃ viniveṭheti. Puthujjano hi yaṃ yaṃ niccaṃ sukhaṃ attāti gaṇhāti, taṃ taṃ ariyasāvako aniccaṃ dukkhaṃ anattāti gaṇhanto taṃ gāhaṃ viniveṭheti.

**128. Mātarantiādīsū** janikāva mātā, janako pitā, manussabhūtova khīṇāsavo arahāti adhippeto. Kiṃ pana ariyasāvako aññaṃ jīvitā voropeyyāti? Etampi aṭṭhānaṃ. Sacepi hi bhavantaragataṃ ariyasāvakaṃ attano ariyabhāvaṃ ajānantampi koci evaṃ vadeyya “imaṃ kunthakipillikaṃ jīvitā voropetvā sakalacakkavāḷagabbhe cakkavattirajjaṃ paṭipajjāhī” ti, neva so taṃ jīvitā voropeyya. Athāpi naṃ evaṃ vadeyya “sace imaṃ na ghātesasi, sīsaṃ te chindissāmā” ti. Sīsamevassa chindeyya, na ca so taṃ ghāteyya. Puthujjanabhāvassa pana mahāsāvajjabhāvadassanattaṃ ariyasāvakassa ca baladīpanatthametaṃ vuttaṃ. Ayañhettha adhippāyo – sāvajjo puthujjanabhāvo, yatra hi nāma puthujjano mātughātādīnīpi ānantariyāni karissati. Mahābalo ca ariyasāvako, yo etāni kammāni na karotīti.

**Duṭṭhacittoti** vadhakacittena paduṭṭhacitto. **Lohitaṃ uppādeyyāti** jīvamānakasarīre khuddakamakkhikāya pivanamattampi lohitaṃ uppādeyya. **Saṅghaṃ bhindeyyāti** samānasaṃvāsakaṃ samānasīmāya ṭhitaṃ pañcahi kāraṇehi saṅghaṃ bhindeyya. Vuttañhettaṃ “pañcahupāli ākārehi saṅgho bhijjati. Kammena uddesena voharanto anussāvanena salākaggāhenā” ti (pari. 458).

Tattha **kammenāti** apalokaṇādīsū catūsū kammesu aññatarena kammena. **Uddesenāti** pañcasu pātīmokkhuddesesu aññatarena uddesena. **Voharantoti** kathayanto, tāhi tāhi uppattīhi adhammaṃ dhammotiādīni aṭṭhārasa bhedakaravatthūni dīpento. **Anussāvanenāti** nanu tumhe jānātha mayhaṃ uccākulā pabbajitabhāvaṃ bahussutabhāvañca, mādiso nāma uddhammaṃ ubbinayaṃ satthusāsaṇaṃ gāheyyāti cittampi uppādetuṃ tumhākaṃ yuttaṃ, kiṃ mayhaṃ avīci nīluppalavanaṃ viya sītalo, kiṃ ahaṃ apāyato na bhāyāmītiādīnā nayena kaṇṇamūle vacībhedaṃ katvā anussāvanena. **Salākaggāhenāti** evaṃ anussāvetvā tesam cittaṃ upatthambhetvā anivattidhamme katvā “gaṇhatha imaṃ salāka” nti salākaggāhena.

Ettha ca kammameva uddeso vā pamāṇaṃ, vohārānussāvanasalākaggāhā pana pubbabhāgā. Aṭṭhārasavatthudīpanavasena hi voharantena tattha rucijananattaṃ anussāvetvā salākāya gāhitāyapi abhinnaṃ hoti saṅgho. Yadā pana evaṃ cattāro vā atirekā vā salākaṃ gāhetvā āveṇikaṃ kammaṃ vā

uddesaṃ vā karonti, tadā saṅgho bhinno nāma hoti. Evaṃ diṭṭhisampanno puggalo saṅghaṃ bhindeyyāti netamaṃ tṭhānaṃ vijjati. Ettāvataṃ mātughātādīni pañca ānantariyakammaṇi dassitāni honti, yāni puthujjano karoti, na ariyasāvako, tesamaṃ āvibhāvattaṃ –

Kammato dvārato ceva, kappatṭhitiyato tathā;  
Pākasādhāraṇādīhi, viññātabbo vinicchayo.

Tattha **kammato** tāva – ettha hi manussabhūtasessa manussabhūtaṃ mātaraṃ vā pitaraṃ vā api parivattaliṅgaṃ jīvitaṃ voropentassa kammaṃ ānantariyaṃ hoti, tassa vipākaṃ paṭibāhissāmīti sakalacakkavāḷaṃ mahācetiyaṃ pamaṇehi kañcanathūpehi pūretvāpi sakalacakkavāḷaṃ pūretvā nisinnabhikkhusaṅghassa mahādānaṃ datvāpi buddhassa bhagavato saṅghāṭikaṇṇaṃ amuñcanto vicaritvāpi kāyassa bhedaṃ nirayameva upapajjati. Yo pana sayamaṃ manussabhūto tīracchānabhūtaṃ mātaraṃ vā pitaraṃ vā, sayamaṃ vā tīracchānabhūto manussabhūtaṃ, tīracchānoyeva vā tīracchānabhūtaṃ jīvitaṃ voropeti, tassa kammaṃ ānantariyaṃ na hoti, bhāriyaṃ pana hoti, ānantariyaṃ āhacceva tiṭṭhati. Manussajātikānaṃ pana vasena ayaṃ pañho kathito.

Tattha eḷakacattukkaṃ saṅgāmacattukkaṃ coracattukkaṃ kathetabbaṃ. Eḷakaṃ māremīti abhisandhināpi hi eḷakattṭhāne tṭhitaṃ manusso manussabhūtaṃ mātaraṃ vā pitaraṃ vā mārento ānantariyaṃ phusati. Eḷakābhisandhinā pana mātāpitābhisandhinā vā eḷakaṃ mārento ānantariyaṃ na phusati. Mātāpitābhisandhinā mātāpitāro mārento phusateva. Eseva nayo itarasmimpi cattukkadvaye. Yathā ca mātāpitūsu, evamaṃ arahantepe etāni cattukkāni vedittabbāni.

Manussaarahantameva māretvā ānantariyaṃ phusati, na yakkhabhūtaṃ. Kammaṃ pana bhāriyaṃ, ānantariyasadisameva. Manussaarahantassa ca puthujjanakāleyeva satthappahāre vā vise vā dinnepi yadi so arahattaṃ patvā teneva marati, arahantagāto hotiyeva. Yaṃ pana puthujjanakāle dinnamaṃ dānaṃ arahattaṃ patvā paribhuñjati, puthujjanasseva dinnamaṃ hoti. Sesaariyaṃ puggale mārentassa ānantariyaṃ natthi. Kammaṃ pana bhāriyaṃ, ānantariyasadisameva.

**Lohituppāde** tathāgatassa abhejjakāyatāya parūpakkamena cammacchedaṃ katvā lohitapaggharaṇaṃ nāma natthi. Sarīrassa pana antoyeva ekasmiṃyeva tṭhāne lohitaṃ samosarati. Devadattena paviddhasilato bhijjivā gatā sakalīkāpi tathāgatassa pādantaṃ pahari, pharasunā pahaṭṭo viya pādo antolohitoyeva ahoṣi. Tathā karontassa ānantariyaṃ hoti. Jīvako pana tathāgatassa ruciyaṃ satthakena cammaṃ chinditvā tamhā tṭhānā duṭṭhalohitaṃ nīharitvā phāsumakāsi, tathā karontassa puññakammameva hoti.

Atha ye ca parinibbute tathāgate cetiyaṃ bhindanti, bodhiṃ chindanti dhātumhi upakkamanti, tesamaṃ kiṃ hotīti? Bhāriyaṃ kammaṃ hoti ānantariyasadisamaṃ. Sadhātukaṃ pana thūpaṃ vā paṭimaṃ vā bādhamānaṃ bodhisākhāṃ chinditumaṃ vaṭṭati. Sacepi tattha nilīnā sakuṇā cetiye vaccaṃ pāteṇi, chinditumaṃ vaṭṭatiyeva. Paribhogacetiyaṃ hi sarīracetiyaṃ mahantataraṃ. Cetiyaṃ vaṭṭitvā gacchantaṃ bodhimūlampaṃ chinditvā haritumaṃ vaṭṭati. Yā pana bodhisākhā bodhigharaṃ bādhati, taṃ geharakkhaṇattaṃ chinditumaṃ na labhati, bodhiatthañhi gehamaṃ, na gehatthāya bodhi. Āsanagharepi esseva nayo. Yasmiṃ pana āsanaghare dhātu nīhitā hoti, tassa rakkhaṇatthāya bodhisākhāṃ chinditumaṃ vaṭṭati. Bodhiyagganattaṃ ojoharaṇasākhāṃ vā pūtiṭṭhānaṃ vā chinditumaṃ vaṭṭatiyeva, bhagavato sarīrapaṭijaggane viya puññaṃpi hoti.

Saṅghabhede sīmaṭṭhakasaṅghe asannipatite visumaṃ parisamaṃ gahetvā katavohārānussāvana-salākaggāhassa kammaṃ vā karontassa, uddesaṃ vā uddisantaṃ bhedo ca hoti ānantariyakammaṃ. Samaggasaññāya pana vaṭṭatīti kammaṃ karontassa bhedova hoti, na ānantariyakammaṃ, tathā navato ūnaparisāyaṃ. Sabbantimena paricchena navannaṃ janānaṃ yo saṅghaṃ bhindati, tassa ānantariyakammaṃ hoti. Anuvattakānaṃ adhammavādīnaṃ mahāsāvajjakammaṃ. Dhammavādino pana anavajjā.

Tattha navannameva saṅghabhede idaṃ suttaṃ – ‘‘ekato upāli cattāro honti, ekato cattāro, navamo anussāveti, salākaṃ gāheti ‘ayaṃ dhammo ayaṃ vinayo idaṃ satthusāsaṇaṃ, idaṃ gaṇhatha, imaṃ rocethā’ ti, evaṃ kho, upāli, saṅgharāji ceva hoti saṅghabhedo ca. Navannaṃ vā, upāli, atirekanavannaṃ vā saṅgharāji ceva hoti saṅghabhedo cā’’ ti (cūḷava. 351). Etesu pana pañcasu saṅghabhedo vacīkammaṃ, sesāni kāyakammānīti. Evaṃ kammato viññātabbo vinicchayo.

**Dvāratoti** sabbāneva cetāni kāyadvāratopi vacīdvāratopi samuṭṭhahanti. Purimāni panettha cattāri āṇattikavijjāmayapayogavasena vacīdvārato samuṭṭhahitvāpi kāyadvārameva pūrenti, saṅghabhedo hatthamuddāya bhedaṃ karontassa kāyadvārato samuṭṭhahitvāpi vacīdvārameva pūretīti. Evamettha dvāratopi viññātabbo vinicchayo.

**Kappaṭṭhitiyatoti** saṅghabhedoyeva cettha kappaṭṭhitiyo. Saṅghahante hi kappe kappavemajjhe vā saṅghabhedaṃ katvā kappavināseyeva muccati. Sacepi hi sveva kappo vinassissatīti ajja saṅghabhedaṃ karoti, sveva muccati, ekadivasameva niraye paccati. Evaṃ karaṇaṃ pana natthi. Sesāni cattāri kammāni ānantariyāneva honti, na kappaṭṭhitiyānīti evamettha kappaṭṭhitiyatopi viññātabbo vinicchayo.

**Pākatoti** yena ca pañcape’ tāni kammāni katāni honti, tassa saṅghabhedoyeva paṭisandhivasena vipaccati, sesāni ‘‘ahosikammaṃ, nāhosi kammavipāko’’ ti evamādīsu saṅkhyāṃ gacchanti. Saṅghassa bhedaḥ bhāve lohituppādo, tadabhāve arahantaghāto, tadabhāve ca sace pitā sīlavā hoti, mātā dussīlā, no vā tathā sīlavatī, pitughāto paṭisandhivasena vipaccati. Sace mātāpitughāto, dvīsūpi sīlena vā dussīlena vā samānesu mātughātova paṭisandhivasena vipaccati. Mātā hi dukkarakārinī bahūpakārā ca puttānanti evamettha pākatopi viññātabbo vinicchayo.

**Sādhāraṇādīhīti** purimāni cattāri sabbesampi gahaṭṭhapabbajitānaṃ sādhāraṇāni. Saṅghabhedo pana ‘‘na kho, upāli bhikkhunī, saṅghaṃ bhindati, na sikkhamānā, na sāmaṇero, na sāmaṇerī, na upāsako, na upāsikā saṅghaṃ bhindati, bhikkhu kho, upāli, pakatatto samānasamvāsako samānasīmāyaṃ ṭhito saṅghaṃ bhindatī’’ ti (cūḷava. 351) vacanato vuttapakārassa bhikkhunova hoti, na aññassa, tasmā asādhāraṇo. Ādisaddena sabbepi te dukkhavedanāsahagatā dosamohasampayuttā cāti evamettha sādhāraṇādīhipi viññātabbo vinicchayo.

**Aññaṃ satthāranti** ‘‘ayaṃ me satthā satthukiccaṃ kātuṃ asamatto’’ ti bhavantarepi aññaṃ titthakaraṃ ‘‘ayaṃ me satthā’’ ti evaṃ gaṇheyya, nettaṃ ṭhānaṃ vijjatīti attho.

**129. Ekissā lokadhātuyāti** dasasahassilokadhātuyā. **Tīṇi** hi **khettāni** jātikhettaṃ āṇākhettaṃ visayakhettaṃ. Tattha **jātikhettaṃ** nāma dasasahassī lokadhātu. Sā hi tathāgatassa mātukucchiokkamanakāle nikkhamanakāle sambodhikāle dhammacakkappavattane āyusaṅkhārossajjane parinibbāne ca kampati. Koṭisatasahassacakkavāḷaṃ pana **āṇākhettaṃ** nāma. Āṭānāṭiyamoraparittadhajaggaparittaratānāparittādīnaṃhi ettha āṇā vattati. **Visayakhettaṃ** pana parimāṇaṃ natthi. Buddhānaṃhi ‘‘yāvatakaṃ ñāṇaṃ tāvatakaṃ neyyaṃ, yāvatakaṃ neyyaṃ tāvatakaṃ ñāṇaṃ, ñāṇapariyantikaṃ neyyaṃ neyyapariyantikaṃ ñāṇa’’ nti (paṭi. ma. 3.5) vacanato avisayo nāma natthi.

Imesu pana tīsu khettesu ṭhapetvā imaṃ cakkavāḷaṃ aññasmim cakkavāḷe buddhā uppajantīti suttaṃ natthi, na uppajantīti pana atthi. **Tīṇi piṭakāni** vinayapiṭakaṃ suttantapiṭakaṃ abhidhammapiṭakaṃ, **tisso saṅgītiyo** mahākassapattherassa saṅgīti, yasattherassa saṅgīti, moggaliputtatissattherassa saṅgīti. Imā tisso saṅgītiyo āruḷhe tepītake buddhavacane imaṃ cakkavāḷaṃ muñcitvā aññattha buddhā uppajantīti suttaṃ natthi, na uppajantīti pana atthi.

**Apubbaṃ acarimanti** apure apacchā. Ekato na uppajanti, pure vā pacchā vā uppajantīti vuttaṃ hoti. Tattha hi bodhipallaṅke bodhiṃ appatvā na uṭṭhahissāmīti nisinnakālato paṭṭhāya yāva mātukucchismim paṭisandhiggaṇaṃ, tāva pubbeti na veditabbaṃ. Bodhisattassa hi

paṭisandhiggahaṇena dasasahassacakkavāḷakampaneneva khettapariggaho kato, aññassa buddhassa uppatti nivāritāva hoti. Parinibbānakālato paṭṭhāya yāva sāsapamattā dhātu tiṭṭhati, tāva pacchāti na veditabbaṃ. Dhātūsu hi ṭhitāsu buddhā ṭhitāva honti. Tasmā etthantare aññassa buddhassa uppatti nivāritāva hoti. Dhātuparinibbāne pana jāte aññassa buddhassa uppatti na nivāritā.

**Tīṇi hi antaradhānāni** nāma pariyattiantaradhānaṃ, paṭivedhaantaradhānaṃ, paṭipattiantaradhānanti. Tattha **pariyattīti** tīṇi piṭakāni. **Paṭivedhoti** saccapaṭivedho. **Paṭipattīti** paṭipadā. Tattha paṭivedho ca paṭipatti ca hotipi na hotipi. Ekasmiñhi kāle paṭivedhadharā bhikkhū bahū honti, eso bhikkhu puthujjanoti aṅgulim pasāretvā dassetaḅbo hoti. Imasmiṃyeva dīpe ekavāre puthujjanabhikkhu nāma nāhosi. Paṭipattipūrikāpi kadāci bahū honti kadāci appā. Iti paṭivedho ca paṭipatti ca hotipi na hotipi, sāsanaṭṭhitiyā pana **pariyatti pamāṇaṃ**.

Paṇḍito hi tepiṭakaṃ sutvā dvepi pūreti. Yathā amhākaṃ bodhisatto āḷarassa santike pañcābhiññā satta ca samāpattiyo nibbattetvā nevasaññānāsaññāyatanasamāpattiyā parikammaṃ pucchi, so na jānāmīti āha. Tato udakassa santikaṃ gantvā adhigataṃ viṣesaṃ saṃsandetvā nevasaññānāsaññāyatanassa parikammaṃ pucchi, so ācikkhi, tassa vacanasamanantameva mahāsatto taṃ sampādesi, evameva paññavā bhikkhu pariyattim sutvā dvepi pūreti. Tasmā pariyattiyā ṭhitāya sāsanaṃ ṭhitaṃ hoti.

Yadā pana sā antaradhāyati, tadā paṭhamaṃ **abhidhammapiṭakaṃ** nassati. Tattha paṭṭhānaṃ sabbapaṭhamaṃ antaradhāyati, anukkamena pacchā dhammasaṅgaho, tasmim antarahite itaresu dvīsu piṭakesu ṭhitesu sāsanaṃ ṭhitameva hoti. Tattha suttantapiṭake antaradhāyamāne paṭhamaṃ aṅguttaranikāyo ekādasakato paṭṭhāya yāva ekakā antaradhāyati, tadanantaraṃ saṃyuttanikāyo cakkapeyyāḷato paṭṭhāya yāva oghatarānā antaradhāyati, tadanantaraṃ majjhimanikāyo indriyabhāvanato paṭṭhāya yāva mūlapariyāyā antaradhāyati, tadanantaraṃ dīghanikāyo dasuttarato paṭṭhāya yāva brahmajālā antaradhāyati. Ekissāpi dvinnampi gāthānaṃ pucchā addhānaṃ gacchati, sāsanaṃ dhāretuṃ na sakkoti sabhiyapucchā (su. ni. sabhiyasuttaṃ) viya āḷavakapucchā (su. ni. āḷavakasuttaṃ; saṃ. ni. 1.246) viya ca. Etā kira kassapabuddhakālikā antarā sāsanaṃ dhāretuṃ nāsakkhimsu.

Dvīsu pana piṭakesu antarahitesupi vinayapiṭake ṭhite sāsanaṃ tiṭṭhati, parivārahandhakesu antarahitesu ubhatovibhaṅge ṭhite ṭhitameva hoti. Ubhatovibhaṅge antarahite mātikāya ṭhitāyapi ṭhitameva hoti. Mātikāya antarahitāya pātimokkhapabbajjaupasampadāsu ṭhitāsu sāsanaṃ tiṭṭhati. Liṅgamaddhānaṃ gacchati, setavatthasamaṇavaṃso pana kassapabuddhakālato paṭṭhāya sāsanaṃ dhāretuṃ nāsakkhi. Pacchimakassa pana saccapaṭivedhato pacchimakassa sīlabhedato ca paṭṭhāya sāsanaṃ osakkitaṃ nāma hoti. Tato paṭṭhāya aññassa buddhassa uppatti na vāritāti.

**Tīṇi parinibbānāni** nāma kilesaparinibbānaṃ khandhparinibbānaṃ dhātuparinibbānanti. Tattha kilesaparinibbānaṃ bodhipallaṅke ahosi, khandhparinibbānaṃ kusinārāyaṃ, dhātuparinibbānaṃ anāgate bhavissati. Sāsanaṃ kira osakkanakāle imasmiṃ tambapaṇḍidīpe dhātuyo sannipatitvā mahācetiyaṃ gamissanti, mahācetiyaṃ nāgādīpe rājāyatanacetiyaṃ, tato mahābodhipallaṅkaṃ gamissanti, nāgabhavanatopi devalokatopi brahmalokatopi dhātuyo mahābodhipallaṅkameva gamissanti. Sāsapamattāpi dhātu antarā na nassissati. Sabbā dhātuyo mahābodhipallaṅke rāsibhūtā suvaṇṇakkhandho viya ekagghanā hutvā chabbāṇarasmiyo vissajjessanti, tā dasasahassilokadhātuṃ pharissanti.

Tato dasasahassacakkavāḷe devatā yo sannipatitvā ‘‘ajja satthā parinibbāyati, ajja sāsanaṃ osakkati, pacchimadassanaṃ dāni idaṃ amhāka’’nti dasabalassa parinibbutadivasato mahantataraṃ kāruññaṃ karissanti. Ṭhapetvā anāgāmikhīṇāsave avasesā sakabhāvena saṅghātuṃ na sakkhissanti. Dhātūsu tejodhātu utṭhahitvā yāva brahmalokā ugacchissati, sāsapamattāyapi dhātuyā sati ekajālāva bhavissati, dhātūsu pariyādānaṃ gatāsu pacchijjissati. Evaṃ mahantaṃ ānubhāvaṃ dassetvā dhātūsu antarahitāsu

sāsanam antarahitam nāma hoti. Yāva evam na anantaradhāyati, tāva acarimam nāma hoti. Evam apubbam acarimam uppajjeyyunti netam thānam vijjati.

Kasmā pana apubbam acarimam na uppajjantīti. Anacchariyattā. Buddhā hi acchariyamanussā. Yathāha – ‘‘ekapuggalo, bhikkhave, loke uppajjamāno uppajjati acchariyamanusso, katamo ekapuggalo, tathāgato araham sammāsambuddho’’ti (a. ni. 1.171-174).

Yadi ca dve vā cattāro vā aṭṭha vā soḷasa vā ekato uppajjeyyūṃ, na acchariyā bhaveyyūṃ. Ekasmiñhi vihāre dvinnam cetiyānampi lābhasakkāro uḷāro na hoti bhikkhūpi bahutāya na acchariyā jātā, evam buddhāpi bhaveyyūṃ. Tasmā na uppajjanti.

Desanāya ca visesābhāvato. Yañhi satipaṭṭhānādibhedam dhammam eko deseti, aññena uppajjitvāpi sova desetabbo siyā. Tato na acchariyo siyā, ekasmiṃ pana dhammam desente desanāpi acchariyā hoti.

Vivādābhāvato ca. Bahūsu ca buddhesu uppajjantesu bahūnam ācariyānam antevāsikā viya ‘‘amhākam buddho pāsādiko, amhākam buddho madhurassaro lābhī puññavā’’ti vivadeyyūṃ, tasmāpi evam na uppajjanti. Apicetaṃ kāraṇam milindaraññā puṭṭhena nāgasenattherena vitthāritameva. Vuttañhi (mi. pa. 5.1.1) –

‘‘Tattha, bhante nāgasena, bhāsitampeṭam bhagavatā ‘aṭṭhānametaṃ, bhikkhave, anavakāso, yaṃ ekissā lokadhātuyā dve arahanto sammāsambuddhā apubbam acarimam uppajjeyyūṃ, netam thānam vijjati’’ti. Desentā ca, bhante nāgasena, sabbepi tathāgatā sattatiṃsa bodhipakkhiyadhamme desenti, kathayamānā ca cattāri ariyasaccāni kathenti, sikkhāpentā ca tīsu sikkhāsu sikkhāpentī, anusāsamānā ca appamādapatiṭṭhiyaṃ anusāsanti. Yadi, bhante nāgasena, sabbesampi tathāgatānam ekā desanā ekā kathā ekā sikkhā ekā anusitṭhi, kena kāraṇena dve tathāgatā ekakkhaṇe nuppajjanti? Ekenapi tāva buddhuppādena ayaṃ loko obhāsajāto. Yadi dutiyo buddho bhaveyya, dvinnam pabhāya ayaṃ loko bhiiyosomattāya obhāsajāto bhaveyya. Ovadamānā ca dve tathāgatā sukham ovadeyyūṃ, anusāsamānā ca sukham anusāseyyūṃ, tattha me kāraṇam brūhi, yathāham nissamsayo bhaveyyanti.

Ayaṃ mahārāja dasasahassī lokadhātu ekabuddhadhāraṇī, ekasseva tathāgatassa guṇam dhāreti, yadi dutiyo buddho uppajjeyya, nāyam dasasahassī lokadhātu dhāreyya, caleyya kampeyya nameyya onameyya vinameyya vikireyya vidhameyya viddhamseyya, na thānamupagaccheyya.

Yathā, mahārāja, nāvā ekapurisasandhāraṇī bhaveyya. Ekasmiṃ purise abhirūḷhe sā nāvā samupādikā bhaveyya. Atha dutiyo puriso āgaccheyya tādiso āyunā vaṇṇena vayena pamāṇena kisathūlena sabbaṅgapaccaṅgena, so taṃ nāvam abhirūheyya. Apinu sā mahārāja, nāvā dvinnampi dhāreyyāti? Na hi, bhante, caleyya kampeyya nameyya onameyya vinameyya vikireyya vidhameyya viddhamseyya, na thānamupagaccheyya, osīdeyya udaketi. Evameva kho, mahārāja, ayaṃ dasasahassī lokadhātu ekabuddhadhāraṇī, ekasseva tathāgatassa guṇam dhāreti, yadi dutiyo buddho uppajjeyya, nāyam dasasahassī lokadhātu dhāreyya, caleyya...pe... na thānamupagaccheyya.

Yathā vā pana mahārāja puriso yāvadattham bhojanam bhuñjeyya chādentam yāvakaṇṭhamabhipūrayitvā, so dhāto piṇito paripuṇṇo nirantaro tandikato anonamitandaṇḍajāto punadeva tattakam bhojanam bhuñjeyya, apinu kho, mahārāja, puriso sukhito bhaveyyāti? Na hi, bhante, sakim bhuttova mareyyāti. Evameva kho, mahārāja, ayaṃ dasasahassī lokadhātu ekabuddhadhāraṇī ...pe... na thānamupagaccheyyāti.

Kim nu kho, bhante nāgasena, atidhammabhārena pathavī calatīti? Idha, mahārāja, dve sakaṭā ratanaparipūrītā bhaveyyūṃ yāva mukhasamā. Ekasmā sakaṭato ratanam gahetvā ekasmiṃ sakaṭe ākireyyūṃ, apinu kho taṃ, mahārāja, sakaṭam dvinnampi sakaṭānam ratanam dhāreyyāti? Na hi, bhante, nāhipi tassa phaleyya, arāpi tassa bhijjeyyūṃ, nemipi tassa opateyya, akkhopi tassa bhijjeyyāti. Kim nu



kho, mahārāja, atiratanabhārena sakaṭaṃ bhijjati? Āma, bhanteti. Evameva kho, mahārāja, atidhammabhārena pathavī calatīti.

Apica mahārāja imaṃ kāraṇaṃ buddhabalaparidīpanāya osāritaṃ, aññampi tattha abhirūpaṃ kāraṇaṃ suṇohi, yena kāraṇena dve sammāsambuddhā ekakkhaṇe nuppajjanti. Yadi, mahārāja, dve sammāsambuddhā ekakkhaṇe uppajjeyyūṃ, tesam̐ parisāya vivādo uppajjeyya – “tumhākaṃ buddho amhākaṃ buddho”ti ubhatopakkhajātā bhaveyyuṃ. Yathā, mahārāja, dvinnam̐ balavāmaccānaṃ parisāya vivādo uppajjeyya ‘tumhākaṃ amacco amhākaṃ amacco’ti ubhatopakkhajātā honti, evameva kho, mahārāja, yadi, dve sammāsambuddhā ekakkhaṇe uppajjeyyūṃ, tesam̐ parisāya vivādo uppajjeyya ‘tumhākaṃ buddho amhākaṃ buddho’ti ubhatopakkhajātā bhaveyyuṃ. Idam̐ tāva, mahārāja, ekaṃ kāraṇaṃ, yena kāraṇena dve sammāsambuddhā ekakkhaṇe nuppajjanti.

Aparam̐pi, mahārāja, uttarim̐ kāraṇaṃ suṇohi, yena kāraṇena dve sammāsambuddhā ekakkhaṇe nuppajjanti. Yadi, mahārāja, dve sammāsambuddhā ekakkhaṇe uppajjeyyūṃ, aggo buddhoti yaṃ vacanaṃ, taṃ micchā bhaveyya. Jeṭṭho buddhoti yaṃ vacanaṃ, taṃ micchā bhaveyya. Seṭṭho buddhoti, viṣiṭṭho buddhoti, uttamo buddhoti, pavaro buddhoti, asamo buddhoti, asamasamo buddhoti, appaṭisamo buddhoti, appaṭibhāgo buddhoti, appaṭipuggalo buddhoti yaṃ vacanaṃ, taṃ micchā bhaveyya. Idampi kho tvam̐, mahārāja, kāraṇaṃ atthato sampaṭiccha, yena kāraṇena dve sammāsambuddhā ekakkhaṇe nuppajjanti.

Apica kho mahārāja buddhānaṃ bhagavantānaṃ sabhāvapakati esā, yaṃ ekoyeva buddho loke uppajjati. Kasmā kāraṇā? Mahantatāya sabbaññubuddhaguṇānaṃ. Aññampi mahārāja yaṃ loke mahantaṃ, taṃ ekaṃyeva hoti. Pathavī, mahārāja, mahantī, sā ekāyeva. Sāgaro mahanto, so ekoyeva. Sineru girirājā mahanto, so ekoyeva. Ākāso mahanto, so ekoyeva. Sakko mahanto, so ekoyeva. Māro mahanto, so ekoyeva. Brahmā mahanto, so ekoyeva. Tathāgato arahaṃ sammāsambuddho mahanto, so ekoyeva lokasmiṃ. Yattha te uppajjanti, tattha aññassa okāso na hoti. Tasmā, mahārāja, tathāgato arahaṃ sammāsambuddho ekoyeva lokasmiṃ uppajjatīti. Sukathito, bhante nāgasena, pañho opammehi kāraṇehī”ti.

**Ekissā lokadhātuyāti** ekasmiṃ cakkavāle. Heṭṭhā imināva padena dasacakkavālasahassāni gahitāni tānīpi, ekacakkavāleneva paricchindituṃ vaṭṭanti. Buddhā hi uppajjamānā imasmiṃyeva cakkavāle uppajjanti, uppajjanaṭṭhāne pana vārite ito aññesu cakkavālesu nuppajjantīti vāritameva hoti.

**Apubbam̐ acarimanti** ettha cakkaranapātubhāvato pubbe pubbam̐, tasseva antaradhānato pacchā carimaṃ. Tattha dvidhā cakkaranassa antaradhānaṃ hoti, cakkavattino kālaṃkiriyaṃ vā pabbajjāya vā. Antaradhāyamānañca pana taṃ kālaṃkiriyaṃ vā pabbajjato vā sattame divase antaradhāyati, tato paraṃ cakkavattino pātubhāvo avārito.

Kasmā pana ekacakkavāle dve cakkavattino nuppajjantīti. Vivādupacchedato acchariyabhāvato cakkaranassa mahānubhāvato ca. Dvīsu hi uppajjantesu “amhākaṃ rājā mahanto amhākaṃ rājā mahanto”ti vivādo uppajjeyya. Ekasmiṃ dīpe cakkavattīti ca ekasmiṃ dīpe cakkavattīti ca anacchariyā bhaveyyuṃ. Yo cāyaṃ cakkaranassa dvisahassadīparivāresu catūsu mahādīpesu issariyānuppādānasamattho mahānubhāvo, so parihāyetha. Iti vivādupacchedato acchariyabhāvato cakkaranassa mahānubhāvato ca na ekacakkavāle dve uppajjanti.

**130. Yaṃ itthī assa arahaṃ sammāsambuddhoti** ettha tiṭṭhatu tāva sabbaññugūṇe nibbattetvā lokuttaraṇasamattho buddhabhāvo, pañidhānamattampi itthiyā na sampajjati.

Manussattaṃ līngasampatti, hetu sathāradassanaṃ;  
Pabbajjā guṇasampatti, adhikāro ca chandatā;  
Aṭṭhadhammasamodhānā, abhinīhāro samijjhatīti. (bu. vaṃ. 2.59) –

Imāni hi paṇidhānasampattikāraṇāni. Iti paṇidhānampi sampādetuṃ asamatthāya itthiyā kuto buddhabhāvoti “aṭṭhānametaṃ anavakāso yaṃ itthī assa arahaṃ sammāsambuddho”ti vuttaṃ. Sabbākāraparipūro ca puññussayo sabbākāraparipūrameva attabhāvaṃ nibbattetī purisova arahaṃ hoti sammāsambuddho.

**Yaṃ itthī rājā assa cakkavattī**tiādīsupi yasmā itthiyā kosohitavattaguyhatādīnaṃ abhāvena lakkhaṇāni na paripūrenti, itthiratanābhāvena sattaratanasamaṅgitā na sampajjati, sabbamanussehi ca adhiko attabhāvo na hoti, tasmā “aṭṭhānametaṃ anavakāso yaṃ itthī rājā assa cakkavattī”ti vuttaṃ. Yasmā ca sakkattādīni tīṇi ṭhānāni uttamāni, itthilingaṇca hīnaṃ, tasmā tassā sakkattādīnipi paṭisiddhāni.

Nanu ca yathā itthilingaṃ, evaṃ purisalingampi brahmaloke natthi? Tasmā “yaṃ puriso brahmattaṃ kareyya, ṭhānametaṃ vijjati”tipi na vattabbaṃ siyāti. No na vattabbaṃ. Kasmā? Idha purisassa tattha nibbattanato. Brahmattanti hi mahābrahmattaṃ adhippettaṃ. Itthī ca idha jhānaṃ bhāvetvā kālaṃ katvā brahmapārisajjānaṃ sahabyataṃ upapajjati, na mahābrahmānaṃ, puriso pana tattha na uppajjatīti na vattabbo. Samānepsi cettha ubhayalingābhāve purisasaṅṭhānāva brahmāno, na itthisaṅṭhānā, tasmā suvuttamevettaṃ.

**131. Kāyaduccaritassā**tiādīsū yathā nimbabījakosātakībījadīni madhuraphalaṃ na nibbattenti, asātaṃ amadhurameva nibbattenti, evaṃ kāyaduccaritādīni madhuravipākaṃ na nibbattenti, amadhurameva vipākaṃ nibbattenti. Yathā ca ucchubijāsālibījadīni madhuraṃ sādurasameva phalaṃ nibbattenti, na asātaṃ kaṭukaṃ, evaṃ kāyasucaritādīni madhurameva vipākaṃ nibbattenti, na amadhuraṃ. Vuttampi cettaṃ –

“Yādisaṃ vapate bījaṃ, tādisaṃ harate phalaṃ;  
Kalyāṇakārī kalyāṇaṃ, pāpakārī ca pāpaka”nti. (saṃ. ni. 1.256);

Tasmā “aṭṭhānametaṃ anavakāso yaṃ kāyaduccaritassā”tiādi vuttaṃ.

**Kāyaduccaritasamaṅgī**tiādīsū **samaṅgī**ti pañcavidhā samaṅgitā āyūhanasamaṅgitā cetanāsamaṅgitā kammasamaṅgitā vipākasamaṅgitā, upaṭṭhānasamaṅgitāti. Tattha kusalākusalakammāyūhanakkhaṇe **āyūhanasamaṅgitā**ti vuccati. Tathā **cetanāsamaṅgitā**. Yāva pana arahattaṃ na pāpuṇanti, tāva sabbepi sattā pubbe upacitaṃ vipākārahaṃ kammaṃ sandhāya “kammasamaṅgino”ti vuccanti, esā **kammasamaṅgitā**. **Vipākasamaṅgitā** vipākakkhaṇeyeva veditabbā. Yāva pana sattā arahattaṃ na pāpuṇanti, tāva nesam tato tato cavitvā niraye tāva uppajjamānānaṃ aggijālalohakumbhīdīhi upaṭṭhānākārehi nirayo, gabbhaseyyakattaṃ āpajjamānānaṃ mātukucchi, devesu uppajjamānānaṃ kapparukkavimānādīhi upaṭṭhānākārehi devalokoti evaṃ uppattinimittaṃ upaṭṭhāti, iti nesam iminā uppattinimittaupatṭhānena aparimuttatā **upaṭṭhānasamaṅgitā** nāma. Sā calati sesā niccalā. Niraye hi upaṭṭhitepi devaloko upaṭṭhāti, devaloke upaṭṭhitepi nirayo upaṭṭhāti, manussaloke upaṭṭhitepi tiracchānayoni upaṭṭhāti, tiracchānayoniyā ca upaṭṭhitāyapi manussaloko upaṭṭhātieva.

Tatridaṃ vatthu – soṇagiripāde kira acelavihāre soṇatthero nāma eko dhammakathiko, tassa pitā sunakhajīviko ahosi. Thero taṃ paṭibāhantopi saṃvare ṭhapetuṃ asakkonto “mā nassi jarako”ti mahallakakāle akāmakam pabbājesi. Tassa gilānaseyyāya nipannassa nirayo upaṭṭhāti, soṇagiripādato mahantā mahantā sunakhā āgantvā khāditukāmā viya samparivāresuṃ. So mahābhayabhīto – “vārehi, tāta soṇa, vārehi, tāta soṇā”ti āha. Kiṃ mahātherāti. Na passasi tātāti taṃ pavattim ācikkhi. Soṇatthero – “kathāñhi nāma mādisassa pitā niraye nibbattissati, patiṭṭhā’ssa bhavissāmī”ti sāmaṇerehi nānāpupphāni āharāpetvā cetiyaṅgaṇabodhiyaṅgaṇesu talasantharaṇapūjaṃ āsanapūjaṇca kāretvā pitaraṃ mañcena cetiyaṅgaṇaṃ āharitvā mañce nisīdāpetvā – “ayaṃ mahāthera-pūjā tumhākaṃ atthāya katā ‘ayaṃ me bhagavā duggatapaṇṇākāro’ti vatvā bhagavantaṃ vanditvā cittaṃ pasādehi”ti āha. So

mahāthero pūjaṃ disvā tathā karonto cittaṃ pasādesi, tāvadevassa devaloko upaṭṭhāsi, nandanavana-cittalatāvana-missakavana-phārusakavanavimānāni ceva nāṭakāni ca parivāretvā ṭhitāni viya ahesuṃ. So “apetha apetha soṇā” ti āha. Kimidaṃ therāti? Etā te, tāta, mātaro āgacchantīti. Thero “saggo upaṭṭhito mahātherassā” ti cintesi. Evaṃ upaṭṭhānasamaṅgitā calatīti veditabbā. Etāsu samaṅgitāsu idha āyūhanacetanākammasamaṅgitāvasena kāyaduccaritasamaṅgītiādi vuttaṃ.

**132. Evaṃ vutte āyasmā ānandoti** “evaṃ bhagavatā imasmiṃ sutte vutte thero ādito paṭṭhāya sabbasuttaṃ samannāharitvā evaṃ sassirikaṃ katvā desitasuttassa nāma bhagavatā nāmaṃ na gahitaṃ. Handassa nāmaṃ gaṇhāpessāmī” ti cintetvā bhagavantaṃ etadavoca.

**Tasmā tiha tvantiādīsu ayaṃ atthayojanā –**

Ānanda, yasmā imasmiṃ dhammapariyāye “aṭṭhārasa kho imā, ānanda, dhātuyo, cha imā, ānanda, dhātuyo” ti evaṃ bahudhātuyo vibhattā, tasmā tiha tvaṃ imaṃ dhammapariyāyaṃ **bahudhātukotipi** naṃ dhārehi. Yasmā panettha dhātuāyatanapaṭiccasamuppādaṭṭhānāṭṭhānavasena cattāro parivaṭṭā kathitā, tasmā **catuparivaṭṭotipi** naṃ dhārehi. Yasmā ca ādāsaṃ olokentassa mukhanimittaṃ viya imaṃ dhammapariyāyaṃ olokentassa ete dhātuādayo atthā pākaṭā honti, tasmā **dhammādāsotipi** naṃ dhārehi. Yasmā ca yathā nāma parasenamaddanā yodhā saṅgāmatūriyaṃ paggahetvā parasenaṃ pavisitvā sapatte madditvā attano jayaṃ gaṇhanti, evameva kilesasenamaddanā yogino idha vuttavasena vipassanaṃ paggahetvā kilese madditvā attano arahattajayaṃ gaṇhanti, tasmā **amatadundubhītipi** naṃ dhārehi. Yasmā ca yathā saṅgāmayodhā pañcāvudhaṃ gahetvā parasenaṃ viddhaṃsetvā jayaṃ gaṇhanti, evaṃ yoginopi idha vuttaṃ vipassanāvudhaṃ gahetvā kilesasenam viddhaṃsetvā arahattajayaṃ gaṇhanti. Tasmā **anuttaro saṅgāmajjayotipi** naṃ dhārehīti.

Papañcasūdaniyā majjhimanikāyaṭṭhakathāya

Bahudhātukasuttavaṇṇanā niṭṭhitā.

## 6. Isigilisuttavaṇṇanā

**133. Evaṃ me sutanti isigilisuttaṃ.** Tattha **aññāva samaññā ahoṣīti** isigilissa isigilīti samaññāya uppannakāle vebhāro na vebhāroti paññāyittha, aññāyevassa samaññā ahoṣi. **Aññā paññattīti** idaṃ purimapadasseva vevacanaṃ. Sesesupi eseva nayo.

Tadā kira bhagavā sāyanhasamaye samāpattito vuṭṭhāya gandhakuṭīto nikkhamitvā yasmiṃ ṭhāne nisinnānaṃ pañca pabbatā paññāyanti, tattha bhikkhusaṅghaparivuto nisīditvā ime pañca pabbate paṭipāṭiyā ācikkhi. Tattha na bhagavato pabbatehi attho atthi, iti imesu pana pabbatesu paṭipāṭiyā kathiyamānesu isigilissa isigilibhāvo kathetabbo hoti. Tasmim kathiyamāne padumavatiyā puttānaṃ pañcasatānaṃ paccekabuddhānaṃ nāmāni ceva padumavatiyā ca patthanā kathetabbā bhavissatīti bhagavā imaṃ pañca pabbatapaṭipāṭiṃ ācikkhi.

**Pavisantā dissanti pavitṭhā na dissantīti** yathāphāsukaṭṭhāne piṇḍāya caritvā katabhattakiccā āgantvā cetiyagabbhe yamakamahādvāraṃ vivarantā viya taṃ pabbataṃ dvedhā katvā anto pavisitvā rattitṭhānadivāṭṭhānāni māpetvā tattha vasimsu, tasmā evamāha. **Ime isīti** ime paccekabuddhaisi.

Kadā pana te tattha vasimsu? Atīte kira anuppanne tathāgate bārāṇasiṃ upanissāya ekasmiṃ gāmake ekā kuladhīta khettaṃ rakkhamānā ekassa paccekabuddhassa pañcahi lājāsatehi saddhiṃ ekaṃ padumapupphaṃ datvā pañca puttāsātāni patthesi. Tasmimyeva ca khaṇe pañcasatā migaluddakā madhuramaṃsaṃ datvā “etissā puttā bhaveyyāmā” ti patthayimsu. Sā yāvatāyukaṃ ṭhatvā devaloke nibbattā, tato cutā jātassare padumagabbhe nibbatti. Tameko tāpaso disvā paṭijaggi, tassā vicarantiyāva pādudhāre pādudhāre bhūmito padumāni uṭṭhahanti. Eko vanacarako disvā bārāṇasirañño ārocesi.

Rājā naṃ āharāpetvā aggamahesiṃ akāsi, tassā gabbho saṅṭhāsi. Mahāpadumakumāro mātukucchiyaṃ vasi, sesā gabbhamalaṃ nissā nibbattā. Vayappattā uyyāne padumassare kīlantā ekekasmīṃ padume nisīditvā khayavayaṃ paṭṭhapetvā paccekabodhiñāṇaṃ nibbattayīṃsu. Ayaṃ tesāṃ byākaraṇagāthā ahoṣi –

“Saroruhaṃ padumapalāsapattajaṃ, supupphitaṃ bhamaragaṇānuciṇṇaṃ;  
Aniccatāyupagataṃ viditvā, eko care khaggavisāṇakappo”ti.

Tasmīṃ kāle te tattha vaṣiṃsu, tadā cassa pabbatassa isigilīti samaññā udapādi.

**135. Ye sattasārāti** ariṭṭho upariṭṭho tagarasikhī yasassī sudassano piyadassī gandhāro piṇḍolo upāsabho nīto tatho sutavā bhāvitattoti terasannaṃ paccekabuddhānaṃ nāmāni vatvā idāni tesañca aññesañca gāthābandhena nāmāni ācikkhanto **ye sattasārāti**ādīmāha. Tattha **sattasārāti** sattānaṃ sārabhūtā. **Anīghāti** niddukkā. **Nirāsāti** nittaṇhā.

**Dve jālinoti** cūḷajālī mahājālīti dve jālināmakā. **Santacittoti** idampi ekassa nāmameva. **Passi jahi upadhidukkhamūlanti** ettha passi nāma so paccekabuddho, dukkhassa pana mūlaṃ upadhiṃ jahīti ayamassa thuti. **Aparājitoti** ekassa nāmameva.

**Satthā pavattā sarabhaṅgo lomahaṃso uccaṅgamāyoti** ime pañca janā. **Asito anāsavo manomayoti** imepi tayo janā. **Mānacchido ca bandhumāti** bandhumā nāma eko, mānassa pana chinnattā mānacchidoti vutto. **Tadādhimuttoti** nāmameva.

**Ketumbharāgo ca mātāṅgo ariyoti** ime tayo janā. **Athaccutoti** atha accuto. **Accutaḡāmyāmaṅkoti** ime dve janā. **Khemābhirato ca soratoti** ime dveyeva.

**Sayho anomanikkamoti** sayho nāma so buddho, anomavīriyattā pana anomanikkamoti vutto. **Ānando nando upanando dvādasāti** cattāro ānandā, cattāro nandā cattāro upanandāti evaṃ dvādasā. **Bhāradvājo antimadehadhārīti** bhāradvājo nāma so buddho. **Antimadehadhārīti** thuti.

**Taṇhacchidoti** sikharissāyaṃ thuti. **Vitarāgoti** maṅgalassa thuti. **Usabhaacchidā jāliniṃ dukkhamūlanti** usabho nāma so buddho dukkhamūlabhūtaṃ jāliniṃ acchidāti attho. **Santaṃ padaṃ ajjhagamopanītoti** upanīto nāma so buddho santaṃ padaṃ ajjhagamā. **Vitarāgoti** ekassa nāmameva. **Suvimuttacittoti** ayaṃ kaṇhassa thuti.

**Ete ca aññe cāti** ete pāliyaṃ āgatā ca pāliyaṃ anāgatā aññe ca etesaṃ ekanāmakāyeva. Imesu hi pañcasu paccekabuddhasatesu dvepi tayopi dasapi dvādasapi ānandādayo viya ekanāmakā ahesuṃ. Iti pāliyaṃ āgatanāmeheva sabbesaṃ nāmāni vuttāni hontīti ito paraṃ visuṃ visuṃ avatvā “ete ca aññe cā”ti āha. Sesāṃ sabbattha uttānamevāti.

Papañcasūdaniyā majjhimanikāyaṭṭhakathāya

Isigilisuttavaṇṇanā niṭṭhitā.

## 7. Mahācattārīsakasuttavaṇṇanā

**136. Evaṃ me sutanti** mahācattārīsakasuttaṃ. Tattha **ariyanti** niddosaṃ lokuttaraṃ, niddosañhi “ariya”nti vuccati. **Sammāsamādhinti** maggasaṃmādhīṃ. **Saupanisanti** sapaccayaṃ. **Saparikkhāranti** saporivāraṃ.

**Parikkhatāti** parivāritā. **Sammādiṭṭhi pubbaṅgamā hotīti** dvidhā sammādiṭṭhi pubbaṅgamā hoti purecārikā vipassanāsammādiṭṭhi ca maggasammādiṭṭhi ca. Vipassanāsammādiṭṭhi tebhūmakasaṅkhāre aniccādivasena parivīmaṃsati; maggasammādiṭṭhi pana parivīmaṃsanapariyosāne bhūmiladdhaṃ vaṭṭaṃ samugghāṭayamānā vūpasamayamānā sītudakaghaṭasahassaṃ matthake āsiṅcamānā viya uppajjati. Yathā hi khettaṃ kurumāno kassako paṭhamam araṇṇe rukkhe chindati, pacchā aggim deti, so aggi paṭhamam chinne rukkhe anavasese jhāpeti, evameva vipassanāsammādiṭṭhi paṭhamam aniccādivasena saṅkhāre vīmaṃsati, maggasammādiṭṭhi tāya vīmaṃsanatthaṃ saṅkhāre puna appavattivasena samugghāṭayamānā uppajjati, sā duvidhāpi idha adhippetā.

**Micchādiṭṭhīti pajānātīti** micchādiṭṭhiṃ aniccaṃ dukkhaṃ anattāti lakkhaṇapaṭivedhena ārammaṇato pajānāti, sammādiṭṭhiṃ kiccato asammohato pajānāti. **Sāssa hoti sammādiṭṭhīti** sā evaṃ pajānanā assa sammādiṭṭhi nāma hoti.

**Dvāyaṃ vadāmīti** dvayaṃ vadāmi, duvidhakoṭṭhāsaṃ vadāmīti attho. **Puññabhāgiyāti** puññakoṭṭhāsabhūtā. **Upadhivepakkāti** upadhisāṅkhātassa vipākassa dāyikā.

**Paññā paññindriyantiādīsu** vibhajitvā vibhajitvā amatadvāraṃ paññāpeti dassetīti **paññā**. Tasmim atthe indattaṃ karotīti **paññindriyaṃ**. Avijjāya na kampaṭīti **paññābalaṃ**. Bojjhaṅgappattā hutvā catusaccadhamme vicinātīti **dhammavicayasambojjhaṅgo**. Maggasampattiyā pasatthā sobhanā diṭṭhīti **sammādiṭṭhi**. Ariyamaggassa aṅganti **maggāṅgaṃ**. Soti so bhikkhu. **Pahānāyāti** pajahanatthāya. **Upasampadāyāti** paṭilābhatthāya. **Sammāvāyāmoti** niyyāniko kusalavāyāmo. **Satoti** satiyā samannāgato hutvā. **Anuparidhāvanti anuparivattantīti** saḥajātā ca purejātā ca hutvā parivārenti. Ettha hi sammāvāyāmo ca sammāsati ca lokuttarasammādiṭṭhiṃ saḥajātā parivārenti rājānaṃ viya ekarathe ṭhītā asiggāhachattaggāhā. Vipassanāsammādiṭṭhi pana purejātā hutvā parivārenti rathassa purato pattikādayo viya. Dutiyaṃpabbato paṭṭhāya pana sammāsaṅkappādīnaṃ tayopi saḥajātaparivārāva hontīti veditabbā.

**137. Micchāsaṅkappoti pajānātīti** micchāsaṅkappaṃ aniccaṃ dukkhaṃ anattāti lakkhaṇapaṭivedhena ārammaṇato pajānāti sammāsaṅkappaṃ kiccato asammohato pajānāti. Ito aparesu sammāvācādīsopi evameva yojanā veditabbā. Kāmasaṅkappādayo dvedhāvitakkasutte (ma. ni. 1.206) vuttāyeva.

**Takkotiādīsu** takkanavasena **takko**. Sveva ca upasaggena padaṃ vaḍḍhetvā **vitakkoti** vutto, sveva saṅkappanavasena **saṅkappo**. Ekaggo hutvā ārammaṇe appetīti **appanā**. Upasaggena pana padaṃ vaḍḍhetvā **byappanāti** vuttaṃ. **Cetaso abhiniropanāti** cittassa abhiniropanā. Vitakkasmiñhi sati vitakko ārammaṇe cittaṃ abhiniropeti vitakke pana asati attanoyeva dhammatāya cittaṃ ārammaṇam abhiruhati jātisampanno abhiññātapuriso viya rājagehaṃ. Anabhiññātassa hi paṭihārena vā dovārikena vā attho hoti, abhiññātaṃ jātisampannaṃ sabbe rājarājamahāmatā jānantīti attanova dhammatāya nikkhamati ceva pavisati ca, evaṃsampaḍamidaṃ veditabbam. Vācaṃ saṅkharotīti **vacīsaṅkhāro**. Ettha ca lokiyavitakko vācaṃ saṅkharoti, na lokuttaro. Kiñcāpi na saṅkharoti, vacīsaṅkhārotiveva ca panassa nāmaṃ hoti. **Sammāsaṅkappaṃ anuparidhāvanti** lokuttarasammāsaṅkappaṃ parivārenti. Ettha ca tayopi nekkhammasaṅkappādayo pubbabhāge nānācittesu labbhanti, maggakkhaṇe pana tiṇṇampi kāmasaṅkappādīnaṃca padacchedaṃ samugghātaṃ karonto maggaṅgaṃ pūrayamāno ekova sammāsaṅkappo uppajjitvā nekkhammasaṅkappādivasena tiṇi nāmāni labhati. Parato sammāvācādīsopi eseva nayo.

**138. Musāvādā veramaṇītiādīsu** viratipi cetaṇāpi vaṭṭati. **Āratītiādīsu** vacīduccaritehi ārakā ramatīti **ārati**. Vinā tehi ramatīti **virati**. Tato tato paṭinivattāva hutvā tehi vinā ramatīti **paṭivirati**. Upasaggavasena vā padaṃ vaḍḍhitam, sabbamidaṃ oramanabhāvasseva adhivacanaṃ. Veraṃ maṇati vināsetīti **veramaṇi**. Idampi oramanasseva vevacanaṃ.

**139. Pāṇātipātā veramaṇī**tiādīsupi cetanā viratīti ubhayampi vaṭṭatiyeva.

**140. Kuhanā**tiādīsu tividhena kuhanavattunā lokam etāya kuhayanti vimhāpayantīti **kuhanā**. Lābhasakkāratthikā hutvā etāya lapantīti **lapanā**. Nimittam sīlametesanti nemittikā, tesam bhāvo **nemittikatā**. Nippeso sīlametesanti nippesikā, tesam bhāvo **nippesikatā**. Lābhena lābham nijigīsanti magganti pariyasantīti lābhena lābham nijigīsana, tesam bhāvo **lābhena lābham nijigīsana**tā. Ayamettha saṅkhepo, vitthārena panetā kuhanādikā **visuddhimagge** sīlaniddeseyeva pāliṅca **aṭṭhakathaṅca** āharitvā pakāsītā. **Micchāājīvassa pahānāyā**ti ettha na kevalam pāliyam āgatova micchāājīvo, ājīvahetu pana pavattitā pāṇātipātādayo sattakammaphacetanāpi micchāājīvo. Tāsamyeva sattanaṃ cetanānaṃ padapacchedam samugghātam kurumānaṃ maggaṅgam pūrayamānā uppannā virati sammāājīvo nāma.

**141. Sammādiṭṭhissā**ti maggasammādiṭṭhiyam ṭhitassa puggalassa. **Sammāsaṅkappo pahotī**ti maggasammāsaṅkappo pahoti, phalassammādiṭṭhissapi phalassammāsaṅkappo pahotīti evam sabbapadesu attho veditabbo. **Sammāñāṇassa sammāvimuttī**ti ettha pana maggasammāsamādhimhi ṭhitassa maggapaccavekkhaṇam sammāñāṇam pahoti, phalassammāsamādhimhi ṭhitassa phalapaccavekkhaṇam sammāñāṇam pahoti. Maggapaccavekkhaṇassammāñāṇe ca ṭhitassa maggasammāvimuttī pahoti, phalapaccavekkhaṇassammāñāṇe ṭhitassa phalassammāvimuttī pahotīti attho. Ettha ca ṭhapetvā aṭṭha phalaṅgāni sammāñāṇam paccavekkhaṇam katvā sammāvimuttiṃ phalam kātuṃ vaṭṭatīti vuttam.

**142. Sammādiṭṭhissa, bhikkhave, micchādiṭṭhi nijjiṇṇā hotī**tiādīsu avasesanikāyabhāṅakā phalam kathitanti vadanti, majjhimabhāṅakā pana dasanaṃ nijjaravattūnaṃ āgataṭṭhāne maggo kathitoti vadanti. Tattha dassanaṭṭhena **sammādiṭṭhi** veditabbā, viditakaraṇaṭṭhena **sammāñāṇam**, tadadhimuttaṭṭhena **sammāvimuttī**.

**Vīsati kusalapakkhā**ti sammādiṭṭhiādayo dasa, “sammādiṭṭhipaccayā ca aneke kusalā dhammā”tiādīnā nayena vuttā dasāti evam vīsati kusalapakkhā hontī. **Vīsati akusalapakkhā**ti “micchādiṭṭhi nijjiṇṇā hotī”tiādīnā nayena vuttā micchādiṭṭhiādayo dasa, “ye ca micchādiṭṭhipaccayā aneke pāpakā”tiādīnā vuttā dasa cāti evam vīsati akusalapakkhā veditabbā. **Mahācattārīsakoti** mahāvīpākādānena mahantānaṃ kusalapakkhikānañceva akusalapakkhikānaṅca cattārīsāya dhammānaṃ pakāsītā mahācattārīsakoti.

Imasmiṅca pana sutte pañca sammādiṭṭhiyo kathitā vipassanāsammādiṭṭhi kammassakatāsammādiṭṭhi maggassammādiṭṭhi phalassammādiṭṭhi paccavekkhaṇassammādiṭṭhīti. Tattha “micchādiṭṭhiṃ micchādiṭṭhīti pajānāti”tiādīnā nayena vuttā vipassanāsammādiṭṭhi nāma. “Atthi dinna”ntiādīnā nayena vuttā kammassakatāsammādiṭṭhi nāma. “Sammādiṭṭhissa, bhikkhave, sammāsaṅkappo pahotī”ti ettha pana maggassammādiṭṭhi phalassammādiṭṭhīti dvepi kathitā. “Sammāñāṇam pahotī”ti. Ettha pana paccavekkhaṇassammādiṭṭhi kathitāti veditabbā.

**143. Sammādiṭṭhiṃ ce bhavaṃ garahatī**ti micchādiṭṭhi nāmāyam sobhanāti vadantopi sammādiṭṭhi nāmāyam na sobhanāti vadantopi sammādiṭṭhiṃ garahati nāma. **Okkalāti** okkalajanapadavāsino. **Vassabhaññāti** vasso ca bhañño cāti dve janā. **Ahetuvādāti** natthi hetu natthi paccayo sattānaṃ visuddhiyāti evamādivādino. **Akiriyaṇādāti** karoto na kariyati pāpanti evam kiriyapaṭikkhepavādino. **Natthikavādāti** natthi dinnantiādivādino. Te imesu tīsopi dassanesu okkantaniyāmā ahesuṃ. Katham panetesu niyāmo hotīti. Yo hi evarūpaṃ laddhiṃ gahetvā rattiṭṭhānavāṭṭhāne nisinna sajjhāyati vīmaṃsati, tassa “natthi hetu natthi paccayo karoto na kariyati pāpaṃ, natthi dinnaṃ, kāyassa bheda ucchijjati”ti tasmim ārammaṇe micchāsati santitṭhati, cittam ekaggaṃ hoti, javanāni javanti. Paṭhamajavane satekiccho hoti, tathā dutiyādīsu. Sattame buddhānampi atekiccho anivattī ariṭṭhakaṇḍakasadiṭṭhi hoti.

Tattha koci ekaṃ dassanaṃ okkamati, koci dve, koci tīṇipi, niyatamicchādiṭṭhikova hoti, patto

saggamaggāvaraṇaṇceva mokkhamaggāvaraṇaṇca. Abhabbo tassa attabhāvassa anantaram saggampi gantum, pageva mokkham, vaṭṭakhāṇu nāmesa satto pathavīgopako, yebhuyyena evarūpassa bhavato vuṭṭhānaṃ natthi. Vassabhaññāpi edisā ahesum. **Nindābyārosaupārambhahayāti** attano nindābhayena ghaṭṭanabhayena upavādabhayena cāti attho. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Mahācattārīsakasuttavaṇṇanā niṭṭhitā.

## 8. Ānāpānassatisuttavaṇṇanā

**144. Evaṃ me sutanti** ānāpānassatisuttam. Tattha **aññehi cāti** ṭhapetvā pāliyaṃ āgate dasa there aññehipi abhiññātehi bahūhi sāvakehi saddhiṃ. Tadā kira mahā bhikkhusaṅgho ahosi aparicchinnagaṇano.

**Ovadanti anusāsantīti** āmisasaṅgahena dhammasaṅgahena cāti dvīhi saṅgahehi saṅgaṇhitvā kammaṭṭhānovādānusāsanti ca anusāsanti ca. **Te cāti** cakāro āgamasandhimattam. **Uḷāram pubbenāparam visesaṃ jānantīti** silāparipūraṇādito pubbavisesato uḷārataram aparam kaṣiṇaparikkammādivisesam jānantīti attho.

**145. Āraddhoti tuṭṭho. Appattassa pattiyāti** appattassa arahattassa pāpuṇanattam. Sesapadadvayepi ayameva attho. **Komudiṃ cātumāsiniṃ** pacchimakkattikacātumāsapūṇamaṃ. Sā hi kumudānaṃ atthitāya komudī, catunnaṃ vassikānaṃ māsānaṃ pariyoṣanattā cātumāsiniṃti vuccati. **Āgamessāmīti** udikkhissāmi, ajja apavāretvā yāva sā āgacchati, tāva kattacāci agantvā idheva vasissāmīti attho. Iti bhikkhūnaṃ pavāraṇasaṅgahaṃ anujānanto evamāha.

**Pavāraṇasaṅgaho** nāma ñattidutiyena kammena diyyati kassa panesa diyyati, kassa na diyyatīti. Akārakassa tāva bālaputhujjanassa na diyyati, tathā āraddhavipassakassa ceva ariyasāvakaṃ ca. Yassa pana samatho vā taruṇo hoti vipassanā vā, tassa diyyati. Bhagavāpi tadā bhikkhūnaṃ cittācāraṃ parivīmaṃsanto samathavipassanānaṃ taruṇabhāvaṃ ñatvā – “mayi ajja pavārente disāsu vassamvuṭṭhā bhikkhū idha osarissanti. Tato ime bhikkhū vuḍḍhatarehi bhikkhūhi senāsane gahite visesaṃ nibbattetuṃ na sakkhissanti. Sacepi cārikaṃ pakkamissāmi, imesaṃ vasanaṭṭhānaṃ dullabhameva bhavissati. Mayi pana apavārente bhikkhūpi imaṃ sāvattim na osarissanti, ahampi cārikaṃ na pakkamissāmi, evaṃ imesaṃ bhikkhūnaṃ vasanaṭṭhānaṃ apalibuddham bhavissati. Te attano attano vasanaṭṭhāne phāsu viharantā samathavipassanā thāmajātā katvā visesaṃ nibbattetuṃ sakkhissanti”ti so taṃdivasaṃ apavāretvā kattikapūṇamāyaṃ pavāressāmīti bhikkhūnaṃ pavāraṇasaṅgahaṃ anujāni. Pavāraṇasaṅgahasmiñhi laddhe yassa nissayapaṭipannassa ācariyupajjhāyā pakkamanti, sopi “sace patirūpo nissayadāyako āgamissati, tassa santike nissayaṃ gaṇhissāmi”ti yāva gimhānaṃ pacchimaṃ vāsitaṃ labhati. Sacepi saṭṭhivassā bhikkhū āgacchanti, tassa senāsanaṃ gahetuṃ na labhanti. Ayaṅca pana pavāraṇasaṅgaho ekassa dinnopi sabbesaṃ dinnoyeva hoti.

**Sāvattim osarantīti** bhagavatā pavāraṇasaṅgaho dinnoti sutasutaṭṭhāneyeva yathāsabhāvena ekaṃ māsaṃ vasitvā kattikapūṇamāya uposathaṃ katvā osarante sandhāya idaṃ vuttaṃ. **Pubbenāparanti** idha taruṇasaṃmathavipassanāsu kammaṃ katvā samathavipassanā thāmajātā akāmsu, ayaṃ pubbe viseso nāma. Tato samāhitena cittena saṅkhāre sammāsītva keci sotāpattiphalaṃ...pe... keci arahattaṃ sacchikarīmsu. Ayaṃ aparo uḷāro viseso nāma.

**146. Alanti yuttaṃ. Yojanagaṇanānīti** ekaṃ yojanaṃ yojanaṃeva, dasapi yojanāni yojanāneva, tato uddham yojanagaṇanānīti vuccanti. Idha pana yojanasatampi yojanasahassampi adhippetam. **Puṭosenāpīti** puṭosaṃ vuccati pātheyyaṃ. taṃ pātheyyaṃ gahetvāpi upasaṅkhamitum yuttamevāti attho. “Puṭamsenā”tipi pāṭho, tassattho – puṭo aṃse assāti puṭaṃso, tena puṭaṃsena, aṃse pātheyyaputaṃ

vahantenāpīti vuttam hoti.

**147.** Idāni evarūpehi caraṇehi samannāgatā ettha bhikkhū atthīti dassetum **santi**, **bhikkhavi**tiādīmāha. Tattha **catunnam satipaṭṭhānānanti**ādīni tesam bhikkhūnam abhiniviṭṭhakammaṭṭhānadassanattham vuttāni. Tattha sattatiṃsa bodhipakkhiyadhammā lokiyalokuttarā kathitā. Tatra hi ye bhikkhū tasmim khaṇe maggam bhāventi, tesam lokuttarā honti. Āraddhavipassakānam lokiyā. **Aniccasaññābhāvanānuyoganti** ettha saññāsīsenā vipassanā kathitā. Yasmā panettha ānāpānakammaṭṭhānavasena abhiniviṭṭhāva bahū bhikkhū, tasmā sesakammaṭṭhānāni saṅkhepena kathetvā ānāpānakammaṭṭhānam vitthārena kathento **ānāpānassati**, **bhikkhavi**tiādīmāha. Idam pana ānāpānakammaṭṭhānam sabbākārena **visuddhimagge** vitthāritam, tasmā tattha vuttanayenevassa pālitho ca bhāvanānayo ca veditabbo.

**149. Kāyaññataranti** pathavīkāyādīsu catūsu kāyesu aññataram vadāmi, vāyo kāyam vadāmīti attho. Atha vā rūpāyatanam...pe... kabaḷīkāro āhāroti pañcavīsati rūpakoṭṭhāsā rūpakāyo nāma. Tesu ānāpānam phoṭṭhabbāyatane saṅgahitattā kāyaññataram hoti, tasmāpi evamāha. **Tasmāti**hāti yasmā catūsu kāyesu aññataram vāyokāyam, pañcavīsati rūpakoṭṭhāse vā rūpakāye aññataram ānāpānam anupassati, tasmā kāye kāyānupassīti attho. Evaṃ sabbattha attho veditabbo. **Vedanāññataranti** tīsu vedanāsu aññataram, sukhavedanam sandhāyetaṃ vuttam. **Sādhukam manasikāranti** pītipaṭisaṃveditādivasena uppannam sundaramanasikāram. Kim pana manasikāro sukhavedanā hotīti. Na hoti, desanāsīsam panetaṃ. Yatheva hi “aniccasaññābhāvanānuyogamanuyuttā”ti ettha saññānāmena paññā vuttā, evamidhāpi manasikāranāmena vedanā vuttāti veditabbā. Etasmim catukke paṭhamapade pītīsīsenā vedanā vuttā, dutiyapade sukhanti sarūpeneva vuttā. Cittasaṅkhārapadavaye “saññā ca vedanā ca cetasikā, ete dhammā cittaapaṭibaddhā cittasaṅkhārā”ti (paṭi. ma. 1.174) vacanato “vitakkavicāre ṭhapetvā sabbepi cittasampayuttakā dhammā cittasaṅkhāre saṅgahitā”ti vacanato cittasaṅkhāranāmena vedanā vuttā. Tam sabbam manasikāranāmena saṅgahetvā idha “sādhukam manasikāra”nti āha.

Evaṃ santepi yasmā esā vedanā ārammaṇam na hoti, tasmā vedanānupassanā na yujjati. No na yujjati, satipaṭṭhānavaññāyampi hi “tamtam sukhādīnam vatthum ārammaṇam katvā vedanāva vedayati, tam pana vedanāpavattim upādāya ‘aham vedayāmi’ti vohāramattam hoti”ti vuttam. Apica pītipaṭisaṃveditādivasena atthavaññāyametassa parihāro vuttoyeva. Vuttañhetam visuddhimagge –

“Dvīhākārehi pīti paṭisaṃveditā hoti ārammaṇato ca asammoḥato ca. Katham ārammaṇato pīti paṭisaṃveditā hoti? Sappītike dve jhāne samāpajjati, tassa samāpattikkhaṇe jhānapaṭilābhena ārammaṇato pīti paṭisaṃveditā hoti ārammaṇassa paṭisaṃveditattā. Katham asammoḥato (pīti paṭisaṃveditā hoti)? Sappītike dve jhāne samāpajjitvā vuṭṭhāya jhānasampayuttam pītim khayato vayato sammasati, tassa vipassanākkhaṇe lakkhaṇapaṭivedhā asammoḥato pīti paṭisaṃveditā hoti. Vuttampi cetam paṭisambhidāyam ‘dīgham assāsavasena cittassa ekaggatam avikkhepam pajānato sati upaṭṭhitā hoti, tāya satiyā, tena ñāṇena sā pīti paṭisaṃveditā hoti”ti. Eteneva nayena avasesapadānīpi atthato veditabbāni”ti.

Iti yatheva jhānapaṭilābhena ārammaṇato pītisukhacittasaṅkhārā paṭisaṃveditā honti, evam imināpi jhānasampayuttena vedanāsaṅkhātamanasikārapaṭilābhena ārammaṇato vedanā paṭisaṃveditā hoti. Tasmā suvuttametam hoti “vedanāsu vedanānupassī tasmim samaye bhikkhu viharati”ti.

**Nāham, bhikkhave, muṭṭhassatissa asampajānassāti** ettha ayamadhippāyo – yasmā cittaapaṭisaṃvedī assasissāmītiādīnā nayena pavatto bhikkhu kiñcāpi assāsapassāsanimittam ārammaṇam karoti, tassa pana cittassa ārammaṇe satīñca sampajaññañca upaṭṭhapetvā pavattanato citte cittānupassīyeva nāmesa hoti. Na hi muṭṭhassatissa asampajānassa ānāpānassatibhāvanā atthi. Tasmā ārammaṇato cittaapaṭisaṃveditādivasena citte cittānupassī tasmim samaye bhikkhu viharati. **So yam tam abhijjhādomanassānam pahānam, tam paññāya disvā sādhu kam ajjupekkhitā hotīti** ettha



abhijjhāya kāmaccchandaniṅvaraṇaṃ, domanassavasena byāpādanīvaraṇaṃ dassitaṃ. Idañhi catukkaṃ vipassanāvaseneva vuttaṃ, dhammānupassanā ca nīvaraṇapabbādivasena chabbidhā hoti, tassā nīvaraṇapabbā ādi, tassapi idaṃ nīvaraṇadvayaṃ ādi, iti dhammānupassanāya ādiṃ dassetuṃ “abhijjhādomanassāna”nti āha. **Pahānanti** aniccānupassanāya nīccasaññaṃ pajahatīti evaṃ pahānakaraññaṃ adhippetā. **Taṃ paññāya disvāti** taṃ aniccavirāgaṇirodhapaṭinissaggāññaṃsaṅkhātāṃ pahānaññaṃ aparāya vipassanāpaññāya, tampi aparāyāti evaṃ vipassanāparamparaṃ dasseti. **Ajjhupekkhitā hotīti** yañca samathapaṭipannaṃ ajjupekkhati, yañca ekato upaṭṭhānaṃ ajjupekkhatīti dvidhā ajjupekkhati nāma. Tattha sahaṅgānampi ajjupekkhanā hoti ārammaṇassapi ajjupekkhanā, idha ārammaṇaajjupekkhanā adhippetā. **Tasmātiha, bhikkhave**ti yasmā aniccānupassī assasissāmītiādīnā nayena pavatto na kevalaṃ nīvaraṇādidhamme, abhijjhādomanassāsīsenā pana vuttānaṃ dhammānaṃ pahānaññaṃ paññāya disvā ajjupekkhitā hoti, tasmā “dhammesu dhammānupassī tasmīṃ samaye bhikkhu viharatī”ti vedītabbo.

**150. Pavicinatīti** aniccādivasena pavicinati. Itaraṃ padadvayaṃ etasseva vevacanaṃ. **Nirāmisāti** nikkilesā. **Passambhatīti** kāyikacetāsikadarathapaṭippassaddhiyā kāyopi cittampi passambhati. **Samādhiyatīti** sammā ṭhapiyati, appanāpattaṃ viya hoti. **Ajjhupekkhitā hotīti** sahaṅgāajjupekkhanāya ajjupekkhitā hoti.

Evaṃ cuddasavidhena kāyapariggāhakassa bhikkhuno tasmīṃ kāye sati satisambojjhaṅgo, satiyā sampayuttaṃ ñāṇaṃ dhammavicayasambojjhaṅgo, taṃsampayuttameva kāyikacetāsikavīriyaṃ vīriyasambojjhaṅgo, pīti, passaddhi, cittekaggaṭā samādhisambojjhaṅgo, imesaṃ channaṃ sambojjhaṅgānaṃ anosakkanaanativattanasāṅkhāto majjhatakkāro upekkhāsambojjhaṅgo. Yatheva hi samappavattesu assesu sārathino “ayaṃ olīyatī”ti tudanaṃ vā, “ayaṃ atidhāvati”ti ākaḍḍhanaṃ vā natthi, kevalaṃ evaṃ passamānassa ṭhitākkārova hoti, evameva imesaṃ channaṃ sambojjhaṅgānaṃ anosakkanaanativattanasāṅkhāto majjhatakkāro upekkhāsambojjhaṅgo nāma hoti. Ettāvatā kiṃ kathitaṃ? Ekacittakkaṇikā nānārasalakkhaṇā vipassanāsambojjhaṅgā nāma kathitā.

**152. Vivekanissitanti**ādīni vuttatthāneva. Ettha pana ānāpānapariggāhikā sati lokiyā hoti, lokiyā ānāpānā lokiyasatipaṭṭhānaṃ paripūrenti, lokiyā satipaṭṭhānā lokuttarabojjhaṅge paripūrenti, lokuttarā bojjhaṅgā vijjāvimuttiphalanibbānaṃ paripūrenti. Iti lokiyassa āgataṭṭhāne lokiyā kathitaṃ, lokuttarassa āgataṭṭhāne lokuttaraṃ kathitanti. Thero paṇāha “aññattha evaṃ hoti, imasmīṃ pana sutte lokuttaraṃ upari āgataṃ, lokiyā ānāpānā lokiyasatipaṭṭhāne paripūrenti, lokiyā satipaṭṭhānā lokiye bojjhaṅge paripūrenti, lokiyā bojjhaṅgā lokuttaraṃ vijjāvimuttiphalanibbānaṃ paripūrenti, vijjāvimutti padena hi idha vijjāvimuttiphalanibbānaṃ adhippetā”nti.

Papañcasūdanīyā majjhimanīkāyaṭṭhakathāya

Ānāpānassatisuttavaṇṇanā niṭṭhitā.

## 9. Kāyagatāsatisuttavaṇṇanā

**153-4. Evaṃ me sutanti** kāyagatāsatisuttaṃ. Tattha **gehasitāti** pañcakāmaguṇanissitā. **Sarasaṅkappāti** dhāvanasaṅkappā. Sarantīti hi sarā, dhāvanti attho. **Ajjhattamevāti** gocarajjhataṃmiyeva. **Kāyagatāsati**ti kāyapariggāhikampi kāyārammaṇampi satīṃ. Kāyapariggāhikanti vutte samatho kathito hoti, kāyārammaṇanti vutte vipassanā. Ubhayena samathavipassanā kathitā honti.

**Puna caparaṃ...pe... evampi, bhikkhave, bhikkhu kāyagatāsatiṃ bhāvetīti** satipaṭṭhāne cuddasavidhena kāyānupassanā kathitā.

**156. Antogadhāvāssāti** tassa bhikkhuno bhāvanāya abbhantaragatāva honti. **Vijjābhāgiyāti** ettha sampayogavasena vijjam bhajantīti vijjābhāgiyā. Vijjābhāge vijjakoṭṭhāse vattantīti vijjābhāgiyā. Tattha vipassanāñāṇam, manomayiddhi, cha abhiññāti aṭṭha vijjā. Purimena atthena tāhi sampayuttadhammāpi vijjābhāgiyā. Pacchimena atthena tāsu yā kāci ekā vijjā vijjā, sesā vijjābhāgiyāti evam vijjāpi vijjāya sampayuttā dhammāpi vijjābhāgiyāteva veditabbā. **Cetasā phuṭoti** ettha duvidham pharaṇam āpopharaṇaṇca, dibbacakkhupharaṇaṇca, tattha āpokasiṇam samāpajjitvā āpena pharaṇam āpopharaṇam nāma. Evam phuṭepi mahāsamudde sabbā samuddaṅgamā kunnadiyo antogadhāva honti, ālokaṃ pana vaḍḍhetvā dibbacakkhunā sakalāsamuddassa dassanaṃ dibbacakkhupharaṇam nāma. Evam pharaṇepi mahāsamudde sabbā samuddaṅgamā kunnadiyo antogadhāva honti.

**Otāranti** vivaraṃ chiddam. **Ārammaṇanti** kilesupattipaccayaṃ. **Labhetha otāranti** labheyya pavesanaṃ, vinivijjhītvā yāva pariyoṣānā gaccheyyāti attho. **Nikkhepananti** nikkhipanaṭṭhānaṃ.

**157.** Evam abhāvitakāyagatāsatim puggalaṃ allamattikapuñjādīhi upametvā idāni bhāvitakāyagatāsatim sārāphalakādīhi upametum **seyyathāpīti**ādīmāha. Tattha **aggaḷaphalakanti** kavāṭam.

**158. Kākapeyyoti** mukhavaṭṭiyaṃ nisīditvā kākena gīvaṃ anāmetvāva pātabbo. **Abhiññāsa**ccchikaraṇīyassāti abhiññāya sacchikātabbassa. **Sakkhibhabbatam pāpuṇātīti** paccakkhabhāvaṃ pāpuṇāti. **Sati sati āyataneti** satisati kāraṇe. Kiṃ panettha kāraṇanti? Abhiññāva kāraṇam. **Āḷibandhāti** mariyādabaddhā.

**Yānikatāyāti** yuttayānaṃ viya katāya. **Vatthukatāyāti** patiṭṭhakatāya. **Anuṭṭhitāyāti** anuppavattitāya. **Paricitāyāti** paricayakatāya. **Susamāraddhāyāti** suṭṭhu samāraddhāya susampaggahitāya. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Kāyagatāsatisuttavaṇṇanā niṭṭhitā.

## 10. Saṅkhārupapattisuttavaṇṇanā

**160. Evam me sutanti** saṅkhārupapattisuttaṃ. Tattha **saṅkhārupapattinti** saṅkhāraṇaṃyeva upapattim, na sattassa, na posassa, puññābhisaṅkhārena vā bhavūpagakkhandhānaṃ upapattim.

**161. Saddhāya samannāgatoti** saddhādayo pañca dhammā lokikā vaṭṭanti. **Dahatīti** ṭhapeti. **Adhiṭṭhātīti** patiṭṭhāpeti. **Saṅkhārā ca vihārā cāti** saha patthanāya saddhādayova pañca dhammā. **Tatrupapattiyāti** tasmim ṭhāne nibbattanatthāya. **Ayaṃ maggo ayaṃ paṭipadāti** saha patthanāya pañca dhammāva. Yassa hi pañca dhammā atthi, na patthanā, tassa gati anibaddhā. Yassa patthanā atthi, na pañca dhammā, tassapi anibaddhā. Yesam ubhayaṃ atthi, tesam gati nibaddhā. Yathā hi ākāse khittadaṇḍo aggena vā majjhena vā mūlena vā nipatissatīti niyamo natthi, evam sattānaṃ paṭisandhiggahaṇaṃ aniyataṃ. Tasmā kusalaṃ kammaṃ katvā ekasmim ṭhāne patthanam kātuṃ vaṭṭati.

**165. Āmaṇḍanti** āmalakaṃ. Yathā taṃ parisuddhacakkhussa purisassa sabbasova pākaṭam hoti, evam tassa brahmuno saddhim tattha nibbattasattehi sahasā lokadhātu. Esa nayo sabbattha.

**167. Subhoti** sundaro. **Jātimāti** ākarasampanno. **Suparikammakatoti** dhovanādīhi suṭṭhukataparikammo. **Paṇḍukambale nikkhattoti** rattakambale ṭhapito.

**168. Satasahassoti** lokadhātusatasahassamhi ālokapharaṇābrahmā. **Nikkhanti** nikkhena kataṃ

piḷandhanaṃ, nikkhaṃ nāma pañcasuvaṇṇaṃ, ūnakanikkhena kataṃ pasādhanāñhi ghaṭṭanamajjanakkhamaṃ na hoti, atirekena kataṃ ghaṭṭanamajjanaṃ khamati, vaṇṇavantaṃ pana na hoti, pharusadhātukaṃ khāyati. Nikkhena kataṃ ghaṭṭanamajjanañceva khamati, vaṇṇavantañca hoti. **Jambonadanti** jambunadiyaṃ nibbattaṃ. Mahājamburukkhasa hi ekekā sākhā paṇṇāsa paṇṇāsa yojanāni vaḍḍhitā, tāsu mahantā nadiyo sandanti, tāsaṃ nadīnaṃ ubhayatīresu jambupakkānaṃ patitaṭṭhāne suvaṇṇaṅkurā uṭṭhahanti, te nadījalena vuyhamānā anupubbena mahāsamuddaṃ pavisanti. Taṃ sandhāya jambonadanti vuttaṃ. **Dakkhakammāraputtaukkāmukhasukusalasampahaṭṭhanti** dakkhena sukusalena kammāraputtēna ukkāmuḍhe pacitvā sampahaṭṭhaṃ. **Ukkāmuḍheti** uddhane. **Sampahaṭṭhanti** dhotaghaṭṭitamajjitaṃ. Vatthopame (ma. ni. 1.75-76) ca dhātuvibhaṅge (ma. ni. 3.357-360) ca piṇḍasodhanaṃ vuttaṃ. Imasmiṃ sutte katabhaṇḍasodhanaṃ vuttaṃ.

Yaṃ pana sabbavāresu **pharivā adhimuccivāti** vuttaṃ, tattha pañcavidhaṃ pharaṇaṃ cetopharaṇaṃ kasiṇapharaṇaṃ dibbacakkhupharaṇaṃ ālokapharaṇaṃ sarīrapharaṇanti. Tattha cetopharaṇaṃ nāma lokadhātusahasasattānaṃ cittajānaṃ. Kasiṇapharaṇaṃ nāma lokadhātusahasasasiṇapattharaṇaṃ. Dibbacakkhupharaṇaṃ nāma ālokaṃ vaḍḍhetvā dibbena cakkhunā sahasalokadhātudassanaṃ. Ālokapharaṇampi etadeva. Sarīrapharaṇaṃ nāma lokadhātusahasasariṇapabhāya pattharaṇaṃ. Sabbattha imāni pañca pharaṇāni avināsentena kathetabbanti.

Tipiṭakacūḷābhayaṭṭhēro paṇāha – “maṇiopaṃme kasiṇapharaṇaṃ viya nikkhopaṃme sarīrapharaṇaṃ viya dissatī”ti. Tassa vādaṃ viya aṭṭhakathā nāma natthīti paṭikkhitvā sarīrapharaṇaṃ na sabbakālikaṃ, cattārimāni pharaṇāni avināsetvāva kathetabbanti vuttaṃ. **Adhimuccatīti** padaṃ pharaṇapadasseva vevacanaṃ, atha vā **pharatīti** pattharati. **Adhimuccatīti** jānāti.

**169. Ābhātiādīsu** ābhādayo nāma pāṭiyekkā devā natthi, tayo parittābhādayo devā ābhā nāma, parittāsubhādayo ca. Subhakiṇhādayo ca subhā nāma. Vehapphalādivārā pākaṭāyeva.

Ime tāva pañca dhamme bhāvetvā kāmāvacaṃsu nibbattatu. Brahmaloḷe nibbattaṃ pana āsavakkhayañca kathaṃ pāpuṇātīti? Ime pañca dhammā sīlaṃ, so imasmiṃ sīle patiṭṭhāya kasiṇaparikkamaṃ katvā tā tā samāpattiyo bhāvetvā rūpībrahmaloḷe nibbattati, arūpajjhānāni nibbattetvā arūpībrahmaloḷe, samāpattipadaṭṭhānaṃ vipassanaṃ vaḍḍhetvā anāgāmiṇphalaṃ sacchikatvā pañcasu suddhāvāsesu nibbattati. Uparimaggamaṃ bhāvetvā āsavakkhayaṃ pāpuṇātīti.

Papañcasūdaniyā majjhimanikāyaṭṭhakathāya

Saṅkhārupapattisuttavaṇṇanā niṭṭhitā.

Dutiyaṃvaggavaṇṇanā niṭṭhitā.

### 3. Suññatavaggo

#### 1. Cūlasuññatasuttavaṇṇanā

**176. Evaṃ me sutanti** cūlasuññatasuttaṃ. Tattha **ekamidanti** therō kira bhagavato vattaṃ katvā attano divāṭṭhānaṃ gantvā kālaparicchedaṃ katvā nibbānārammaṇaṃ suññatāphalasaṃpattim appētvā nisinna yathāparicchedena vuṭṭhāsi. Athassa saṅkhārā suññato upaṭṭhahimsu. So suññatākathaṃ sotukāmo jāto. Athassa etadahosi – “na kho pana sakkā dhurena dhuraṃ paharantena viya gantvā ‘suññatākathaṃ me, bhante, kathethā’ti bhagavantaṃ vattaṃ, handāhaṃ yaṃ me bhagavā nagarakaṃ upanissāya viharanto ekaṃ kathaṃ kathesi, taṃ sāremi, evaṃ me bhagavā suññatākathaṃ kathessatī”ti dasabalaṃ sārento **ekamidanti**ādīmāha.

Tattha **idanti** nipātamattameva. **Kaccimetam, bhanteti** thero ekapade thatvā saṅghipadasahassāni uggahetvā dhāretum samattho, kiṃ so “suññatāvihārenā”ti ekaṃ padaṃ dhāretum na sakkhissati, sotukāmena pana jānantena viya pucchitum na vaṭṭati, pākaṭam katvā vitthāriyamānaṃ suññatākathaṃ sotukāmo ajānanto viya evamāha. Eko ajānantopi jānanto viya hoti, thero evarūpaṃ kohaṇṇaṃ kiṃ karissati, attano jānanaṭṭhānepi bhagavato apacitum dassetvā “kaccimeta”ntiādimāha.

**Pubbeṭṭhi** paṭhamabodhiyaṃ nagarakaṃ upanissāya viharanaṅkālepi. **Etarahipīti** idānipi. Evaṃ pana vatvā cintesi – “ānando suññatākathaṃ sotukāmo, eko pana sotum sakkoti, na uggahetum, eko sotumpi uggahetumpi sakkoti, na kathetum, ānando pana sotumpi sakkoti uggahetumpi kathetumpi, (kathemissa) suññatākatha”nti. Iti taṃ kathento **seyyathāpīti**ādimāha. Tattha **suñño hatthigavāssavalavenā**ti tattha kaṭṭharūpapotthakarūpacittarūpavasena katā hatthiādayo atthi, vessavaṇamandhātādīnaṃ ṭhitatṭhāne cittakammavasena katampi, ratanaparikkhatānaṃ vātapānadvārabandhamañcapīṭhādīnaṃ vasena saṅghitampi, jīṇṇapaṭisaṅkharanaṭṭhaṃ ṭhapitampi jātarūparajataṃ atthi, kaṭṭharūpādivasena katā dhammasavanapañhapucchanādivasena āgacchantā ca itthipurisāpi atthi, tasmā na so tehi suñño. Indriyabaddhānaṃ saviññāṅakānaṃ hatthiādayaṃ, icchiticchitakkhaṇe paribhuñjitabbassa jātarūparajataṃ, nibaddhavāsaṃ vasantānaṃ itthipurisānañca abhāvaṃ sandhāyetaṃ vuttaṃ.

**Bhikkhusaṅghaṃ paṭiccāti** bhikkhūsu hi piṇḍāya pavitṭhesupi viharabhataṃ sādiyantehi bhikkhūhi ceva gilānagilānupaṭṭhākauddesacīvarakammapasutādīhi ca bhikkhūhi so asuññova hoti, iti niccampi bhikkhūnaṃ atthitāya evamāha. **Ekattanti** ekabhāvaṃ, ekaṃ asuññataṃ atthīti attho. Eko asuññabhāvo atthīti vuttaṃ hoti. **Amanasikarivāti** citte akatvā anāvajjitvā apaccavekkhitvā. **Gāmasaṅghanti** gāmoti pavattavasena vā kilesavasena vā uppannaṃ gāmasaṅghaṃ. Manussasaṅghāyapi eseva nayo. **Araññasaṅghaṃ paṭicca manasi karoti ekattanti** idaṃ araṇṇaṃ, ayaṃ rukkho, ayaṃ pabbato, ayaṃ nīlobhāso vanasaṅḍoti evaṃ ekaṃ araṇṇaṃyeva paṭicca araṇṇasaṅghaṃ manasi karoti. **Pakkhandatīti** otarati. **Adhimuccatīti** evanti adhimuccati. **Ye assu darathāti** ye ca pavattadarathā vā kilesadarathā vā gāmasaṅghaṃ paṭicca bhaveyyum, te idha araṇṇasaṅghāya na santi. Dutiyapadepi eseva nayo. **Atthi cevāyanti** ayaṃ pana ekaṃ araṇṇasaṅghaṃ paṭicca uppajjamānā pavattadarathamattā atthi.

**Yañhi kho tattha na hotīti** yaṃ migāramātupāsāde hatthiādayo viya imissā araṇṇasaṅghāya gāmasaṅghāmanussasaṅghāvasena uppajjamānaṃ pavattadarathakilesadarathajātaṃ, taṃ na hoti. **Yaṃ pana tattha avasiṭṭhanti** yaṃ migāramātupāsāde bhikkhusaṅgho viya tattha araṇṇasaṅghāya pavattadarathamattam avasiṭṭham hoti. **Taṃ santamidaṃ atthīti pajānātīti** taṃ vijjamānameva “atthi ida”nti pajānāti, **suññatāvakkantīti** suññatānibbatti.

**177. Amanasikarivā manussasaṅghanti** idha gāmasaṅghaṃ na gaṇhāti. Kasmā? Evaṃ kirassa ahosi – “manussasaṅghāya gāmasaṅghaṃ nivattetvā, araṇṇasaṅghāya manussasaṅghaṃ, pathavīsaṅghāya araṇṇasaṅghaṃ, ākāsañācāyatanasaṅghāya pathavīsaṅghaṃ...pe... nevasaṅghānāsaṅghāyatanasaṅghāya ākiñcaññāyatanasaṅghaṃ, vipassanāya nevasaṅghānāsaṅghāyatanasaṅghaṃ, maggena vipassanaṃ nivattetvā anupubbena accantasūññataṃ nāma dassessāmī”ti. Tasmā evaṃ desanaṃ ārabhi. Tattha **pathavīsaṅghanti** kasmā araṇṇasaṅghaṃ pahāya pathavīsaṅghaṃ manasi karoti? Araṇṇasaṅghāya visesānadhigamanato. Yathā hi purisassa ramaṇīyaṃ khettaṭṭhānaṃ disvā – “idha vuttā sāliādayo suṭṭhu sampajjissanti, mahālābhaṃ labhissāmī”ti sattakkhattumpi khettaṭṭhānaṃ olokentassa sāliādayo na sampajjanteva, sace pana taṃ ṭhānaṃ vihatakhāṇukakaṅṭakaṃ katvā kasitvā vapati, evaṃ sante sampajjanti, evameva – “idaṃ araṇṇaṃ, ayaṃ rukkho, ayaṃ pabbato, ayaṃ nīlobhāso vanasaṅḍo”ti sacepi sattakkhattum araṇṇasaṅghaṃ manasi karoti, nevūpacāraṃ na samādhiṃ pāpuṇāti, pathavīsaṅghāya panassa dhuvasevanaṃ kammaṭṭhānaṃ pathavīkaṣiṇaṃ parikkammaṃ katvā jhānāni nibbattetvā jhānapadaṭṭhānampi vipassanaṃ vaḍḍhetvā sakkā arahattaṃ pāpuṇitum. Tasmā araṇṇasaṅghaṃ pahāya pathavīsaṅghaṃ manasi karoti. **Paṭiccāti** paṭicca sambhūtaṃ.

Idāni yasmim pathavīkaṣiṇe so pathavīsaṅghī hoti, tassa opammadassanattaṃ **seyyathāpīti**ādimāha.

Tattha usabhassa etanti **āsabham**. Aññesaṃ pana gunnaṃ gaṇḍāpi honti pahārāpi. Tesañhi cammaṃ pasāriyamānaṃ nibbalikaṃ na hoti, usabhassa lakkhaṇasampannatāya te dosā natthi. Tasmā tassa cammaṃ gahitaṃ. **Saṅkusatenā**ti khilasatena. **Suvihatanti** pasāretvā suṭṭhu vihatam. Ūnakasatasāṅkuvihatañhi nibbalikaṃ na hoti, saṅkusatena vihatam bheritalam viya nibbalikaṃ hoti. Tasmā evamāha. **Ukkūlavikkūlanti** uccanīcam thalaṭṭhānaṃ ninnaṭṭhānaṃ. **Nadīvidugganti** nadiyo ceva duggamaṭṭhānañca. **Pathavīsaññaṃ paṭicca manasi karoti ekattanti** kasiṇapathaviyaṃyeva paṭicca sambhūtam ekaṃ saññaṃ manasi karoti. **Darathamattā**ti ito paṭṭhāya sabbavāresu pavattadarathavasena darathamattā veditabbā.

**182. Animittam cetosamādhinti** vipassanācittasamādhim. So hi niccanimittādivirahito animittoti vuccati. **Imameva kāyanti** vipassanāya vatthum dasseti. Tattha **imamevā**ti imaṃ eva catumahābhūtikaṃ. **Salāyatānikanti** salāyatānapaṭisaṃyuttaṃ. **Jīvitapaccayā**ti yāva jīvitindriyānaṃ pavatti, tāva jīvitapaccayā pavattadarathamattā atthīti vuttaṃ hoti.

**183.** Puna **animittanti** vipassanāya paṭivipassanaṃ dassetuṃ vuttaṃ. **Kāmāsavaṃ paṭiccā**ti kāmāsavaṃ paṭicca uppajjanapavattadarathā idha na santi, ariyamagge ceva ariyaphale ca natthīti vuttaṃ hoti. **Imameva kāyanti** imaṃ upādisesadarathadassanattaṃ vuttaṃ. Iti manussasaññāya gāmasaññaṃ nivattetvā...pe... maggena vipassanaṃ nivattetvā anupubbena accantasaññatā nāma dassitā hoti.

**184. Parisuddhanti** nirupakkilesaṃ. **Anuttaranti** uttaravirahitaṃ sabbasetṭhaṃ. **Suññatanti** suññataphalasaṃpattim. **Tasmā**ti yasmā atītepi, buddhapaccekabuddhabuddhasāvakaśākhātā samaṇabrāhmaṇā. Anāgatepi, etarahipi buddhabuddhasāvakaśākhātā samaṇabrāhmaṇā imaṃyeva parisuddhaṃ paramaṃ anuttaraṃ suññataṃ upasampajja vihariṃsu viharissanti viharanti ca, tasmā. Sesam sabbattha uttānamevāti.

Papañcasūdaniyā majjhimanikāyatṭhakathāya

Cūlasuññatasuttavaṇṇanā niṭṭhitā.

## 2. Mahāsuññatasuttavaṇṇanā

**185. Evaṃ me sutanti** mahāsuññatasuttaṃ. Tattha **kālakhemakassā**ti chavivaṇṇena so kāḷo, khemakoti panassa nāmaṃ. **Vihāroti** tasmimyeva nigrodhārāme ekasmiṃ padese pākārena parikkhipitvā dvārakoṭṭhakaṃ māpetvā haṃsavaṭṭakādīsenāsanāni ceva maṇḍalamālabhojanasālādīni ca paṭiṭṭhapetvā kato vihāro. **Sambahulāni senāsanā**ni mañco pīṭhaṃ bhisibimbohanaṃ taṭṭikā cammakhaṇḍo tiṇasanthāro paṇṇasanthāro palālasanthārotiādīni paññattāni honti, mañcena mañcaṃ...pe... palālasanthāreneva palālasanthāraṃ āhacca ṭhapitāni, gaṇabhikkhūnaṃ vasanaṭṭhānasadisam ahoṣi.

**Sambahulā nu khoti** bhagavato bodhipallānkeyeva sabbakilesānaṃ samugghāṭitattā saṃsayo nāma natthi, vitakkapubbabhāgā pucchā, vitakkapubbabhāge cāyaṃ nukāro nipātamatto. Pāṭimatthakaṃ gacchante avinicchito nāma na hoti. Ito kira pubbe bhagavatā dasa dvādasa bhikkhū ekaṭṭhāne vasantā na diṭṭhapubbā.

Athassa etadahosi – gaṇavāso nāmāyaṃ vaṭṭe āciṇṇasamāciṇṇo nadīotiṇṇaudakasadisō, nirayatiracchānayanipettivisayāsuraḷāyesupi, manussaloka-devalokabrahmalokesupi gaṇavāsova āciṇṇo. Dasayojanasahasso hi **nirayo** tipucūṇabharitā nāli viya sattehi nirantaro, pañcavidhabandhanakammakāraṇakaraṇaṭṭhāne sattānaṃ pamāṇaṃ vā paricchedo vā natthi, tathā vāsīhi tacchanādīṭhānesu, iti gaṇabhūtāva paccanti. **Tiracchānayanīyaṃ** ekasmiṃ vammike upasikānaṃ pamāṇaṃ vā paricchedo vā natthi, tathā ekekabilādīsipi kipillikādīnaṃ. Tiracchānayanīyampi gaṇavāsova. **Petanagarāni** ca gāvutikāni aḍḍhayaṇīkānīpi petabharitāni honti. Evaṃ pettivisayepi gaṇavāsova. **Asurabhavanaṃ** dasayojanasahassaṃ kaṇṇe pakkhittasūciyā kaṇṇabilam viya hoti. Iti

asurakāyepi gaṇavāsova. **Manussaloke** sāvattḥiyam sattaṇṇāsa kulasatasahassāni, rājagahe anto ca bahi ca aṭṭhārasa manussakoṭṭiyō vasiṃsu. Evaṃ aññesupī ṭhānesūti manussalokepi gaṇavāsova. **Bhummadevatā** ādiṃ katvā devalokabrahmalokesupī gaṇavāsova. Ekekassa hi devaputtassa aḍḍhatiyā nāṭakakoṭṭiyō hontī, navapī koṭṭiyō hontī, ekaṭṭhāne dasasahassāpi brahmāno vasanti.

Tato cintesi – “mayā satasahassakappādhikāni cattāri asankhyeyyāni gaṇavāsavidhamsanattam dasa pāramiyo pūritā, ime ca bhikkhū ito paṭṭhāyeva gaṇam bandhitvā gaṇābhiratā jātā ananucchavikam karontī”ti. So dhammasaṃvegam uppādetvā puna cintesi – “sace ‘ekaṭṭhāne dvīhi bhikkhūhi na vasitabba’nti sakkā bhavēyya sikkhāpadaṃ paññāpetum, sikkhāpadaṃ paññāpeyyam, na kho panetaṃ sakkā. Handāham mahāsuññatāpaṭipattim nāma suttantaṃ desemi, yam sikkhākāmaṇam kulaputtānam sikkhāpadapaññatti viya nagaradvāre nikkhittasabbakāyikaādāso viya ca bhavissati. Tato yathā nāmekasmim ādāse khattiyādayo attano vajjam disvā tam pahāya anavajjā hontī, evamevaṃ mayi parinibbutepi pañcavassasahassāni imam suttam āvajjitvā gaṇam vinodetvā ekībhāvābhiratā kulaputtā vaṭṭadukkhassa antam karissanti”ti. Bhagavato ca manoratham pūrentā viya imam suttam āvajjitvā gaṇam vinodetvā vaṭṭadukham khetvā parinibbutā kulaputtā gaṇanapatham vītivattā. Vālikapiṭṭhivihārepi hi ābhiddhammikaabhayatthero nāma vassūpanāyikasamaye sambahulehi bhikkhūhi saddhim imam suttam sañjhāyitvā “sammāsambuddho evam kāreti, mayam kiṃ karomā”ti āha. Te sabbepi antovasse gaṇam vinodetvā ekībhāvābhiratā arahattam pāpuṇiṃsu. Gaṇabhedanam nāma idaṃ suttanti.

**186. Ghaṭṭāyāti** evaṃnāmakassa sakkassa. **Vihāreti** ayampi vihāro nigrodhārāmasseva ekadese kāḷakhemakassa vihāro viya katoti veditabbo. **Cīvarakammanti** jīṇṇamalinānam aggaḷaṭṭhānuppādanadhovanādīhi kataparibhaṇḍampi, cīvaratthāya uppannavatthānam vicāraṇasibbanādīhi akataṃ saṃvidhānampi vaṭṭati, idha pana akataṃ saṃvidhānam adhippetam. Manussā hi ānandattherassa cīvarasātake adamsu. Tasmā thero sambahule bhikkhū gahetvā tattha cīvarakammaṃ akāsi. Tepi bhikkhū pātova sūcipāsakassa paññāyanakālato paṭṭhāya nisinnā apaññāyanakāle uṭṭahanti. Sūcikkamme niṭṭhiteyeva senāsanāni saṃvidahissāmāti na saṃvidahimsu. **Cīvarakārasamayo notī** thero kira cintesi – “addhā etehi bhikkhūhi na paṭisāmitāni senāsanāni, bhagavatā ca diṭṭhāni bhavissanti. Iti anattamano sathā suṭṭhu niggahetukāmo, imesaṃ bhikkhūnam upatthambho bhavissamī”ti; tasmā evamāha. Ayaṃ panettha adhippāyo – “na, bhante, ime bhikkhū kammārāmā eva, cīvarakiccavasena pana evam vasanti”ti.

**Na kho, ānandāti**, ānanda, kammāsamayo vā hotu akammāsamayo vā, cīvarakārasamayo vā hotu acīvarakārasamayo vā, atha kho saṅgaṇikārāmo bhikkhu na sobhatiyeva. Mā tvaṃ anupatthambhaṭṭhāne upatthambho ahoṣīti. Tattha **saṅgaṇikāti** sakaparīsasamodhānam. **Gaṇoti** nānājanasamodhānam. Iti saṅgaṇikārāmo vā hotu gaṇārāmo vā, sabbathāpi gaṇabāhullābhirato gaṇabandhanabaddho bhikkhu na sobhati. Pacchābhatte pana divāṭṭhānam sammajjitvā sudhotahatthapādo mūlakammaṭṭhānam gahetvā ekārāmatamanuyutto bhikkhu buddhasāsane sobhati. **Nekkhammasukhanti** kāmato nikkhantassa sukham. **Pavivekasukhampi** kāmāpavivekasukhameva. Rāgādīnam pana vūpasamatthāya saṃvattatīti **upasamasukham**. Maggasambodhatthāya saṃvattatīti **sambodhisukham**. **Nikāmalābhīti** kāmālabhī icchitalābhī. **Akicchalābhīti** adukkhalābhī. **Akasiralābhīti** vipulalābhī.

**Sāmāyikanti** appitappitasamaye kilesehi vimuttam. **Kantanti** manāpaṃ. **Cetovimuttinti** rūpārūpāvacaracittavimuttim. Vuttañhetam – “cattāri ca jhānāni catasso ca arūpasamāpattiyo, ayaṃ sāmāyiko vimokkho”ti (paṭi. ma. 1.213). **Asāmāyikanti** na samāyavasena kilesehi vimuttam, atha kho accantavimuttam lokuttaram vuttam. Vuttañhetam – “cattāro ca ariyamaggā cattāri ca sāmāññaphalāni, ayaṃ asāmāyiko vimokkho”ti. **Akuppanti** kilesehi akopetabbaṃ.

Ettāvatā kiṃ kathitam hoti? Saṅgaṇikārāmo bhikkhu gaṇabandhanabaddho neva lokiyaguṇam, na ca lokuttaraguṇam nibbattetum sakkoti, gaṇam vinodetvā pana ekābhirato sakkoti. Tathā hi vipassī bodhisatto caturāsītiyā pabbajitasahashehi parivuto satta vassāni vicaranto sabbaññuguṇam nibbattetum

nāsakkhi, gaṇaṃ vinodetvā sattadivase ekībhāvābhirato bodhimaṇḍaṃ āruya sabbaññuṅgaṃ nibbattesi. Amhākaṃ bodhisatto pañcavaggiyehi saddhiṃ chabbassāni vicaranto sabbaññuṅgaṃ nibbattetuṃ nāsakkhi, tesu pakkantesu ekībhāvābhirato bodhimaṇḍaṃ āruya sabbaññuṅgaṃ nibbattesi.

Evam saṅgaṇikārāmassa guṇādhiḡamābhāvaṃ dassetvā idāni dosuppattiṃ dassento **nāhaṃ ānandāti**ādīmāha. Tattha **rūpanti** sarīraṃ. **Yattha rattassāti** yasmim rūpe rāgavasena rattassa. **Na uppajjeyyunti** yasmim rūpe rattassa na uppajjeyyūṃ, taṃ rūpaṃ na samanupassāmi, atha kho sārīputtamoggallānānaṃ dasabalasāvakattupagamanasaṅkhātena aññathābhāvena sañcayassa viya, upāligahapatino aññathābhāvena nāṭaputtassa viya, piyajātikasutte seṭṭhiādīnaṃ viya ca uppajjantiyeva.

**187. Ayaṃ kho panānandāti** ko anusandhi? Sace hi koci dubbuddhī navapabbajito vadeyya – “sammāsambuddho khettaṃ pavīṭṭhā gāviyo viya amheyyeva gaṇato nīharati, ekībhāve niyojeti, sayam pana rājarājamahāmattādīhi parivuto viharatī”ti, tassa vacanokāsupacchedanattaṃ – “cakkavālapariyantāya parisāya majjhe nisinnopi tathāgato ekakovā”ti dassetuṃ imaṃ desanaṃ ārabhi. Tattha **sabbanimittānanti** rūpādīnaṃ saṅkhanimittānaṃ. **Ajjhattanti** visayajjhattaṃ. **Suññatanti** suññataphalasaṃpattiṃ. **Tatra ceti** upayogathe bhumaṃ, taṃ ceti vuttaṃ hoti. Puna **tatrāti** tasmim parisamajjhe ṭhito. **Vivekaninnenāti** nibbānaninnena. **Byantībhūtenāti** āsavaṭṭhānīyadhammehi vigatantena nissaṭena viṣaṃyuttana. **Uyyojanikapaṭisaṃyuttanti** gacchatha tumheti evaṃ uyyojanikena vacanena paṭisaṃyuttaṃ.

Kāya pana velāya bhagavā evaṃ katheti? Pacchābhattakiccavelāya, vā purimayāmakiccavelāya vā. Bhagavā hi pacchābhatte gandhakuṭiyam sīhaseyyam kappetvā vuṭṭhāya phalasaṃpattiṃ appetvā nisīdati. Tasmim samaye dhammassavanatthāya parisā sannipatanti. Atha bhagavā kālam viditvā gandhakuṭito nikkhamitvā buddhāsanavaragato dhammaṃ desetvā bhesajjatelapākaṃ gaṇhanto viya kālam anatikkamitvā vivekaninnena cittena parisam uyyojeti. Purimayāmepe “abhikkantā kho vāseṭṭhā ratti, yassa dāni kālam maññathā”ti (dī. ni. 3.299) evaṃ uyyojeti. Buddhānañhi bodhipattito paṭṭhāya dve pañcaviññānānīpi nibbānaninnāneva. **Tasmātihānandāti** yasmā suññatāvihāro santo paṇīto, tasmā.

**188. Ajjhattamevāti** gocarajjhattameva. **Ajjhattaṃ suññatanti** idha niyakajjhattaṃ, attano pañcasu khandhesu nissitanti attho. **Sampajāno hotīti** kammaṭṭhānassa asampajjanabhāvajānanena sampajāno. **Bahiddhāti** parassa pañcasu khandhesu. **Ajjhattabahiddhāti** kālena ajjhattaṃ kālena bahiddhā. **Āneñjanti** ubhatobhāgavimutto bhavissāmāti āneñjaṃ arūpasamāpattiṃ manasi karoti.

**Tasmīyeva purimasinti** pādakajjhānaṃ sandhāya vuttaṃ. Apagaṇapādakajjhānato vuṭṭhitassa hi ajjhattaṃ suññataṃ manasikaroto tattha cittaṃ na pakkhandati. Tato “parassa santāne nu kho katha”nti bahiddhā manasi karoti, tatthapi na pakkhandati. Tato – “kālena attano santāne, kālena parassa santāne nu kho katha”nti ajjhattabahiddhā manasi karoti, tatthapi na pakkhandati. Tato ubhatobhāgavimutto hotukāmo “arūpasamāpattiyam nu kho katha”nti āneñjaṃ manasi karoti, tatthapi na pakkhandati. Idāni – “na me cittaṃ pakkhandatīti vissaṭṭhavīriyena upaṭṭhākādīnaṃ pacchato na caritabbaṃ, pādakajjhānameva pana sādhuḡkaṃ punappunaṃ manasikātabbaṃ. Evamassa rukke chindato pharasumhi avahante puna nisitaṃ kāretvā chindantassa chijjesu pharasu viya kammaṭṭhāne manasikāro vahatī”ti dassetuṃ **tasmīyevāti**ādīmāha. Idānissa evaṃ paṭipannassa yaṃ yaṃ manasi karoti, tattha tattha manasikāro sampajjatīti dassento **pakkhandatīti** āha.

**189. Iminā vihārenāti** iminā samathavipassanāvihārena. **Itiha tattha sampajānoti** iti caṅkamantopi tasmim kammaṭṭhāne sampajjamāne “sampajjati me kammaṭṭhāna”nti jānanena sampajāno hoti. **Sayatīti** nipajjati. Ettha kañci kālam caṅkamitvā – “idāni ettakaṃ kālam caṅkamitūṃ sakkhissāmī”ti ñatvā iriyāpathaṃ ahāpetvā ṭhātābbaṃ. Esa nayo sabbavāresu. **Na kathessāmīti, itiha tatthāti** evaṃ na kathessāmīti jānanena tattha sampajānakārī hoti.

Puna dutiyavāre **evarūpim katham kathessāmīti** jānanena sampajānakārī hoti, imassa bhikkhuno samathavipassanā taruṇāva, tāsam anurakkhaṇattham –

“Āvāso gocaro bhassam, puggalo atha bhojanam;  
Utu iriyāpatho ceva, sappāyo sevitabbako”ti.

Satta sappāyāni icchitabbāni. Tesam dassanattamidaṃ vuttaṃ. Vitakkavāresu avitakkanassa ca vitakkanassa ca jānanena sampajānatā veditabbā.

**190.** Iti vitakkapahānena dve magge kathetvā idāni tatiyamaggassa vipassanam ācikkhanto **pañca kho ime, ānanda, kāmaguṇāti**ādīmāha. **Āyataneti** tesuyeva kāmaguṇesu kismiñcīdeva kilesupattikāraṇe. **Samudācāro**ti samudācaraṇato appahīnakilesa. **Evam santanti** evaṃ vijjamānameva. **Sampajānoti** kammaṭṭhānassa asampattijānanena sampajāno. Dutiyavāre **evam santametanti** evaṃ sante etaṃ. **Sampajānoti** kammaṭṭhānasampattijānanena sampajāno. Ayañhi “pahīno nu kho me pañcasu kāmaguṇesu chandarāgo no”ti paccavekkhamāno apahīnabhāvaṃ ñatvā vīriyaṃ paggahetvā taṃ anāgāmimaggena samuggahāṇeti, tato maggānantaraṃ phalaṃ, phalato vuṭṭhāya paccavekkhamāno pahīnabhāvaṃ jānāti, tassa jānanena “sampajāno hoti”ti vuttaṃ.

**191.** Idāni arahattamaggassa vipassanam ācikkhanto **pañca kho ime, ānanda, upādānakkhandhāti**ādīmāha. Tattha **so pahiyatīti** rūpe asmīti māno asmīti chando asmīti anusayo pahiyati. Tathā vedanādīsu sampajānatā vuttanāyeneva veditabbā.

**Ime kho te, ānanda, dhammāti** heṭṭhā kathite samathavipassanāmaggaḥadhamme sandhāyāha. **Kusalāyatikāti** kusalato āgatā. Kusalā hi kusalāpi honti kusalāyatikāpi, seyyathidaṃ, paṭhamajjhānaṃ kusalaṃ, dutiyajjhānaṃ kusalañceva kusalāyatikañca...pe... ākiñcaññāyatanaṃ kusalaṃ, nevasaññānāsaññāyatanaṃ kusalañceva kusalāyatikañca, nevasaññānāsaññāyatanaṃ kusalaṃ, sotāpattimaggo kusalo ceva kusalāyatiko ca...pe... anāgāmimaggo kusalo, arahattamaggo kusalo ceva kusalāyatiko ca. Tathā paṭhamajjhānaṃ kusalaṃ, taṃsampayuttakā dhammā kusalā ceva kusalāyatikā ca...pe... arahattamaggo kusalo, taṃsampayuttakā dhammā kusalā ceva kusalāyatikā ca.

**Ariyāti** nikkilesā visuddhā. **Lokuttarāti** loka uttarā visiṭṭhā. **Anavakkantā pāpimatāti** pāpimantena mārena anokkantā. Vipassanāpādakā aṭṭha samāpattiyo appetvā nisinnassa hi bhikkhuno cittaṃ māro na passati, “idaṃ nāma āramaṇaṃ nissāya saṃvattati”ti jātitaṃ na sakkoti. Tasmā “anavakkantā”ti vuttaṃ.

**Taṃ kiṃ maññasīti** idaṃ kasmā āha? Gaṇepi eko ānisaṃso atthi, taṃ dassetaṃ idaṃāha. **Anubandhituṃ** anugacchitaṃ paricaritaṃ.

**Na kho, ānandāti** ettha kiñcāpi bhagavatā – “sutāvudho, bhikkhave, ariyasāvako akusalaṃ pajahati, kusalaṃ bhāveti, sāvajjaṃ pajahati, anavajjaṃ bhāveti, suddhaṃ attānaṃ pariharati”ti (a. ni. 7.67) bahussuto pañcāvudhasampanno yodho viya kato. Yasmā pana so sutapariyattim uggahetvāpi tadanucchavikaṃ anulomapaṭipadaṃ na paṭipajjati, na tassa taṃ āvudhaṃ hoti. Yo paṭipajjati, tasseva hoti. Tasmā etadattham anubandhituṃ nārahatīti dassento **na kho, ānandāti** āha.

Idāni yadattham anubandhitabbo, taṃ dassetaṃ **yā ca khoti**ādīmāha. Iti imasmiṃ sutte tīsu ṭhānesu dasa kathāvattūni āgatāni. “Iti evarūpaṃ katham kathessāmīti”ti sappāyāsappāyavasena āgatāni, “yadidaṃ suttaṃ geyya”nti ettha sutapariyattivasena āgatāni, imasmiṃ ṭhāne paripūraṇavasena āgatāni. Tasmā imasmiṃ sutte dasa kathāvattūni kathentena imasmiṃ ṭhāne ṭhatvā kathetabbāni.

Idāni yasmā ekaccassa ekakassa viharatopi attho na sampajjati, tasmā taṃ sandhāya ekībhāve ādīnavaṃ dassento **evaṃ sante kho, ānandāti**ādīmāha. Tattha **evaṃ santeti** evaṃ ekībhāve sante.



**193. Satthāti** bāhirako tittakarasatthā. **Anvāvattantīti** anuāvattanti upasaṅkamanti. **Mucchaṃ kāmayaṭīti** mucchanataṅhaṃ pattheti, pavattetīti attho. **Ācariyūpaddavenāti** abbhantare uppanna kilesūpaddavena ācariyassupaddavo. Sesupaddavesupi eseva nayo. **Avadhimsu nanti** mārayimsu naṃ. Etena hi guṇamaraṅgaṃ kathitaṃ.

**Vinipātāyāti** suṭṭhu nipatanāya. Kasmā pana brahmacārupaddavova – “dukkhavipākataro ca kaṭukavipākataro ca vinipātāya ca saṃvattatī”ti vuttoti. Bāhirapabbajjā hi appalābhā, tattha mahanto nibbattetabbaguṇo natthi, aṭṭhasamāpattipaṅcābhīṇṇāmattakameva hoti. Iti yathā gadrabhapiṭṭhito patitassa mahantaṃ dukkhaṃ na hoti, sarīrassa paṃsumakkhanamattameva hoti, evaṃ bāhirasamaye lokiyaguṇamattatova parihāyati, tena purimaṃ upaddavadvayaṃ na evaṃ vuttaṃ. Sāsane pana pabbajjā mahālābhā, tattha cattāro maggā cattāri phalāni nibbānanti mahantā adhigantabbaguṇā. Iti yathā ubhato sujāto khattiyakumāro hatthikkhandhavaragato nagaraṃ anusaṅcaranto hatthikkhandhato patito mahādukkhaṃ nigacchati, evaṃ sāsano parihāyamāno navahi lokuttaraguṇehi parihāyati. Tenāyaṃ brahmacārupaddavo evaṃ vutto.

**196. Tasmāti** yasmā sesupaddavehi brahmacārupaddavo dukkhavipākataro, yasmā vā sapattapaṭipattim vītikkamanto dīgharattaṃ ahitāya dukkhāya saṃvattatī, mittapaṭipatti hitāya, tasmā. Evaṃ uparimenapi heṭṭhimenapi atthena yojettabbaṃ. **Mittavatāyāti** mittapaṭipattiyā. **Sapattavatāyāti** verapaṭipattiyā.

**Vokkamma ca satthusāsanāti** dukkaṭadubbhāsitamattampi hi sañcicca vītikkamanto vokkamma vattati nāma. Tadeva avītikkamanto na vokkamma vattati nāma.

**Na vo ahaṃ, ānanda, tathā parakkamissāmīti** ahaṃ tumhesu tathā na paṭipajjissāmi. **Āmake**ti apakke. **Āmakamatteti** āmake nātisukkhe bhājane. Kumbhakāro hi āmaṃ nātisukkhaṃ apakkaṃ ubhohi hatthehi saṅhikaṃ gaṇhāti “mā bhijjatū”ti. Iti yathā kumbhakāro tattha paṭipajjati, nāhaṃ tumhesu tathā paṭipajjissāmi. **Niggayha niggayhāti** sakiṃ ovaditvā tuṅhī na bhavissāmi, niggaṇhitvā niggaṇhitvā punappunaṃ ovadissāmi anusāsissāmi. **Pavayha pavayhāti** dose pavāhetvā pavāhetvā. Yathā pakkabhājanesu kumbhakāro bhinnachinnajjarāni pavāhetvā ekato katvā supakkāneva ākoṭetvā ākoṭetvā gaṇhāti, evameva ahampi pavāhetvā pavāhetvā punappunaṃ ovadissāmi anusāsissāmi. **Yo sāro so ṭhassatīti** evaṃ vo mayā ovadiyamānānaṃ yo maggaphalasāro, so ṭhassati. Apica lokiyaguṇāpi idha sārotveva adhippetā. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Mahāsuññatasuttavaṅṅanaṃ niṭṭhitā.

### 3. Acchariyaabbhutasuttavaṅṅanaṃ

**197. Evaṃ me sutanti** acchariyaabbhutasuttaṃ. Tattha **yatra hi nāmāti** acchariyatthe nipāto. Yo nāma tathāgatoti attho. **Chinnapapañceti** ettha papañcā nāma taṅhā māno diṭṭhīti ime tayo kilesā. **Chinnavaṭumeti** ettha **vaṭumanti** kusalākusalakammavaṭṭaṃ vuccati. **Pariyādinnavaṭṭeti** tasseva vevacanaṃ. **Sabbadukkhavītivatteti** sabbam vipākavaṭṭasaṅkhātaṃ dukkhaṃ vītivatte. **Anussarissatīti** idaṃ yatrāti nipātavasena anāgatavacanaṃ, attho panettha atītavasena veditabbo. Bhagavā hi te buddhe anussari, na idāni anussarissati. **Evaṃjaccāti** vipassīdayo khattiyajaccā, kakusandhādayo brāhmaṇajaccāti. **Evaṃgottāti** vipassīdayo koṇḍañṇagottā, kakusandhādayo kassapagottāti. **Evaṃsilāti** lokiyalokuttarasīlena evaṃsilā. **Evaṃdhammāti** ettha samādhipakkhā dhammā adhippetā. Lokiyalokuttarena samādhinā evaṃsamādhinoti attho. **Evaṃpaññāti** lokiyalokuttarapaññāya evaṃpaññā. **Evaṃvihārīti** ettha pana heṭṭhā samādhipakkhānaṃ dhammānaṃ gahitattā vihāro gahitova, puna kasmā gahitameva gaṇhātīti ce, na idaṃ gahitameva. Idañhi nirodhasamāpattidīpanatthaṃ, tasmā evaṃnirodhasamāpattivihārīti ayamettha attho.

**Evamvimuttā**ti ettha vikkhambhanavimutti tadaṅgavimutti samucchedavimutti paṭippassaddhivimutti nissaraṇavimuttīti pañcavidhā vimuttiyo. Tattha aṭṭha samāpattiyo sayam vikkhambhitehi nīvaraṇādīhi vimuttattā **vikkhambhanavimuttī**ti saṅkhaṃ gacchanti. Aniccānupassanādikā satta anupassanā sayam tassa tassa paccaṅkāṅgavasena paricattāhi niccasaññādīhi vimuttattā **tadaṅgavimuttī**ti saṅkhaṃ gacchanti. Cattāro ariyamaggā sayam samucchinnehi kilesehi vimuttattā **samucchedavimuttī**ti saṅkhaṃ gacchanti. Cattāri sāmāññaphalāni maggānubhāvena kilesānaṃ paṭippassaddhante uppannattā **paṭippassaddhivimuttī**ti saṅkhaṃ gacchanti. Nibbānaṃ sabbakilesehi nissaṭṭattā apagatattā dūre ṭhitattā **nissaraṇavimuttī**ti saṅkhaṃ gataṃ. Iti imāsaṃ pañcannaṃ vimuttīnaṃ vasena evamvimuttāti evamettha attho veditabbo.

**199. Tasmātihāti** yasmā tvaṃ “tathāgatā acchariyā”ti vadasi, tasmā taṃ bhīyyoso mattāya paṭibhantu tathāgatassa acchariyā abbhutadhammāti. **Sato sampajānoti** ettha dvesampajāññāni manussaloke devaloke ca. Tattha vessantarajātake brāhmaṇassa dve putte datvā punadivase sakkassa devīṃ datvā sakkena pasīditvā dinne aṭṭha vare gaṇhanto –

“Iti vimuccamānāhaṃ, saggagāmī visesagū;  
Anivattī tato assaṃ, aṭṭhametaṃ varaṃ vare”ti. (jā. 2.22.2300) –

Evam tusitabhavane me paṭisandhi hotūti varaṃ aggahesi, tato paṭṭhāya tusitabhavane uppajjissāmīti jānāti, idaṃ manussaloke sampajāññaṃ. Vessantarattabhāvato pana cuto puna tusitabhavane nibbattitvā nibbattosmīti aññāsi, idaṃ devaloke sampajāññaṃ.

Kim pana sesadevatā na jānantīti? No na jānanti. Tā pana uyyānavimānakapparukkhe oloketvā devanātakehi tūriyasaddena pabodhitā “mārisa ayaṃ devaloko tumhe idha nibbattā”ti sārītā jānanti. Bodhisatto paṭhamajavanavāre na jānāti, dutiyajavanato paṭṭhāya jānāti. Iccassa aññehi asādhāraṇajānanam hoti.

**Aṭṭhāsīti** ettha kiñcāpi aññepi devā tattha ṭhitā ṭhitamhāti jānanti, te pana chasu dvāresu balavatā iṭṭhārammaṇena abhibhuyyamānā satīṃ vissajjetvā attano bhuttapītabhāvampi ajānantā āhārūpacchedena kālaṃ karonti. Bodhisattassa kiṃ tathārūpaṃ ārammaṇaṃ natthīti? No natthi. So hi sesadeve dasahi ṭhānehi adhiggaṇhāti, ārammaṇena pana attānaṃ maddituṃ na deti, taṃ ārammaṇaṃ abhibhavitvā tiṭṭhati. Tena vuttaṃ – “sato sampajāno, ānanda, bodhisatto tusite kāye aṭṭhāsī”ti.

**200. Yāvatāyukanti** sesattabhāvesu kiṃ yāvatāyukaṃ na tiṭṭhattīti? Āma na tiṭṭhati. Aññadā hi dīghāyukadevaloke nibbatto tattha pāramiyo na sakkā pūretunti akkhīni nimīletvā adhimuttikālaṃkiriyaṃ nāma katvā manussaloke nibbattati. Ayaṃ kālaṅkiriyaṃ aññesaṃ na hoti. Tadā pana adinnadānaṃ nāma natthi, arakkhitasīlaṃ nāma natthi, sabbapāramīnaṃ pūritattā yāvatāyukaṃ aṭṭhāsī.

**Sato sampajāno tusitā kāyā cavitvā mātukucchiṃ okkamati**ti evam tāva sabbapāramiyo pūretvā tadā bodhisatto yāvatāyukaṃ aṭṭhāsī. Devatānaṃ pana – “manussagaṇanāvasena idāni sattahi divasehi cuti bhavissati”ti pañca pubbanimittāni uppajjanti – mālā milāyanti, vatthāni kilissanti, kacchehi sedā muccanti, kāye dubbaṇṇiyaṃ okkamati, devo devāsane na saṅṭhāti.

Tattha **mālāti** paṭisandhiggahaṇadivase piḷandhanamālā. Tā kira saṭṭhisatasahassādhikā sattapaṇṇāsa-vassakoṭiyo amilāyitvā tadā milāyanti. **Vatthesupi** eseva nayo. Ettakaṃ pana kālaṃ devānaṃ neva sītaṃ na uṇhaṃ hoti, tasmīṃ kāle sarīrato bindubinduvase **sedā** muccanti. Ettakaṃ ca kālaṃ tesam sarīre khaṇḍiccapāḷiccādivase **vivaṇṇatā** na paññāyati, devadhītā soḷasavassuddesikā viya, devaputtā vīsativassuddesikā viya khāyanti. Maraṇakāle pana nesaṃ kilantarūpo attabhāvo hoti. Ettakaṃ ca nesaṃ kālaṃ devaloke **ukkaṇṭhitā** nāma natthi, maraṇakāle pana nissasanti vijambhanti, sake āsane nābhiraṃanti.

Imāni pana pubbanimittāni, yathā loke mahāpuññānaṃ rājarājamahāmattādīnaṃyeva ukkāpātabhūmicālacandaggāhādīni nimittāni paññāyanti, na sabbesaṃ, evameva mahesakkhānaṃ devatānaṃyeva paññāyanti, na sabbesaṃ. Yathā ca manussesu pubbanimittāni nakkhattapāṭhakādayova jānanti, na sabbe, evameva tānipi sabbe devā na jānanti, paṇḍitā eva pana jānanti. Tattha ye ca mandena kusalakammaena nibbattā devaputtā, te tesu uppannesu – “idāni ko jānāti, kuhiṃ nibbattissāmā” ti bhāyanti. Ye mahāpuññā, te – “amhehi dinnāṃ dānaṃ rakkhitaṃ sīlaṃ bhāvitaṃ bhāvanaṃ āgamma uparidevalokesu sampattiṃ anubhavissāmā” ti na bhāyanti. Bodhisatto pi tāni pubbanimittāni disvā “idāni anantare attabhāve buddho bhavissāmī” ti na bhāyi. Athassa tesu nimittesu pātubhūtesu dasasahassacakkavāḷadevatā sannipatitvā – “mārisa tumhehi dasa pāramiyo pūrentehi na sakkasampattiṃ na mārabrahmacakkavattisampattiṃ patthentehi pūritā, lokanittaraṇatthāya pana buddhattaṃ patthayamānehi pūritā. So vo idāni kālo mārisa buddhattāya, samayo mārisa buddhattāyā” ti yācanti.

Atha mahāsatto devatānaṃ paṭiññānaṃ adatvāva kāladīpadesakulajanettiāyuparicchedavasena **pañcamahāvilokanaṃ** nāma vilokesi. Tattha “kālo nu kho, na kālo” ti paṭhamaṃ kālaṃ vilokesi. Tattha vassasatasahassato uddhaṃ vaḍḍhitaāyukālo kālo nāma na hoti. Kasmā? Tadā hi sattānaṃ jātijarāmarāṇāni na paññāyanti, buddhānañca dhammadesanā nāma tilakkhaṇamuttā natthi, tesāṃ aniccaṃ dukkhaṃ anattāti kathentānaṃ “kiṃ nāmetaṃ kathenti” ti neva sotuṃ na saddhātuṃ maññanti, tato abhisamayo na hoti, tasmīṃ asati aniyyānikaṃ sāsanaṃ hoti. Tasmā so akālo. Vassasatato ūnaāyukālo pi kālo nāma na hoti. Kasmā? Tadā hi sattā ussannakilesā honti, ussannakilesānañca dinnovādo ovādaṭṭhāne na tiṭṭhati. Udahe daṇḍarāji viya khippaṃ vigacchati. Tasmā sopi akālo. Satasahassato pana paṭṭhāya hetthā vassasatato paṭṭhāya uddhaṃ āyukālo kālo nāma. Tadā ca vassasatakālo hoti. Atha mahāsatto “nibbattitabbakālo” ti **kālaṃ** passi.

Tato **dīpaṃ** vilokento saporivāre cattāro dīpe oloketvā – “tīsu dīpesu buddhā na nibbattanti, jambudīpeyeva nibbattanti” ti dīpaṃ passi.

Tato – “jambudīpo nāma mahā, dasayojanasahassaparimāṇo, katarasmīṃ nu kho padese buddhā nibbattanti” ti **desaṃ** vilokento majjhimadesaṃ passi. Majjhimadeso nāma “puratthimāya disāya gajaṅgalaṃ nāma nigamo” tiādīnā nayena vinaye (mahāva. 259) vuttova. So pana āyāmato tīṇi yojanasatāni. Vitthārato aḍḍhatiyāni, parikkhepato navayojanasatānīti. Etasmīñhi padese cattāri aṭṭha soḷasa vā asaṅkhyeyyāni, kappasatasahassañca pāramiyo pūretvā sammāsambuddhā uppajjanti. Dve asaṅkhyeyyāni, kappasatasahassañca pāramiyo pūretvā paccekabuddhā uppajjanti, ekaṃ asaṅkhyeyyaṃ, kappasatasahassañca pāramiyo pūretvā sārīputtamoggallānādayo mahāsāvakaṃ uppajjanti, catunnaṃ mahādīpānaṃ dvisahassānaṃ parittadīpānañca issariyādhipaccakārakacakkavattirājāno uppajjanti, aññe ca mahesakkhā khattiyabrāhmaṇagahapatimahāsālā uppajjanti. Idañcetha kapilavatthu nāma nagaraṃ, tattha mayā nibbattitabbanti niṭṭhamagamāsi.

Tato **kulaṃ** vilokento – “buddhā nāma lokasammate kule nibbattanti, idāni ca khattiyakulaṃ lokasammataṃ, tattha nibbattissāmi, suddhodano nāma rājā me pitā bhavissati” ti kulaṃ passi.

Tato **mātaraṃ** vilokento – “buddhamātā nāma lolā surādhuttā na hoti, kappasatasahassaṃ pūritapāramī jātito paṭṭhāya akhaṇḍapañcasilā hoti, ayañca mahāmāyā nāma devī edisā. Ayaṃ me mātā bhavissati. Kittakaṃ panassā āyū” ti āvajjanto – “dasannaṃ māsānaṃ upari satta divasāni” ti passi.

Iti imaṃ **pañcamahāvilokanaṃ** viloketvā – “kālo me mārisā buddhabhāvāyā” ti devatānaṃ saṅgahaṃ karonto paṭiññānaṃ datvā “gacchatha tumhe” ti tā devatā uyyojetvā tusitadevatāhi parivuto tusitapure nandanavanaṃ pāvīsi. Sabbadevalokesu hi nandanavanaṃ atthiyeva. Tattha naṃ devatā – “ito cuto sugatiṃ gaccha, ito cuto sugatiṃ gacchā” ti pubbekatakusalakammokāsaṃ sārāyamānā vicaranti. So evaṃ devatāhi kusalaṃ sārāyamānāhi parivuto tattha vicarantova cavi.

Evam cuto cavāmīti pajānāti, cuticcittam na jānāti. Paṭisandhim gahetvāpi paṭisandhicittam na jānāti, imasmim me thāne paṭisandhi gahitāti evam pana jānāti. Keci pana therā “āvajjanapariyāyo nāma laddhum vaṭṭati, dutiyatatiyacittavāreyeva jānissatī”ti vadanti. Tipiṭakamahāsīvatthero panāha – “mahāsattānaṃ paṭisandhi na aññesaṃ paṭisandhisadisā, koṭippattam tesam satisampajaññaṃ. Yasmā pana teneva cittaena tam cittam ñātum na sakkā, tasmā cuticcittam na jānāti. Cutikkhaṇepi cavāmīti pajānāti, paṭisandhim gahetvāpi paṭisandhicittam na jānāti, asukasmim thāne paṭisandhi gahitāti pajānāti, tasmim kāle dasasahassī kampatī”ti. Evam sato sampajāno mātukucchim okkamanto pana ekūnavīsatiyā paṭisandhicittesu mettāpubbabbhāgassa somanassa-sahagata-ñāṇasampayutta-asankhārika-kusalacittassa sadisamahāvīpākacittena paṭisandhim gaṇhi. Mahāsīvatthero pana “upekkhāsahagatenā”ti āha.

Paṭisandhim gaṇhanto pana āsāḷhīpuṇṇamāyaṃ uttarāsāḷhanakkhattena aggahesi. Tadā kira mahāmāyā pure puṇṇamāya sattamadivasato paṭṭhāya vigatasurāpānaṃ māḷāgandhavibhūsanasampannaṃ nakkhattakīḷaṃ anubhavamānā sattame divase pāto vuṭṭhāya gandhodakena nhāyitvā sabbālaṅkāravibhūsitā varabhojanaṃ bhuñjītvā uposathaṅgāni adhiṭṭhāya sirīgabbhaṃ pavisitvā sirīsāyane nipannā niddaṃ okkamamānā idaṃ supinaṃ addasa – “cattāro kira naṃ mahārājāno sayaneneva saddhim ukkhipitvā anotattadahaṃ netvā ekamantaṃ aṭṭhamsu. Atha nesam deviyo āgantvā manussamalaharaṇatthaṃ nhāpetvā dibbavatthaṃ nivāsetvā gandhehi vilimpetvā dibbapupphāni piḷandhitvā tato avidūre rajatapabbato, tassa anto kanakavimānaṃ atthi, tasmim pācīnato sīsaṃ katvā nipajjāpesuṃ. Atha bodhisatto setavaravāraṇo hutvā tato avidūre eko suvaṇṇapabbato, tattha caritvā tato oruyha rajatapabbataṃ abhiruhitvā uttaradisato āgamma kanakavimānaṃ pavisitvā mātaraṃ padakkhiṇaṃ katvā dakkhiṇapassaṃ phāletvā kucchim pavitṭhasadiso ahoṣi.

Atha pabuddhā devī tam supinaṃ rañño ārocesi. Rājā pabhātāya rattiyā catusaṭṭhimatte brāhmaṇapāmokkhe pakkosāpetvā haritūpalittāya lājādīhi katamaṅgalasakkārāya bhūmiyā mahārahāni āsanāni paññāpetvā tattha nisinnānaṃ brāhmaṇānaṃ sappimadhusakkarābhisaṅkhārassa varapāyāsassa suvaṇṇarajatapātiyo pūretvā suvaṇṇarajatapātītiheva paṭikujjītvā adāsi, aññehi ca ahatavatthakapilagāvīdānādīhi te santappesi. Atha nesam sabbakāmasantappitānaṃ supinaṃ ārocāpetvā – “kiṃ bhavissatī”ti pucchi. Brāhmaṇā āhamsu – “mā cintāyi mahārāja, deviya te kucchimhi gabbho patiṭṭhito, so ca kho purisagabbho, na itthigabbho, putto te bhavissatī. So sace agāraṃ ajjhāvasissatī, rājā bhavissatī cakkavattī. Sace agārā nikkhamma pabbajissatī, buddho bhavissatī loke vivaṭṭacchado”ti. Evam sato sampajāno bodhisatto tusitakāyā cavitvā mātukucchim okkamati.

Tattha **sato sampajānoti** iminā catutthāya gabbhāvakkantiyā okkamati dasseti. Catasso hi gabbhāvakkantiyo.

“Catasso imā, bhante, gabbhāvakkantiyo. Idha, bhante, ekacco asampajāno mātukucchim okkamati, asampajāno mātukucchismim thāti, asampajāno mātukucchimhā nikkhamati, ayaṃ paṭhamā gabbhāvakkanti.

Puna caparaṃ, bhante, idhekacco sampajāno mātukucchim okkamati, asampajāno mātukucchismim thāti, asampajāno mātukucchimhā nikkhamati, ayaṃ dutiyā gabbhāvakkanti.

Puna caparaṃ, bhante, idhekacco sampajāno mātukucchim okkamati, sampajāno mātukucchismim thāti, asampajāno mātukucchimhā nikkhamati, ayaṃ tatiyā gabbhāvakkanti.

Puna caparaṃ, bhante, idhekacco sampajāno mātukucchim okkamati, sampajāno mātukucchismim thāti, sampajāno mātukucchimhā nikkhamati, ayaṃ catutthā gabbhāvakkanti”ti (dī. ni. 3.147).

Etāsu paṭhamā lokiyamanussānaṃ hoti, dutiyā asītimahāsāvakānaṃ, tatiyā dvinnam aggasāvakānaṃ paccekabodhisattānaṃ. Te kira kammajavātehi uddhampādā adhosirā anekasataporise papāte viya yonimukhe tālacchiggalena hatthī viya ativiya sambādheṇa yonimukheṇa nikkhamamānā

anantaṃ dukkhaṃ pāpuṇanti. Tena nesaṃ “mayaṃ nikkhamāma”ti sampajānata na hoti. Catutthā sabbaññubodhisattānaṃ. Te hi mātukucchimiṃ paṭisandhiṃ gaṇhantāpi jānanti, tattha vasantāpi jānanti. Nikkhamanakālepi nesaṃ kammajavātā uddhampāde adhosire katvā khipituṃ na sakkonti, dve hatthe pasāretvā akkhīni ummīletvā ṭhitakāva nikkhamanti.

**201. Mātukucchiṃ okkamati**ti ettha mātukucchiṃ okkanto hotīti attho. Okkante hi tasmim evaṃ hoti, na okkamamāne. **Appamāṇoti** buddhappamāṇo, vipuloti attho. **Uḷāroti** tasseva vevacanaṃ. **Devānubhāvanti** ettha devānaṃ ayamānubhāvo – nivatthavatthassa pabhā dvādasa yojanāni pharati, tathā sarīrassa, tathā alaṅkāraṃ, tathā vimānassa, taṃ atikkamitvāti attho.

**Lokantarikāti** tiṇṇaṃ tiṇṇaṃ cakkavāḷanaṃ antarā ekeko lokantarikā hoti, tiṇṇaṃ sakatacakkānaṃ pattānaṃ vā aññaṃaññaṃ āhacca ṭhapitānaṃ majjhe okāso viya. So pana lokantarikanirayo parimāṇato aṭṭhajojanasahasso hoti. **Aghāti** niccavivaṭā. **Asaṃvutāti** heṭṭhāpi appatīṭhā. **Andhakārāti** tamabhūtā. **Andhakāratimisāti** cakkhuviññāṇuppattinivāraṇato andhabhāvakaraṇatimisena samannāgatā. Tattha kira cakkhuviññāṇaṃ na jāyati. **Evaṃmahiddhikāti** candimasūriyā kira ekappahāreneva tīsu dīpesu paññāyanti, evaṃmahiddhikā. Ekekāya disāya navanavayojanasatasahassāni andhakāraṃ vidhamitvā ālokaṃ dassenti, evaṃ mahānubhāvā. **Ābhāya nānubhontīti** attano pabhāya nappahonti. Te kira cakkavāḷapabbatassa vemajjhena caranti, cakkavāḷapabbatāñca atikkamma lokantarikanirayo, tasmā te tattha ābhāya nappahonti.

**Yepi tattha sattāti** yepi tasmim lokantaramahāniraye sattā upapannā. Kiṃ pana kammaṃ katvā te tattha uppajjantīti? Bhāriyaṃ dāruṇaṃ mātāpitūnaṃ dhammikasamaṇabrāhmaṇānañca upari aparādhaṃ aññañca divase divase pānavadhādisāsahakammaṃ katvā uppajjanti tambapaṇṇidīpe abhayacorānāgacorādayo viya. Tesam attabhāvo tigāvutiko hoti, vaggulīnaṃ viya dīghanakhā honti. Te rukkhe vagguliyo viya nakhehi cakkavāḷapāde lagganti. Yādā pana saṃsappantā aññaṃaññaṃ hatthapāsaṃ gatā honti, atha “bhakkho no laddho”ti maññaṃānā tattha vāvaṭā viparivattitvā lokasandhārakaudake patanti. Vāte paharante madhukaphalāni viya chijjitvā uduke patanti. Patitamattā ca accantakhāre uduke piṭṭhapiṇḍi viya vilīyanti.

**Aññepi kira bho santi sattāti** – “yathā mayaṃ mahādukkhaṃ anubhavāma, evaṃ aññepi kira sattā idaṃ dukkhaṃ anubhavantā idhūpapannā”ti taṃ divasaṃ passanti. Ayaṃ pana obhāso ekayāgupānamattampi na tiṭṭhati, yāvatā niddāyitvā pabuddho ārammaṇaṃ vibhāveti, tattakaṃ kālaṃ hoti. Dīghabhāṇakā pana “accharāsaṅghātamattameva vijjubhāso viya niccharitvā kiṃ idanti bhaṇantānaṃyeva antaradhāyati”ti vadanti. **Saṅkapatīti** samantato kampati. Itaradvayaṃ purimapasēva vevacanaṃ. Puna **appamāṇo cāti**ādi nigamanatthaṃ vuttaṃ.

**202. Cattāro devaputtā catuddisaṃ ārakkhāya upagacchantīti** ettha **cattāroti** catunnaṃ mahārājūnaṃ vasena vuttaṃ, dasasahassacakkavāḷe pana cattāro cattāro katvā cattālīsadasasahassā honti. Tattha imasmim cakkavāḷe mahārājāno khaggahatthā āgantvā bodhisattassa ārakkhaṇatthāya upagantvā sirīgabbhaṃ pavitṭhā, itare gabbhadvārato paṭṭhāya avaruddhapamsupisācakādiyakkhagaṇe paṭikkamāpetvā yāva cakkavāḷā ārakkhaṃ gaṇhiṃsu.

Kimatthaṃ panāyaṃ rakkhā āgatā? Nanu paṭisandhikkhaṇe kalalakālato paṭṭhāya sacepi koṭisatasahassā mārā koṭisatasahassaṃ sineruṃ ukkhipitvā bodhisattassa vā bodhisattamātuyā vā antarāyakaṇatthaṃ āgaccheyyūṃ, sabbe antarāva antaradhāyeyyūṃ. Vuttampi cetam bhagavatā ruhiruppādavatthusmim – “aṭṭhānametaṃ, bhikkhave, anavakāso, yaṃ parūpakkamena tathāgataṃ jīvitā voropeyya. Anupakkamena, bhikkhave, tathāgatā parinibbāyanti. Gacchatha tumhe, bhikkhave, yathāvihāraṃ, arakkhiyā, bhikkhave, tathāgatā”ti (cūḷava. 341). Evametam, na parūpakkamena tesam jīvitantarāyo atthi. Santi kho pana amanussā virūpā duddasikā, bheravarupā pakkhino, yesam rūpaṃ disvā saddaṃ vā sutvā bodhisattamātu bhayaṃ vā santāso vā uppajjeyya, tesam nivāraṇatthāya rakkhaṃ aggaḥesū. Apica kho bodhisattassa puññatejēna sañjātagāravā attano gāravacoditāpi te evamakamsu.

Kim pana te antogabbhaṃ pavisitvā t̥hitā cattāro mahārājāno bodhisattamātuyā attānaṃ dassenti na dassentīti? Nahānaṃaṇḍanabhojanādisarīrakiccakāle na dassenti, sirīgabbhaṃ pavisitvā varasayane nipannaḱāle pana dassenti. Tattha kiñcāpi amanussadassanaṃ nāma manussānaṃ sappaṭibhayaṃ hoti, bodhisattamātā pana attano ceva puttassa ca puññānubhāvena te disvā na bhāyati, pakatiantepurapālakesu viya assā tesu cittaṃ uppajjati.

**203. Pakatiyā sīlavatīti** sabhāveneva sīlasampannā. Anuppanne kira buddhe manussā tāpasaparibbājakānaṃ santike vanditvā ukkuṭikaṃ nisīditvā sīlaṃ gaṇhanti, bodhisattamātāpi kāladevilassa isino santike gaṇhāti. Bodhisatte pana kucchigate aññassa pādānūle nisīdituṃ nāma na sakkā, samāsane nisīditvā gahitasīlāpi avaññā kāraṇamattaṃ hoti. Tasmā sayameva sīlaṃ aggahesīti vuttaṃ hoti.

**Purisesūti** bodhisattassa pītaṃ ādim katvā kesuci manussesu purisādhippāyacittaṃ nuppajjati. Tañca kho bodhisatte gāravena, na pahīnakilesatāya. Bodhisattamātu rūpaṃ pana sukusalāpi sippikā potthakammādīsipi kātuṃ na sakkonti, taṃ disvā purisassa rāgo nuppajjatīti na sakkā vuttaṃ. Sace pana taṃ rattacitto upasaṅkamtukāmo hoti, pādā na vahanti, dibbasāṅkhalikā viya bajjhanti. Tasmā “‘anatikkamanīyā’”tiādi vuttaṃ.

**Pañcannaṃ kāmagaṇānanti** pubbe “‘kāmagaṇūpasamhita’”nti purisādhippāyavasena vatthupaṭikkhepo kathito, idha ārammaṇappaṭilābho dassito. Tadā kira “‘deviyā evarūpo putto kucchimim uppanno’”ti, sutvā samantato rājāno mahaggaābharaṇatūriyādivasena pañcadvārārammaṇavattubhūtaṃ paññākāraṃ pesenti, bodhisattassa ca bodhisattamātuyā ca katakammaṃ ussannattā lābhasakkārassa pamāṇaparicchedo nāma natthi.

**204. Akilantakāyāti** yathā aññā itthiyo gabbhabhārena kilamanti, hatthapādā uddhumātakādīni pāpuṇanti, na evaṃ tassā koci kilamatho ahoṣi. **Tirokucchigatanti** antokucchigataṃ. Kalalādikālaṃ atikkamitvā sañjātaṅgapaccaṅgaṃ ahīnindriyabhāvaṃ upagataṃyeva passati. Kimattaṃ passati? Sukhavāsattaṃ. Yatheva hi mātā puttana saddhim nisinnā vā nipannā vā “‘hatthaṃ vā pādāṃ vā olambantaṃ ukkhipitvā saṅghapessāmī’”ti sukhavāsattaṃ puttaṃ oloketi, evaṃ bodhisattamātāpi yaṃ taṃ mātu utthānagamanaparivattananisajjādīsū uṇhasītaloṇikatittakakaṭukāhāraajjhoharaṇakālesu ca gabbhassa dukkhaṃ uppajjati, atthi nu kho me taṃ puttassāti sukhavāsattaṃ bodhisattaṃ olokayamānā pallaṅkaṃ ābhujitvā nisinnaṃ bodhisattaṃ passati. Yathā hi aññe antokucchigatā pakkāsayaṃ ajjhottharivā āmāsayaṃ ukkhipitvā udarapaṭalaṃ piṭṭhito katvā piṭṭhikaṇṭakaṃ nissāya ukkuṭikā dvīsū muṭṭhīsū hanukaṃ t̥hapetvā deve vassante rukkhāsūre makkaṭā viya nisīdanti, na evaṃ bodhisatto. Bodhisatto pana piṭṭhikaṇṭakaṃ piṭṭhito katvā dhammāsane dhammakathiko viya pallaṅkaṃ ābhujitvā puratthābhimukho nisīdati. Pubbe katakammaṃ panassā vatthum sodheti, suddhe vatthumhi sukhumacchavilakkhaṇaṃ nibbattati. Atha naṃ kucchigataṃ taco paṭicchādetuṃ na sakkoti, oloketiyā bahi t̥hito viya paññāyati. Tamattaṃ upamāya vibhāvento **seyyathāpīti**ādimāha. Bodhisatto pana antokucchigato mātaraṃ na passati. Na hi antokucchiyaṃ cakkhuvīññānaṃ uppajjati.

**205. Kālaṃ karotīti na vijātabhāvapaccayā, āyuparikkhayeneva. Bodhisattena vasitattāhānañhi cetiyakuṭisadisamaṃ hoti aññesaṃ** aparibhogaṃ, na ca sakkā bodhisattamātaraṃ apanetvā aññāṃ aggamahesitthāne t̥hapetunti tattakāyeva bodhisattamātu āyuppamānaṃ hoti, tasmā tadā kālaṃ karoti. Katarasmim pana vaye kālaṃ karotīti? Majjhimavaye. Paṭhamavayasmimhi sattānaṃ attabhāve chandarāgo balavā hoti, tena tadā sañjātagabbhā itthi taṃ gabbhaṃ anurakkhituṃ na sakkonti, gabbho bahvābādho hoti. Majjhimavayassa pana dve koṭṭhāse atikkamma tatiyakoṭṭhāse vatthum visadaṃ hoti, visade vatthumhi nibbattā dārakā arogā hontī. Tasmā bodhisattamātāpi paṭhamavaye sampattiṃ anubhavitvā majjhimavayassa tatiyakoṭṭhāse vijāyitvā kālaṃ karoti.

**Nava vā dasa vāti** ettha vā-saddena vikappanavasena satta vā aṭṭha vā ekādasa vā dvādasa vāti evamādīnampi saṅgaho veditabbo. Tattha sattamāsajāto jīvati, sītuṇhakkhāmo pana na hoti.

Aṭṭhamāsajāto na jīvati, sesā jīvanti.

**Ṭhitāvāti** ṭhitāva hutvā. Mahāmāyāpi devī upavijaññā ñātikulagharaṃ gamissāmīti rañño ārocesi. Rājā kapilavatthuto devadahanagaragāmimaggaṃ alaṅkārapetvā devīṃ suvaṇṇasivikāya nisīdāpesi. Sakalanagaravāsino sakyā parivāretvā gandhamālādīhi pūjayamānā devīṃ gahetvā pāyimsu. Sā devadahanagarassa avidūre lumbinisālavanuyyānaṃ disvā uyyānavicaraṇatthāya cittaṃ uppādetvā rañño saññaṃ adāsi. Rājā uyyānaṃ paṭijaggāpetvā ārakkhaṃ saṃvidahāpesi. Deviyā uyyānaṃ pavitṭhamattāya kāyadubbalyaṃ ahoṣi, athassā maṅgalasālamūle sirīsayaṇaṃ paññāpetvā sāṇiyā parikkhipimsu. Sā antosāṇiṃ pavisitvā sālāsākhaṃ hatthena gahetvā aṭṭhāsi. Athassā tāvadeva gabbhavuṭṭhānaṃ ahoṣi.

**Devā naṃ paṭhamam paṭiggaṇhantīti** khīṇāsavā suddhāvāsabrahmāno paṭiggaṇhanti. Kathaṃ? Sūtivesaṃ gaṇhitvāti eke. Taṃ pana paṭikkhipitvā idaṃ vuttaṃ – tadā bodhisattamātā suvaṇṇakhacitaṃ vatthaṃ nivāsetvā macchakkhisadisam dukūlapaṭaṃ yāva pādantāva pārupitvā aṭṭhāsi. Athassā sallahukaṃ gabbhavuṭṭhānaṃ ahoṣi dhammakaraṇato udakanikkhamanasadisam. Atha te pakatibrahmaveseneva upasaṅkamitvā paṭhamam suvaṇṇajālena paṭiggahesum. Tesam hatthato manussā dukūlacumbaṭakena paṭiggahesum. Tena vuttaṃ – “devā naṃ paṭhamam paṭiggaṇhanti pacchā manussā”ti.

**206. Cattāro naṃ devaputtāti** cattāro mahārājāno. **Paṭiggahetvāti** ajinappaveṇiyā paṭiggahetvā. **Mahesakkhoti** mahātejo mahāyaso lakkhaṇasampannoti attho.

**Visadova nikkhamatīti** yathā aññe sattā yonimagge laggantā bhaggavibhaggā nikkhamanti, na evaṃ nikkhamati, alaggo hutvā nikkhamatīti attho. **Udenāti** udakena. **Kenaci asucināti** yathā aññe sattā kammajavātehi uddhamṃpādā adhosirā yonimagge pakkhittā sataporisanarakapapātaṃ patantā viya tālacchiddena nikkadḍhiyamānā hatthī viya mahādukkhaṃ anubhavantā nānāasucimakkhitāva nikkhamanti, na evaṃ bodhisatto. Bodhisattañhi kammajavātā uddhamṃpādaṃ adhosiraṃ kātuṃ na sakkonti. So dhammāsanato otaranto dhammakathiko viya nisseṇito otaranto puriso viya ca dve hatthe ca pāde ca pasāretvā ṭhitakova mātukucchisambhavena kenaci asucinā amakkhitova nikkhamati.

**Udakassa dhārāti** udakavaṭṭiyo. Tāsu sītā suvaṇṇakaṭāhe patati, uṇhā rajatakaṭāhe. Idañca pathavītale kenaci asucinā asammisam tesam pāṇīyaparibhojanīyaudakañceva aññehi asādharmaṇaṃ kīḷanaudakañca dassetuṃ vuttaṃ. Aññassa pana suvaṇṇarajataghaṭṭehi āhariyamānaudakassa ceva haṃsavatṭakādipokkharāṇigatassa ca udakassa paricchedo natthi.

**207. Sampatijātoti** muhuttajāto. Pāḷiyam pana mātukucchito nikkhantamatto viya dassito, na pana evaṃ daṭṭhabbaṃ. Nikkhantamattañhi taṃ paṭhamam brahmāno suvaṇṇajālena paṭiggaṇhiṃsu, tesam hatthato cattāro mahārājāno maṅgalasammatāya sukhasamphassāya ajinappaveṇiyā, tesam hatthato manussā dukūlacumbaṭakena, manussānaṃ hatthato mucchitvā pathaviyaṃ patitṭhito.

**Setamhi chatte anudhāriyamāneti** dibbasetacchatte anudhāriyamāne. Ettha ca chattassa parivārāni khaggādīni pañca rājakakudhabhaṇḍānīpi āgatāneva. Pāḷiyam pana rājagamane rājā viya chattameva vuttaṃ. Tesu chattameva paññāyati, na chattaggāhakā. Tathā khagga-tālavanṭa-morahatthaka-vāḷabjani-uṇhīsamattāyeva paññāyanti, na tesam gāhakā. Sabbāni kira tāni adissamānarūpā devatā gaṇhiṃsu. Vuttampi cetam –

“Anekasākhañca sahasamaṇḍalam,  
Chattaṃ marū dhārayumantalikkhe;  
Suvaṇṇadaṇḍā vipatanti cāmarā,  
Na dissare cāmarachattagāhakā”ti. (su. ni. 693);

**Sabbā ca disāti** idaṃ sattapadavītiḥārūpari ṭhitassa viya sabbadisānuvilokanaṃ vuttaṃ, na kho

panevaṃ daṭṭhabbaṃ. Mahāsatto hi manussānaṃ hatthato mucctivā puratthimadisāṃ olokesi, anekacakkavāḷasahassāni ekaṅgaṇāni ahesuṃ. Tattha devamanussā gandhamālādīhi pūjayamānā – “mahāpurisa idha tumhehi sadisopi natthi, kuto uttaritaro” ti āhaṃsu. Evaṃ catasso disā, catasso anudisā, heṭṭhā, uparīti dasapi disā anuviloketvā attanā sadisaṃ adisvā ayaṃ uttarā disāti sattapadavītiḥarena agamāsīti evamettha attho daṭṭhabbo. **Āsabhinti** uttamaṃ. **Aggoti** guṇehi sabbapaṭṭhamaṃ. Itarāni dve padāni etasseva vevacanāni. **Ayamantimā jāti, natthi dāni punabbhavoti** padadvayena imasmiṃ attabhāve pattabbaṃ arahattaṃ byākāsi.

Ettha ca samehi pādehi pathaviyaṃ patiṭṭhānaṃ catuiddhipādapaṭilābhassa pubbanimittam, uttarābhikumhabhāvo mahājanaṃ ajjhottharivā abhibhavivā gamanassa pubbanimittam, sattapadagamanam sattabojjhaṅgaratanapaṭilābhassa pubbanimittam, dibbasetacchattadhāraṇam vimutticchattapaṭilābhassa pubbanimittam, pañcarājakkakudhabhaṇḍāni pañcahi vimuttīhi vimuccanassa pubbanimittam, disānuvilokanam anāvarenañāṇapaṭilābhassa pubbanimittam, āsabhīvacābhāsanam appaṭivattiyadhammacakkappavattanassa pubbanimittam. “Ayamantimā jāti” ti sīhanādo anupādisesāya nibbānadhātuyā parinibbānassa pubbanimittanti veditabbaṃ. Ime vārā pāḷiyaṃ āgatā, sambahulavāro pana āgato, āharivā dīpetabbo.

Mahāpurisassa hi jātadivase dasasahasilokadhātu kampi. Dasasahasilokadhātumhi devatā ekacakkavāḷe sannipatiṃsu. Paṭhamaṃ devā paṭiggahiṃsu, pacchā manussā. Tantibaddhā vīṇā cammabaddhā bheriyo ca kenaci avādītā sayameva vajjiṃsu, manussānaṃ andubandhanādīni khaṇḍākhaṇḍam bhijjiṃsu. Sabbarogā ambilena dhotatambamalam viya vigacchiṃsu, jaccandhā rūpāni passiṃsu. Jaccabahirā saddam suṇiṃsu, pīṭhasappī javanasampannā ahesuṃ, jātijalānampi eḷamūgānaṃ sati patiṭṭhāsi, videse pakkhandanāvā supaṭṭanam pāpuṇiṃsu, ākāsaṭṭhakabhūmaṭṭhakaratanāni sakatejobhāsītāni ahesuṃ, verino mettacittam paṭilabhiṃsu, avīcimhi aggi nibbāyi. Lokantare āloko udapādi, nadīsu jalam na pavatti, mahāsamuddesu madhurasadisam udakam ahosi, vāto na vāyi, ākāsapabbatarukkhatā sakunā bhassivā pathavīgatā ahesuṃ, cando atiroci, sūriyo na uṇho na sītalo nimmalo utusampanno ahosi, devatā attano attano vimānadvāre ṭhatvā apphoṭanaseḷanacelukkhepādīhi mahākīḷam kīḷiṃsu, cātuddīpikamahāmegho vassi, mahājanaṃ neva khudā na pipāsā pīḷesi, dvārakavāṭāni sayameva vivariṃsu, pupphūpagaphalūpagā rukkḥā pupphaphalāni gaṇhiṃsu, dasasahasilokadhātu ekaddhajamālā ahosīti.

Tatrāpissa dasasahasilokadhātukampo sabbaññutañāṇapaṭilābhassa pubbanimittam, devatānaṃ ekacakkavāḷe sannipāto dhammacakkappavattanakāle ekappahārena sannipatiṭvā dhammapaṭiggahaṇassa pubbanimittam, paṭhamaṃ devatānaṃ paṭiggahaṇam catunnam rūpāvacarajjhānānaṃ paṭilābhassa pubbanimittam. Pacchā manussānaṃ paṭiggahaṇam catunnam arūpajjhānānaṃ paṭilābhassa pubbanimittam, tantibaddhavīṇānaṃ sayam vajjanam anupubbavīhārapaṭilābhassa pubbanimittam, cammabaddhabherīnaṃ vajjanam mahatiyā dhammabheriyā anussāvanassa pubbanimittam, andubandhanādīnaṃ chedo asmimānasamucchedassa pubbanimittam, sabbarogavigāmo sabbakilesavigamassa pubbanimittam, jaccandhānaṃ rūpadassanaṃ dibbacakkhupaṭilābhassa pubbanimittam, jaccabahirānaṃ saddassavanaṃ dibbasotadhātupaṭilābhassa pubbanimittam, pīṭhasappīnaṃ javanasampadā catuiddhipādādhigamassa pubbanimittam, jalānaṃ satipatiṭṭhānaṃ catusatipaṭṭhānapaṭilābhassa pubbanimittam, videsapakkhandanāvānaṃ supaṭṭanasampāpuṇanaṃ catupaṭisambhidādhigamassa pubbanimittam, ratanānaṃ sakatejobhāsītattam yaṃ lokassa dhammobhāsam dassessati tassa pubbanimittam.

Verīnaṃ mettacittapaṭilābho catubrahmavīhārapaṭilābhassa pubbanimittam, avīcimhi agginibbānaṃ ekādasaagginibbānassa pubbanimittam, lokantarāloko avijjandhakāraṃ vidhamivā ñāṇālokadassanassa pubbanimittam, mahāsamuddassa madhuratā nibbānārasena ekarasabhāvassa pubbanimittam, vātassa avāyanaṃ dvāsaṭṭhidīṭṭhigatabhindaṇassa pubbanimittam, sakunānaṃ pathavīgamaṇam mahājanassa ovādam sutvā pāṇehi saraṇagamanassa pubbanimittam, candassa ativirocanaṃ bahujanakantatāya pubbanimittam, sūriyassa uṇhasītavajjanautusukhatā kāyikacetāsikasukhuppattiyā pubbanimittam,



devatānaṃ vimānadvāresu apphoṭanādīhi kīḷanaṃ buddhabhāvaṃ patvā udānaṃ udānassa pubbanimittam, cātuddīpikamahāmeghavassanaṃ mahato dhamameghavassanassa pubbanimittam, khudāpīḷanassa abhāvo kāyagatāsatiamatapaṭilābhassa pubbanimittam, pipāsāpīḷanassa abhāvo vimuttisukhena sukhitabhāvassa pubbanimittam, dvārakavāṭānaṃ sayameva vivaraṇaṃ aṭṭhaṅgikamaggadvāravivaraṇassa pubbanimittam, rukkhānaṃ pupphaphalagahaṇaṃ vimuttipupphehi pupphitassa ca sāmāññaphalabhārabharitabhāvassa ca pubbanimittam, dasasahassilokadhātuyā ekaddhajamālātā ariyaddhajamālāmālitāya pubbanimittanti veditabbaṃ. Ayaṃ sambahulavāro nāma.

Ettha pañhe pucchanti – “yadā mahāpuriso pathaviyaṃ patiṭṭhahitvā uttarābhimukho gantvā āsabhiṃ vācaṃ bhāsati, tadā kiṃ pathaviyā gato, udāhu ākāseṇa? Dissamāno gato, udāhu adissamāno? Acelako gato, udāhu alaṅkatappaṭiyatto? Daharo hutvā gato, udāhu mahallako? Pacchāpi kiṃ tādiso va ahoṣi, udāhu puna bāladārako”ti? Ayaṃ pana pañho heṭṭhā lohapāsāde saṅghasannipāte tiṭṭhakacūḷābhayaṭṭherena vissajjito va. Thero kirettha niyati pubbekatakamma-issaranimmānavādavasena taṃ taṃ bahuṃ vatvā avasāne evaṃ byākāsi – “mahāpuriso pathaviyaṃ gato, mahājanassa pana ākāse gacchanto viya ahoṣi. Dissamāno gato, mahājanassa pana adissamāno viya ahoṣi. Acelako gato, mahājanassa pana alaṅkatappaṭiyattova upaṭṭhāsi. Daharova gato, mahājanassa pana soḷasavassuddesiko viya ahoṣi. Pacchā pana bāladārakova ahoṣi, na tādiso”ti. Evaṃ vutte parisā cassa “buddhena viya hutvā bho therena pañho kathito”ti attamanā ahoṣi. Lokantarikavāro vuttanayo eva.

**Viditāti** pākāṭā hutvā. Yathā hi sāvakā nahānamukhadhovanakhādanapivanādikāle anokāsagate atītasāṅkhāre nippadese sammāsituṃ na sakkonti, okāsapattayeva sammāsanti, na evaṃ buddhā. Buddhā hi sattadivasabbhantare vavatthitasāṅkhāre ādito paṭṭhāya sammāsituṃ tilakkhaṇaṃ āropetvā va vissajjenti, tesam avipassitadhammo nāma natthi, tasmā “viditā”ti āha. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Acchariyaabbhutasuttavaṇṇanā niṭṭhitā.

#### 4. Bākulasuttavaṇṇanā

**209. Evaṃ me sutanti** bākulasuttaṃ. Tattha **bākuloti** yathā dvāvīsati dvattiṃsātiādīmhi vattabbe bāvīsati bāttiṃsātiādīni vuccanti, evameva dvikuloti vattabbe bākuloti vuttaṃ. Tassa hi therassa dve kulāni ahesuṃ. So kira devaloko cavitvā kosambinagare nāma mahāseṭṭhikule nibbato, tamenam pañcame divase sīsam nhāpetvā gaṅgākīḷaṃ akaṃsu. Dhātiyā dāraṃ uduke nimujjanummujjanavasena kīḷāpentiyā eko maccho dāraṃ disvā “bhakkho me aya”nti maññamāno mukhaṃ vivarivā upagato. Dhāti dāraṃ chaḍḍetvā palātā. Maccho taṃ gili. Puññavā satto dukkhaṃ na pāpuṇi, sayanagabbhaṃ pavisitvā nipanno viya ahoṣi. Maccho dārakassa tejena tattakapallaṃ gilitvā dayhamāno viya vegena tiṃsayojanamaggaṃ gantvā bārāṇasinagaravāsino macchabandhassa jālaṃ pāvīsi, mahāmacchā nāma jālabaddhā pahariyamānā maranti. Ayaṃ pana dārakassa tejena jālato nīhaṭamattova mato. Macchabandhā ca mahantaṃ macchaṃ labhitvā phāletvā vikkiṇanti. Taṃ pana dārakassa ānubhāvena phāletvā sakalameva kājena haritvā sahasseṇa demāti vadantā nagare vicariṃsu. Koci na gaṇhāti.

Tasmiṃ pana nagare aputtakam asītikoṭivibhavaṃ seṭṭhikulaṃ atthi, tassa dvāramūlaṃ patvā “kiṃ gahetvā dethā”ti vuttā kahāpaṇanti āhaṃsu. Tehi kahāpaṇaṃ datvā gahito. Seṭṭhibhariyāpi aññesu divasesu macche na kelāyati, taṃ divasaṃ pana macchaṃ phalake ṭhapetvā sayameva phālesi. Macchañca nāma kucchito phāleti, sā pana piṭṭhito phālentī macchakucchiyaṃ suvaṇṇavaṇṇaṃ dāraṃ disvā – “macchakucchiyaṃ me putto laddho”ti nādaṃ naditvā dāraṃ ādāya sāmikassa santikaṃ agamāsi. Seṭṭhi tāvadeva bheriṃ carāpetvā dāraṃ ādāya rañño santikaṃ gantvā – “macchakucchiyaṃ me deva dārako laddho, kiṃ karomī”ti āha. Puññavā esa, yo macchakucchiyaṃ arogo vasi, posehi nanti.

Assosi kho itaraṃ kulāṃ – “bārāṇasiyaṃ kira ekaṃ seṭṭhikulaṃ macchakucchiyaṃ dāraṃ labhati”ti, te tatha agamaṃsu. Athassa mātā dāraṃ alaṅkaritvā kīlāpiyamānaṃ disvāva “manāpo vatāyaṃ dāraṃ”ti gantvā pavatiṃ ācikkhi. Itarā mayhaṃ puttotiādīmāha. Kahaṃ te laddhoti? Macchakucchiyanti. No tuyhaṃ putto, mayhaṃ puttoti. Kahaṃ te laddhoti? Mayā dasamāse kucchiyā dhārito, atha naṃ nadiyā kīlāpiyamānaṃ maccho gilīti. Tuyhaṃ putto aññena macchena gilīti bhavissati, ayaṃ pana mayā macchakucchiyaṃ laddhoti, ubhopi rājakulaṃ agamaṃsu. Rājā āha – “ayaṃ dasa māse kucchiyā dhāritattā amātā kātuṃ na sakkā, macchaṃ gaṇhantāpi vakkayakanādīni bahi katvā gaṇhantā nāma natthīti macchakucchiyaṃ laddhattā ayampi amātā kātuṃ na sakkā, dāraṃ ubhinnampi kulānaṃ dāyādo hotu, ubhopi naṃ jaggathā”ti ubhopi jaggiṃsu.

Viññutaṃ pattassa dvīsūpi nāgaresu pāsādaṃ kāretvā nāṭakāni paccupaṭṭhāpesuṃ. Ekekasmimṃ nagare cattāro cattāro māse vasati, ekasmimṃ nagare cattāro māse vuṭṭhassa saṅghātanāvāya maṇḍapaṃ kāretvā tatha naṃ saddhimṃ nāṭakāni āropenti. So sampattiṃ anubhavamāno itaraṃ nagaraṃ gacchati. Taṃnagaravāsino nāṭakāni upaḍḍhamaggaṃ agamaṃsu. Te paccuggantvā taṃ parivāretvā attano pāsādaṃ nayanti. Itarāni nāṭakāni nivattitvā attano nagarameva gacchanti. Tatha cattāro māse vasitvā teneva niyāmena puna itaraṃ nagaraṃ gacchati. Evamassa sampattiṃ anubhavantassa asīti vassāni paripuṇṇāni.

Atha bhagavā cārikaṃ caramāno bārāṇasiṃ patto. So bhagavato santike dhammaṃ sutvā paṭiladdhasaddho pabbajito. Pabbajitvā sattāhameva puthujjano ahoṣi, aṭṭhame pana so saha paṭisambhidāhi arahattaṃ pāpuṇīti evamassa dve kulāni ahesuṃ. Tasmā **bākuloti** saṅkhaṃ agamāsīti.

**Purāṇagihisahāyoti** pubbe gihikāle sahāyo. Ayampi dīghāyukova therāṃ pabbajitaṃ passitūṃ gacchanto asītime vasse gato. **Methuno dhammoti** bālo naggasamaṇako bālapucchaṃ pucchati, na sāsanavacanaṃ, idāni therena dinnanaye ṭhito **imehi pana teti** pucchi.

**210. Yampāyasmāti**ādīni padāni sabbavāresu dhammasaṅgāhakattherehi niyametvā ṭhapitāni. Tatha saññā uppannamattāva, vitakko kammaṃpathabhedakoti. Thero panāha – “kasmā visuṃ karoṭha, ubhayampetaṃ kammaṃpathabhedakamevā”ti.

**211. Gahapaticīvaranti** vassāvāsikaṃ cīvaraṃ. **Satthenāti** pipphalakena. **Sūciyāti** sūciṃ gahetvā sibbitabhāvaṃ na sarāmīti attho. **Kathine cīvaranti** kathinacīvaraṃ, kathinacīvarampi hi vassāvāsikagatikameva. Tasmā tatha “sibbitā nābhijānāmī”ti āha.

Ettakaṃ panassa kālaṃ gahapaticīvaraṃ asādiyantassa chindanasibbanādīni akarontassa kuto cīvaraṃ uppajjatīti. Dvīhi nagarehi. Thero hi mahāyasassī, tassa puttadhītarō nattanattakā sukhumasātakehi cīvarāni kāretvā rajāpetvā samugge pakkhipitvā paṇḍanti. Therassa nhānakāle nhānakoṭṭhake ṭhapenti. Thero tāni nivāseti ceva pārupati ca, purāṇacīvarāni sampattapabbajitānaṃ deti. Thero tāni nivāsetvā ca pārupitvā ca navakammaṃ na karoti, kiñci āyūhanakammaṃ natthi. Phalasaṃpattiṃ appētvā appētvā nisīdati. Catūsu māsesu pattesu lomakiliṭṭhāni honti, athassa puna teneva niyāmena paṇḍitvā denti. Aḍḍhamāse aḍḍhamāse parivattatītipi vadantiyeva.

Anacchariyañcetaṃ therassa mahāpuññassa mahābhīññassa satahassakappe pūritapāramissa, asokadhammarañño kulūpako nigrodhatthero divasassa nikkhattuṃ cīvaraṃ parivattesi. Tassa hi ticīvaraṃ hatthikkhandhe ṭhapetvā pañcahi ca gandhasamuggasatehi pañcahi ca mālāsamuggasatehi saddhimṃ pātova āhariyittha, tathā divā ceva sāyañca. Rājā kira divasassa nikkhattuṃ sātake parivattento “therassa cīvaraṃ nīta”nti pucchitvā “āma nīta”nti sutvāva parivattesi. Theropi na bhaṇḍikaṃ bandhitvā ṭhapesi, sampattasabrahmacārīnaṃ adāsi. Tadā kira jambudīpe bhikkhusaṅghassa yebhuyyena nigrodhasseva santakaṃ cīvaraṃ ahoṣi.

**Aho vata maṃ koci nimanteyyāti** kiṃ pana cittassa anuppādanaṃ bhāriyaṃ, uppannassa

pahānanti. Cittaṃ nāma lahukaparivattaṃ, tasmā anuppādanaṃ bhāriyaṃ, uppanassa pahānampi bhāriyameva. **Antaraghareti** mahāsakuludāyisutte (ma. ni. 2.237) indakhīlato paṭṭhāya antaragharaṃ nāma idha nimbodakapataṇaṭṭhānaṃ adhippettaṃ. Kuto panassa bhikkhā uppajjitthāti. Thero dvīsu nagaresu abhiññāto, gehadvāraṃ āgatassevassa pattaṃ gahetvā nānārasabhojanassa pūretvā denti. So laddhaṭṭhānato nivattati, bhattakiccakaraṇaṭṭhānaṃ panassa nibaddhameva ahosi. **Anubyañjanasoti** therena kira rūpe nimittaṃ gahetvā mātugāmo na olokitapubbo. **Mātugāmassa dhammanti** mātugāmassa chappañcavācāhi dhammaṃ desetum vaṭṭati, pañhaṃ puṭṭhena gāthāsahassampi vattum vaṭṭatiyeva. Thero pana kappiyameva na akāsi. Yebhuyyena hi kulūpakatherānametaṃ kammaṃ hoti. **Bhikkhunupassayanti** bhikkhuniupassayaṃ. Taṃ pana gilānapucchakena gantum vaṭṭati, thero pana kappiyameva na akāsi. Esa nayo sabbattha. **Cuṇṇenāti** kosambacuṇṇādinā. **Gattaparikkammeti** sarīrasambāhanakamme. **Vicāritāti** payojayitā. **Gaddūhanamattanti** gāviṃ thane gahetvā ekaṃ khīrabinduṃ dūhanakālamattampi.

Kena pana kāraṇena thero nirābādho ahosi. Padumuttare kira bhagavati satasahassabhikkhuparivāre cārikaṃ caramāne himavati visarukkā pupphimsu. Bhikkhusatasahassānampi tiṇapupphakarogo uppajjati. Thero tasmim samaye iddhiṃ tāpaso hoti, so ākāsenā gacchanto bhikkhusaṅghaṃ disvā otarivā rogaṃ pucchitvā himavantato osadhaṃ āharitvā adāsi. Upasāṅghanamatteneva rogo vūpasami. Kassapasammāsambuddhakālepi paṭhamavappadivase vappaṃ ṭhapetvā bhikkhusaṅghassa paribhogaṃ aggisālañceva vaccakuṭiṇca kāretvā bhikkhusaṅghassa bhesajjavattaṃ nibandhi, iminā kammaṃ nirābādho ahosi. Ukkaṭṭhanesajjiko panesa ukkaṭṭhāraññako ca tasmā ‘‘nābhijānāmi apassenakaṃ apassayitā’’tiādīmāha.

**Saraṇoti** sakilesa. **Aññā udapādīti** anupasampannassa aññaṃ byākātuṃ na vaṭṭati. Thero kasmā byākāsi? Na thero ahaṃ arahāti āha, aññā udapādīti panāha. Apica thero arahāti pākaṭo, tasmā evamāha.

**212. Pabbajjanti** thero sayam neva pabbājesi, na upasampādesi aññehi pana bhikkhūhi evaṃ kārāpesi. **Avāpuraṇaṃ ādāyāti** kuñcikaṃ gahetvā.

**Nisinnakova parinibbāyīti** ahaṃ dharamānopi na aññassa bhikkhussa bhāro ahosiṃ, parinibbutassāpi me sarīraṃ bhikkhusaṅghassa palībodho mā ahosīti tejodhātuṃ samāpajjitvā parinibbāyī. Sarīrato jālā uṭṭhahi, chavimaṃsalohitaṃ sappi viya jhāyamānaṃ parikkhayaṃ gataṃ, sumanamakulasadisā dhātuyova avasesiṃsu. Sesam sabbattha pākaṭameva. Idaṃ pana suttaṃ dutiyasaṅgahe saṅgītanti.

Papañcasūdaniyā majjhimanikāyaṭṭhakathāya

Bākulasuttavaṇṇanā niṭṭhitā.

## 5. Dantabhūmisuttavaṇṇanā

**213. Evaṃ me sutanti** dantabhūmisuttaṃ. Tattha **araññakuṭīkāyanti** tasveva veḷuvanassa ekasmiṃ vivittaṭṭhāne padhānakammikānaṃ bhikkhūnaṃ atthāya katasenāsane. **Rājakumāroti** bimbisārassa putto orasako.

**Phuseyyāti** labheyya. **Ekaggatanti** evaṃ paṭipanno samāpattiṃ nāma labhati, jhānaṃ nāma labhatīti idaṃ mayā sutanti vadati. **Kilamathoti** kāyakilamatho. **Vihesāti** sveva kilamatho vutto. **Yathāsake tiṭṭheyyāsīti** attano ajānanakoṭṭhāseyeva tiṭṭheyyāsīti.

**214. Desesīti** cittekaggataṃ nāma evaṃ labhati, samāpattiṃ evaṃ nibbattetīti appanāupacāraṃ pāpetvā ekakasiṇaparikkammaṃ kathesi. **Pavedetvāti** pakāsetvā.

**Nekkhammena ñātabbanti** kāmato nissaṭaḡuṇena ñātabbaṃ. Kāmato nissaṭaḡuṇe ʒhitena puggalena ekaggaṃ nāma jānitabbanti adhippāyenetam vuttaṃ. Sesāni tasseva vevacanāni. **Kāme paribhuñjantoti** duvidhepi kāme bhuñjamaṇo.

**215. Hatthidammā vā assadammā vā godammā vā**ti ettha adantahatthidammādayo viya cittekaggarahitā puggalā daṭṭhabbā. Dantahatthiādayo viya cittekaggasampannā. Yathā adantahatthidammādayo kūṭākāraṃ akatvā dhuraṃ achaḍḍetvā dantagamaṇaṃ vā gantuṃ, dantehi vā pattabbaṃ bhūmiṃ pāpuṇituṃ na sakkonti, evameva cittekaggarahitā sampannacittekaggehi nibbattitaḡuṇaṃ vā nibbattetuṃ pattabhūmiṃ vā pāpuṇituṃ na sakkonti.

**216. Hatthavilaṅghakenā**ti hatthena hatthaṃ gahetvā.

**Daṭṭheyanti** passitabbayuttakaṃ. **Āvutoti** āvarito. **Nivutoti** nivārito. **Ophuṭoti** onaddho.

**217. Nāgavanikanti** hatthipadopame (ma. ni. 1.288 ādayo) nāgavanacarako puriso ‘‘nāgavaniko’’ti vutto, idha hatthisikkhāya kusalo hatthiṃ gahetuṃ samattho. **Atipassivā**ti disvā. **Etthagedhā**ti etasmiṃ pavattagedhā. **Sarasaṅkappānanti** dhāvanasaṅkappānaṃ. **Manussakantesu silesu samādapanāyā**ti ettha yadā nāgo itthipurisehi kumārakumārikāhi soṇḍādīsu gahetvā upakeḷayamaṇo vikāraṃ na karoti sukhāyati, tadānena manussakantāni sīlāni samādinnāni nāma honti.

**Pemaṇiyā**ti tāta rājā te pasanno maṅgalahatthiṭṭhāneva ʒhapessati, rājārahāni bhojanādīni labhissasīti evarūpī nāgehi piyāpitabbā kathā. **Sussūsātī**ti taṃ pemaṇiyakathaṃ sotukāmo hoti. **Tiṇaghāsodakanti** tiṇaghāsaṅceva udakaṅca, **tiṇaghāsanti** ghāsitabbaṃ tiṇaṃ, khāditabbanti attho.

**Paṇavoti** diṇḍimo. **Sabbavaṅkadosanihitannitakasāvoti** nihitasabbavaṅkadoso ceva apanītakasāvo ca. **Ānganteva saṅkhaṃ gacchatī**ti āngasamo hoti.

**219. Gehasitasīlānanti** paṅcakāmaḡuṇanissitasīlānaṃ. **Ñāyassā**ti aṭṭhaṅgikamagassa.

**222. Adantamaraṇaṃ mahallako raṅṅo nāgo kālaṅkatoti** raṅṅo mahallako nāgo adantamaraṇaṃ mato kālaṃ kato hoti, adantamaraṇaṃ kālaṃkiriyaṃ nāma kariyatīti ayamettha attho. Esa nayo sabbattha. Sesam uttānamevāti.

Papaṅcasūdaniyā majjhimanikāyaṭṭhakathāya

Dantabhūmisuttavaṇṇanā niṭṭhitā.

## 6. Bhūmijasuttavaṇṇanā

**223. Evaṃ me sutanti** bhūmijasuttaṃ. Tattha **bhūmijoti** ayaṃ thero jayasenaṛājakumārassa mātulo. **Āsaṅca anāsaṅcā**ti kālena āsaṃ kālena anāsaṃ. **Sakena thālipākenā**ti pakatipavattāya bhikkhāya attano niṭṭhitabhattatopi bhattena parivisi. Sesam sabbattha uttānamevāti.

Papaṅcasūdaniyā majjhimanikāyaṭṭhakathāya

Bhūmijasuttavaṇṇanā niṭṭhitā.

## 7. Anuruddhasuttavaṇṇanā

**230. Evaṃ me sutanti** anuruddhasuttaṃ. Tattha **evamāhamsū**ti tassa upāsakassa aphāsukakālo

ahosi, tadā upasāṅkamtivā evamāhaṃsu. **Apañṇakanti** avirādhitam. **Ekatthāti** appamāṇāti vā mahaggaṭāti vā jhānameva cittaṅkaggaṭāyeva evaṃ vuccatīti imaṃ sandhāya evamāha.

**231. Yāvatā ekaṃ rukkhamūlaṃ mahaggaṭanti pharivā adhimuccitvā viharatīti** ekarukkhamūlapamāṇaṭṭhānaṃ kasiṇanimittena ottharivā tasmiṃ kasiṇanimitte mahaggaṭajjhānaṃ pharivā adhimuccitvā viharati. Mahaggaṭanti panassa ābhogo natthi, kevalaṃ mahaggaṭajjhānapavattivasena panetaṃ vuttaṃ. Esa nayo sabbattha. **Iminā kho etaṃ gahapati pariyaṇāti** iminā kāraṇena. Ettha hi appamāṇāti vuttānaṃ brahmavihārānaṃ nimittaṃ na vaḍḍhati, ugghāṭanaṃ na jāyati, tāni jhānāni abhiññānaṃ vā nirodhassa vā pādakāni na honti, vipassanāpādakāni pana vaḍḍapādakāni bhavokkamaṇāni ca honti. “Mahaggaṭā”ti vuttānaṃ pana kasiṇajjhānānaṃ nimittaṃ vaḍḍhati, ugghāṭanaṃ jāyati, samatikkamā honti, abhiññāpādakāni nirodhapādakāni vaḍḍapādakāni bhavokkamaṇāni ca honti. Evamime dhammā nānatthā, appamāṇā mahaggaṭāti evaṃ nānābyañjanā ca.

**232.** Idāni mahaggatasamāpattito nīharivā bhavūpapattikāraṇaṃ dassento **catasso kho imāti**ādīmāha. **Parittābhāti** pharivā jānantassa ayamābhogo atthi, parittābhesu pana devesu nibbattikāraṇaṃ jhānaṃ bhāvento evaṃ vutto. Esa nayo sabbattha. Parittābhā siyā saṃkiliṭṭhābhā honti siyā parisuddhābhā, appamāṇābhā siyā saṃkiliṭṭhābhā honti siyā parisuddhābhā. Kathaṃ? Suppamatte vā sarāvamatte vā kasiṇaparikkamaṃ katvā samāpattiṃ nibbattetvā pañcahākārehi āciṇṇavasibhāvo paccanīkadhammānaṃ suṭṭhu aparisodhitattā dubbalameva samāpattiṃ vaḷaṅḡitvā appaṅḡajjhāne ṭhito kālaṃ katvā parittābhesu nibbattati, vaṇṇo panassa paritto ceva hoti saṃkiliṭṭho ca. Pañcahi panākārehi āciṇṇavasibhāvo paccanīkadhammānaṃ suṭṭhu parisodhitattā suvisuddhaṃ samāpattiṃ vaḷaṅḡitvā paṅḡajjhāne ṭhito kālaṃ katvā parittābhesu nibbattati, vaṇṇo panassa paritto ceva hoti parisuddho ca. Evam parittābhā siyā saṃkiliṭṭhābhā honti siyā parisuddhābhā. Kasiṇe pana vipulaparikkamaṃ katvā samāpattiṃ nibbattetvā pañcahākārehi āciṇṇavasibhāvoti sabbam purimasadisameva veditabbaṃ. Evam appamāṇābhā siyā saṃkiliṭṭhābhā honti siyā parisuddhābhāti.

**Vaṇṇanānattanti** sarīravaṇṇassa nānattaṃ. **No ca ābhānānattanti** āloke nānattaṃ na paññāyati. **Accinānattanti** dīgharassaaṅḡhūlavasena acciyā nānattaṃ.

**Yattha yatthāti** uyyānavimānakappaṅḡhanadīṭṭrapokkharāṅḡīresu yattha yattha. **Abhinivisaṅḡīti** vasanti. **Abhiraṅḡīti** ramanti na ukkaṅḡhanti. **Kājenāti** yāgubhattatelaḡhāṅḡitamacchamaṃsakājesu yena kenaci kājena. “Kācenāti”pi pāṭho, ayameva attho. **Piṭakenāti** pacchiyā. **Tattha tatthevāti** sappimadhupaṅḡitādīnaṃ sulabhaṭṭhānato loṅḡapūtimacchādīnaṃ ussannaṭṭhānaṃ nīṭā “pubbe amhākaṃ vasanaṭṭhānaṃ phāsukaṃ, tattha sukhaṃ vasimhā, idha loṅḡaṃ vā no bādhati pūtimacchagandho vā sīsaroḡaṃ uppādeti”ti evaṃ cittaṃ anuppādetvā tattha tattheva ramanti.

**234. Ābhāti** ābhāsampannā. **Tadaṅḡenāti** tassā bhavūpapattiyā aṅḡena, bhavūpapattikāraṇenāti attho. Idāni taṃ kāraṇaṃ pucchanto **ko nu kho, bhanteti**ādīmāha.

**Kāyaduṭṭhullanti** kāyālasiyabhāvo. **Jhāyatoti** jalato.

**235. Dīgharattaṃ kho meti** thero kira pāramiyo pūrento isipabbajjaṃ pabbajitvā samāpattiṃ nibbattetvā nirantaraṃ tīṅi attabhāvasatāni brahmaloḡe paṭilabhi, taṃ sandhāyetaṃ āha. Vuttampi cetam

“Avokiṅḡaṃ tīṅi satam, yaṃ pabbajim isipabbajjam;  
Asaṅkhatam gavesanto, pubbe saṅcaritam mama”nti.

Sesaṃ sabbattha uttānamevāti.

Papañcasūdaniyā majjhimanikāyaṭṭhakathāya

Anuruddhasuttavaṇṇanā niṭṭhitā.

## 8. Upakkilesasuttavaṇṇanā

**236. Evaṃ me sutanti** upakkilesasuttam. Tattha **etadavocāti** neva bhedādhippāyena na piyakamyatāya, atha khvāssa etadahosi – “ime bhikkhū mama vacanaṃ gahetvā na oramissanti, buddhā ca nāma hitānukampakā, addhā nesamaṃ bhagavā ekaṃ kāraṇaṃ kathessati, taṃ sutvā ete oramissanti, tato tesamaṃ phāsuvihāro bhavissati”ti. Tasmā etaṃ “idha, bhante”tiādivacanavoca. **Mā bhaṇḍananti**ādisu “akatthā”ti pāṭhasesaṃ gahetvā “mā bhaṇḍanaṃ akatthā”ti evaṃ attho daṭṭhabbo. **Aññataroti** so kira bhikkhu bhagavato atthakāmo, ayaṃ kirassa adhippāyo – “ime bhikkhū kodhābhībhūtā satthu vacanaṃ na gaṇhanti, mā bhagavā ete ovadanto kilamī”ti, tasmā evamāha.

**Piṇḍāya pāvisīti** na kevalaṃ pāvīsi, yenapi janena na diṭṭho, so maṃ passatūtipi adhiṭṭhāsi. Kimatthaṃ adhiṭṭhāsīti? Tesamaṃ bhikkhūnaṃ damanattaṃ. Bhagavā hi tadā piṇḍapāṭappaṭikkanto “pūthasaddo samajano”tiādigāthā bhāsivā kosambito bālakaloṇakāragāmaṃ gato. Tato pācīnavamsadāyaṃ, tato pālīleyyakavanasaṇḍaṃ gantvā pālīleyyahatthināgena upaṭṭhahiyamāno temāsaṃ vasi. Nagaravāsīnopi – “satthā vihāraṃ gato, gacchāma dhammassavanāyā”ti gandhapupphahatthā vihāraṃ gantvā “kahaṃ, bhante, satthā”ti pucchiṃsu. “Kahaṃ tumhe satthāraṃ dakkhatha, satthā ‘ime bhikkhū samagge karissāmī’ti āgato, samagge kātuṃ asakkonto nikkhamitvā gato”ti. “Mayaṃ satampi sahasampi datvā satthāraṃ ānetuṃ na sakkoma, so no ayācīto sayameva āgato, mayaṃ ime bhikkhū nissāya satthu sammukhā dhammakathaṃ sotuṃ na labhimhā. Ime satthāraṃ uddissa pabbajitā, tasmīpi sāmaggīṃ karonte samaggā na jātā, kassāññassa vacanaṃ karissanti. Alaṃ na imesaṃ bhikkhā dātabbā”ti sakalanagare daṇḍaṃ ṭhapayiṃsu. Te punadivase sakalanagaraṃ piṇḍāya caritvā kaṭacchumattampi bhikkhaṃ alabhitvā vihāraṃ āgamaṃsu. Upāsakāpi te puna āhaṃsu – “yāva satthāraṃ na khamāpetha, tāva vo tameva daṇḍakamma”nti. Te “satthāraṃ khamāpessāmā”ti bhagavati sāvatthiyaṃ anuppatte tattha āgamaṃsu. Satthā tesamaṃ aṭṭhārasa bhedakaravattūni desesīti ayamettha pāḷimuttakakathā.

**237.** Idāni **pūthasaddoti**ādigāthāsu pūthu mahāsaddo assāti **pūthasaddo**. **Samajanoti** samāno ekasādiso jano, sabbovāyaṃ bhaṇḍanakāraḥajano samantato saddaniccharaṇena pūthasaddo ceva sadiso cāti vuttaṃ hoti. **Na bālo koci maññathāti** tatra koci ekopi ahaṃ bāloti na maññati, sabbe pi paṇḍitamāninoyeva. **Nāññaṃ bhiyyo amaññarunti** koci ekopi ahaṃ bāloti na ca maññi, bhiyyo ca saṅghasmiṃ bhijjamāne aññampi ekaṃ “mayhaṃ kāraṇā saṅgho bhijjati”ti idaṃ kāraṇaṃ na maññīti attho.

**Parimuṭṭhāti** muṭṭhassatino. **Vācāgocarabhāṇinoti** rākārassa rassādeso kato; vācāgocarāva, na satipaṭṭhānagocarā, bhāṇino ca, kathaṃ bhāṇino? **Yāvīcchanti mukhāyāmaṃ**, yāva mukhaṃ pasāretuṃ icchanti, tāva pasāretvā bhāṇino, ekopi saṅghagāraṇena mukhasaṅkocanaṃ na karotīti attho. **Yena nītāti** yena kalahena imaṃ nillajjabhāvaṃ nītā. **Na taṃ vidū** na taṃ jānanti “evaṃ sādīnavo aya”nti.

**Ye ca taṃ upanayhantīti** taṃ akkocchi mantiādikaṃ ākāraṃ ye upanayhanti. **Sanantanoti** porāṇo.

**Pareti** paṇḍite ṭhapetvā tato aññe bhaṇḍanakāraḥā pare nāma. Te ettha saṅghamajje kalahaṃ karontā “mayaṃ yamāmaṃ upayamāma nassāma satataṃ samitaṃ maccusantikaṃ gacchāmā”ti na jānanti. **Ye ca tattha vijānantīti** ye ca tattha paṇḍitā “mayaṃ maccuno samīpaṃ gacchāmā”ti vijānantī. **Tato sammanti medhagāti** evaṃhi te jānantā yonisomanasikāraṃ uppādetvā medhagānaṃ kalahānaṃ vūpasamāya paṭipajjanti.

**Aṭṭhicchinnāti** ayaṃ gāthā jātake (jā. 1.9.16) āgatā, brahmadattañca dīghāvukumārañca sandhāya vuttā. Ayañhettha attho – tesampi tathā pavattaverānaṃ hoti saṅgati, kasmā tumhākaṃ na hoti, yesaṃ vo neva mātāpitūnaṃ aṭṭhīni chinnāni, na pāṇā haṭā na gavāssadhanāni haṭānīti.

**Sace labhethā**tiādigāthā paṇḍitasahāyassa ca bālasahāyassa ca vaṇṇāvaṇṇadīpanattham vuttā. **Abhibhuyya sabbāni parissayānī**ti pākāṭaparissaye ca paṭicchannaparissaye ca abhibhavitvā tena saddhim attamano satimā careyyāti.

**Rājāva raṭṭham vijitanti** yathā attano vijitarattham mahājanakarājā ca arindamamahārājā ca pahāya ekakā vicariṃsu, evaṃ vicareyyāti attho. **Mātaṅgaraññeva nāgoti** mātaṅgo araññe nāgo. **Mātaṅgoti** hatthi vuccati. **Nāgoti** mahantādhivacanametam. Yathā hi mātuposako mātaṅganāgo araññe eko cari, na ca pāpāni akāsi, yathā ca pālileyyako, evaṃ eko care, na ca pāpāni kayirāti vuttam hoti.

**238. Bālakaloṇakāragāmoti** upāligahapatissa bhogagāmo. **Tenupasaṅkamīti** kasmā upasaṅkami? Gaṇe kirassa ādīnavam disvā ekavīhāriṃ bhikkhum passitukāmatā udapādi, tasmā sītādīhi pīlito uṇhādīni patthayamāno viya upasaṅkami. **Dhammiyā kathāyāti** ekībhāve ānisaṃsappaṭisaṃyuttāya. Yena pācīnavamsadāyo, tattha kasmā upasaṅkami? Kalahakārake kirassa diṭṭhādīnavattā samaggavāsino bhikkhū passitukāmatā udapādi, tasmā sītādīhi pīlito uṇhādīni patthayamāno viya tattha upasaṅkami. **Āyasmā ca anuruddhoti**ādi vuttanayameva.

**241. Atthi pana voti** pacchimapucchāya lokuttaradhammam puccheyya. So pana therānam natthi, tasmā tam pucchitum na yuttanti parikammobhāsam pucchati. **Obhāsañceva sañjānāmāti** parikammobhāsam sañjānāma. **Dassanañca rūpānanti** dibbacakkhunā rūpadassanañca sañjānāma. **Tañca nimittam nappaṭivijjhāmāti** tañca kāraṇam na jānāma, yena no obhāso ca rūpadassanañca antaradhāyati.

**Tam kho pana vo anuruddhā nimittam paṭivijjhittabanti** tam vo kāraṇam jānitabbam. **Ahampi sudanti** anuruddhā tumhe kiṃ na ālulesanti, ahampi imehi ekādasahi upakkilesehi ālulitapubboti dassetum imaṃ desanam ārabhi. **Vicikicchā kho meti**ādīsu mahāsattassa ālokaṃ vaḍḍhetvā dibbacakkhunā nānāvīdhāni rūpāni disvā “idaṃ kho ki”nti vicikicchā udapādi. **Samādhi cavīti** parikammamasādhi cavi. **Obhāso**ti parikammobhāsoṃ antaradhāyi, dibbacakkhunāpi rūpam na passi. **Amanasikāro**ti rūpāni passato vicikicchā uppajjati, idāni kiñci na manasikarissāmīti amanasikāro udapādi.

**Thinamiddhanti** kiñci amanasikarontassa thinamiddham udapādi.

**Chambhitattanti** himavantābhimukham ālokaṃ vaḍḍhetvā dānavarakkhasaajagarādayo addasa, athassa chambhitattam udapādi.

**Uppilanti** “mayā diṭṭhabhayaṃ pakatiyā olokiyamānam natthi. Adiṭṭhe kiṃ nāma bhaya”nti cintayato uppilāvitattam udapādi. **Sakidevāti** ekapayogeneva pañca nidhikumbhiyopi passeyya.

**Duṭṭhullanti** mayā vīriyam gālham paggahitam, tena me uppilam uppannanti vīriyam sithilamakāsi, tato kāyadaratho kāyaduṭṭhullam kāyālasiyam udapādi.

**Accāraddhavīriyanti** mama vīriyam sithilam karoto duṭṭhullam uppannanti puna vīriyam paggaṇhato accāraddhavīriyam udapādi. **Patameyyāti** mareyya.

**Atilīnavīriyanti** mama vīriyam paggaṇhato evaṃ jātanti puna vīriyam sithilam karoto atilīnavīriyam udapādi.

**Abhijappāti** devalokābhimukham ālokaṃ vaḍḍhetvā devasaṅgham passato taṇhā udapādi.

**Nānattasaññāti** mayham ekajātikam rūpam manasikarontassa abhijappā uppannā, nānāvīdharūpam

manasi karissāmīti kālena devalokābhikṣukhaṃ kālena manussalokābhikṣukhaṃ vaḍḍhetvā nānāvīdhāni rūpāni manasikaroto nānattasaññā udapādi.

**Atinijjhāyitattanti** mayhaṃ nānāvīdhāni rūpāni manasikarontassa nānattasaññā udapādi, iṭṭhaṃ vā aniṭṭhaṃ vā ekajātikameva manasi karissāmīti tathā manasikaroto atinijjhāyitattaṃ rūpānaṃ udapādi.

**243. Obhāsanimittāṃ manasi karomīti** parikkammobhāsameva manasi karomi. **Na ca rūpāni passāmīti** dibbacakkhunā rūpāni na passāmi. **Rūpanimittāṃ manasi karomīti** dibbacakkhunā visayarūpameva manasi karomi.

**Parittañceva obhāsanti** parittakaṭṭhāne obhāsaṃ. **Parittāni ca rūpānīti** parittakaṭṭhāne rūpāni. Vipariyāyena dutiyavāro vedītabbo. **Paritto samādhīti** parittako parikkammobhāso, obhāsaparittatañhi sandhāya idha parikkammamādhīti “paritto”ti vutto. **Parittaṃ me tasmim samayeti** tasmim samaye dibbacakkhupi parittakaṃ hoti. Appamāṇavārepi eseva nayo.

**245. Avitakkampi vicāramattanti** pañcakanaye dutiyajjhānasamādhim. **Avitakkampi avicāranti** catukkanayepi pañcakanayepi jhānattayasamādhim. **Sappītikanti** dukatikajjhānasamādhim. **Nippītikanti** dukajjhānasamādhim. **Sātasahagatanti** tikacatukkajjhānasamādhim. **Upekkhāsahagatanti** catukkanaye catutthajjhānasamādhim pañcakanaye pañcamajjhānasamādhim.

Kadā pana bhagavā imaṃ tividhaṃ samādhim bhāveti? Mahābodhimūle nisinno pacchimayāme. Bhagavato hi paṭhamamaggo paṭhamajjhāniko ahoṣi, dutiyādayo dutiyatatiyacatutthajjhānikā. Pañcakanaye pañcamajjhānassa maggo natthīti so lokiyo ahoṣīti lokiyalokuttaramissakaṃ sandhāyetam vuttaṃ. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Upakkilesasuttavaṇṇanā niṭṭhitā.

## 9. Bālapaṇḍitasuttavaṇṇanā

**246. Evaṃ me sutanti** bālapaṇḍitasuttaṃ. Tattha **bālalakkhaṇānīti** bālo ayanti etehi lakkhiyati ṇāyatīti bālalakkhaṇāni. Tāneva tassa sañjānanakāraṇānīti **bālanimittāni**. Bālassa apadānānīti **bālāpadānāni**. **Duccintitacintīti** cintayanto abhijjhāyāpādamicchādassanavasena duccintitameva cinteti. **Dubbhāsītābhāsīti** bhāsamānopi musāvādādibhedaṃ dubbhāsītameva bhāsati. **Dukkaṭṭakammakārīti** karontopi pāṇātipātādivasena dukkaṭṭakammameva karoti. **Tatra ceti** yattha nisinno, tassaṃ parisati. **Tajjaṃ tassāruppanti** tajjātikaṃ tadanucchavikaṃ, pañcannaṃ verānaṃ diṭṭhadhammakasamparāyikaādīnavappaṭisaṃyuttanti adhippāyo. **Tatrāti** tāya kathāya kacchamānāya. **Bālanti**ādīni sāmiatthe upayogavacanaṃ.

**248. Olambantīti** upaṭṭhahanti. Sesapadadvayaṃ tasseva vevacanaṃ, olambanādiākārena hi tāni upaṭṭhahanti, tasmā evaṃ vuttaṃ. **Pathaviyā olambantīti** pathavitale pattharanti. Sesapadadvayaṃ tasseva vevacanaṃ. Pattharaṇākāroyeva hesa. **Tatra, bhikkhave, bālāssāti** tasmim upaṭṭhānākāre āpāthagate bālāssa evaṃ hoti.

**249. Etadavocāti** anusandhikusalo bhikkhu “nirayassa upamā kātuṃ na sakkā”ti na bhagavā vadati, “na sukarā”ti pana vadati, na sukaraṃ pana sakkā hoti kātuṃ, handāhaṃ dasabalaṃ upamaṃ kārapemīti cintetvā etaṃ “sakkā, bhante”ti vacanaṃ avoca. **Haneyyunti** vinivijjhītvā gamanavasena yathā ekasmim ṭhāne dve pahārā nipatanti, evaṃ haneyyūṃ. Tenassa dve vaṇamukhasatāni hontī. Ito uttaripi eseva nayo.



**250. Pānimattanti** antomuṭṭhiyaṃ ṭhapanamattaṃ. **Saṅkhampi na upetīti** gaṇanamattampi na gacchati. **Kalabhāgampīti** satimaṃ kalam sahasimaṃ kalam satahasimaṃ vā kalam upagacchatītipi vattabbaṃ na upeti. **Upanidhampīti** upanikkhepanamattampi na upeti, oloketassa olokitamattampi natthi. **Tattaṃ ayokhilanti** tigāvutaṃ attabhāvaṃ sampajjalitāya lohapathaviyā uttānakam nipajjāpetvā tassa dakkhiṇahatthe tālappamāṇam ayasūlam pavesenti, tathā vāmahatthādīsu. Yathā ca uttānakam nipajjāpetvā, evaṃ urenapi dakkhiṇapassenapi vāmapassenapi nipajjāpetvā taṃ kammakāraṇam karontiyeva. **Samvesetvāti** sampajjalitāya lohapathaviyā tigāvutaṃ attabhāvaṃ nipajjāpetvā. **Kuṭhārīhīti** mahatīhi gehassa ekapakkhachadanamattāhi kuṭhārīhi tacchanti. Lohitaṃ nadī hutvā sandati, lohapathavito jālā utṭhahitvā tacchitaṭṭhānam gaṇhanti. Mahādukkham uppajjati, tacchantā pana suttāhataṃ karitvā dārū viya aṭṭhaṃsampi chaḷaṃsampi karonti. **Vāsīhīti** mahāsuppamāṇāhi vāsīhi. Tāhi tacchantā tacato yāva aṭṭhīni saṅkamaṃ tacchanti, tacchitaṃ tacchitaṃ paṭipākātikaṃ hoti. **Rathe yojetvāti** saddhiṃ yugayottapañcaracakkakubbarapācanehi sabbato sampajjalite rathe yojetvā. **Mahantanti** mahākūṭāgārappamāṇam. **Āropentīti** sampajjalitehi ayamuggarehi pothentā āropenti. **Sakimpi uddhanti** supakkuthitāya ukkhaliyā pakkhittataṇḍulā viya uddham adho tiriyañca gacchati.

**Bhāgaso mitoti** bhāge ṭhapetvā ṭhapetvā vibhatto. **Pariyantoti** parikkhitto. **Ayasāti** upari ayapaṭṭena chādito.

**Samantā yojanasataṃ pharivā tiṭṭhatīti** evaṃ pharivā tiṭṭhati, yathā samantā yojanasate ṭhāne ṭhatvā oloketassa akkhīni yamakagoḷakā viya nikkhamanti.

**Na sukarā akkhānena pāpuṇitunti** nirayo nāma evampi dukkho evampi dukkhoti vassasataṃ vassasahasam kathentenāpi matthakam pāpetvā kathetuṃ na sukarāti attho.

**251. Dantullehakanti** dantehi ullehitvā, luñcivāti vuttaṃ hoti. **Rasādoti** rasagedhena paribhuttaraso.

**252. Aññamaññakhādikāti** aññamaññakhādanam.

**Dubbaṇṇoti** durūpo. **Duddasikoti** dārakānam bhayāpanattham katayakkho viya duddaso. **Okotimakoti** lakuṇḍako pavitṭhagīvo mahodaro. **Kāṇoti** ekakkhikāṇo vā ubhayakkhikāṇo vā. **Kuṇṭīti** ekahatthakuṇṭī vā ubhayahatthakuṇṭī vā. **Pakkhahatoti** pīṭhasappī. **So kāyenāti** idamassa dukkhānupabandhadassanattham āradham.

**Kaliggahenāti** parājayena. **Adhibandham nigaccheyyāti** yasmā bahum jito sabbasāpateyyampissa nappahoti, tasmā attanāpi bandham nigaccheyya. **Kevalā paripūrā bālabhūmīti** bālo tīṇi duccharitāni pūretvā niraye nibbattati, tattha pakkāvasesena manussattaṃ āgato pañcasu nīcakulesu nibbattitvā puna tīṇi duccharitāni pūretvā niraye nibbattatīti ayam sakalā paripuṇṇā bālabhūmi.

**253. Paṇḍitalakkhaṇānīti**ādi vuttānusāreneva veditabbaṃ. **Sucintitacintīti**ādīni cettha manosucaritādīnam vasena yojetabbāni.

### Cakkaratanavaṇṇanā

**256. Sīsam nhātassāti** sīsenā saddhiṃ gandhodakena nhātassa. **Uposathikassāti** samādinnauposathaṅgassa. **Uparipāsādavaragatassāti** pāsādavarassa upari gatassa subhojanam bhujitvā pāsādavarassa upari mahātale sirīgabbham pavisitvā sīlāni āvajjantassa. Tadā kira rājā pātova satahasam vissajjetvā mahādānam datvā punapi soḷasahi gandhodakaghaṭehi sīsam nhāyitvā katapātarāso suddham uttarāsaṅgam ekamsam katvā uparipāsādassa sirīsāyane pallaṅkam ābhujitvā nisīno attano dānamayapuññasamudayaṃ āvajjetvā nisīdati, ayam sabbacakkavattīnam dhammatā.

Tesaṃ taṃ āvajjantānaṃyeva vuttappakārapuññakammaṃpacayaṃ utusamuṭṭhānaṃ nīlamaṇisaṅghātasadisaṃ pācīnasamuddajalatalaṃ chindamānaṃ viya ākāsaṃ alaṅkurumānaṃ viya dibbaṃ cakkaratanaṃ pātubhavati. Tayidaṃ dibbānubhāvayuttattā **dibbanti** vuttaṃ. Sahassaṃ assa arānanti **sahassāraṃ**. Saha nemiya saha nābhiya cāti **sanemikaṃ sanābhikaṃ**. Sabbehi ākārehi paripūranti **sabbākāraparipūraṃ**.

Tattha cackkañca taṃ ratijananatṭhena ratanañcāti **cakkaratanaṃ**. Yāya pana taṃ nābhiya “sanābhika”nti vuttaṃ, sā indanīlamaṇimayā hoti. Majjhe panassā rajatamayā panāḷi, yāya suddhasiniddhadantapantiyā hasamānaṃ viya virocāti. Majjhe chiddena viya candamaṇḍalena ubhosupi bāhirantesu rajatapattēna kataparikkhepo hoti. Tesu panassā nābhipanāḷi parikkhepapattēsu yuttaṭṭhāne paricchedalekhā suvibhattāva hutvā paññāyanti. Ayaṃ tāvassa nābhiya sabbākāraparipūrātā.

Yehi pana taṃ arehi “sahassāra”nti vuttaṃ, te sattaratanamayā sūriyarasmiyo viya pabhāsampannā honti. Tesampi ghaṭamaṇikaparicchedalekhādīni suvibhattāneva paññāyanti. Ayamassa arānaṃ sabbākāraparipūrātā.

Yāya pana taṃ nemiya saha “sanemika”nti vuttaṃ, sā bālasūriyarasmikalāpasiriṃ avahasamānā viya surattasuddhasiniddhapavāḷamayā hoti. Sandhīsu panassā sañjhārāgasassirikaṭṭajambonadapaṭṭā vaṭṭaparicchedalekhā ca suvibhattā paññāyanti. Ayamassa nemiya sabbākāraparipūrātā.

Nemimaṇḍalapiṭṭhiyaṃ panassa dasannaṃ dasannaṃ arānamantare dhamanavaṃso viya antosusiro chiddamaṇḍalacitto vātagāhī pavāḷadaṇḍo hoti, yassa vātena paharitassa sukusalasamannāhatassa pañcaṅkikatūriyassa viya saddo vaggu ca rajanīyo ca kamanīyo ca hoti. Tassa kho pana pavāḷadaṇḍassa upari setacchattaṃ, ubhosu passesu samosaritakusumadāmapantiyoti evaṃ samosaritakusumadāmapantisatadvayaparivārena setacchattasatadhārinā pavāḷadaṇḍasatena samupasobhitanemiparikkhepassa dvinnampi nābhipanāḷīnaṃ anto dve sīhamukhāni honti, yehi tālakkhandhappamāṇā puñṇacandakiraṇakalāpasassirikā taruṇaravisamānarattakambalagenḍukapariyantā ākāsaṅgāgatisobhaṃ abhibhavamānā viya dve muttakalāpā olambanti, yehi cakkaratanaṃ saddhiṃ ākāse samparivattamānehi tīṇi cakkāni ekato parivattantāni viya khāyanti. Ayamassa sabbaso sabbākāraparipūrātā.

Taṃ panetaṃ evaṃ sabbākāraparipūraṃ pakatiyā sāyamāsabhattaṃ bhuñjitvā attano attano gharadvāre paññattāsanesu nisīditvā pavattakathāsallāpesu manussesu vīthicatukkādīsū kīḷamāne dārakajane nātiuccena nātinīcena vanasaṇḍamatthakāsannena ākāsapadesena upasobhayamānaṃ viya rukkhāsākhaggāni, dvādasayojanato paṭṭhāya suyamānena madhurassarena sattānaṃ sotāni odhāpayamānaṃ yojanato paṭṭhāya nānappabhāsamudayasamujjalena vaṇṇena nayanāni samākaḍḍhantaṃ rañño cakkavattissa puññānubhāvaṃ ugghosayantaṃ viya rājadhāniabhimukhaṃ āgacchati.

Atha tassa cakkaratanaṃ saddassavaneneva “kuto nu kho, kassa nu kho ayaṃ saddo”ti āvajjitahadayānaṃ puratthimadisaṃ olokayamānānaṃ tesaṃ manussānaṃ aññataro aññataraṃ evamāha – “passa bho acchariyaṃ, ayaṃ puñṇacando pubbe eko ugacchati, ajja pana attadutiyo ugato, etañhi rājahaṃsamithunaṃ viya puñṇacandamithunaṃ pubbāpariyena gaganatalaṃ abhilaṅghati”ti. Tamañño āha – “kiṃ kathesi samma kahaṃ nāma tayā dve puñṇacandā ekato ugacchantā diṭṭhapubbā, nanu esa tapanīyaraṃsidhāro piñcharakiraṇo divākaro ugato”ti. Tamañño sitaṃ katvā evamāha – “kiṃ ummattosi, nanu kho idānimeva divākaro atthaṅgato, so kathaṃ imaṃ puñṇacandaṃ anubandhamāno ugacchissati, addhā panetaṃ anekaratanappabhāsamujjalaṃ ekassa puññavato vimānaṃ bhavissati”ti. Te sabbepi apasādayantā aññe evamāhaṃsu – “kiṃ bahuṃ vippalapatha, nevesa puñṇacando, na sūriyo na devavimānaṃ. Na hetesaṃ evarūpā sirisampatti atthi, cakkaratanaṃ panetena bhavitabba”nti.

Evaṃ pavattasallāpasseva tassa janassa candamaṇḍalaṃ ohāya taṃ cakkaratanaṃ abhimukhaṃ

hoti. Tato tehi “kassa nu kho idaṃ nibbatta”nti vutte bhavanti vattāro – “na kassaci aññassa, nanu amhākaṃ rājā pūritacakkavattivatto, tassetam nibbatta”nti. Atha so ca mahājano, yo ca añño passati, sabbo cakkaratanaṃ anugacchati. Tampi cakkaratanaṃ rañño yeva atthāya attano āgatabhāvaṃ ñāpetukāmaṃ viya sattakkhattuṃ pākāramatthakeneva nagaraṃ anusaṃyāyitvā rañño antepuraṃ padakkhiṇaṃ katvā antepurassa uttarasīhapañjaraāsanne thāne yathā gandhapupphādīhi sukkena sakkā hoti pūjetuṃ, evaṃ akkhāhataṃ viya tiṭṭhati.

Evaṃ thitassa panassa vātapānacchiddādīhi pavisitvā nānāviraḡaratanappabhāsamujjalaṃ anto pāsādaṃ alaṅkurumaṇaṃ pabhāsamūhaṃ disvā dassanathāya sañjātābhilāso rājā hoti. Parijanopissa piyavacanapābhatena āgantvā tamatthaṃ nivedeti. Atha rājā balavapītipāmojjaphuṭasarīro pallaṅkaṃ mocetvā utthāyāsanaṃ sīhapañjarasamīpaṃ gantvā taṃ cakkaratanaṃ disvā “sutaṃ kho pana meta”ntiādikaṃ cintanaṃ cintesi. Tena vuttaṃ – “disvāna rañño khattiyassa...pe... assaṃ nu kho ahaṃ rājā cakkavattī”ti. Tattha **so hoti rājā cakkavattī** kittāvataṃ cakkavattī hoti? Ekaṅguladvāṅgulamattampi cakkaratane ākāsaṃ abbhuggantvā pavatte.

Idāni tassa pavattāpanatthaṃ yaṃ kātappaṃ taṃ dassento **atha kho, bhikkhavi**tiādimāha. Tattha **utthāyāsana**ti nisinnāsanato utthahitvā cakkaratanaṃ samīpaṃ āgantvā. **Bhikkāraṃ gahetvā**ti hatthiṣoṇḍasadisapanāliṃ suvaṇṇabhikkāraṃ ukkhipitvā vāmahatthena udakaṃ gahetvā. Pavattatu bhavaṃ cakkaratanaṃ, abhivijjāntu bhavaṃ cakkaratanaṃ. **Anvadeva rājā cakkavattī saddhiṃ caturaṅginiyā senāyā**ti sabbacakkavattīnañhi udakena abhisiñcitvā “abhivijjāntu bhavaṃ cakkaratana”nti vacanasamanantameva vehāsaṃ abbhuggantvā cakkaratanaṃ pavattati, yassa pavattisamakālemeva so rājā cakkavattī nāma hoti.

Pavatte pana cakkaratane taṃ anubandhamānova rājā cakkavattī yānavaraṃ āruya vehāsaṃ abbhuggacchati, athassa chattaḡamarādihattho pariḡano ceva antepurajano ca. Tato nānappakārakaṅcukakavaḡadisannāhavibhūsitena vividhāharaṇappabhāsamujjalitena samussitaddhajaḡapaḡakapaḡimaḡḡitena attano attano balakāyena saddhiṃ uparājasenāpati pabhūtayopi vehāsaṃ abbhuggantvā rājānameva parivārenti. Rājayuttā pana janasaṅghatthaṃ nagaravīthīsu bheriyo carāpentī “tātā amhākaṃ rañño cakkaratanaṃ nibbattaṃ, attano attano vibhavanurūpeṇa maḡḡitappasādhitā sannipataḡā”ti. Mahājano pana pakatiyā cakkaratanaṃ saddeneva sabbakiccāni pahāya gandhapupphādīni āḡaya sannipatitova, sopi sabbo vehāsaṃ abbhuggantvā rājānameva parivārenti. Yassa yassa hi raññaṃ saddhiṃ gantukāmatā uppajjati, so so ākāsaḡatova hoti. Evaṃ dvādasayoḡanāyā mavitthārā parisā hoti. Tattha ekapurisopi chinnabhinnasarīro vā kiliṭṭhavattho vā natthi. Suciparivāro hi rājā cakkavattī. Cakkavattiparisā nāma vijjāḡharaparisā viya ākāse ḡacchamānā indanīlamaḡitale vippakiṅḡaratanasadisā hoti. Tena vuttaṃ “anvadeva rājā cakkavattī saddhiṃ caturaṅginiyā senāyā”ti.

Tampi cakkaratanaṃ rukkhagānaṃ uparūpari nātiuccena ḡaganapadesena pavattati, yathā rukkhānaṃ pupphaphalapallavehi atthikā tāni sukkena ḡahetuṃ sakkonti, bhūmiyaṃ thitā “esa rājā, esa uparājā, esa senāpati”ti sallakkhetuṃ sakkonti. Thānādīsopi iriyāpathesu yo yena icchati, so teneva ḡacchati. Cittakammādisippapasutā cettha attano attano kiccaṃ karontāyeva ḡacchanti. Yatheva hi bhūmiyaṃ, tathā nesaṃ sabbakiccāni ākāse ijjhanti. Evaṃ cakkavattiparisāṃ ḡahetvā taṃ cakkaratanaṃ vāmapassena sīneruṃ pahāya samuddassa uparibhāḡena aṭṭhayoḡanasahassappamaṇaṃ pubbavidehaṃ ḡacchati.

Tattha yo vinibbedhena dvādasayoḡanāya parikkheḡato chattiṃsayoḡanaparisāya sannivesakkhamaṃ sulabhāhārūpakaraṇo chāyūḡakasampanno sucisamatalo ramaḡiyo bhūmibhāḡo, tassa uparibhāḡe taṃ cakkaratanaṃ ākāse akkhāhataṃ viya tiṭṭhati. Atha tena saññaḡeṇa so mahājano otarivā yathāruci nhānabhoḡanādīni sabbakiccāni karonto vāsaṃ kappeti, tena vuttaṃ “yasmimḡ kho pana, bhikkhave, padese taṃ cakkaratanaṃ patiṭṭhāti, tattha rājā cakkavattī vāsaṃ upeti saddhiṃ caturaṅginiyā senāyā”ti.

Evam vāsaṃ upagate cakkavattimhi ye tattha rājāno, te ‘‘paracakkaṃ āgata’’nti sutvāpi na balakāyaṃ sannipātetvā yuddhasajjā honti. Cakkaratanassa uppattisamanantameva natthi so satto nāma, yo paccatthikasaññāya rājānaṃ ārabha āvudhaṃ ukkhipitum visaheyya. Ayamanubhāvo cakkaranassa.

Cakkānubhāvena hi tassa rañño,  
Arī asesā damathaṃ upenti;  
Arindamaṃ nāma narādhipassa,  
Teneva taṃ vuccati tassa cakkaṃ.

Tasmā sabbepi te rājāno attano attano rajjasirivibhavānurūpaṃ pābhatam gahetvā taṃ rājānaṃ upagamma onatasirā attano molīyamaṇippabhābhisekenassa pādapūjaṃ karonto ‘‘ehi kho mahārājā’’tiādīhi vacanehi tassa kiṅkārappaṭṭissāvitaṃ āpajjanti. Tena vuttam **ye kho pana, bhikkhave, puratthimāya...pe... anusāsa mahārājāti.**

Tattha **svāgatanti** suāgamaṃ. Ekasmiñhi āgate socanti, gate nandanti. Ekasmiṃ āgate nandanti, gate socanti. Tādiso tvaṃ āgatanandano gamanasocano, tasmā tava āgamaṃ suāgamananti vuttam hoti. Evam vutte pana cakkavattī nāpi ‘‘ettakaṃ nāma me anuvassaṃ baliṃ upakappethā’’ti vadati, nāpi aññassa bhogaṃ acchinditvā aññassa deti. Attano pana dhammarājabhāvassa anurūpāya paññāya pāṇātipātādīni upaparikkhitvā pemaṇiyena mañjunā sarena ‘‘passatha tātā, pāṇātipāto nāmesa āsevito bhāvito bahulīkato nirayaṣaṃvattaniko hoti’’tiādīnā nayena dhammaṃ desetvā ‘‘pāṇo na hantabbo’’tiādikaṃ ovādaṃ deti. Tena vuttam **rājā cakkavattī evamāha pāṇo na hantabbo...pe... yathābhuttaṅca bhuñjathāti.**

Kiṃ pana sabbepi rañño imaṃ ovādaṃ gaṇhanti. Buddhassapi tāva sabbe na gaṇhanti, rañño kiṃ gaṇhanti. Tasmā ye paṇḍitā vibhāvino, te gaṇhanti. Sabbe pana anuyantā bhavanti. Tasmā ‘‘ye kho pana, bhikkhave’’tiādīmāha.

Atha taṃ cakkaranam evam pubbavidehavāsīnaṃ ovāde dinne katapātarāse cakkavattībalena vehāsaṃ abbhuggantvā puratthimaṃ samuddam ajjhogāhati. Yathā yathā ca taṃ ajjhogāhati, tathā tathā agadagandhaṃ ghāyitvā saṃkhittaphaṇo nāgarājā viya saṃkhittaūmivipphāraṃ hutvā ogacchamānaṃ mahāsamuddasalilaṃ yojanamattaṃ ogantvā antosamudde veḷuriyabhitti viya tiṭṭhati. Taṅkhaṇaññeva ca tassa rañño puññasiriṃ daṭṭhukāmāni viya mahāsamuddatale vippakiṇṇāni nānāratanaṃ tato tato āgantvā taṃ padesaṃ pūrayanti. Atha sā rājāparisā taṃ nānāratanaṃ paripūraṃ mahāsamuddatalaṃ disvā yathārucci ucchāṅgādīhi ādiyati, yathārucci ādinnaratanāya pana parisāya taṃ cakkaranam paṭinivattati. Paṭinivattamāne ca tasmim parisā aggato hoti, majjhe rājā, ante cakkaranam. Tampi jalanidhijalaṃ palobhiyamānamiva cakkaranasiriya, asahamānamiva ca tena viyogaṃ, nemimaṅgalapariyantam abhihanantaṃ nirantameva upagacchati.

**257.** Evam rājā cakkavattī puratthimasamuddapariyantam pubbavidehaṃ abhivijinitvā dakkhiṇasamuddapariyantam jambudīpaṃ vijetukāmo cakkaranadesītena maggena dakkhiṇasamuddābhimukho gacchati. Tena vuttam **atha kho taṃ, bhikkhave, cakkaranam puratthimasamuddam ajjhogāhetvā paccuttarivā dakkhiṇam disam pavattatīti.** Evam pavattamānassa pana tassa pavattanavidhānaṃ senāsanniveso paṭirājagamaṃ tesam anusāsanippadānaṃ dakkhiṇasamuddam ajjhogāhanaṃ samuddasalilassa ogacchanaṃ ratanādānanti sabbaṃ purimanayeneva vedittabbaṃ.

Vijinitvā pana taṃ dasasahassayojanappamānaṃ jambudīpaṃ dakkhiṇasamuddatopi paccuttarivā sattayojanasahassappamānaṃ aparagoyānaṃ vijetum pubbe vuttanayeneva gantvā tampi samuddapariyantam tatheva abhivijinitvā pacchimasamuddatopi paccuttarivā aṭṭhoyojanasahassappamānaṃ uttarakuruṃ vijetum tatheva gantvā tampi samuddapariyantam tatheva

abhivijjiya uttarasamuddatopi paccuttarati.

Ettāvatā raññā cakkavattinā cāturantāya pathaviyā ādhipaccaṃ adhigataṃ hoti. So evaṃ vijitavijayo attano rajjasirisampattidassanattaṃ sapaṇṇo uddhaṃ gaganatalaṃ abhilaṅghitvā suvikasitapadumuppapalapaṇḍarīkavanavicitte cattāro jātassare viya pañcasatapañcasataparittadīpaparivāre cattāro mahādīpe oloketvā cakkaratanadesiteneva maggena yathānukkamaṃ attano rājadhānimeva paccāgacchati. Atha taṃ cakkaratanam antepuradvāram sobhayamānaṃ viya hutvā tiṭṭhati.

Evaṃ patiṭṭhite pana tasmim cakkaratane rājantepure ukkāhi vā dīpikāhi vā kiñci karaṇīyaṃ na hoti, cakkaratanobhāsoyeva rattiṃ andhakāraṃ vidhamati. Ye ca pana rattiṃ andhakāratthikā honti, tesam andhakārameva hoti. Tena vuttaṃ **dakkhiṇasamuddaṃ ajjhogāhetvā...pe... evarūpaṃ cakkaratanam pātubhavatīti.**

### Hatthiratanavaṇṇanā

**258.** Evaṃ pātubhūtacakkaratanassa panassa cakkavattino amaccā pakatimaṅgalahatthiṭṭhānaṃ sucibhūmibhāgaṃ kāretvā haricandanādīhi surabhigandhehi upalimpāpetvā heṭṭhā vicittavaṇṇasurabhikusumasamākiṇṇaṃ upari suvaṇṇatārakānaṃ antarantarā samosaritamanuñña-kusumadāmappaṭimaṇḍitavitānaṃ devavimānaṃ viya abhisankharitvā “evarūpassa nāma deva hatthiratanassa āgamaṃ cintethā”ti vadanti. So pubbe vuttanayeneva mahādānaṃ datvā silāni samādāya taṃ puññasampattiṃ āvajjanto nisīdati, athassa puññānubhāvācodito chaddantakuḷā vā uposathakuḷā vā taṃ sakkāravisesaṃ anubhavitukāmo taruṇaravimaṇḍalābhīrattacaraṇa-gīvamukhappaṭimaṇḍitavisuddhasetasarīro sattappaṭiṭṭho susaṅghitaṅgapaccāṅgasanniveso vikaṣitarattapadumacārupokkharo iddhimā yogī viya vehāsaṃ gamanasamattho manosilācuṇṇarañjītapariyanto viya rajatapabbato hatthiṣeṭṭho tasmim padese patiṭṭhāti. So chaddantakuḷā āgacchanto sabbakaniṭṭho āgacchati, uposathakuḷā sabbajeṭṭho. Pāḷiyaṃ pana “uposatho nāgarājā” icceva āgacchati. Svāyaṃ pūritacakkavattivatānaṃ cakkavattīnaṃ sutte vuttanayeneva cintayantānaṃ āgacchati, na itaresaṃ. Sayameva pakatimaṅgalahatthiṭṭhānaṃ āgantvā maṅgalahatthim apanetvā tattha tiṭṭhati. Tena vuttaṃ **puna caparaṃ, bhikkhave...pe... nāgarājāti.**

Evaṃ pātubhūtaṃ pana taṃ hatthiratanam disvā hatthigopakādayo haṭṭhatuṭṭhā vegena gantvā rañño āroceti. Rājā turitaturitaṃ āgantvā taṃ disvā pasannacitto “bhaddakaṃ vata bho hatthiyānaṃ, sace damathaṃ upeyyā”ti cintayanto hatthaṃ pasāreti. Atha so gharadhenuvacchako viya kaṇṇe olambetvā sūratabhāvaṃ dassento rājānaṃ upasaṅkamati, rājā taṃ abhiruhitukāmo hoti. Athassa pariyaṇā adhippāyaṃ ṇatvā taṃ hatthiratanam sovaṇṇaddhajaṃ sovaṇṇālankāraṃ hemajālapaṭicchannaṃ katvā upanenti. Rājā taṃ anisīdāpetvāva sattaratanamayāya nisseṇiyā abhiruyha ākāsaṃ gamananinnacitto hoti. Tassa saha cittuppādeneva so hatthirājā rājahaṃso viya indanīlamaṇḍippabhājālanīlagaganatalaṃ abhilaṅghati, tato cakkacārikāya vuttanayeneva sakalarājaparīsā. Iti sapaṇṇo rājā antopātarāseyeva sakalapaṭhavim anusamāyāyitvā rājadhānim paccāgacchati, evaṃ mahiddhikaṃ cakkavattino **hatthiratanam** hoti. Tena vuttaṃ **disvāna rañño cakkavattissa...pe... evarūpaṃ hatthiratanam pātubhavatīti.**

### Assaratanavaṇṇanā

Evaṃ pātubhūtahatthiratanassa pana cakkavattino parīsā pakatimaṅgalaassatṭhānaṃ sucisamatalaṃ kāretvā alaṅkaritvā ca purimanayeneva rañño tassa āgamanacintanattaṃ ussāhaṃ janenti. So purimanayeneva katadānasakkāro samādinnaṣīlova pāsādātaṃ nisinno puññasampattiṃ samanussarati, athassa puññānubhāvācodito sindhavakulato vijjullatāvinaddhasaradakālasatavalāhakarāsisassiriko rattapādo rattatuṇḍo candappabhāpuñjasadisuddhasiniddhaghanaṣaṅghātasarīro kākagīvā viya indanīlamaṇḍi viya ca kāḷavaṇṇena sīsena samannāgatattā **kālasīso** suṭṭhu kappetvā ṭhapitehi viya muñjasadisēhi saṅhavaṭṭaujugatigatehi kesehi samannāgatattā **muñjakeso vehāsaṅgamo** valāhako nāma

assarājā āgantvā tasmim̐ thāne patiṭṭhāti. Sesam̐ sabbam̐ hatthiratane vuttanayeneva veditabbam̐. Evarūpaṃ **assaratanam̐** sandhāya bhagavā **puna caparanti**ādīmāha.

### Maṇiratanavaṇṇanā

Evam̐ pātubhūtaassaratanassa pana rañño cakkavattissa catuhattḥāyāmaṃ sakaṭanābhisamappamāṇam̐ ubhosu antesu kaṇṇikapariyantato viniggatasuparisuddhamuttākālāpehi dvīhi kañcanapadumehi alaṅkatam̐ caturāsītimaṇisahasaparivāram̐ tārāgaṇaparivutassa puṇṇacandassa siriṃ paṭippahamānam̐ viya vepullapabbatato **maṇiratanam̐** āgacchati. Tassevam̐ āgatassa muttājālake ṭhapetvā veḷuparamparāya saṭṭhihathappamāṇam̐ ākāsam̐ āropitassa rattibhāge samantā yojanappamāṇam̐ okāsam̐ ābhā pharati, yāya sabbo so okāso aruṇuggamanavelā viya sañjātāloko hoti. Tato kassakā kasikammam̐, vāñijā āpaṇugghāṇam̐, te te ca sippino tam̐ tam̐ kammantam̐ payojenti divāti maññamānā. Tena vuttam̐ **puna caparam̐, bhikkhave...pe... maṇiratanam̐ pātubhavatī**.

### Itthiratanavaṇṇanā

Evam̐ pātubhūtamaṇiratanassa pana cakkavattissa visayasukhavisesakāraṇam̐ **itthiratanam̐** pātubhavati. Maddarājakulato vā hissa aggamahesim̐ ānenti, uttarakuruto vā puññānubhāvena sayam̐ āgacchati. Avasesā panassā sampatti “puna caparam̐, bhikkhave, rañño cakkavattissa itthiratanam̐ pātubhavati abhirūpā dassaniyā” tiādinā nayena pāḷiyam̐yeva āgatā.

Tattha saṅṭhānapāripūriyā adhikam̐ rūpaṃ assāti **abhirūpā**. Dissamānā ca cakkhūni pīṇayati, tasmā aññam̐ kiccavikkhepaṃ hitvāpi daṭṭhabbāti **dassaniyā**. Dissamānā ca somanassavasena cittaṃ pasādetīti **pāsādikā**. **Paramāyāti** evam̐ pasādāvahattā uttamāya. **Vaṇṇapokkharatāyāti** vaṇṇasundaratāya. **Samannāgatāti** upetā. **Abhirūpā** vā yasmā nātidīghā nātirassā **dassaniyā** yasmā nātikisā nātitūlā, **pāsādikā** yasmā nātikālikā naccodātā. **Paramāya vaṇṇapokkharatāya samannāgatā** yasmā atikkantā mānusaṃ vaṇṇam̐ appattā dībbavaṇṇam̐. Manussānañhi vaṇṇābhā bahi na niccharati, devānam̐ atidūram̐ niccharati, tassā pana dvādasahattappamāṇam̐ padesaṃ sarīrābhā obhāseti.

Nātidīghādīsū cassā paṭhamayugaḷena ārohasampatti, dutiyayugaḷena pariṇāhasampatti, tatiyayugaḷena vaṇṇasampatti vuttā. Chahi vāpi etehi kāyavipattiyā abhāvo, atikkantā mānusaṃ vaṇṇanti iminā kāyasampatti vuttā.

**Tūlapicuno vā kappāsapicuno vāti** sappimaṇḍe pakkhipitvā ṭhapitassa satavihatassa tūlapicuno vā satavihatassa kappāsapicuno vā kāyasamphasso hoti. **Sītetī** rañño sītakāle. **Uṇḥetī** rañño uṇhakāle. **Candanagandhoti** niccakālameva supisitassa abhinavassa catujjātisamāyojittassa haricandanassa gandho kāyato vāyati. **Uppalagandhoti** hasitakathitakālesu mukhato nikkhanto taṅkhaṇam̐ vikasitasseva nīluppalassa atisurabhigandho vāyati.

Evam̐ rūpasamphassagandhasampattiyuttāya panassā sarīrasampattiyā anurūpaṃ ācāram̐ dassetuṃ **taṃ kho panāti**ādi vuttam̐. Tattha rājānam̐ disvā nisinnāsanato aggidaḍḍhā viya paṭhamameva uṭṭhātīti **pubbuṭṭhāyini**. Tasmim̐ nisinne tassa rañño tālavaṇṇena bījanādikkiccam̐ katvā pacchā nipatati nisīdatīti **pacchānipātini**. Kiṃ karomi devāti tassa kiṃkāram̐ paṭissāvetīti **kiṃkārapaṭissāvinī**. Rañño manāpameva carati karotīti **manāpacārinī**. Yam̐ rañño piyam̐, tadeva vadatīti **piyavādinī**.

Idāni svāssā ācāro bhāvasuddhiyā eva, na sāṭṭheyyenāti dassetuṃ **taṃ kho panāti**ādīmāha. Tattha **no aticarati**ti na atikkamitvā carati, aññam̐ purisaṃ cittenapi na patthetīti vuttam̐ hoti. Tattha ye tassā ādimhi “abhirūpā” tiādayo ante “pubbuṭṭhāyini” tiādayo guṇā vuttā, te pakatiguṇā eva “atikkantā mānusaṃ vaṇṇa” ntiādayo pana cakkavattino puññam̐ upanissāya cakkaranapātubhāvato paṭṭhāya purimakammānubhāvena nibbantantīti veditabbā. Abhirūpatādīkāpi vā cakkaranapātubhāvato paṭṭhāya sabbākārapāripūrā jātā. Tenāha **evarūpaṃ itthiratanam̐ pātubhavatī**.

### Gahapatiratanavaṇṇanā

Evam pātubhūtaithiratanassa pana rañño cakkavattissa dhanakaraṇīyānaṃ kiccānaṃ yathāsukhappavattanatthaṃ **gahapatiratanam** pātubhavati. So pakatiyāva mahābhogo mahābhogakule jāto rañño dhanarāsivaḍḍhako seṭṭhi gahapati hoti, cakkaratanānubhāvasahitaṃ panassa kammavipākajam dibbacakkhu pātubhavati, yena antopathaviyam yojanabbhantare nidhim passati. So taṃ sampattim disvā tuṭṭhahadayo gantvā rājānaṃ dhanena pavāretvā sabbāni dhanakaraṇīyāni sampādeti. Tena vuttam **puna caparam, bhikkhave...pe... evarūpaṃ gahapatiratanam pātubhavatīti.**

### Pariṇāyakaratanavaṇṇanā

Evam pātubhūtagahapatiratanassa pana rañño cakkavattissa sabbakiccasaṃvidhānasamatthaṃ **pariṇāyakaratanam** pātubhavati. So rañño jeṭṭhaputtova hoti. Pakatiyā eva paṇḍito byatto medhāvī, rañño puññānubhāvaṃ nissāya panassa attano kammānubhāvena paracittañānaṃ uppajjati. Yena dvādasayojanāya rājaparisāya cittācāraṃ ñatvā rañño ahite hite ca vavatthapetum samattho hoti. Sopi taṃ attano ānubhāvaṃ disvā tuṭṭhahadayo rājānaṃ sabbakiccānusāsanena pavāreti. Tena vuttam **puna caparam...pe... pariṇāyakaratanam pātubhavatīti.** Tattha **ṭhapetabbaṃ ṭhapetunti** tasmim tasmim ṭhānantare ṭhapetabbaṃ ṭhapetum.

259. **Samavepākiniyāti**di heṭṭhā vuttameva.

260. **Kaṭaggahenāti** jayaggāhena. **Mahantaṃ bhogakkhandhanti** ekappahāreneva dve vā tīni vā satasahassāni. **Kevalā paripūrā paṇḍitabhūmīti** paṇḍito tīni sucaritāni pūretvā sagge nibbattati, tato manussalokaṃ āgacchanto kularūpabhogasampattiyam nibbattati, tattha ṭhito tīni ca sucaritāni pūretvā puna sagge nibbattatīti ayam sakalā paripuñṇā paṇḍitabhūmi. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Bālapaṇḍitasuttavaṇṇanā niṭṭhitā.

### 10. Devadūtasuttavaṇṇanā

261. **Evam me sutanti** devadūtasuttaṃ. Tattha **dve agārāti**di assapurassutte vitthāritameva.

262. **Nirayam upapannāti** bhagavā kathaci nirayato paṭṭhāya desanaṃ devalokena osāpeti, kathaci devalokato paṭṭhāya nirayena osāpeti. Sace saggasampattim vitthāretvā kathetukāmo hoti, nirayadukkham ekadesato katheti, tiracchānayanidukkham pettivisayadukkham manussalokasampattim ekadesato katheti, saggasampattimeva vitthāreti. Sace nirayadukkham vitthāretvā kathetukāmo hoti, devalokamanussalokesu sampattim tiracchānayanipettivisayesu ca dukkham ekadesato katheti, nirayadukkham eva vitthāreti. So imasmim sutte nirayadukkham vitthāretukāmo, tasmā devalokato paṭṭhāya desanaṃ nirayena osāpeti. Devalokamanussalokasampattiyo tiracchānayanipettivisayadukkhamāni ca ekadesato kathetvā nirayadukkham eva vitthārena kathetum **tamenam, bhikkhave, nirayapālāti**dimāha.

Tattha ekacce therā “**nirayapālā** nāma natthi, yantarūpaṃ viya kammameva kāraṇam kāretī” ti vadanti. Tesam taṃ “atthi niraye nirayapālāti, āmantā, atthi ca kāraṇikā” tiadinā nayena abhidhamme (kathā. 866) paṭisedhitameva. Yathā hi manussaloke kammakāraṇakārakā atthi, evameva niraye nirayapālā atthīti. **Yamassa raññoti** yamarājā nāma vemānikapetarājā, ekasmim kāle dibbavimāne dibbakapparukkhadibbauyyānadibbanāṭakādisampattim anubhavati, ekasmim kāle kammavipākam, dhammiko rājā. Na cesa ekova hoti, catūsu pana dvāresu cattāro janā hontī. **Nāddasanti** attano santike

pesitassa kassaci devadūtassa abhāvaṃ sandhāya evaṃ vadati. Atha naṃ yamo “nāyaṃ bhāsitassa atthaṃ sallakkheti”ti ñatvā sallakkhāpetukāmo **ambhoti**ādīmāha.

**Jātidhammoti** jātisabhāvo, aparimutto jātiyā, jāti nāma mayhaṃ abbhantareyeva atthīti. Parato **jarādhammoti**ādīsūpi eseva nayo.

**263. Paṭhamaṃ devadūtaṃ samanuyuñjivā**ti ettha daharakumāro atthato evaṃ vadati nāma “passatha, bho, mayhampi tumhākaṃ viya hatthapādā atthi, sake panamhi muttakarīse palipanno, attano dhammatāya uṭṭhahitvā nhāyitum na sakkomi, ahaṃ kiliṭṭhagattomhi, nhāpetha manti vattumpi na sakkomi, jātitomhi aparimuttatāya ediso jāto. Na kho panāhameva, tumhepi jātito aparimuttāva. Yatheva hi mayhaṃ, evaṃ tumhākampi jāti āgamissati, iti tassā pure āgamanāva kalyāṇaṃ karoṭhā”ti. Tenesa devadūto nāma jāto, vacanatto pana maghadevasutte vuttova.

**Dutiyaṃ devadūtaṃ** etthāpi jarājiṇṇasatto atthato evaṃ vadati nāma – “passatha, bho, ahampi tumhe viya taruṇo ahoṣiṃ ūrubalabāhubalajavanasampanno, tassa me tā balajavanasampattiyo antarahitā, vijjamānāpi me hatthapādā hatthapādakiccaṃ na karonti, jarāyamhi aparimuttatāya ediso jāto. Na kho panāhameva, tumhepi jarāya aparimuttāva. Yatheva hi mayhaṃ, evaṃ tumhākampi jarā āgamissati, iti tassā pure āgamanāva kalyāṇaṃ karoṭhā”ti. Tenesa devadūto nāma jāto.

**Tatiyaṃ devadūtaṃ** etthāpi gilānasatto atthato eva vadati nāma – “passatha, bho, ahampi tumhe viya nirogo ahoṣiṃ, somhi etarahi byādhinā abhīhato sake muttakarīse palipanno, uṭṭhātumpi na sakkomi, vijjamānāpi me hatthapādā hatthapādakiccaṃ na karonti, byādhitomhi aparimuttatāya ediso jāto. Na kho panāhameva, tumhepi byādhito aparimuttāva. Yatheva hi mayhaṃ, evaṃ tumhākaṃ byādhi āgamissati, iti tassa pure āgamanāva kalyāṇaṃ karoṭhā”ti. Tenesa devadūto nāma jāto.

**265. Catutthaṃ devadūtaṃ** ettha pana kammakāraṇā vā devadūtāti kātabbā kammakāraṇikā vā. Tattha pana kammakāraṇapakkhe bāttiṃsa tāva kammakāraṇā atthato evaṃ vadanti nāma – “mayam nibbattamānā na rukkhe vā pāsāṇe vā nibbattāma, tumhādisānaṃ sarīre nibbattāma, iti amhākaṃ pure nibbattitova kalyāṇaṃ karoṭhā”ti. Tenete devadūtā nāma jātā. Kammakāraṇikāpi atthato evaṃ vadanti nāma – “mayam dvattiṃsa kammakāraṇā karontā na rukkhādīsu karoma, tumhādisesu sattesuyeva karoma, iti amhākaṃ tumhesu pure kammakāraṇākaraṇatova kalyāṇaṃ karoṭhā”ti. Tenetepi devadūtā nāma jātā.

**266. Pañcamaṃ devadūtaṃ** ettha matakasatto atthato evaṃ vadati nāma – “passatha bho maṃ āmakasūṇe chaḍḍitaṃ uddhumātakādībhāvaṃ pattaṃ, maraṇatomhi aparimuttatāya ediso jāto. Na kho panāhameva, tumhepi maraṇato aparimuttāva. Yatheva hi mayhaṃ, evaṃ tumhākampi maraṇaṃ āgamissati, iti tassa pure āgamanāva kalyāṇaṃ karoṭhā”ti. Tenesa devadūto nāma jāto.

Imaṃ pana devadūtānuyogaṃ ko labhati, ko na labhatīti? Yena tāva bahuṃ pāpaṃ kataṃ, so gantvā niraye nibbattatiyeva. Yena pana parittaṃ pāpakammaṃ kataṃ, so labhati. Yathā hi sabhaṇḍaṃ coraṃ gahetvā kattabbameva karonti, na vinicchīnanti. Anuvijjivā gahitaṃ pana vinicchayaṭṭhānaṃ nayanti, so vinicchayaṃ labhati. Evaṃsampaḍametaṃ. Parittapāpakammā hi attano dhammatāyapi saranti, sārīyamānāpi saranti.

Tattha dīghajayantadamiḷo nāma attano dhammatāya sari. So kira damiḷo sumanagirivihāre ākāsacetiyam rattapaṭena pūjesi. Atha niraye ussadasāmaṇṭe nibbatta aggijālasaddam sutvāva attano pūjitaṭṭhaṃ anussari, so gantvā sagge nibbatta. Aparopi puttassa daharabhikkhuno khalisāṭakaṃ dento pādāmūle ṭhapesi, maraṇakālamhi paṭapaṭāti sadde nimittaṃ gaṇhi, sopi ussadasāmaṇṭe nibbatta jālasaddena taṃ sāṭakaṃ anussarivā sagge nibbatta. Evaṃ tāva attano dhammatāya kusalaṃ kammaṃ saritvā sagge nibbattatīti.



Attano dhammatāya asarante pana pañca devadūte pucchati. Tattha koci paṭhamena devadūtena sarati, koci dutiyādīhi. Yo pana pañcahipi na sarati, taṃ yamo rājā sayam sāreti. Eko kira amacco sumanapupphakumbhena mahācetiyaṃ pūjetvā yamassa pattim adāsi, taṃ akusalakammena niraye nibbattaṃ yamassa santikaṃ nayimsu. Tasmim pañcahipi devadūtehi kusale asarante yamo sayam olokento disvā – ‘‘nanu tvaṃ mahācetiyaṃ sumanapupphakumbhena pūjetvā mayhaṃ pattim adāsi’’ti sāresi, so tasmim kāle saritvā devalokaṃ gato. Yamo pana sayam oloketvāpi apassanto – ‘‘mahādukkhaṃ nāma anubhavissati ayam satto’’ti tuṅhī hoti.

**267. Mahānirayeti** avīcimahānirayamhi. Kiṃ panassa pamāṇaṃ? Abbhantaraṃ āyāmena ca vitthārena ca yojanasataṃ hoti. Lohapathavī lohachadanaṃ ekekā ca bhitti navanavayojanikā hoti. Puratthimāya bhittiyā acci utthitā pacchimaṃ bhittim gahetvā taṃ vinivijjhivā parato yojanasataṃ gacchati. Sesadisāsupi eseva nayo. Iti jālapariyantavasena āyānavitthārato aṭṭhārasayojanādhiḱāni tīṇi yojanasatāni, parikkhepato pana navayojanasatāni catupaṇṇāsayojanāni, samantā pana ussadehi saddhim dasayojanasahassaṃ hoti.

**268. Ubbhataṃ tādisameva hotīti** ettha akkantaṭṭhā yāva aṭṭhito daḷhaṃ uddharitumeva na sakkā. Ayam panettha attho – heṭṭhato paṭṭhāya ḍayhati, uparito paṭṭhāya jhāyati, iti akkamanakāle ḍayhamānaṃ paññāyati, uddharaṇakāle tādisameva, tasmā evaṃ vuttaṃ. **Bahusampattoti** bahūni vassasatavassasahassāni sampatto.

Kasmā panesa narako avīcīti saṅkhaṃ gatoti. Vīci nāma antaraṃ vuccati, tattha ca aggijālānaṃ vā sattānaṃ vā dukkhassa vā antaraṃ natthi. Tasmā so avīcīti saṅkhaṃ gatoti. Tassa hi puratthimabhittito jālā utthitā saṃsibbamānā yojanasataṃ gantvā pacchimabhittim vinivijjhivā parato yojanasataṃ gacchati. Sesadisāsupi eseva nayo.

Imesaṃ channaṃ jālānaṃ majjhe nibbatta devadatto, tassa yojanasatappamāṇo attabhāvo, dve pādā yāva goppakā lohapathaviṃ pavitṭhā, dve hatthā yāva maṇibandhā lohabhittiyō pavitṭhā, sīsaṃ yāva bhamukaṭṭhito lohachadane pavitṭhaṃ, adhobhāgena ekaṃ lohasūlaṃ pavisitvā kāyaṃ vinivijjhantaṃ chadane pavitṭhaṃ, pācīnabhittito nikkhantasūlaṃ hadayaṃ vinivijjhivā pacchimabhittim pavitṭhaṃ, uttarabhittito nikkhantasūlaṃ phāsukā vinivijjhivā dakkhiṇabhittim pavitṭhaṃ. Niccale tathāgatamhi aparaddhattā niccalova hutvā paccatīti kamma sarikkhatāya ediso jāto. Evaṃ jālānaṃ nirantarātāya avīci nāma.

Abbhantare panassa yojanasatike ṭhāne nāliyaṃ koṭṭetvā pūritapitṭhaṃ viya sattā nirantarā, ‘‘imasmiṃ ṭhāne satto atthi, imasmiṃ natthi’’ti na vattabbaṃ, gacchantānaṃ ṭhitānaṃ nisinnānaṃ nipannānaṃ anto natthi, gacchante vā ṭhite vā nisinne vā nipanne vā aññamaññaṃ na bādhanti. Evaṃ sattānaṃ nirantarātāya avīci.

Kāyadvāre pana cha upekkhāsahagatāni cittāni uppajjanti, ekaṃ dukkhasahagataṃ. Evaṃ santepi yathā jivhagge cha madhubindūni ṭhapetvā ekasmiṃ tambalohabindumhi ṭhapite anudahanabalavatāya tadeva paññāyati, itarāni abbohārikāni hontī, evaṃ anudahanabalavatāya dukkhamevettha nirantaraṃ, itarāni abbohārikānīti. Evaṃ dukkhassa nirantarātāya avīci.

**269. Mahantoti** yojanasatiko. **So tattha patatīti** eko pādo mahāniraye hoti, eko gūthaniraye nipatati. **Sūcimukhāti** sūcisadisamukhā, te hatthigīvappamāṇā ekadoṇikanāvappamāṇā vā hontī.

**Kukkulanirayoti** yojanasatappamāṇova anto kūṭāgāramattavitaccitaṅgārapuṇṇo ādittachārikanirayo, yatha patitapatitā kudrūsakarāsīmhi khittaphālāvāsīsilādīni viya heṭṭhimatalameva gaṇhanti.

**Āropentīti** ayadaṇḍehi pothentā āropenti. Tesam ārohanakāle te kaṇṭakā adhomukhā hontī,

orohanakāle uddhammukhā.

**Vāteritānī**ti kammamayena vātena calitāni. **Hatthampi chindantī**ti phalake maṃsaṃ viya koṭṭayamānāni chindanti. Sace utṭhāya palāyati, ayopākāro samuṭṭhahitvā parikkhipati, heṭṭhā khuradhārā samuṭṭhāti.

**Khārodakā nadī**ti vetaraṇī nāma tambalohanadī. Tattha ayomayāni kharavālika-pokkharapattāni, heṭṭhā khuradhārā ubhosu tīresu vettalatā ca kusatiṇāni ca. **So tattha dukkhā tībā kharāti** so tattha uddhañca adho ca vuyhamāno pokkharapattesu chijjati. Siṅghātakasaṅṭhānāya kharavālikāya kaṇṭakehi vijjhiyati, khuradhārāhi phāliyati, ubhosu tīresu kusatiṇehi vilekhati, vettalatāhi ākaḍḍhiyati, tikkhasattīhi phāliyati.

**270. Tattena ayosaṅkunā**ti tena jigacchitomhīti vutte mahantaṃ lohacchimaṃ lohaguḷānaṃ pūretvā taṃ upagacchanti, so lohaguḷabhāvaṃ ñatvā dante samphuseti, athassa te tattena ayosaṅkunā mukhaṃ vivaranti, tambalohadhārehi mahantena lohakaṭṭhena tambalohaṃ upanetvā evamevaṃ karonti. Puna **mahānirayeti** evaṃ pañcavidhabandhanato paṭṭhāya yāva tambalohapānā tambalohapānato paṭṭhāya puna pañcavidhabandhanādīni kāretvā mahāniraye pakkhipanti. Tattha koci pañcavidhabandhaneneva muccati, koci dutiyena, koci tatiyena, koci tambalohapānena muccati, kamme pana aparikkhīṇe puna mahāniraye pakkhipanti.

Idaṃ pana suttaṃ gaṇhanto eko daharabhikkhu, – “bhante, ettakaṃ dukkhamanubhavitassattaṃ punapi mahāniraye pakkhipanti”’ti āha. Āma, āvuso, kamme aparikkhīṇe punappunaṃ evaṃ karontīti. Tiṭṭhatu, bhante, uddeso, kammaṭṭhānameva kathethāti kammaṭṭhānaṃ kathāpetvā sotāpanno hutvā āgamma uddesaṃ aggahesi. Aññesampi imasmiṃ padese uddesaṃ ṭhapetvā arahattaṃ pattānaṃ gaṇaṇā natthi. Sabbabuddhānañcetaṃ suttaṃ avijahitameva hoti.

**271. Hīnakāyūpagā**ti hīnakāyaṃ upagatā hutvā. **Upādāneti** taṇhādīṭṭhigahaṇe. **Jātimaraṇasambhaveti** jātiyā ca maraṇassa ca kāraṇabhūte. **Anupādāti** catūhi upādānehi anupādiyitvā. **Jātimaraṇasaṅkha**yeti jātimaraṇasaṅkhasaṅkhāte nibbāne vimuccanti.

**Diṭṭhadhammābhini**butāti diṭṭhadhamme imasmiṃyeva attabhāve sabbakilesanibbānena nibbutā. **Sabbadukkhaṃ upaccagunti** sabbadukkhatikkantā nāma honti.

Papañcasūdaniyā majjhimanikāyaṭṭhakathāya

Devadūtasuttavaṇṇanā niṭṭhitā.

Tatiyavaggavaṇṇanā niṭṭhitā.

## 4. Vibhaṅgavaggo

### 1. Bhaddekarattasuttavaṇṇanā

**272. Evaṃ me sutanti** bhaddekarattasuttaṃ. Tattha **bhaddekarattassāti** vipassanānuyogasamannāgatattā bhaddakassa ekarattassa. **Uddesanti** mātikaṃ. **Vibhaṅganti** vitthārabhājanīyaṃ.

**Atī**tanti atīte pañcakkhandhe. **Nānvāgameyyāti** taṇhādīṭṭhīhi nānugaccheyya. **Nappaṭikaṅkheti** taṇhādīṭṭhīhi na pattheyya. **Yadatī**tanti idamettha kāraṇavacanaṃ. Yasmā yaṃ atītaṃ, taṃ pahīnaṃ niruddhaṃ atthaṅgataṃ, tasmā taṃ puna nānugaccheyya. Yasmā ca yaṃ anāgataṃ, taṃ appattaṃ ajātaṃ

anibbattaṃ, tasmā tampi na pattheyya.

**Tattha tattḥāti** paccuppanampi dhammaṃ yattha yattheva uppanno, tattha tattheva ca naṃ aniccānupassanādīhi sattahi anupassanāhi yo vipassati araṇṇādīsu vā tattha tattheva vipassati.

**Asaṃhīraṃ asaṃkuppanti** idaṃ vipassanāpaṭivipassanādassanattaṃ vuttaṃ. Vipassanā hi rāgādīhi na saṃhīrati na saṃkuppattīti asaṃhīraṃ asaṃkuppaṃ, taṃ anubrūhaye vaḍḍheyya, paṭivipasseyyāti vuttaṃ hoti. Atha vā nibbānaṃ rāgādīhi na saṃhīrati na saṃkuppattīti asaṃhīraṃ asaṃkuppaṃ. Taṃ **vidvā** paṇḍito bhikkhu anubrūhaye, punappunaṃ tadārammaṇaṃ taṃ taṃ phalasaṃpattim appento vaḍḍheyyāti attho.

Tassa pana anubrūhantassa atthāya – **ajjeva kiccamaṭappanti** kilesānaṃ ātāpanaparitāpanena ātappanti laddhanāmaṃ vīriyaṃ ajjeva kātabbaṃ. **Ko jaṇṇā maraṇaṃ suveti** sve jīvitaṃ vā maraṇaṃ vā ko jānāti. Ajjeva dānaṃ vā dassāmi, sīlaṃ vā rakkhissāmi, aññataraṃ vā pana kusalaṃ karissāmīti hi “ajja tāva papañco atthi, sve vā punadivase vā karissāmī”ti cittaṃ anuppādetvā ajjeva karissāmīti evaṃ vīriyaṃ kātabbanti dasseti. **Mahāsenenāti** aggivisaṭṭhādīni anekāni maraṇakāraṇāni tassa senā, tāya mahatiyā senāya vasena mahāsenena evarūpena maccunā saddhiṃ “katipāhaṃ tāva āgamehi yāvāhaṃ buddhapūjādīṃ attano avassayakammaṃ karomī”ti. Evaṃ mittasanthavākārasaṅkhāto vā, “idaṃ satam vā sahasaṃ vā gahetvā katipāhaṃ āgamehī”ti evaṃ laṅgānuppādānaṃ saṅkhāto vā, “imināhaṃ balarāsinaṃ paṭibāhissāmī”ti evaṃ balarāsisaṅkhāto vā saṅgāro natthi. **Saṅgaroti** hi mittasanthavākāralaṅgānuppādānabalarāsinaṃ nāmaṃ, tasmā ayamattho vutto.

**Atanditanti** analasaṃ utthāhakaṃ. Evaṃ paṭipannattā bhaddo ekaratto assāti **bhaddekaratto**. Iti taṃ evaṃ paṭipannapuggalaṃ “bhaddekaratto aya”nti. Rāgādīnaṃ santatāya **santo buddhamuni** ācikkhati.

**273. Evaṃrūpoti**ādīsu kāḷopi samāno indanīlamaṇivaṇṇo ahosinti evaṃ manuññarūpavaseneva evaṃrūpo ahoṣiṃ. Kusalasukhasomanassavedanāvāseneva evaṃvedano. Taṃsampayuttānaṃyeva saṇṇādīnaṃ vasena evaṃsaṇṇo evaṃsaṅkhāro evaṃviññāṇo ahoṣiṃ atītamaddhānanti.

**Tattha nandiṃ samanvānetīti** tesu rūpādīsu taṃhaṃ samanvāneti anupavatteti. Hīnarūpādivasena pana evaṃrūpo ahoṣiṃ...pe... evaṃviññāṇo ahoṣinti na maññati.

**Nandiṃ na samanvānetīti** taṃhaṃ vā taṃhāsampayuttadiṭṭhiṃ vā nānupavattayati.

**274. Evaṃrūpo siyanti**ādīsupi taṃmanuññarūpādivaseneva taṃhādiṭṭhipavattasaṅkhātā nandisamanvānayanāva vedītabbā.

**275. Kathanāca, bhikkhave, paccuppannesu dhammesu saṃhīratīti** idaṃ “paccuppannaṃca yo dhammaṃ, tattha tattha vipassati. Asaṃhīraṃ asaṃkuppa”nti uddesassa niddesattaṃ vuttaṃ. Kāmañcettha “kathanāca, bhikkhave, paccuppannaṃ dhammaṃ na vipassati”tiādi vattabbaṃ siyā, yasmā pana asaṃhīrati ca asaṃkuppāti ca vipassanā vuttā, tasmā tassā eva abhāvaṃca bhāvaṃca dassetuṃ saṃhīratīti mātikaṃ uddharitvā vitthāro vutto. Tattha **saṃhīratīti** vipassanāya abhāvato taṃhādiṭṭhīhi ākaḍḍhiyati. **Na saṃhīratīti** vipassanāya bhāvena taṃhādiṭṭhīhi nākaḍḍhiyati. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Bhaddekarattasuttavaṇṇanā niṭṭhitā.

**2. Ānandabhaddekarattasuttavaṇṇanā**

**276. Evaṃ me sutanti** ānandabhaddekarattasuttaṃ. Tattha **paṭisallānā vuṭṭhitoti** phalasaṃpattito vuṭṭhito. **Ko nu kho, bhikkhave**ti jānantova kathāsamuṭṭhāpanatthaṃ pucchi.

**278. Sādhū sādhu**ti therassa sādhuḥāramadāsi. **Sādhū kho tvanti** parimaṇḍalehi padabyañjanehi parisuddhehi kathitattā desanaṃ pasamsanto āha. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Ānandabhaddekarattasuttavaṇṇanā niṭṭhitā.

### 3. Mahākaccānabhaddekarattasuttavaṇṇanā

**279. Evaṃ me sutanti** mahākaccānabhaddekarattasuttaṃ. Tattha **tapodārāmeti** tattodakassa rahadassa vasena evaṃladdhanāme ārāme. Vebhārapabbatassa kira heṭṭhā bhūmaṭṭhakanāgānaṃ pañcayojanasatikam nāgabhanam devalokasadisam maṇimayena talena āramauiyānehi ca samannāgataṃ, tattha nāgānaṃ kīḷanaṭṭhāne mahāudakarahado, tato tapodā nāma nadī sandati kuthitā uṇhodakā. Kasmā panesā edisā jātā? Rājagahaṃ kira parivāretvā mahā petaloko, tattha dvinnam mahālohakumbhinirayānaṃ antarena ayaṃ tapodā āgacchati, tasmā sā kuthitā sandati. Vuttampi cetam – ‘yatāyaṃ, bhikkhave, tapodā sandati, so daho acchodako sītodako sātodako setodako suppatittho ramaṇīyo pahūtamacchakchapo, cakkamattāni ca padumāni pupphanti. Apicāyaṃ, bhikkhave, tapodā dvinnam mahānirayānaṃ antarikāya āgacchati, tenāyaṃ tapodā kuthitā sandatī’ ti (pārā. 231). Imassa pana āramassa abhisammukhaṭṭhāne tato mahāudakarahado jāto, tassa nāmavasenāyaṃ vihāro **tapodārāmoti** vuccati.

**280. Samiddhīti** tassa kira therassa attabhāvo samiddho abhirūpo pāsādiko, tasmā samiddhitveva saṅkham gato. **Ādibrahmacariyakoti** maggabrahmacariyassa ādi pubbabhāgappaṭipattibhūto. **Idam vatvāna sugato uṭṭhāyāsanti** madhupiṇḍikasutte (ma. ni. 1.199 ādayo) vuttanayeneva vitthāretabbam.

**282. Iti me cakkhūti** imasmiṃ kira sutte bhagavā dvādasāyatanavaseneva mātikaṃ ṭhapesi. Theropi ‘bhagavatā heṭṭhā dvīsu, upari catutthe cāti imesu tīsu suttesu pañcakkhandhavasena mātikā ca vibhaṅgo ca kato, idha pana dvādasāyatanavaseneva vibhajanatthaṃ mātikā ṭhapitā’ ti nayaṃ paṭilabhitvā evamāha. Imaṃ pana nayaṃ labhantena therena bhāriyaṃ kataṃ, apade padaṃ dassitaṃ, ākāse padaṃ kataṃ, tena naṃ bhagavā imameva suttaṃ sandhāya – ‘etadaggaṃ, bhikkhave, mama sāvakanāṃ bhikkhūnaṃ saṃkhittena bhāsitassa vitthārena atthaṃ vibhajanānaṃ yadidaṃ mahākaccāno’ ti (a. ni. 1.197) etadagge ṭhapesi. Ettha pana **cakkhūti** cakkhupasādo. **Rūpāti** catusamuṭṭhānikarūpā. Iminā nayaṃ sesāyatanānīpi veditabbāni. **Viññāṇanti** nikantiviññāṇam. **Tadabhinandatīti** taṃ cakkhuñceva rūpañca taṇhādīṭṭhivasena abhinandati. **Anvāgametīti** taṇhādīṭṭhīhi anugacchati.

**Iti me mano ahoṣi atītamaddhānaṃ iti dhammāti** ettha pana **manoti** bhavaṅgacittaṃ. **Dhammāti** tebhūmakadhammārammaṇam.

**283. Paṇidahaṭīti** patthanāvasena ṭhapesi. **Paṇidhānapaccayāti** patthanāṭṭhapanakāraṇā. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Mahākaccānabhaddekarattasuttavaṇṇanā niṭṭhitā.

### 4. Lomasakaṅgiyabhaddekarattasuttavaṇṇanā

**286. Evaṃ me sutanti** lomasakaṅgiyabhaddekarattasuttaṃ. Tattha **lomasakaṅgiyoti** aṅgathero kira nāmesa, kāyassa pana īsakalomasākārātāya lomasakaṅgiyoti pākaṭo jāto. **Candano devaputtoti** kassapasammāsambuddhakāle kiresa candano nāma upāsako aḍḍho mahaddhano tīni ratanāni catūhi paccayehi pūjetvā devaloke nibbato, purimanāmena candano devaputtotveva saṅkhaṃ gato. **Paṇḍukambalasilāyanti** rattakambalasilāyaṃ. Tassā kira rattakambalasseva jayasumanapuppharāsi viya vaṇṇo, tasmā “paṇḍukambalasilā”ti vuccati.

Kadā pana tattha bhagavā vihāsīti? Bodhipattito sattame saṃvacchare sāvatthiyaṃ āsālhimāsapuṇṇamāya dvādasayojanāya parisāya majjhe yamakapāṭihāriyaṃ katvā oruyha kaṇḍambamūle paññattavarabuddhāsane nisīditvā dhammadesanāya mahājanaṃ mahāviduggato uddharitvā buddhā nāma yasmā pāṭihāriyaṃ katvā manussapathe na vasanti, tasmā passamānasseva tassa janassa padavikkamaṃ katvā tāvatimsabhavane pāricchattakamūle paṇḍukambalasilāyaṃ vassaṃ upagato, tasmīṃ samaye vihāsi.

**Tatra bhagavāti** tatra viharanto bhagavā yebhuyyena dasahi cakkavālasahashehi sannipatitāhi devatāhi parivuto mātaraṃ kāyasakkhiṃ katvā **abhidhammapīṭakaṃ** kathento gambhīraṃ nipuṇaṃ tilakkhaṇāhataṃ rūpārūparicchedakathaṃ paṭivijjhitaṃ asakkontānaṃ devānaṃ saṃvegajananatthaṃ antarantarā bhaddekarattassa uddesaṅca vibhaṅgaṅca abhāsi. Tatrāyaṃ devaputto uggaṇhanto imā gāthā saddhiṃ vibhaṅgena uggaṇhi, devattassa pana pamādādhīṭṭhānattā dibbehi ārammaṇehi nippīliyamāno anupubbena suttaṃ sammuttṭho gāthāmatteva dhāresi. Tenāha “evaṃ kho ahaṃ bhikkhu dhāremi bhaddekarattiyo gāthā”ti.

**Uggaṇhāhi tvantiādīsu** tuṅhībhūto nisīditvā suṇanto uggaṇhāti nāma, vācāya sajjhāyaṃ karonto pariyāpuṇāti nāma, aññesaṃ vācento dhāreti nāma. Sesamettha uttānamevāti.

Papañcasūdaniyā majjhimanikāyaṭṭhakathāya

Lomasakaṅgiyabhaddekarattasuttavaṇṇanā niṭṭhitā.

## 5. Cūlakammavibhaṅgasuttavaṇṇanā

**289. Evaṃ me sutanti** cūlakammavibhaṅgasuttaṃ. Tattha **subhoti** so kira dassanīyo ahosi pāsādiko, tenassa aṅgasubhatāya subhotveva nāmaṃ akaṃsu. **Mānavoti** pana taṃ taruṇakāle vohariṃsu, so mahallakakālepi teneva vohārena vohariyati. **Todeyyaputtoti** todeyyassa nāma pasenadirañño purohitabrāhmaṇassa putto. So kira sāvatthiyā avidūre tudigāmo nāma atthi, tassa adhipatittā todeyyoti saṅkhaṃ gato. Mahādhano pana hoti sattāsītikoṭivibhavo paramamaccharī, “dadato bhogānaṃ aparikkhāyo nāma natthī”ti cintevā kassaci kiñci na deti. Vuttampi cetam –

“Añjanānaṃ khayam disvā, vammikānaṅca saṅcayam;  
Madhūnaṅca samāhāraṃ, paṇḍito gharamāvase”ti.

Evaṃ adānameva sikkhāpesi. Dhuravihāre vasato sammāsambuddhassa yāguuḷuṅgamattaṃ vā bhattakaṭacchumattaṃ vā adatvā dhanalobhena kālaṃ katvā tasmīṃyeva ghare sunakho hutvā nibbato. Subho taṃ sunakhaṃ ativiya piyāyati, attano bhūñjanakabhattaṃyeva bhojeti, ukkhipitvā varasayane sayāpeti. Atha bhagavā ekadivasaṃ paccūsasamaye lokaṃ volokento taṃ sunakhaṃ disvā – “todeyyabrāhmaṇo dhanalobhena attanova ghare sunakho hutvā nibbato, ajja mayi subhassa gharaṃ gate maṃ disvā sunakho bhukkāraṃ karissati, athassāhaṃ ekaṃ vacanaṃ vakkhāmi, so ‘jānāti maṃ samaṇo gotamo’ti gantvā uddhanaṭṭhāne nipajjissati. Tatonidānaṃ subhassa mayā saddhiṃ eko kathāsallāpo bhavissati, so dhammaṃ sutvā saraṇesu paṭiṭṭhahissati, sunakho pana kālaṃ katvā niraye nibbattissati”ti imaṃ māṇavassa saraṇesu paṭiṭṭhānabhāvaṃ ñatvā bhagavā taṃ divasaṃ sarīrapaṭijaggaṇaṃ katvā ekakova gāmaṃ pavisitvā nikkhante māṇave taṃ gharaṃ piṇḍāya pāvīsi.

Sunakho bhagavantam disvā bhukkāram karonto bhagavato samīpaṃ gato. Tato naṃ bhagavā etadavoca – “todeyya tvam pubbepi maṃ bho bhoti paribhavitvā sunakho jāto, idānipi bhukkāram katvā avīciṃ gamissasi”ti. Sunakho taṃ sutvā – “jānāti maṃ samaṇo gotamo”ti vipphaṇṇasāri hutvā gīvaṃ onāmetvā uddhanantare chārikāyaṃ nipanno. Manussā ukkhipitvā sayane sayāpetuṃ nāsakkhimsu. Subho āgantvā – “kenāyaṃ sunakho sayanā oropito”ti āha. Manussā na kenacīti vatvā taṃ pavattiṃ ārocesuṃ. Māṇavo sutvā – “mama pitā brahmaloke nibbato, todeyyo nāma sunakho natthi. Samaṇo pana gotamo pītaṃ sunakhaṃ karoti, yaṃkiñci esa mukhāruḥhaṃ bhāsati”ti kujjhivā bhagavantam musāvādena niggahetukāmo vihāram gantvā taṃ pavattiṃ pucchi.

Bhagavāpi tassa tatheva vatvā avisaṃvādanatthaṃ āha – “atthi pana te māṇava pitarā anakkhātaṃ dhana”nti. Atthi, bho gotama, sataśahassagghanikā suvaṇṇamālā sataśahassagghanikā suvaṇṇapāduka sataśahassagghanikā suvaṇṇapāti sataśahassaṅca kahāpaṇanti. Gaccha taṃ sunakhaṃ appodakapāyāsaṃ bhojāpetvā sayane āropetvā īsakaṃ niddaṃ okkantakāle puccha, sabbaṃ te ācikkhissati. Atha naṃ jāneyyāsi “pitā me eso”ti. Māṇavo – “sace saccaṃ bhavissati, dhanaṃ lacchāmi, no ce, samaṇaṃ gotamaṃ musāvādena niggaṇhissāmi”ti dvīhipi kāraṇehi tuṭṭho gantvā tathā akāsi. Sunakho – “ñātomhi iminā”ti roditvā huṃ hunti karonto dhananidhānaṭṭhānaṃ gantvā pādena pathaviṃ khaṇitvā saññaṃ adāsi, māṇavo dhanaṃ gahetvā – “bhavapaṭicchannaṃ nāma evaṃ sukhumaṃ paṭisandhiantaraṃ pākātaṃ samaṇassa gotamassa, addhā esa sabbaññū”ti bhagavati pasannacitto cuddasa pañhe abhisankhari. Aṅgavijjāpāṭhako kiresa, tenassa etadahosi – “idaṃ dhammapaṇṇākāraṃ gahetvā samaṇaṃ gotamaṃ pañhe pucchissāmi”ti dutiyagamanena yena bhagavā tenupasaṅkami, tena puṭṭhapañhe pana bhagavā ekappaḥāreṇeva vissajjento **kammassakā**tiādīmāha.

Tattha kammaṃ etesaṃ sakaṃ attano bhaṇḍakanti **kammassakā**. Kammaṃ dāyādāti **kammadāyādā**, kammaṃ etesaṃ dāyajjaṃ bhaṇḍakanti attho. Kammaṃ etesaṃ yoni kāraṇanti **kamayoni**. Kammaṃ etesaṃ bandhūti **kammabandhū**, kammañātakāti attho. Kammaṃ etesaṃ paṭisaraṇaṃ patitṭhāti **kammaṃpaṭisaraṇā**. **Yadidaṃ hīnappaṇītātāyāti** yaṃ idaṃ “tvam hīno bhava, tvam paṇīto, tvam appāyuko, tvam dīghāyuko...pe... tvam duppañño bhava, tvam paññāvā”ti evaṃ hīnappaṇītātāya vibhajaṇaṃ, taṃ na añño koci karoti, kammameva evaṃ satte vibhajati attho. Na māṇavo kathitassa atthaṃ sañjānāsi, ghanadussapaṭṭenassa mukhaṃ bandhitvā madhuraṃ purato ṭhapitaṃ viya ahoṣi. Mānanissito kiresa paṇḍitamānī, attanā samaṃ na passati. Athassa “kiṃ samaṇo gotamo katheti, yamaṃ jānāmi, tadeva kathetīti ayaṃ māno mā ahoṣi”ti mānabhañjanatthaṃ bhagavā “āditoṃ duppaṭivijjhaṃ katvā kathessāmi, tato ‘nāhaṃ bho gotama jānāmi, vitthāreṇa me pākātaṃ katvā kathethā”ti maṃ yācissati, athassāhaṃ yācītakāle kathessāmi, evaṅcassa sātthakaṃ bhavissati”ti duppaṭivijjhaṃ katvā kathesi.

Idāni so attano appaṭividdhabhāvaṃ pakāseto **na kho ahanti**tiādīmāha.

**290. Samattenāti** paripuṇṇena. **Samādinnenāti** gahitena parāmaṭṭhena. **Appāyukasaṃvattanikā esā, māṇava, paṭipadā yadidaṃ pāṇātipātīti** yaṃ idaṃ pāṇātipātakammaṃ, esā appāyukasaṃvattanikā paṭipadāti.

Kathaṃ panesā appāyukataṃ karoti? Cattāri hi kammāni upapīlakaṃ upacchedakaṃ janakaṃ upatthambhakanti. Balavakammaṃ na nibbattaṃ pavatte upapīlakaṃ āgantvā atthato evaṃ vadati nāma – “sacāhaṃ paṭhamataraṃ jāneyyaṃ, na te idha nibbattituṃ dadeyyaṃ, catūsuyeva taṃ apāyesu nibbattāpeyyaṃ. Hotu, tvam yattha katthaci nibbatta, ahaṃ upapīlakakammaṃ nāma taṃ pīletvā nirojaṃ niyūsaṃ kasaṭaṃ karissāmi”ti. Tato paṭṭhāya taṃ tādisaṃ karoti. Kiṃ karoti? Parissayaṃ upaneti, bhoge vināseti.

Tattha dāraḥkassa mātukucchiyaṃ nibbattakālaṃ paṭṭhāya mātu assādo vā sukhaṃ vā na hoti, mātāpītuṃ pīlāva uppajjati. Evaṃ parissayaṃ upaneti. Dāraḥkassa pana mātukucchimhi nibbattakālaṃ paṭṭhāya gehe bhogā udakaṃ patvā loṇaṃ viya rājādīnaṃ vasena nassanti, kumbhadohanadhenuyo

khīraṃ na denti, sūratā goṇā caṇḍā honti, kāṇā honti, khujjā honti, gomaṇḍale rogo patati, dāsādayo vacanaṃ na karonti, vāpitaṃ sassaṃ na jāyati, gehagataṃ gehe, araṇṇagataṃ araṇṇe nassati, anupubbena ghāsacchādanamattaṃ dullabhaṃ hoti, gabbhāparihāro na hoti, vijātakāle mātuthaññaṃ chijjati, dārako parihāraṃ alabhanto pīlito nirojo niyūso kasaṭo hoti, idaṃ **upapīlakakammaṃ** nāma.

Dīghāyukakammena pana nibbattassa upacchedakakammaṃ āgantvā āyuaṃ chindati. Yathā hi puriso aṭṭhusabhagamaṇaṃ katvā saraṃ khippeyya tamaṇṇo dhanuto vimuttamattaṃ muggarena paharivā tattheva pāteyya, evaṃ dīghāyukakammena nibbattassa upacchedakakammaṃ āyuaṃ chindati. Kiṃ karoti? Corānaṃ aṭaviṃ paveseti, vālamacchodakaṃ otāreti, aññataraṃ vā pana saparissayaṭṭhānaṃ upaneti, idaṃ **upacchedakakammaṃ** nāma, “upaghātaka”’ntipi etasseva nāmaṃ.

Paṭisandhinibbattaṃ pana kammaṃ **janakakammaṃ** nāma. Appabhogakulādīsu nibbattassa bhogasampadādikaraṇena upatthambhakakammaṃ **upatthambhakakammaṃ** nāma.

Imesu catūsu purimāni dve akusalāneva, janakaṃ kusalampi akusalampi, upatthambhakaṃ kusalameva. Tattha pāṇātipātakammaṃ upacchedakakammena appāyukasaṃvattanikaṃ hoti. Pāṇātipātīnā vā kataṃ kusalakammaṃ ulāraṃ na hoti, dīghāyukapaṭisandhiṃ janetuṃ na sakkoti. Evaṃ pāṇātipāto appāyukasaṃvattaniko hoti. Paṭisandhimeva vā niyāmetvā appāyukaṃ karoti, sannīṭṭhānacetanāya vā niraye nibbattati, pubbāparacetanāhi vuttanayena appāyuko hoti.

**Dīghāyukasaṃvattanikā esā māṇava paṭipadāti** ettha parittakammenapi nibbattaṃ pavatte etaṃ pāṇātipātā viratikammaṃ āgantvā atthato evaṃ vadati nāma – “sacāhaṃ paṭhamataraṃ jāneyyaṃ, na te idha nibbattituṃ dadeyyaṃ, devalokeyeva taṃ nibbattāpeyyaṃ. Hotu, tvaṃ yattha katthaci nibbatti, ahaṃ upatthambhakakammaṃ nāma thambhaṃ te karissāmi”’ti upatthambhaṃ karoti. Kiṃ karoti? Parissayaṃ nāseti, bhoge uppādeti.

Tattha dārakassa mātukucchiyaṃ nibbattakālato paṭṭhāya mātāpitūnaṃ sukhomeva sātameva hoti. Yepi pakatiyā manussāmanussaparissayā honti, te sabbe apagacchanti. Evaṃ parissayaṃ nāseti. Dārakassa pana mātukucchimhi nibbattakālato paṭṭhāya gehe bhogānaṃ pamānaṃ na hoti, nidhikumbhiyo puratopi pacchatopi gehaṃ pavaṭṭamānā pavisanti. Mātāpitaro parehi ṭhapitadhanassāpi sammukhībhāvaṃ gacchanti. Dhenuyo bahukhīrā honti, goṇā sukhasīlā honti, vappaṭṭhāne sassāni sampajjanti. Vaḍḍhiyā vā sampayuttaṃ, tāvakālikaṃ vā dinnaṃ dhaṇaṃ acoditā sayameva āharitvā denti, dāsādayo suvacā honti, kammantā na parihāyanti. Dārako gabbhato paṭṭhāya parihāraṃ labhati, komārikavejjā sannihitāya honti. Gahapatikule jāto seṭṭhiṭṭhānaṃ, amaccakulādīsu jāto senāpaṭiṭṭhānādīni labhati. Evaṃ bhoge uppādeti. So aparissayo sabhogo ciraṃ jīvatīti. Evaṃ apāṇātipātakammaṃ dīghāyukasaṃvattanikaṃ hoti.

Apāṇātipātīnā vā kataṃ aññaṃpi kusalaṃ ulāraṃ hoti, dīghāyukapaṭisandhiṃ janetuṃ sakkoti, evampi dīghāyukasaṃvattanikaṃ hoti. Paṭisandhimeva vā niyāmetvā dīghāyukaṃ karoti. Sannīṭṭhānacetanāya vā devaloke nibbattati, pubbāparacetanāhi vuttanayena dīghāyuko hoti. Iminā nayena sabbapañhavissajjanesu attho vedītabbo.

Viheṭṭhanakammādīnīpi hi pavatte āgantvā atthato tattheva vadamānāni viya upapīlanena nibbhogataṃ āpādetvā paṭijagganaṃ alabhantassa roguppādanādīhi vā, viheṭṭhakādīhi katassa kusalassa anulāratāya vā, āditova paṭisandhiniyāmanena vā, vuttanayeneva pubbāparacetanāvasena vā bahvābādhatādīni karonti, apāṇātipāto viya ca aviheṭṭhanādīnīpi appābādhatādīnīti.

**293.** Ettha pana **issāmanakoti** issāsampayuttacitto. **Upadussatīti** issāvaseneva upakkosanto dussati. **Issaṃ bandhatīti** yavakalāpaṃ bandhanto viya yathā na nassati evaṃ bandhitvā viya ṭhapeti. **Appesakkhoti** appaparivāro, rattim khitto viya saro na paññāyati, ucchiṭṭhahattho nisīditvā udakadāyakampi na labhati.

**294. Na dātā hotīti** macchariyavasena na dātā hoti. **Tena kammenāti** tena macchariyakammena.

**295. Abhivādetabbanti** abhivādanārahaṃ buddhaṃ vā paccekabuddhaṃ vā ariyasāvakaṃ vā. **Paccuṭṭhātabbādīsipi** eseva nayo. Imasmiṃ pana pañhavissajjane upapīlakaupatthambhakakammāni na gahetabbāni. Na hi pavatte nīcakulinaṃ vā uccākulinaṃ vā sakkā kātuṃ, paṭisandhimeva pana niyāmetvā nīcakuliyāṃ kammaṃ nīcakule nibbatteti, uccākuliyāṃ kammaṃ uccākule.

**296. Na paripucchitā hotīti** ettha pana aparipucchanena niraye na nibbattati. Aparipucchako pana “idaṃ kātappaṃ, idaṃ na kātabba”nti na jānāti, ajānanto kātappaṃ na karoti, akātappaṃ karoti. Tena niraye nibbattati, itaro sagge. **Iti kho, māṇava...pe... yadidaṃ hīnappaṇītātāyāti** satthā desanaṃ yathānusandhiṃ pāpesi. Sesāṃ sabbattha uttānamevāti.

Papañcasūdaniyā majjhimanikāyaṭṭhakathāya

Cūlakammavibhaṅgasuttavaṇṇanā niṭṭhitā.

Subhasuttantipi vuccati.

## 6. Mahākammavibhaṅgasuttavaṇṇanā

**298. Evaṃ me sutanti** mahākammavibhaṅgasuttaṃ. Tattha **moghanti** tucchaṃ aphaḷaṃ. **Saccanti** tathaṃ bhūtaṃ. Idañca etena na sammukhā suttaṃ, upālisutte (ma. ni. 2.56) pana – “manokammaṃ mahāsāvajjatarāṃ paññapemi pāpassa kammaṃ kiriyāya pāpassa kammaṃ pavattiyā, no tathā kāyakammaṃ no tathā vacīkamma”nti bhagavatā vuttaṃ atthi, sā kathā titthiyānaṃ antare pākāṭā jātā, taṃ gahetvā esa vadati. **Atthi ca sā samāpattīti** idaṃ – “kathaṃ nu kho, bho, abhisaññānirodho hotī”ti poṭṭhapādasutte (dī. ni. 1.406 ādayo) uppannaṃ abhisaññānirodhakathaṃ sandhāya vadati. **Na kiñci vediyatīti** ekavedanampi na vediyati. **Atthi ca khoti** thero nirodhasamāpattiṃ sandhāya anujānāti. **Parirakkhitabbanti** garahato mocanena rakkhitappaṃ. Sañcetanā assa atthīti **sañcetanikaṃ**, sābhisandhikaṃ sañcetanikakammaṃ katvāti attho. **Dukkhaṃ soti** thero “akusalameva sandhāya paribbājako pucchati”ti saññāya evaṃ vadati.

**Dassanampi kho ahanti** bhagavā caturaṅgepi andhakāre samantā yojanaṭṭhāne tilamattampi saṅkhāraṃ maṃsacakkhunāva passati, ayañca paribbājako na dūre gāvutamattabbhantare vasati, kasmā bhagavā evamāhāti? Samāgamadassanaṃ sandhāyevamāha.

**299. Udāyīti** lāludāyī. **Taṃ dukkhasminti** sabbhaṃ taṃ dukkhameva. Iti imaṃ vaṭṭadukkhaṃ kilesadukkhaṃ saṅkhāradukkhaṃ sandhāya “sace bhāsitaṃ bhaveyya bhagavā”ti pucchati.

**300. Ummaṅganti** pañhāummaṅgaṃ. **Ummujjamānoti** sīsaṃ nīharamāno. **Ayoniso ummujjissatīti** anupāyena sīsaṃ nīharissati. Idañca pana bhagavā jānanto neva dibbacakkhunā na cetopariyaññaṇena na sabbaññutaññaṇena jāni, adhippāyeneva pana aññāsī. Kathentassa hi adhippāyo nāma suvijāno hoti, kathetukāmo gīvaṃ paggaṇhāti, hanukaṃ cāleti, mukhamassa phandati, sannisīdituṃ na sakkoti. Bhagavā tassa taṃ ākāraṃ disvā “ayaṃ udāyī sannisīdituṃ na sakkoti, yaṃ abhūtaṃ, tadeva kathessati”ti oloketvāva aññāsī. **Ādiṃ yevāti**ādimhiyeva. **Tisso vedanāti** “kiṃ so vediyati”ti? Pucchantena “tisso vedanā pucchāmi”ti evaṃ vavattapetvāva tisso vedanā pucchitā. **Sukhavedaniyanti** sukhavedanāya paccayabhūtaṃ. Sesesupi eseva nayo.

Ettha ca kāmāvacarakusalato somanassasahagatacittasampayuttā catasso cetanā, heṭṭhā tikajjhānacetanāti evaṃ paṭisandhipavattesu sukhavedanāya janānato **sukhavedaniyaṃ kammaṃ** nāma. Kāmāvacarañcetta paṭisandhiyaṃyeva ekantena sukhaṃ janeti, pavatte iṭṭhamajjhattārammaṇe adukkhamasukhampi.



Akusalacetanā paṭisandhipavattesu dukkhasseva jananato **dukkhavedaniyaṃ kammaṃ** nāma. Kāyadvāre pavattheyeva cetanā ekantena dukkhaṃ janeti, aññattha adukkhamasukhampi, sā pana vedanā aniṭṭhāniṭṭhamajjhatesuyeva ārammaṇesu uppajjanato dukkhātveva saṅkhaṃ gatā.

Kāmāvacarakusalato pana upekkhāsahagatacittasampayuttā catasso cetanā, rūpāvacarakusalato catutthajjhānacetanāti evaṃ paṭisandhipavattesu tatiyavedanāya jananato **adukkhamasukhavedaniyaṃ kammaṃ** nāma. Ettha ca kāmāvacaram paṭisandhiyaṃveva ekantena adukkhamasukhaṃ janeti, pavatte iṭṭhārammaṇe sukhampi. Apica sukhavedaniyakammaṃ paṭisandhipavattivasena vaṭṭati, tathā adukkhamasukhavedaniyaṃ, dukkhavedaniyaṃ pavattivaseneva vaṭṭati. Etassa pana vasena sabbam pavattivaseneva vaṭṭati.

**Etassa bhagavāti** thero tathāgatena mahākammavibhaṅgakathanatthaṃ ālayo dassito, tathāgataṃ yācitvā mahākammavibhaṅgañāṇaṃ bhikkhusaṅghassa pākaṭaṃ karissāmīti cintetvā anusandhikusalatāya evamāha. Tattha **mahākammavibhaṅganti** mahākammavibhajanam. **Katame cattāro...pe... idhānanda, ekacco puggalo...pe... nirayaṃ upapajjati** idam na mahākammavibhaṅgañāṇabhājanam, mahākammavibhaṅgañāṇabhājanatthāya pana mātikāṭṭhapanam.

**301. Idhānanda, ekacco samaṇo vāti** pāṭiyekko anusandhi. Idañhi bhagavā – “dibbacakkhukā samaṇabrāhmaṇā idam ārammaṇam katvā imaṃ paccayaṃ labhitvā idam dassanam gaṇhanti” ti pakāsanatthaṃ ārabhi. Tattha **ātappantiādīni** pañcapi vīriyasseva nāmāni. **Cetosamādhinti** dibbacakkhusamādhim. **Passatīti** “so satto kuhiṃ nibbato” ti olokeno passati. **Ye aññathāti** ye “dasanam kusalanam kammaṭṭhānam pūritattā nirayaṃ upapajjati” ti jānanti, micchā tesam ñāṇanti vadati. Iminā nayena sabbavāresu attho veditabbo. **Viditanti** pākaṭam. **Thāmasāti** diṭṭhithāmena. **Parāmāsāti** diṭṭhiparāmāsenā. **Abhinivissa voharatīti** adhiṭṭhahitvā ādiyitvā voharati.

**302. Tatrānandāti** idampi na mahākammavibhaṅgañāṇassa bhājanam, atha khvāssa mātikāṭṭhapanameva. Ettha pana etesaṃ dibbacakkhukānam vacane ettakā anuññātā, ettakā ananuññātāti idam dassitam. Tattha **tatrāti** tesu catūsu samaṇabrāhmaṇesu. **Idamassāti** idam vacanam assa. **Aññathāti** aññenākārena. Iti imesaṃ samaṇabrāhmaṇānam vāde dvīsu ṭhānesu anuññātā, tīsu ananuññātāti evaṃ sabbattha anuññā nānuññā veditabbā.

**303.** Evaṃ dibbacakkhukānam vacane anuññā ca ananuññā ca dassetvā idāni mahākammavibhaṅgañāṇam vibhajanto **tatrānanda, yvāyam puggalotiādīmāha.**

**Pubbe vāssa taṃ kataṃ hotīti** yaṃ iminā dibbacakkhukena kammaṃ karonto diṭṭho, tato pubbe kataṃ. Pubbe katenapi hi niraye nibbattati, pacchā katenapi nibbattati, maraṇakāle vā pana – “khando seṭṭho sivo seṭṭho, pitāmaho seṭṭho, issarādīhi vā loko visaṭṭho” tiādīnā micchādassanenapi nibbattateva. **Diṭṭheva dhammeti** yaṃ tattha diṭṭhadhammavedaniyaṃ hoti, tassa diṭṭheva dhamme, yaṃ upapajjavedaniyaṃ, tassa upapajjitvā, yaṃ aparāpariyavedaniyaṃ, tassa aparasmim pariyāye vipākaṃ paṭisaṃvedeti.

Iti ayaṃ samaṇo vā brāhmaṇo vā ekaṃ kammarāsīm ekañca vipākarāsīm addasa, sammāsambuddho iminā adīṭṭhe tayo kammarāsī, dve ca vipākarāsī addasa. Iminā pana diṭṭhe adīṭṭhe ca cattāro kammarāsī tayo ca vipākarāsī addasa. Imāni satta ṭhānāni jānanañāṇam tathāgatassa mahākammavibhaṅgañāṇam nāma. Dutiyavāre dibbacakkhukena kiñci na diṭṭham, tathāgatena pana tayo kammarāsī, dve ca vipākarāsī diṭṭhāti. Imānipi pañca paccattaṭṭhānāni jānanañāṇam tathāgatassa mahākammavibhaṅgañāṇam nāma. Sesavāradvayepi eseva nayo.

**Abhabbanti** bhūtavirahitaṃ akusalam. **Abhabbābhāsanti** abhabbam ābhāsati abhibhavati paṭibāhatīti attho. Bahukasmīhi akusalakamme āyūhite balavakammaṃ dubbalakammaṃ vipākaṃ paṭibāhitvā attano vipākassa okāsam karoti idam abhabbañceva abhabbābhāsañca. Kusalam pana

āyūhitvā āsanne akusalaṃ kataṃ hoti, taṃ kusalassa vipākaṃ paṭibāhitvā attano vipākassa okāsaṃ karoti, idaṃ abhabbaṃ bhabbābhāsaṃ. Bahumhi kusale āyūhitepi balavakammaṃ dubbalakammaṃ vipākaṃ paṭibāhitvā attano vipākassa okāsaṃ karoti, idaṃ bhabbañceva bhabbābhāsañca. Akusalaṃ pana āyūhitvā āsanne kusalaṃ kataṃ hoti, taṃ akusalassa vipākaṃ paṭibāhitvā attano vipākassa okāsaṃ karoti, idaṃ bhabbaṃ abhabbābhāsaṃ.

Apica upaṭṭhānākāreṇapettha attho veditabbo. Idañhi vuttaṃ hoti, abhabbato ābhāsati upaṭṭhātīti **abhabbābhāsaṃ**. Tattha ‘‘yväyaṃ puggalo idha pāṇātipātī’’tiādinā nayena cattāro puggalā vuttā, tesu paṭhamassa kammaṃ abhabbaṃ abhabbābhāsaṃ, tañhi akusalattā abhabbaṃ, tassa ca niraye nibbattattā tattha nibbattikāraṇabhūtaṃ akusalaṃ hutvā upaṭṭhātī. Dutiyassa kammaṃ abhabbaṃ bhabbābhāsaṃ, tañhi akusalattā abhabbaṃ. Tassa pana sagge nibbattattā aññatitthiyānaṃ sagge nibbattikāraṇabhūtaṃ kusalaṃ hutvā upaṭṭhātī. Itarasmimpi kammadvaye ese va nayo. Sesāṃ sabbattha uttānamevāti.

Papañcasūdaniyā majjhimanikāyaṭṭhakathāya

Mahākammavibhaṅgasuttavaṇṇanā niṭṭhitā.

### 7. Saḷāyatanaṃ vibhaṅgasuttavaṇṇanā

**304. Evaṃ me sutanti** saḷāyatanaṃ vibhaṅgasuttaṃ. Tattha **veditabbānīti** saḷāyatanaṃ maggena jānitabbāni. **Manopavicārāti** vitakkavicārā. Vitakkuppādakañhi mano idha manoti adhippetāṃ, manassa upavicārāti manopavicārā. **Sattapadāti** vaṭṭavivaṭṭanissitānaṃ sattānaṃ padā. Ettha hi aṭṭhārasa vaṭṭapadā nāma, aṭṭhārasa vivaṭṭapadā nāma, tepi saḷāyatanaṃ maggeneva veditabbā. **Yoggācariyānanti** hatthiyoggādiācārasikkhāpakānaṃ, dametabbadamakānanti attho. Sesāṃ vibhaṅgeyeva āvibhavissati. **Ayamuddesoti** idaṃ mātikāṭṭhapanāṃ.

**305. Cakkhāyatanaṃ** dīni visuddhimagge vitthāritāni. **Cakkhuviññāṇanti** kusalākusalavipākato dve cakkhuviññāṇāni. Sesapasādaviññāṇesupi ese va nayo. Imāni pana dasa ṭhapetvā sesāṃ idha manoviññāṇaṃ nāma.

**Cakkhusamphassoti** cakkhumhi samphasso. Cakkhuviññāṇasampayuttasamphassassetāṃ adhivacanaṃ. Sesesupi ese va nayo.

**Cakkhunā rūpaṃ disvāti** cakkhuviññāṇena rūpaṃ disvā. Ese va nayo sabbattha. **Somanassaṭṭhāniyanti** somanassassa ārammaṇavasena kāraṇabhūtaṃ. **Upavicarātīti** tattha vicārapavattanena upavicarati, vitakko taṃsāmpayutto cāti iminā nayena aṭṭhārasa vitakkavicārasaṅkhātā manopavicārā veditabbā. **Cha somanassūpavicārāti** ettha pana somanassena saddhiṃ upavicarantīti somanassūpavicārā. Sesapadadvayepi ese va nayo.

**306. Gehasitānīti** kāmaguṇanissitāni. **Nekkhammasitānīti** vipassanānissitāni. **Iṭṭhānanti** pariyesitānaṃ. **Kantānanti** kāmitānaṃ. **Manoramānanti** mano etesu ramaṭīti manoramāni, tesāṃ manoramānaṃ. **Lokāmisapaṭisaṃyuttānanti** taṇhāpaṭisaṃyuttānaṃ. **Atītanti** paṭiladdhaṃ. Paccuppannaṃ tāva ārabha somanassaṃ uppajjatu, atīte kathaṃ uppajjatīti. Atītepi – ‘‘yathāhaṃ etarahi iṭṭhārammaṇaṃ anubhavāmi, evaṃ pubbepi anubhavi’’nti anussarantassa balavasomanassaṃ uppajjati.

**Aniccanti** aniccākāraṃ. **Vipariṇāmaṃ virāgaṃ** pakativijāhanena vipariṇāmaṃ, vigacchanena virāgaṃ, nirujjhanena nirodhaṃ. **Sammaṇāyāti** vipassanāpaṇṇāya. **Idaṃ vuccati nekkhammasitaṃ somanassaṃ** idaṃ rañño viya attano sirisampattiṃ olokentassa vipassanaṃ paṭṭhapetvā nisinnassa saṅkhārānaṃ bhedaṃ passato saṅkhāragatamhi tikkhe sūre vipassanāñāṇe vahante uppannasomanassaṃ ‘‘nekkhammasitaṃ somanassa’’nti vuccati. Vuttampi cetāṃ –

“Suññāgāraṃ pavitṭhassa, santacittassa bhikkhuno;  
Amānusi ratī hoti, sammā dhammaṃ vipassato.

Yato yato sammāsati, khandhānaṃ udayabbayaṃ;  
Labhatī pītipāmojjaṃ, amatantaṃ vijānata”nti. (dha. pa. 373-374);

**Imānī** imāni chasu dvāresu iṭṭhārammaṇe āpāthagate aniccādivasena vipassanaṃ paṭṭhapetvā nisinnassa uppannāni cha nekkhammasitāni somanassāni.

**307. Atītanti** paccuppannaṃ tāva patthetvā alabhantassa domanassaṃ uppajjatu, atīte kathaṃ uppajjati. Atītepi “yathāhaṃ etarahi iṭṭhārammaṇaṃ patthetvā na labhāmi, evaṃ pubbepi patthetvā na labhi”nti anussarantassa balavadomanassaṃ uppajjati.

**Anuttaresu vimokkhesūti** anuttaravimokkho nāma arahattaṃ, arahatte patthanaṃ paṭṭhapentassāti attho. **Āyatananti** arahattāyatanam. **Piham upaṭṭhāpayatoti** patthanaṃ paṭṭhapentassa. Taṃ panetaṃ patthanaṃ paṭṭhapentassa uppajjati, iti patthanāmūlakatā “piham upaṭṭhāpayato”ti vuttaṃ. **Imāni cha nekkhammasitāni domanassānī** imāni evaṃ chasu dvāresu iṭṭhārammaṇe āpāthagate arahatte piham paṭṭhapetvā tadadhigamāya aniccādivasena vipassanaṃ upaṭṭhapetvā ussukkāpetuṃ asakkontassa – “imampi pakkhaṃ imampi māsam imampi saṃvaccharaṃ arahattaṃ pāpuṇituṃ nāsakki”nti anusocato gāmantapabbhāravāsimahāsivatherassa viya assudhārāpavattanavasena uppannadomanassāni cha nekkhammasitadomanassānī veditabbāni. Vatthu pana **sumaṅgalavilāsiniyā dīghanikāyaṭṭhakathāya** sakkapañhavaṇṇanāyaṃ (dī. ni. aṭṭha. 2.361) vitthāritaṃ, icchantena tato gahetabbaṃ.

**308. Uppajjati upekkhāti** ettha upekkhā nāma aññāṇupekkhā. **Anodhijinassāti** kilesodhiṃ jinitvā ṭhitattā khīṇāsavo odhijino nāma, tasmā akhīṇāsavassāti attho. **Avipākajinassāti** etthapi āyatim vipākaṃ jinitvā ṭhitattā khīṇāsavova vipākajino nāma, tasmā akhīṇāsavassevāti attho. **Anādīnavadassāvinoti**ādīnavato upaddavato apassantassa. **Imā cha gehasitā upekkhāti** imā evaṃ chasu dvāresu iṭṭhārammaṇe āpāthagate guḷapiṇḍake nilīnamakkhikā viya rūpādīni anativattamānā tattha laggā laggitā hutvā uppannā upekkhā cha gehasitā upekkhāti veditabbā.

**Rūpaṃ sā ativattatīti** rūpaṃ sā anatikkamati, tattha nikantivasena na tiṭṭhati. **Imā cha nekkhammasitā upekkhāti** imā evaṃ chasu dvāresu iṭṭhādiārammaṇe āpāthagate iṭṭhe arajjantassa, anīṭṭhe adussantassa, asamapekkhane asammuyhantassa, uppannavipassanā-ñāṇasampayuttā cha nekkhammasitā upekkhāti veditabbā.

**309. Tatra idaṃ nissāya idaṃ pajahathāti** tesu chatṭimsasattapadesu aṭṭhārasa nissāya aṭṭhārasa pajahathāti attho. Teneva – “tatra, bhikkhave, yāni cha nekkhammasitānī”tiādīmāha. **Nissāya āgammāti** pavattanavasena nissāya ceva āgamma ca. **Evametesam samatikkamo hotīti** evaṃ nekkhammasitānaṃ pavattanena gehasitāni atikkantāni nāma honti.

Evaṃ sarikkhakeneva sarikkhakaṃ jahāpetvā idāni balavatā dubbalaṃ jahāpento – “tatra, bhikkhave, yāni cha nekkhammasitāni somanassānī”tiādīmāha. Evaṃ nekkhammasitasomanassehi nekkhammasitadomanassāni, nekkhammasitaupekkhāhi ca nekkhammasitasomanassāni jahāpentena balavatā dubbalappahānaṃ kathitaṃ.

Ettha pana ṭhatvā upekkhākathā veditabbā – aṭṭhasu hi samāpattīsu paṭhamādīni ca tīni jhānāni, suddhasāṅkhāre ca pādake katvā vipassanaṃ āraddhānaṃ catunnaṃ bhikkhūnaṃ pubbabhāgavipassanā somanassasahagatā vā hoti upekkhāsahagatā vā, vuṭṭhānagāminī pana somanassasahagatāva. Catutthajjhānādīni pādakāni katvā vipassanaṃ āraddhānaṃ pañcannaṃ pubbabhāgavipassanā purimasadisāva. Vuṭṭhānagāminī pana upekkhāsahagatā hoti. Idaṃ sandhāya – “yā cha nekkhammasitā

upekkhā, tā nissāya tā āgamma, yāni cha nekkhammasitāni somanassāni, tāni pajahathā’’ti vuttaṃ. Na kevalaṅca evapaṭipannassa bhikkhuno ayaṃ vipassanāya vedanāviseva hoti, ariyamaggepi pana jhānaṅgabojjhaṅgamaggaṅgānampi viseso hoti.

Ko panetaṃ visesaṃ niyameti? Keci tāva therā vipassanāpādakajjhānaṃ niyametīti vadanti, keci vipassanāya ārammaṇabhūtā khandhā niyamentīti vadanti, keci puggalajjhāsayo niyametīti vadanti. Tesampi vāde ayameva pubbabhāge vuṭṭhānagāminīvipassanā niyametīti vedītabbā. Vinicchayakathā panettha **visuddhimagge** saṅkhārupekkhānidese vuttāva.

**310. Nānattāti** nānā bahū anekappakārā. **Nānattasitāti** nānārammaṇanissitā. **Ekattāti** ekā. **Ekattasitāti** ekārammaṇanissitā. Katamā panāyaṃ upekkhāti? Heṭṭhā tāva aññānupekkhā vuttā, upari chaḷaṅgupekkhā vakkhati, idha samathaupekkhā, vipassanupekkhāti dve upekkhā gahitā.

Tattha yasmā aññāva rūpesu upekkhā, aññāva saddādīsu, na hi yā rūpe upekkhā, sā saddādīsu hoti. Rūpe upekkhā ca rūpameva ārammaṇaṃ karoti, na saddādayo. Rūpe upekkhābhāvaṅca aññā samathaupekkhā pathavīkasiṇaṃ ārammaṇaṃ katvā uppajjati, aññā āpokasiṇādīni. Tasmā nānattaṃ nānattasitaṃ vibhajanto **atthi, bhikkhave, upekkhā rūpesūti**ādīmāha. Yasmā pana dve vā tīṇi vā ākāsānañcāyatanāni vā viññānañcāyatanādīni vā natthi, tasmā ekattaṃ ekattasitaṃ vibhajanto **atthi, bhikkhave, upekkhā ākāsānañcāyatananissitā**tiādīmāha.

Tattha ākāsānañcāyatanaupekkhā sampayuttavasena ākāsānañcāyatananissitā, ākāsānañcāyatanakhandhe vipassantassa vipassanupekkhā ārammaṇavasena ākāsānañcāyatananissitā. Sesāsupi eseva nayo.

**Taṃ pajahathāti** ettha arūpāvacarasaṃpattiupekkhāya rūpāvacarasaṃpattiupekkhaṃ pajahāpeti, arūpāvacaravipassanupekkhāya rūpāvacaravipassanupekkhaṃ.

**Atammayatanti** ettha tammayatā nāma taṅhā, tassā pariyādānato vuṭṭhānagāminīvipassanā atammayatāti vuccati. **Taṃ pajahathāti** idha vuṭṭhānagāminīvipassanāya arūpāvacarasaṃpattiupekkhaṅca vipassanupekkhaṅca pajahāpeti.

**311. Yadariyoti** ye satipaṭṭhāne ariyo sammāsambuddho sevati. Tattha tīsu ṭhānesu satipaṭṭhapento satipaṭṭhāne sevati veditabbo. **Na sussūsantīti** saddahitvā sotuṃ na icchanti. **Na aññāti** jānanatthāya cittaṃ na upaṭṭhapenti. **Vokkammāti** atikkamitvā. **Satthu sāsanāti** satthu ovādaṃ gahetabbaṃ pūretabbaṃ na maññantīti attho. **Na ca attamanoti** na sakamano. Ettha ca gehasitadomanassavasena appatīto hotīti na evamattho daṭṭhabbo, appaṭipannakesu pana attamanatākāraṇassa abhāvenetaṃ vuttaṃ. **Anavassutoti** paṭighaavassavena anavassuto. **Sato sampajānoti** satiyā ca ñāṇena ca samannāgato. **Upekkhakoti** chaḷaṅgupekkhāya upekkhako. **Attamanoti** idhāpi gehasitasomanassavasena uppilāvitoti na evamattho daṭṭhabbo, paṭipannakesu pana anattamanatākāraṇassa abhāvenetaṃ vuttaṃ. **Anavassutoti** rāgāvassavena anavassuto.

**312. Sāritoti** damito. **Ekameva disaṃ dhāvātīti** anivattitvā dhāvanto ekameva disaṃ dhāvati, nivattitvā pana aparaṃ dhāvituṃ sakkoti. **Aṭṭha disā vidhāvātīti** ekapallaṅkena nisinnā kāyena anivattitvā vimokkhasena ekappahāreṇa aṭṭha disā vidhāvati, puratthābhimukho vā dakkhiṇādīsu aññataradisābhimukho vā nisīditvā aṭṭha samāpattiyo samāpajjatiyevāti attho. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Saḷāyatanavibhaṅgasuttavaṇṇanā niṭṭhitā.

## 8. Uddesavibhaṅgasuttavaṅṅanā

**313. Evaṃ me sutanti** uddesavibhaṅgasuttaṃ. Tattha **uddesavibhaṅganti** uddesañca vibhaṅgañca, mātikañca vibhajanañcāti attho. **Upaparikkheyyāti** tuleyya tīreyya pariggaṅheyya paricchindeyya. **Bahiddhāti** bahiddhārammaṇesu. **Avikkhittaṃ avisaṭanti** nikantivasena ārammaṇe tiṭṭhamānaṃ vikkhittaṃ visaṭaṃ nāma hoti, taṃ paṭisedhento evamāha. **Ajjhattaṃ asaṅṅhitanti** gocarajjhatte nikantivasena asaṅṅhitaṃ. **Anupādāya na paritasseyyāti** anupādiyitvā aggahetvā taṃ viññānaṃ na paritasseyya. Yathā viññānaṃ bahiddhā avikkhittaṃ avisaṭaṃ, ajjhattaṃ asaṅṅhitaṃ anupādāya na paritasseyya, evaṃ bhikkhu upaparikkheyyāti vuttaṃ hoti. **Jātijarāmarañadukkhasamudayasambhavoti** jātijarāmarañassa ceva avasesassa ca dukkhassa nibbatti na hotīti attho.

**316. Rūpanimittānusārīti** rūpanimittaṃ anussarati anudhāvatīti rūpanimittānusārī.

**318. Evaṃ kho, āvuso, ajjhattaṃ asaṅṅhitanti** nikantivasena asaṅṅhitaṃ. Nikantivasena hi atīṭṭhamānaṃ hānabhāgiyaṃ na hoti, viśesabhāgiyameva hoti.

**320. Anupādā paritassanāti** satthārā khandhiyavagge “upādāparitassanañca vo, bhikkhave, desessāmi anupādāparitassanañcā”ti (saṃ. ni. 3.7) evaṃ gahetvā paritassanā, aggahetvā aparitassanā ca kathitā, taṃ mahāthero upādāparitassanameva anupādāparitassananti katvā dassento evamāha. Kathaṃ panesā anupādāparitassanā hotīti. Upādātabbassa abhāvato. Yadi hi koci saṅkhāro nicco vā dhuvo vā attā vā attaniyo vāti gahetabbayuttako abhavissa, ayaṃ paritassanā upādāparitassanāva assa. Yasmā pana evaṃ upādātabbo saṅkhāro nāma natthi, tasmā rūpaṃ attātiadinā nayena rūpādayo upādinnāpi anupādinnāva honti. Evamesā diṭṭhivasena upādāparitassanāpi samānā atthato anupādāparitassanāyeva nāma hotīti veditabbā.

**Aññathā hotīti** parivattati pakatijahanena nassati, **rūpavipariṇāmānuparivattīti** “mama rūpaṃ vipariṇata”nti vā, “yaṃ ahu, taṃ vata me natthī”ti vā ādinā (ma. ni. 1.242) nayena kammaviññānaṃ rūpassa bhedaṇuparivatti hoti. **Vipariṇāmānuparivattajāti** vipariṇāmassa anuparivattanato vipariṇāmārammaṇacittato jātā. **Paritassanā dhammasamuppādāti** taṇhāparitassanā ca akusaladhammasamuppādā ca. **Cittaṃ pariyādāya tiṭṭhanti** kusalacittaṃ pariyādiyitvā gahetvā khepetvā tiṭṭhanti. **Uttāsavāti** bhayaṭāsenapi sauttāso taṇhātāsenapi sauttāso. **Vighātavāti** savighāto sadukkho. **Apekkhavāti** sālayo sasineho. **Evaṃ kho, āvuso, anupādā paritassanā hotīti** evaṃ maṇikaraṇḍakasaññāya tucchakaraṇḍakaṃ gahetvā tasmim naṭṭhe pacchā vighātaṃ āpajjantassa viya pacchā aggahetvā paritassanā hoti.

**321. Na ca rūpavipariṇāmānuparivattīti** khīṇāsavassa kammaviññānameva natthi, tasmā rūpabhedaṇuparivatti na hoti. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Uddesavibhaṅgasuttavaṅṅanā niṭṭhitā.

## 9. Araṇavibhaṅgasuttavaṅṅanā

**323. Evaṃ me sutanti** araṇavibhaṅgasuttaṃ. Tattha **nevussādeyya na apasādeyyāti** gehasitavasena kañci puggalaṃ neva ukkhipeyya na avakkhipeyya. **Dhammameva deseyyāti** sabhāvameva katheyya. **Sukhavinicchayanti** vinicchitasukhaṃ. **Raho vādanti** parammukhā avaṅṅaṃ, piṣuṇavācanti attho. **Sammukhā na khīṇanti** sammukhāpi khīṇaṃ ākiṇṇaṃ saṃkiliṭṭhaṃ vācaṃ na bhaṇeyya. **Nābhiviveseyyāti** na adhiṭṭhahitvā ādāya vohareyya. **Samaññanti** lokasamaññaṃ lokapaṇṇattim. **Nātidhāveyyāti** nātikameyya.

**324. Kāmapaṭṭisandhisukhinoti** kāmapaṭṭisandhinā kāmūpasamhitena sukkena sukhitassa. **Sadukkhoti** vipākadukkheṇa samkilesadukkhenapi sadukkho. **Saupaghātoti** vipākūpaghātakilesūpaghāteheva saupaghāto. Tathā **sapariḷāho**. **Micchāpaṭṭipadāti** ayāthāvapaṭṭipadā akusalapaṭṭipadā.

**326. Ittheke apasādetīti** evaṃ gehasitavasena ekacce puggale apasādeti. Ussādanepi eseva nayo. **Bhavasamyojananti** bhavabandhanaṃ, taṅhāyetaṃ nāmaṃ.

Subhūtithero kira imaṃ catukkaṃ nissāya etadagge ṭhapito. Bhagavato hi dhammaṃ desentassa puggalānaṃ ussādanāapasādanā paññāyanti, tathā sārīputtattherādīnaṃ. Subhūtitherassa pana dhammadesanāya “ayaṃ puggalo appaṭṭipannaṃ anārādhako”ti vā, “ayaṃ sīlavā guṇavā lajjipesalo ācārasampanno”ti vā natthi, dhammadesanāya panassa “ayaṃ micchāpaṭṭipadā, ayaṃ sammāpaṭṭipadā”tveva paññāyati. Tasmā bhagavā “etadaggaṃ, bhikkhave, mama sāvakaṇaṃ bhikkhūnaṃ araṇavihārīnaṃ yadidaṃ subhūti”ti āha.

**329. Kālaññū assāti** asampatte ca atikkante ca kāle akathetvā “idāni vuccamānaṃ mahājano gaṇhissatī”ti yuttapattakālaṃ ñatvāva parammukhā avaṇṇaṃ bhāseyya. Khīṇavādepi eseva nayo.

**330. Upahaññatīti** ghātiyati. **Saropi upahaññatīti** saddopi bhijjati. **Āturīyatīti** āturo hoti gelaññappatto sābādho. **Avissaṭṭhanti** vissaṭṭhaṃ apalibuddhaṃ na hoti.

**331. Tadevāti** taṃyeva bhājanaṃ. **Abhinivissa voharatīti** pattanti sañjānanajanapadaṃ gantvā “pattaṃ āharatha dhovathā”ti sutvā “andhabālaputhujjano, nayidaṃ pattaṃ, pāti namesā, evaṃ vadāhi”ti abhinivissa voharati. Evaṃ sabbapadehi yojetabbaṃ. **Atisāroti** atidhāvanaṃ.

**332. Tathā tathā voharati aparāmasanti** amhākaṃ janapade bhājanaṃ pātīti vuccati, ime pana naṃ pattanti vadantīti tato paṭṭhāya janapadavohāraṃ muñcitvā pattaṃ pattanteva aparāmasanto voharati. Sesapadesupi eseva nayo.

**333.** Idāni mariyādabhājanīyaṃ karonto **tatra, bhikkhaveti**ādīmāha. Tattha **saraṇoti** sarajo sakileso. **Araṇoti** arajo nikkileso. **Subhūti ca pana, bhikkhaveti** ayaṃ thero dvīsu ṭhānesu etadaggaṃ āruḷho “**araṇavihārīnaṃ** yadidaṃ subhūti, **dakkhiṇeyyānaṃ** yadidaṃ subhūti”ti (a. ni. 1.202).

Dhammasenāpati kira vatthuṃ sodheti, subhūtithero dakkhiṇaṃ sodheti. Tathā hi dhammasenāpati piṇḍāya caranto gehadvāre ṭhito yāva bhikkhaṃ āharanti, tāva pubbabhāge paricchinditvā nirodhaṃ samāpajjati, nirodhā vuṭṭhāya deyyadhammaṃ paṭṭiggaṇhāti. Subhūtithero ca tatheva mettājhānaṃ samāpajjati, mettājhānā vuṭṭhāya deyyadhammaṃ paṭṭiggaṇhāti. Evaṃ pana kātuṃ sakkāti. Āma sakkā, neva acchariyañcetam, yaṃ mahābhiññappattā sāvakā evaṃ kareyyuṃ. Imasmimpi hi tambapaṇṇidīpe porāṇakarājakāle piṅgalabuddharakkhitatthero nāma uttaragāmaṃ nissāya vihāsi. Tattha satta kulasatāni honti, ekampi taṃ kuladvāraṃ natthi, yattha thero samāpattim na samāpajji. Sesam sabbattha uttānamevāti.

Papañcasūdaniyā majjhimanikāyatṭhakathāya

Araṇavihārasuttavaṇṇanā niṭṭhitā.

## 10. Dhātuvibhaṅgasuttavaṇṇanā

**342. Evaṃ me sutanti** dhātuvibhaṅgasuttaṃ. Tattha **cārikanti** turitagamanacārikaṃ. **Sace te bhaggava agarūti** sace tuyhaṃ bhāriyaṃ aphāsukaṃ kiñci natthi. **Sace so anujānātīti** bhaggavassa kira

etadahosi – “pabbajitā nāma nānāajjhāsaya, eko gaṇābhirato hoti, eko ekābhirato. Sace so ekābhirato bhavissati, ‘āvuso, mā pāvisi, mayā sālā laddhā’ ti vakkhati. Sace ayaṃ ekābhirato bhavissati, ‘āvuso, nikkhama, mayā sālā laddhā’ ti vakkhati. Evaṃ sante ahaṃ ubhinnaṃ vivādakāretā nāma bhavissāmi, dinnaṃ nāma dinnameva vaṭṭati, kataṃ katamevā’ ti. Tasmā evamaḥa.

**Kulaputtoti** jātikulaputtopi ācārakulaputtopi. **Vāsūpagatoti** vāsaṃ upagato. Kuto āgantvāti? Takkaśīlanagarato.

Tatrāyaṃ anupubbikathā – majjhimappadese kira rājagahanagare bimbisāre rajjaṃ kārente paccante takkaśīlanagare pukkusāti rājā rajjaṃ kāresi. Atha takkaśīlato bhaṇḍaṃ gahetvā vāṇijā rājagahaṃ āgatā paṇṇākāraṃ gahetvā rājānaṃ addasaṃsu. Rājā te vanditvā ṭhite “katthavāsino tumhe” ti pucchi. Takkaśīlavāsino devāti. Atha ne rājā janapadassa khemasubhikkhatādīni nagarassa ca pavattiṃ pucchitvā “ko nāma tumhākaṃ rājā” ti pucchi. Pukkusāti nāma devāti. Dhammikoti? Āma deva dhammiko. Catūhi saṅgahavattūhi janaṃ saṅgaṇhāti, lokassa mātāpitiṭṭhāne ṭhito, aṅge nipannadāraṃ viya janaṃ tosetīti. Katarasmiṃ vaye vattatīti? Athassa vayaṃ ācikkhiṃsu. Vayesupi bimbisārena samavayo jāto. Atha te rājā āha – “tātā tumhākaṃ rājā dhammiko, vayena ca me samāno, sakkuṇeyyātha tumhākaṃ rājānaṃ mama mittaṃ kātu” nti. Sakkoma devāti. Rājā tesam suṅkaṃ vissajjetvā geḥaṅca dāpetvā – “gacchatha bhaṇḍaṃ vikkiṇitvā gamanakāle maṃ disvā gaccheyyāthā” ti āha. Te tathā katvā gamanakāle rājānaṃ addasaṃsu. “Gacchatha tumhākaṃ rājānaṃ mama vacanena punappunaṃ ārogyaṃ pucchitvā ‘rājā tumhehi saddhiṃ mittabhāvaṃ icchatī’ ti vadathā” ti āha.

Te sādhuṭi paṭissuṇitvā gantvā bhaṇḍaṃ paṭisāmetvā bhuttaṭātarāsā rājānaṃ upasaṅkamitvā vandīṃsu. Rājā “kaḥaṃ bhaṇe tumhe ettake ime divase na dissathā” ti pucchi. Te sabbaṃ pavattiṃ ārocesuṃ. Rājā – “sādhu, tātā, tumhe nissāya mayā majjhimappadese rājā mitto laddho” ti attamana ahoṣi. Aparabhāge rājagahavāsīnopi vāṇijā takkaśīlaṃ agamaṃsu. Te paṇṇākāraṃ gahetvā āgate pukkusāti rājā “kuto āgatathā” ti pucchitvā “rājagahato” ti sutvā “mayhaṃ sahāyassa nagarato āgatā tumhe” ti. Āma devāti. Ārogyaṃ me sahāyassatī ārogyaṃ pucchitvā “ajja paṭṭhāya ye mayhaṃ sahāyassa nagarato jaṅghasatthena vā sakaṭasatthena vā vāṇijā āgacchanti, sabbesaṃ mama visayaṃ pavīṭṭhakālato paṭṭhāya vasanagehāni, rājakoṭṭhāgārato nivāpaṅca dentu, suṅkaṃ vissajjentu, kiṅci upaddavaṃ mā karontū” ti bheriṃ carāpesi. Bimbisāropi attano nagare tatheva bheriṃ carāpesi.

Atha bimbisāro pukkusātissa paṇṇaṃ paḥiṇi – “paccantadese nāma maṇimuttādīni ratanāni uppajjanti, yaṃ mayhaṃ sahāyassa rajje dassaṇīyaṃ vā savanīyaṃ vā ratanaṃ uppajjati, tattha me mā maccharāyatū” ti. Pukkusātīpi – “majjhimadeso nāma mahājanapado, yaṃ tattha evarūpaṃ ratanaṃ uppajjati, tattha me sahāyo mā maccharāyatū” ti paṭīpaṇṇaṃ paḥiṇi. Evaṃ te gacchante gacchante kāle añṇamañṇaṃ adisvāpi daḥhamittā ahesuṃ.

Evaṃ tesam katikaṃ katvā vasantānaṃ paṭhamataraṃ pukkusātissa paṇṇākāro uppajji. Rājā kira aṭṭha paṅcavaṇṇe anagghakambale labhi. So – “atisundarā ime kambalā, ahaṃ sahāyassa pesissāmi” ti lākhāguḷamatte aṭṭha sārakaraṇḍake likhāpetvā tesu te kambale pakkhipitvā lākhāya vaṭṭāpetvā setavatthena veṭhetvā samugge pakkhipitvā vatthena veṭhetvā rājamuddikāya laṅchetvā “mayhaṃ sahāyassa dethā” ti amacce pesesi. Sāsanaṅca adāsī – “ayaṃ paṇṇākāro nagaramajjhe amaccādīparivutena daṭṭhabbo” ti. Te gantvā bimbisārassa adasaṃsu.

So sāsanaṃ sutvā amaccādayo sannipatantūti bheriṃ carāpetvā nagaramajjhe amaccādīparivuto setacchattena dhāriyamānena pallaṅkavare nisīno laṅchanaṃ bhinditvā vatthaṃ apantvā samuggaṃ vivaritvā anto bhaṇḍikaṃ muṅcitvā lākhāguḷe disvā “mayhaṃ sahāyo pukkusāti ‘jutavittako me sahāyo’ ti mañṇamāno mañṇe imaṃ paṇṇākāraṃ paḥiṇi” ti ekaṃ guḷaṃ gahetvā hatthena vaṭṭetvā tulayantova anto dussabhaṇḍikaṃ atthīti añṇāsī. Atha naṃ pallaṅkapāde paharitvā tāvadeva lākhā paripati, so nakhena karaṇḍakaṃ vivaritvā anto kambalaratanaṃ disvā itarepi vivarāpesi, sabbepi kambalā ahesuṃ. Atha ne pattharāpesi, te vaṇṇasampannā phassasampannā dīghato soḷasahatthā tiriyaṃ

aṭṭhahatthā ahesuṃ. Mahājano disvā aṅguliyo poṭhesi, celukkhepaṃ akāsi, – “amhākaṃ rañño adiṭṭhasahāyo pukkusāti adisvāva evarūpaṃ paṇṇākāraṃ pesesi, yuttaṃ evarūpaṃ mittam kātu”nti attamano ahoṣi. Rājā ekamekaṃ kambalaṃ agghāpesi, sabbe anagghā ahesuṃ. Tesu cattāro sammāsambuddhassa pesesi, cattāro attano ghare akāsi. Tato cintesi – “pacchā pesentena paṭṭhamam pesitapaṇṇākārato atirekaṃ pesetuṃ vaṭṭati, sahāyena ca me anaggho paṇṇākāro pesito, kiṃ nu kho pesemī”ti?

Kim pana rājagahe tato adhikaṃ ratanaṃ natthīti? No natthi, mahāpuñño rājā, apica kho panassa sotāpannakālato paṭṭhāya ṭhapetvā tīṇi ratanāni aññaṃ ratanaṃ somanassaṃ janetuṃ samattham nāma natthi. So ratanaṃ vicinituṃ āradhho – ratanaṃ nāma saviññāṇakaṃ aviññāṇakanti duvidham. Tattha aviññāṇakaṃ suvaṇṇarajatādi, saviññāṇakaṃ indriyabaddham. Aviññāṇakaṃ saviññāṇakasessa alaṅkāradivasena paribhogam hoti, iti imesu dvīsu ratanesu saviññāṇakaṃ seṭṭham. Saviññāṇakampi duvidham tiracchānaratanam manussaratananti. Tattha tiracchānaratanam hatthiassaratanam, tampi manussānam upabhogathameva nibbattati, iti imesupi dvīsu manussaratanam seṭṭham. Manussaratanampi duvidham itthiratanam purisaratananti. Tattha cakkavattino rañño uppannam itthiratanampi purisasseva upabhogam. Iti imesupi dvīsu purisaratanameva seṭṭham.

Purisaratanampi duvidham agāriyaratanaṃ anagāriyaratanañca. Tattha agāriyaratanesupi cakkavattirājā ajja pabbajitasāmaṇeraṃ pañcapaṭiṭṭhitena vandati, iti imesupi dvīsu anagāriyaratanameva seṭṭham. Anagāriyaratanaṃ duvidham sekkharatanañca asekkharatanañca. Tattha satasahassampi sekkhānam asekkhassa padesam na pāpuṇāti, iti imesupi dvīsu asekkharatanameva seṭṭham. Tampi duvidham buddharatanam sāvakaratananti. Tattha satasahassampi sāvakaratanānam buddharatanassa padesam na pāpuṇāti, iti imesupi dvīsu buddharatanameva seṭṭham.

Buddharatanampi duvidham paccekabuddharatanam sabbaññubuddharatananti. Tattha satasahassampi paccekabuddhānam sabbaññubuddhassa padesam na pāpuṇāti, iti imesupi dvīsu sabbaññubuddharatanameva seṭṭham. Sadevakasmiñhi loke buddharatanasamaṃ ratanaṃ nāma natthi. Tasmā asadisameva ratanaṃ mayham sahāyassa pesessāmīti cintetvā takkasīlavāsino pucchi – “tātā tumhākaṃ janapade buddho dhammo saṅgho imāni tīṇi ratanāni dissantī”ti. Ghosopi so mahārāja tāva tattha natthi, dassanam pana kutoti.

“Sundaram tātā”ti rājā tuṭṭho cintesi – “sakkā bhaveyya janasaṅgahatthāya mayham sahāyassa vasanaṭṭhānam sammāsambuddham pesetuṃ, buddhā pana paccantimesu janapadesu na aruṇam uṭṭhapenti. Tasmā satthārā gantuṃ na sakkā. Sāriputtamoggallānādayo mahāsāvake pesetuṃ sakkā bhaveyya. Mayā pana ‘therā paccante vasantī’ti sutvāpi manusse pesetvā te attano samīpaṃ āṇāpetvā upaṭṭhātumeva yuttaṃ. Tasmā na therehipi sakkā gantuṃ. Yena panākārena sāsane pesite satthā ca mahāsāvaka ca gatā viya honti, tenākārena sāsanaṃ paṇiṇissāmī”ti. Cintetvā caturatanāyānam vidatthimattaputhulam nātitanam nātibahalam suvaṇṇapaṭṭam kārāpetvā “tattha ajja akkharāni likhissāmī”ti. Pātova sīsam nhāyitvā uposathaṅgāni adhiṭṭhāya bhuttapātarāso apanītagandhamālābharaṇo suvaṇṇasarakena jātihiṅgulikaṃ ādāya heṭṭhato paṭṭhāya dvārāni pidahanto pāsādamāruya pubbadisāmukham sīhapañjaram vivaritvā ākāsatale nisīditvā suvaṇṇapaṭṭe akkharāni likhanto – “idha tathāgato loke uppanno araham sammāsambuddho vijjācaraṇasampanno sugato lokavidū anuttaro purisadammasārathi satthā devamanussānam buddho bhagavā”ti. Buddhaguṇe tāva ekadesena likhi.

Tato “evaṃ dasa pāramiyo pūretvā tusitabhavanato cavitvā mātukucchimhi paṭisandhim gaṇhi, evaṃ lokavivaraṇam ahoṣi, mātukucchiyam vasamāne idam nāma ahoṣi, agāramajjhe vasamāne idam nāma ahoṣi, evaṃ mahābhikkhamaṃ nikkhanto evaṃ mahāpadhānam padahi. Evaṃ dukkarakārikaṃ katvā mahābodhimaṇḍam āruya aparājitaṭṭhānaṃ nisinna sabbaññutaññaṃ paṭivijjhi, sabbaññutaññaṃ paṭivijjhantassa evaṃ lokavivaraṇam ahoṣi. Sadevake loke aññaṃ evarūpaṃ ratanaṃ nāma natthīti.



Yaṃkiñci vittaṃ idha vā huraṃ vā,  
 Saggesu vā yaṃ ratanaṃ paṇītaṃ;  
 Na no samaṃ atthi tathāgatena,  
 Idampi buddhe ratanaṃ paṇītaṃ;  
 Etena saccena suvatthi hotū’’ti. (khu. pā. 6.3; su. ni. 226) –

Evam ekadesena buddhaguṇepi likhitvā dutiyaṃ **dhammaratanaṃ** thomento – “svākkhāto bhagavatā dhammo...pe... paccattaṃ veditabbo viññūhī’’ti. “Cattāro satipaṭṭhānā...pe... ariyo aṭṭhaṅgiko maggo’’ti. “Sattārā desitadhammo nāma evarūpo ca evarūpo cā’’ti sattatiṃsa bodhipakkhiye ekadesena likhitvā –

“Yaṃ buddhaseṭṭho parivaṇṇayī sucīṃ,  
 Samādhimānantarikaññamāhu;  
 Samādhinā tena samo na vijjati,  
 Idampi dhamme ratanaṃ paṇītaṃ;  
 Etena saccena suvatthi hotū’’ti. (khu. pā. 6.5; su. ni. 228) –

Evam ekadesena dhammaguṇe likhitvā tatiyaṃ **saṅgharatanaṃ** thomento – “suppaṭipanno bhagavato sāvakaṅgho...pe... puññakkhettaṃ lokassā’’ti. “Kulaputtā nāma satthu dhammakathaṃ sutvā evaṃ nikkhamitvā pabbajanti, keci setacchattaṃ pahāya pabbajanti, keci uparajjaṃ, keci senāpatiṭṭhānādīni pahāya pabbajanti. Pabbajitvā ca pana imaṅca paṭipattiṃ pūrentī’’ti cūlasīlamajjhimasīlamahāsīlādīni ekadesena likhitvā chadvārasaṃvaramṃ satisampajaññaṃ catupaccayasantosamṃ navavidhamṃ senāsanamṃ, nīvaraṇappahānamṃ parikkammaṃ jhānābhīññā aṭṭhatiṃsa kammaṭṭhānāni yāva āsavakkhaya ekadesena likhi, soḷasavidhamṃ ānāpānassatikammaṭṭhānamṃ vitthāreṇeva likhitvā “satthu sāvakaṅgho nāma evarūpehi ca guṇehi samannāgato.

Ye puggalā aṭṭhasataṃ pasaṭṭhā,  
 Cattāri etāni yugāni honti;  
 Te dakkhiṇeyyā sugatassa sāvakā,  
 Etesu dinnāni mahapphalāni;  
 Idampi saṅghe ratanaṃ paṇītaṃ,  
 Etena saccena suvatthi hotū’’ti. (khu. pā. 6.6; su. ni. 229) –

Evam ekadesena saṅghaguṇe likhitvā – “bhagavato sāsanamṃ svākkhātamṃ niyyānikamṃ, sace mayhamṃ sahāyo sakkoti, nikkhamitvā pabbajātū’’ti likhitvā suvaṇṇapaṭṭamṃ saṃharitvā sukhumakambalena veṭhetvā sārasamugge pakkhipitvā taṃ samuggaṃ suvaṇṇamaye, suvaṇṇamayaṃ, rajatamaye rajatamayaṃ maṇimaye, maṇimayaṃ pavālamaye, pavālamayaṃ lohitaṅkamaye, lohitaṅkamayaṃ masāragallamaye, masāragallamayaṃ phalīkamaye, phalīkamayaṃ dantamaye, dantamayaṃ sabbaratanamaye, sabbaratanamayaṃ kilañjamaye, kilañjamayaṃ samuggaṃ sārakaṇḍake ṭhapesi.

Puna sārakaṇḍakamṃ suvaṇṇakaraṇḍaketi purimanayeneva haritvā sabbaratanamayaṃ karaṇḍakamṃ kilañjamaye karaṇḍake ṭhapesi. Tato kilañjamayaṃ karaṇḍakamṃ saramayaṭṭhāyati puna vuttanayeneva haritvā sabbaratanamayaṃ peḷamṃ kilañjamayaṭṭhāyati ṭhapesi bhi vatthena veṭhetvā rājamuddikāya lañchetvā amacce āṇāpesi – “mama āṇāpavattiṭṭhāne maggaṃ alaṅkārapetha maggo aṭṭhasabhavitthato hotu, catuṣabhaṭṭhānamṃ sodhitamattakameva hotu, majjhe catuṣabhamṃ rājānubhāvena paṭiyādethā’’ti. Tato maṅgalahatthimṃ alaṅkārapetvā tassa upari pallaṅkamṃ paññāpetvā setacchattaṃ ussāpetvā nagaravīthiyo sittasammaṭṭhā samussitaddhajaṭṭhā kādalīpuṇṇaghaṭṭagandhadhūmapupphādīhi suppaṭimaṇḍitā kāretvā “attano attano visayappadesa evarūpaṃ pūjamṃ kārentū’’ti antarabhogikānamṃ javanadūte pesetvā sayamṃ sabbālaṅkārena alaṅkaritvā – “sabbatālavacarasammissabalakāyaparivuto paṇṇākāramṃ pesemī’’ti attano visayapariyantamṃ gantvā amaccassa mukhasāsanamṃ adāsi – “tāta mayhamṃ sahāyo pukkusāti imaṃ paṇṇākāramṃ paṭicchanto orodhamajjhe apaṭicchitvā pāsādamṃ āruya

paṭicchātū’’ti. Evaṃ sāsanaṃ datvā paccantadesaṃ satthā gacchatīti pañcapaṭiṭṭhitena vanditvā nivatti. Antarabhogikā teneva niyāmena maggaṃ paṭiyādetvā paṇṇākāraṃ nayiṃsu.

Pukkusātipi attano rajjasīmato paṭṭhāya teneva niyāmena maggaṃ paṭiyādetvā nagaraṃ alaṅkārapetvā paṇṇākāraṃ paccuggamaṃ akāsi. Paṇṇākāro takkasīlaṃ pāpuṇanto uposathadivase pāpuṇi, paṇṇākāraṃ gahetvā gataamaccopi rañño vuttasāsanaṃ ārocesi. Rājā taṃ sutvā paṇṇākārena saddhiṃ āgatānaṃ kattabbakiccaṃ vicāretvā paṇṇākāraṃ ādāya pāsādaṃ āruya ‘‘mā idha koci pavisatū’’ti dvāre ārakkhaṃ kāretvā sīhapañjaraṃ vivaritvā paṇṇākāraṃ uccāsane ṭhapetvā sayāṃ nīcāsane nisinna lañchanaṃ bhinditvā nivāsanaṃ apanetvā kilañjapeḷato paṭṭhāya anupubbena vivaranto sāramayaṃ samuggaṃ disvā cintesi – ‘‘mahāparihāro nāyaṃ aññassa ratanassa bhavissati, addhā majjhimadesa sotabbayuttakaṃ ratanaṃ uppanna’’nti. Atha taṃ samuggaṃ vivaritvā rājalañchanaṃ bhinditvā sukhumakambalaṃ ubhato viyūhitvā suvaṇṇapaṭṭaṃ addasa.

So taṃ pasāretvā – ‘‘manāpāni vata akkharāni samasīsāni samapantīni caturassāni’’tiādito paṭṭhāya vācetum ārabhi. Tassa – ‘‘idha tathāgato loke uppanno’’ti buddhaguṇe vācentassa balavasomanassaṃ uppajji, navanavutilomakūpasahassāni uddhaggaḷomāni ahesum. Attano ṭhitabhāvaṃ vā nisinnabhāvaṃ vā na jānāti. Athassa – ‘‘kappaḷoṭisatasahashepi etaṃ dullabhasāsanaṃ sahāyaṃ nissāya sotum labhāmī’’ti bhiyyo balavapīti udapādi. So hi upari vācetum asakkonto yāva pīṭivegapassaddhiyā nisīditvā parato – ‘‘svākkhāto bhagavatā dhammo’’ti dhammaguṇe ārabhi. Tatrāpissa tatheva ahoṣi. So puna yāva pīṭivegapassaddhiyā nisīditvā parato ‘‘suppaṭipanno’’ti saṅhaguṇe ārabhi. Tatrāpissa tatheva ahoṣi. Atha sabbapariyante ānāpānassatikammaṭṭhānaṃ vācetvā catukkapañcakajjhānāni nibbatesi, so jhānasukheneva vītināmesi. Añño koci daṭṭhum na labhati, ekova cūḷupaṭṭhāko pavisati. Evaṃ addhamāsamattaṃ vītināmesi.

Nāgarā rājaṅgaṇe sannipatitvā ukkuṭṭhiṃ akaṃsu ‘‘paṇṇākāraṃ paṭicchitadivasato paṭṭhāya baladassanaṃ vā nāṭakadassanaṃ vā natthi, vinicchayaḍānaṃ natthi, rājā sahāyena pahitaṃ paṇṇākāraṃ yassicchati tassa dassetu, rājāno nāma ekaccassa paṇṇākāravasenapī vañcetvā rajjaṃ attano kātum vāyamanti. Kiṃ nāma amhākaṃ rājā karotī’’ti? Rājā ukkuṭṭhisaddaṃ sutvā – ‘‘rajjaṃ nu kho dhāremi, udāhu satthāra’’nti cintesi. Athassa etadahosi – ‘‘rajjakārītaattabhāvo nāma neva gaṇakena, na gaṇakamahāmattena gaṇetum sakko. Satthusāsanaṃ dhāressāmī’’ti sayane ṭhapitaṃ asiṃ gahetvā kese chinditvā sīhapañjaraṃ vivaritvā – ‘‘etaṃ gahetvā rajjaṃ kārethā’’ti saddhiṃ cūḷamaṇiṇā kesakalāpaṃ parisamajjhe pātesi, mahājano taṃ ukkhipitvā – ‘‘sahāyakasantikā laddhapaṇṇākārā nāma rājāno tumhādisā honti devā’’ti ekappahāreṇeva viravi. Raññoopi dvaṅgulamattaṃ kesamassu ahoṣi. Bodhisattassa pabbajjāsadisameva kira jātaṃ.

Tato cūḷupaṭṭhākaṃ pesetvā antarāpaṇā dve kāsāyavattāni mattikāpattañca āharāpetvā – ‘‘ye loke arahanto, te uddissa mayhaṃ pabbajjā’’ti satthāraṃ uddissa ekaṃ kāsāvaṃ nivāsetvā ekaṃ pārupitvā pattaṃ vāmaṃsakūṭe katvā kattaradaṇḍaṃ gahetvā – ‘‘sobhati nu kho me pabbajjā no vā’’ti mahātale katipayavāre aparāparaṃ caṅkamitvā – ‘‘sobhati me pabbajjā’’ti dvāraṃ vivaritvā pāsādā otari. Otarantaṃ pana naṃ tīsu dvāresu ṭhitanāṭakādīni disvāpi na sañjāniṃsu. ‘‘Eko paccekabuddho amhākaṃ rañño dhammakathaṃ kathetum āgato’’ti kira cintayiṃsu. Uparipāsādaṃ pana āruya rañño ṭhitanisinnaṭṭhānāni disvā rājā gatoti ñatvā samuddamajjhe osīdamānāya nāvāya jano viya ekappahāreṇeva viraviṃsu. Kulaputtaṃ bhūmitalaṃ otiṇṇamattaṃ aṭṭhārasaseniyo sabbe nāgarā balakāyā ca parivāretvā mahāviraṃ viraviṃsu. Amaccāpi taṃ etadavocum – ‘‘deva majjhimadesarājāno nāma bahumāyā, sāsanaṃ pesetvā buddharatanaṃ nāma loke uppannaṃ vā no vāti ñatvā gamissatha, nivattatha devā’’ti. Saddahāmahaṃ mayhaṃ sahāyakassa, tassa mayā saddhiṃ dvejjhavacanaṃ nāma natthi, tiṭṭhatha tumheti. Te anugacchantiyeva.

Kulaputto kattaradaṇḍena lekhaṃ katvā – ‘‘idaṃ rajjaṃ kassā’’ti āha? Tumhākaṃ devāti. Yo imaṃ lekhaṃ antaraṃ karoti, rājānāya kāretabboti. Mahājanakajātake bodhisattena katalekhaṃ sīvalidevī antaraṃ kātum avisahantī vivattamānā agamāsi. Tassā gatamaggena mahājano agamāsi. Taṃ pana

lekhaṃ mahājano antaraṃ kātuṃ na visahi, lekhaṃ ussāsakaṃ katvā vivattamānā viraviṃsu. Kulaputto “ayaṃ me gatattḥāne dantakaṭṭhaṃ vā mukhodakaṃ vā dassatī”ti antamaso ekacetakampi aggahetvā pakkāmi. Evaṃ kirassa ahosi “mama satthā ca mahābhinnikkhamaṇaṃ nikkhamitvā ekakova pabbajito”ti ekakova agamāsi. “Satthu lajjāmī”ti ca – “satthā kira me pabbajitvā yānaṃ nāruḷho”ti ca antamaso ekapaṭalikampi upāhanaṃ nāruhi, paṇṇacchattakampi na dhāresi. Mahājano rukkhaṇṇakāraṭṭālakādīni āruya esa amhākaṃ rājā gacchatīti olokesi. Kulaputto – “dūraṃ gantabbaṃ, na sakkā ekena maggo nittharitu”nti ekaṃ satthavāhaṃ anubandhi. Sukhumālassa kulaputtassa kaṭṭhinatattāya pathaviyā gachantassa pādātalesu phoṭṭā utṭhahitvā bhijjanti, dukkhā vedanā uppajjanti. Satthavāhe khandhāvāraṃ bandhitvā nisinne kulaputto maggā okkamma ekasmiṃ rukkhamūle nisīdati. Nisinnatṭhāne pādaparikkammaṃ vā piṭṭhiparikkammaṃ vā kattā nāma natthi, kulaputto ānāpānacatutthajjhānaṃ samāpajjitvā maggadārathakilamathaparilāhaṃ vikkhambhetvā jhānaratiyā vītināmeti.

Punadivase utṭhite aruṇe sarīrapaṭijagganaṃ katvā puna satthavāhaṃ anubandhati. Pātarāsakāle kulaputtassa pattaṃ gahetvā khādānīyaṃ bhojanīyaṃ patte pakkhipitvā denti. Taṃ uttaṇḍulampi hoti kilinnampi samasakkharampi aloṇātiloṇampi, kulaputto pavisanatṭhānaṃ paccavekkhitvā amataṃ viya paribhuñjitvā etena niyāmena atṭhahi ūnakāni dve yojanasatāni gato. Jetavanadvārakoṭṭhakassa pana samīpena gacchantopi – “kahaṃ satthā vasatī”ti nāpucchi. Kasmā? Satthugāravena ceva rañño pesitasāsanavasena ca. Rañño hi – “idha tathāgato loke uppajjatī”ti satthāraṃ rājagahe uppannaṃ viya katvā sāsanaṃ pesitaṃ, tasmā naṃ apucchitvāva pañcacattālīsajoyanamattaṃ maggaṃ atikkanto. So sūriyatthaṅgamanavelāya rājagahaṃ patvā satthā kahaṃ vasatīti pucchi. Kuto nu, bhante, āgatoti? Ito uttaratoti. Satthā tuyhaṃ āgatamagge ito pañcacattālīsajoyanamatte sāvatti nāma atthi, tattha vasatīti. Kulaputto cintesi – “idāni akālo na sakkā gantuṃ, ajja idheva vasitvā sve satthu santikaṃ gamissāmī”ti. Tato – “vikāle sampattapabbajitā kahaṃ vasantī”ti pucchi. Imāya kumbhakārasālāya, bhanteti. Atha so taṃ kumbhakāraṃ yācitvā tattha vāsathāya pavisitvā nisīdi.

Bhagavāpi taṃdivasaṃ paccūsakāle lokaṃ volokento pukkusātiṃ disvā cintesi – “ayaṃ kulaputto sahāyena pesitaṃ sāsanaṃ attakāṃ vācētvā atirekatiyojanasatikāṃ mahārajjāṃ pahāya maṃ uddissa pabbajitvā atṭhahi ūnakāni dve yojanasatāni atikkamma rājagahaṃ pāpuṇissati, mayi agacchante pana tīṇi sāmāññaphalāni appaṭivijjhānitvā ekarattivāsena anāthakālākiriyaṃ karissati, mayi pana gate tīṇi sāmāññaphalāni paṭivijjhissati. Janasaṅgahattḥāyeva pana mayā satasahassakappādhikāni cattāri asaṅkhyeyyāni pāramiyo pūritā, karissāmi tassa saṅgaha”nti pātova sarīrapaṭijagganaṃ katvā bhikkhusaṅghaparivuto sāvattiyāṃ piṇḍāya caritvā pacchābhattaṃ piṇḍapātappaṭikkanto gandhakuṭiṃ pavisitvā muhuttaṃ attadarathakilamathaṃ paṭipassambhetvā – “kulaputto mayi gāravena dukkaraṃ akāsi, atirekajoyanasataṃ rajjaṃ pahāya antamaso mukhadhovanadāyakaṃ ceṭakaṃ aggahetvā ekakova nikkhanto”ti sārīputtamahāmoggallānādīsu kañci anāmantetvā sayameva attano pattacīvaram gahetvā ekakova nikkhanto. Gacchanto ca neva ākāse uppati, na pathaviṃ samkhipi, – “kulaputto mama lajjamāno hatthiassarathasuvaṇṇasivikādīsu ekayānēpi anisīditvā antamaso ekapaṭalikaṃ upāhanampi anāruya paṇṇacchattakampi aggahetvā nikkhanto, mayāpi padasāva gantuṃ vaṭṭatī”ti pana cintetvā padasāva agamāsi.

So asīti anubyañjanāni byāmapabbhā bāttiṃsa mahāpurisalakkhaṇānīti imaṃ buddhasiriṃ paṭicchādetvā valāhakaṇṇacchanno puṇṇacando viya aññatarabhikkhavesena gacchanto ekapaccābhatteneva pañcacattālīsa yojanāni atikkamma sūriyatthaṅgamālīvelāya kulaputte pavitṭhamatteyeva taṃ kumbhakārasālaṃ pāpuṇi. Taṃ sandhāya vuttaṃ – “tena kho pana samayena, pukkusāti, nāma kulaputto bhagavantaṃ uddissa saddhāya agārasmā anagāriyaṃ pabbajito, so tasmīṃ kumbhakārasānesane paṭhamāṃ vāsūpagato hotī”ti.

Evaṃ gantvāpi pana bhagavā – “ahaṃ sammāsambuddho”ti pasayha kumbhakārasālaṃ apavisitvā dvāre thitova kulaputtaṃ okāsaṃ kārento **sace te bhikkhūti**ādīmāha. **Urundanti** vivittaṃ asambādhaṃ. **Viharatāyasmā yathāsukhanti** yena yena iriyāpathena phāsu hoti, tena tena yathāsukhaṃ āyasmā

viharatūti okāsaṃ akāsi. Atirekatiyojanasatañhi rajjaṃ pahāya pabbajito kulaputto parassa chaḍḍitapatitaṃ kumbhakārasālaṃ kiṃ aññassa sabrahmacārino maccharāyissati. Ekacce pana moghapurisā sāsane pabbajitvā āvāsamacchariyādīhi abhibhūtā attano vasanaṭṭhāne mayhaṃ kuṭi mayhaṃ pariveṇanti aññesaṃ avāsāya parakkamanti. **Nisīdīti** accantasukhumālo lokanātho devavimānasadisam gandhakuṭiṃ pahāya tattha tattha vippakinnachārikāya bhinnabhājanatiṇapalāsakukkuṭasūkaravaccādisaṃkiliṭṭhāya saṅkāraṭṭhānasadisāya kumbhakārasālāya tiṇasanthāraṃ santharivā paṃsukūlacīvaram paññapetvā devavimānasadisam dibbagandhasugandham gandhakuṭiṃ pavisitvā nisīdanto viya nisīdi.

Iti bhagavāpi asambhinnamahāsammatavaṃse uppanno, kulaputtopi khattiyagabbhe vaḍḍhito. Bhagavāpi abhinīhārasampanno, kulaputtopi abhinīhārasampanno. Bhagavāpi rajjaṃ pahāya pabbajito, kulaputtopi. Bhagavāpi suvaṇṇavaṇṇo, kulaputtopi. Bhagavāpi samāpattilābhī, kulaputtopi. Iti dvepi khattiyā dvepi abhinīhārasampannā dvepi rājapabbajitā dvepi suvaṇṇavaṇṇā dvepi samāpattilābhino kumbhakārasālaṃ pavisitvā nisinnāti tehi kumbhakārasālā ativiya sobhati, dvīhi sīhādīhi pavitṭhaguhādīhi āharitvā dīpetabbaṃ. Tesu pana dvīsu bhagavā – “sukhumālo ahaṃ paramasukhumālo ekapacchābhattena pañcacattālīsa yojanāni āgato, muhuttaṃ tāva sīhaseyyaṃ kappetvā maggadarathaṃ paṭipassambhemī”ti cittampi anuppādetvā nisīdantova phalasaṃpattim samāpajji. Kulaputtopi – “dvānavutiyojanasataṃ āgatomhi, muhuttaṃ tāva nipajjitvā maggadarathaṃ vinodemī”ti cittaṃ anuppādetvā nisīdamānova ānāpānecatutthajjhānaṃ samāpajji. Idaṃ sandhāya **atha kho bhagavā bahudeva rattintiādi vuttaṃ.**

Nanu ca bhagavā kulaputtassa dhammaṃ desessāmīti āgato, kasmā na desesīti? Kulaputtassa maggadaratho appaṭipassaddho, na sakkhissati dhammadesanaṃ sampaṭicchitum, so tāvassa paṭipassambhatūti na desesi. Apare – “rājagahaṃ nāma ākiṇṇamanussaṃ avivittaṃ dasahi saddehi, so saddo diyaḍḍhayāmamattena sannisīdati, taṃ āgamento na desesi”ti vadanti. Taṃ akāraṇaṃ, brahmalokappamāṇampi hi saddaṃ bhagavā attano ānubhāvena vūpasametum sakkoti, maggadarathavūpasamaṃ āgamentoyeva pana na desesi.

Tattha **bahudeva rattinti** diyaḍḍhayāmamattaṃ. **Etadahosīti** bhagavā phalasaṃpattito vuṭṭhāya suvaṇṇavimāne maṇisīhapañjaraṃ vivaranto viya pañcapasādappaṭimaṇḍitāni akkhīni ummīletvā olokesi, athassa hatthakukkucapādakukkucasīsakampanavirahitaṃ sunikhātaindakhīlaṃ viya niccalaṃ avibbhantaṃ suvaṇṇapaṭimaṃ viya nisinnaṃ kulaputtaṃ disvā etaṃ – “pāsādikaṃ kho”tiādi ahoṣi. Tattha **pāsādikaṃ** pasādāvahaṃ. Bhāvanapuṃsakaṃ panetaṃ, pāsādikena iriyāpathena iriyati. Yathā iriyato iriyāpatho pāsādiko hoti, evaṃ iriyatīti ayamettha attho. Catūsu hi iriyāpathesu tayo iriyāpathā na sobhanti. Gacchantassa hi bhikkhuno hatthā calanti, pādā calanti, sīsaṃ calati, ṭhitassa kāyo thaddho hoti, nipannassāpi iriyāpatho amanāpo hoti, pacchābhatte pana divāṭṭhānaṃ sammajjitvā cammakhaṇḍaṃ paññapetvā sudhotahatthapādassa catusandhikapallaṅkaṃ ābhujitvā nipannasseva iriyāpatho sobhati. Ayañca kulaputto pallaṅkaṃ ābhujitvā ānāpānecatutthajjhānaṃ appetvā nisīdi. Itissa iriyāpatheneva pasanno bhagavā – “pāsādikaṃ kho”ti parivitakkesi.

**Yaṃnūnāhaṃ puccheyyanti** kasmā pucchati? Kiṃ bhagavā attānaṃ uddissa pabbajitabhāvaṃ na jānātīti? No na jānāti, apucchite pana kathā na paṭiṭṭhāti, apatiṭṭhitāya kathāya kathā na sañjāyatīti kathāpaṭiṭṭhāpanatthaṃ pucchi.

**Disvā ca pana jāneyyāsīti** tathāgataṃ buddhasiriyā virocantaṃ ayaṃ buddhoti sabbe jānanti. Anacchariyametaṃ jānanaṃ, buddhasiriṃ pana paṭicchādetvā aññatarapiṇḍapātikavesena caranto dujjāno hoti. Iccāyasmā, pukkusāti, “na jāneyya”nti sabhāvameva katheti. Tathā hi naṃ ekakumbhakārasālāya nisinnampi na jānāti.

**Etadahosīti** maggadarathassa vūpasamabhāvaṃ ñatvā ahoṣi. **Evamāvusoti** kulaputto sahāyena pesitaṃ sāsanamattaṃ vācetvā rajjaṃ pahāya pabbajamāno – “dasabalassa madhuradhammadesanaṃ

sotum labhissāmī”ti. Pabbajito, pabbajitvā ettakam addhānam āgacchanto – “dhammam te bhikkhu desessāmī”ti padamattassa vattāram nālattha, so “dhammam te bhikkhu desessāmī”ti vuttam kiṃ sakkaccaṃ na suñissati. Pipāsitasoṇḍo viya hi pipāsitahatthī viya cāyam, tasmā sakkaccaṃ savanam paṭijānanto “evamāvuso”ti āha.

**343. Chadhāturo ayanti** bhagavā kulaputtassa pubbabhāgapaṭipadam akathetvā āditova arahattassa padaṭṭhānabhūtam accantasunñatam vipassanālakkhaṇameva ācikkhitum āraddho. Yassa hi pubbabhāgapaṭipadā aparisuddhā hoti, tassa paṭhamameva sīlasamvaram indriyesu guttadvāratam bhojane mattaññutam jāgariyānuyogam satta saddhamme cattāri jhānānīti imam pubbabhāgapaṭipadam ācikkhati. Yassa panesā parisuddhā, tassa tam akathetvā arahattassa padaṭṭhānabhūtam vipassanameva ācikkhati. Kulaputtassa ca pubbabhāgapaṭipadā parisuddhā. Tathā hi anena sāsanaṃ vācetvā pāsādaragateneva ānāpānecatutthajjhānam nibbattitam, yadassa dvānavutiyojanasabham āgacchantassa yānakiccaṃ sādhesi, sāmaṇerasīlampissa paripunnam. Tasmā pubbabhāgapaṭipadam akathetvā arahattassa padaṭṭhānabhūtam accantasunñatam vipassanālakkhaṇamevassa ācikkhitum āraddho.

Tattha **chadhāturoti** dhātuyo vijjamānā, puriso avijjamāno. Bhagavā hi katthaci vijjamānena avijjamānam dasseti, katthaci avijjamānena vijjamānam, katthaci vijjamānena vijjamānam, katthaci avijjamānena avijjamānanti sabbāsava vuttanayeneva vitthāretabbaṃ. Idha pana vijjamānena avijjamānam dasseto evamāha. Sace hi bhagavā purisoti paṇṇattim vissajjetvā dhātuyo icceva vatvā cittaṃ upaṭṭhāpeyya, kulaputto sandeham kareyya, sammoham āpajjeyya, desanaṃ sampatichhitum na sakuṇeyya. Tasmā tathāgato anupubbena purisoti paṇṇattim pahāya “sattoti vā purisoti vā puggaloti vā paṇṇattimattameva, paramatthato satto nāma natthi, dhātumatteyyeva cittaṃ ṭhapāpetvā tīṇi phalāni paṭivijjhāpessāmī”ti anaṅgaṇasutte (ma. ni. 1.57 ādayo) vuttabhāsantarakusalo tāya tāya bhāsāya sippam uggaṇhāpento ācariyo viya evamāha.

Tattha cha dhātuyo assāti **chadhāturo**. Idam vuttam hoti – yaṃ tvaṃ purisoti sañjānāsi, so chadhātuko, na cettha paramatthato puriso atthi, purisoti pana paṇṇattimattamevāti. Sesapadesupi eseva nayo. **Caturādhiṭṭhānoti** ettha adhiṭṭhānam vuccati paṭiṭṭhā, catupaṭiṭṭhānoti attho. Idam vuttam hoti – svāyam bhikkhu puriso chadhāturo chaphassāyatano aṭṭhārasamanopavicāro, so ettova vivaṭṭitvā uttamasiddhibhūtam arahattam gaṇhamāno imesu catūsu ṭhānesu paṭiṭṭhāya gaṇhātīti caturādhiṭṭhānoti. **Yattha ṭhitanti** yesu adhiṭṭhānesu paṭiṭṭhitam. **Maññassa vā nappavattantīti** maññassa vā mānassa vā nappavattanti. **Muni santoti vuccatīti** khīṇāsavamuni upasanto nibbutoti vuccati. **Paññam nappamajjeyyāti** arahattaphalapaññāya paṭivijjhanattham āditova samādhivipassanāpaññam nappamajjeyya. **Saccamanurakkheyyāti** paramatthasaccassa nibbānassa sacchikiriyattham āditova vacīsaccaṃ rakkheyya. **Cāgamanubrūheyyāti** arahattamaggena sabbakilesapariccāgakaraṇattham āditova kilesapariccāgam brūheyya. **Santimeva so sikkheyyāti** arahattamaggena sabbakilesavūpasamanattham āditova kilesavūpasamanam sikkheyya. Iti paññādhiṭṭhānādīnam adhigamattāya imāni samathavipassanāpaññādīni pubbabhāgādhiṭṭhānāni vuttāni.

**345. Phassāyatananti** phassassa āyatanam, ākaroti attho. **Paññādhiṭṭhānanti**ādīni pubbe vuttānam arahattaphalapaññādīnam vasena veditabbāni.

**348.** Idāni nikkhattamātikāvasena “yattha ṭhitam maññassa vā nappavattantī”ti vattabam bhaveyya, arahatte pana patte puna “paññam nappamajjeyyā”tiādīhi kiccaṃ natthi. Iti bhagavā mātikam uppaṭipāṭidhātukam ṭhapetvāpi yathādhammavaseneva vibhaṅgam vibhajanto **paññam nappamajjeyyāti**ādīmāha. Tattha ko paññam pamajjati, ko nappamajjati? Yo tāva imasmim sāsane pabbajitvā vejjakammādivasena ekavīsatividhāya anesanāya jīvikam kappento pabbajjānurūpena cittuppādam ṭhapetum na sakkoti, ayam paññam pamajjati nāma. Yo pana sāsane pabbajitvā sīle paṭiṭṭhāya buddhavacanaṃ uggaṇhitvā sappāyam dhutaṅgam samādāya cittarucitam kammaṭṭhānam gahetvā vivittaṃ senāsanam nissāya kasiṇaparikkammaṃ katvā samāpattim patvā ajeva arahattanti

vipassanaṃ vaḍḍhetvā vicarati, ayaṃ paññaṃ nappamajjati nāma. Imasmiṃ pana sutte dhātukammaṭṭhānavasena esa paññāya appamādo vutto. Dhātukammaṭṭhāne panettha yaṃ vattabbaṃ, taṃ heṭṭhā hatthipadopamasuttādīsu vuttameva.

**354. Athāparaṃ viññāṇaṃyeva avasissatī** ayampettha paṭiyekko anusandhi. Heṭṭhato hi rūpakammaṭṭhānaṃ kathitaṃ, idāni arūpakammaṭṭhānaṃ vedanāvasena nibbattetvā dassetuṃ ayaṃ desanā āradhā. Yaṃ vā panetaṃ imassa bhikkhuno pathavīdhātuādīsu āgamaniyavipassanāvasena kammakāravīññāṇaṃ, taṃ viññāṇadhātuvasena bhājetvā dassentopi imaṃ desanaṃ ārabhi. Tattha **avasissatī** kimatthāya avasissati? Satthu kathanatthāya kulaputtassa ca paṭivijjhanatthāya avasissati. **Parisuddhanti** nirupakkilesaṃ. **Pariyodātanti** pabhassaraṃ. **Sukhantipi vijjānātī** sukhavedanaṃ vedayamāno sukhavedanaṃ vedayāmīti pajānāti. Sesapadadvayesupi eseva nayo. Sace pañāyaṃ vedanākathā heṭṭhā na kathitā bhaveyya, idha ṭhatvā kathetuṃ vaṭṭeyya. Satipaṭṭhāne panesā kathitāvātī tattha kathitanayeneva veditabbā. **Sukhavedaniyanti** evamādi paccayavasena udayatthaṅgamanadassanattaṃ vuttaṃ. Tattha **sukhavedaniyanti** sukhavedanāya paccayabhūtaṃ. Sesapadesupi eseva nayo.

**360. Upekkhāyeva avasissatī** ettāvātā hi yathā nāma chekena maṇikārācariyena vajirasūciyā vijjhivā cammakhaṇḍe pātetvā pātetvā dinnamuttaṃ antevāsiko gahetvā gahetvā suttagataṃ karonto muttolambakamuttajālādīni karoti, evameva bhagavatā kathetvā kathetvā dinnam kammaṭṭhānaṃ ayaṃ kulaputto manasikaronto manasikaronto paṇaṃ akāsīti rūpakammaṭṭhānampissa arūpakammaṭṭhānampi paṇaṃ jātaṃ, atha bhagavā “athāparaṃ upekkhāyeva avasissatī”ti āha.

Kimatthaṃ pana avasissatī? Satthu kathanatthaṃ. Kulaputtassa paṭivijjhanatthantipi vadanti, taṃ na gahetabbaṃ. Kulaputtana hi sahāyassa sāsaṇaṃ vācetaṃ pāsādātale ṭhiteneva ānāpānecatutthajjhānaṃ nibbattitaṃ, yadassa ettakaṃ maggaṃ āgacchantassa yānakiccaṃ sādheti. Satthu kathanatthaṃyeva avasissati. Imasmiñhi ṭhāne satthā kulaputtassa rūpāvacarajjhāne vaṇṇaṃ kathesi. Idañhi vuttaṃ hoti “bhikkhu paṇaṃ tava idaṃ rūpāvacaracatutthajjhāna”nti. **Parisuddhātī**di tassāyeva upekkhāya vaṇṇabhāṇaṃ. **Ukkaṃ bandheyyāti** āṅārakapallaṃ sajjeyya. **Ālimpeyyāti** tattha āṅāre pakkhipitvā aggiṃ datvā nālīkāya dhamento aggiṃ jāleyya. **Ukkāmukhe pakkhipeyyāti** āṅāre viyūhitvā āṅāramatthake vā ṭhapeyya, tattake vā pakkhipeyya. **Nihaṭanti** nihaṭadosaṃ. **Ninnītakasāvanti** apanītakasāvaṃ. **Evameva khoti** yathā taṃ suvaṇṇaṃ icchiticchitāya piḷandhanavikatīyā saṃvattati, evameva ayaṃ tāva catutthajjhānupekkhā vipassanā abhiññā nirodho bhavokkantīti imesu yaṃ icchati, tassatthāya hotīti vaṇṇaṃ kathesi.

Kasmā pana bhagavā imasmiṃ rūpāvacaracatutthajjhāne nikantipariyādānatthaṃ avaṇṇaṃ akathetvā vaṇṇaṃ kathesīti. Kulaputtassa hi catutthajjhāne nikantipariyutthānaṃ balavaṃ. Sace avaṇṇaṃ katheyya, – “mayhaṃ pabbajitvā dvānavutiyojanasataṃ āgacchantassa imaṃ catutthajjhānaṃ yānakiccaṃ sādhesi, ahaṃ ettakaṃ maggaṃ āgacchanto jhānasukhena jhānaratīyā āgato, evarūpassa nāma pañītadhammassa avaṇṇaṃ katheti, jānaṃ nu kho katheti ajāna”nti kulaputto saṃsayamaṃ sammohaṃ āpajjeyya, tasmā bhagavā vaṇṇaṃ kathesi.

**361. Tadanudhammanti** ettha arūpāvacarajjhānaṃ dhammo nāma, taṃ anugataṭṭā rūpāvacarajjhānaṃ **anudhammoti** vuttaṃ. Vipākajjhānaṃ vā dhammo, kusalajjhānaṃ anudhammo. **Tadupādānāti** taggahaṇā. **Ciraṃ dīghamaddhānanti** vīsaticappasahassāni. Vipākavasena hetamaṃ vuttaṃ. Ito uttarimpi eseva nayo.

**362.** Evaṃ catūhi vārehi arūpāvacarajjhānaṃ vaṇṇaṃ kathetvā idāni tasseva ādīnaṃ dassento **so evaṃ pajānātī**tiādīmāha. Tattha **saṅkhatametanti** kiñcāpi ettha vīsaticappasahassāni āyu atthi, etaṃ pana saṅkhatamaṃ pakappitaṃ āyūhitamaṃ, karontena karīyatī, aniccaṃ adhuvaṃ asassataṃ tāvakālikaṃ, cavanaparibhedanavidhamaṃsanadhammaṃ, jātiyā anugataṃ, jarāya anusaṭṭamaṃ, maraṇena abbhāhataṃ, dukkhe patiṭṭhitaṃ, atānaṃ aleṇaṃ asaraṇaṃ asaraṇibhūtaṃ. Viññāṇaṅcāyatanādīsupi eseva nayo.

Idāni arahattanikūṭena desanaṃ gaṇhanto **so neva taṃ abhisankharotī**tiādīmāha. Yathā hi cheko bhisakko visavikāraṃ disvā vamaṇaṃ kāretvā viṣaṃ ṭhānato cāvetvā upari āropetvā khandhaṃ vā sīsaṃ vā gahetuṃ adatvā viṣaṃ otāretvā pathaviyaṃ pāteyya, evameva bhagavā kulaputtassa arūpāvacarajjhāne vaṇṇaṃ kathesi. Taṃ sutvā kulaputto rūpāvacarajjhāne nikantiṃ pariyādāya arūpāvacarajjhāne patthanaṃ ṭhapesi.

Bhagavā taṃ ñatvā taṃ asampattassa appaṭiladdhasseva bhikkhuno “atthesā ākāsānañcāyatanādīsu sampatti nāma. Tesañhi paṭhamabrahmaloke vīsaticappasahassāni āyu, dutiye cattālīsaṃ, tatiye saṭṭhi, catutthe caturāsīti kappasahassāni āyu. Taṃ pana aniccaṃ adhuvaṃ asassataṃ tāvakālikam, cavanaparibhedanavidhamaṇsanadhammaṃ, jātiyā anugataṃ, jarāya anusaṭṭam, maraṇena abbhāhatam, dukkhe patiṭṭhitam, atāṇaṃ aleṇaṃ asaraṇaṃ asaraṇībhūtam, ettakaṃ kālaṃ tattha sampattiṃ anubhavitvāpi puthujjanakālakiriyaṃ katvā puna catūsu apāyesu patitabba”nti sabbametaṃ ādīnavaṃ ekapadeneva “saṅkhatameta”nti kathesi. Kulaputto taṃ sutvā arūpāvacarajjhāne nikantiṃ pariyādiyi, bhagavā tassa rūpāvacarārūpāvacaresu nikantiyā pariyādinabhāvaṃ ñatvā arahattanikūṭaṃ gaṇhanto “so neva taṃ abhisankharotī”tiādīmāha.

Yathā vā paneko mahāyodho ekaṃ rājānaṃ ārādhetaṃ sataṣasassuṭṭhānakaṃ gāmaṃ labheyya, puna rājā tassānubhāvaṃ saritvā – “mahānubhāvo yodho, appakaṃ tena laddha”nti – “nāyaṃ tāta gāmo tuyhaṃ anucchaviko, aññaṃ catusataṣasassuṭṭhānakaṃ gaṇhāhi”ti dadeyya so sādhu devāti taṃ vissajjetvā itaraṃ gāmaṃ gaṇheyya. Rājā asampattameva ca naṃ pakkosāpetvā – “kiṃ te tena, ahivātarogo ettha uppajjati? Asukasmimṃ pana ṭhāne mahantaṃ nagaraṃ atthi, tattha chattaṃ ussāpetvā rajjaṃ kārehi”ti paṇeyya, so tathā kareyya.

Tattha rājā viya sammāsambuddho daṭṭhabbo, mahāyodho viya pukkusāti kulaputto, paṭhamaladdhagāmo viya ānāpānacatutthajjhānaṃ, taṃ vissajjetvā itaraṃ gāmaṃ gaṇhāhīti vuttakālo viya ānāpānacatutthajjhāne nikantiṃ pariyādānaṃ katvā āruppakathanam, taṃ gāmaṃ asampattameva pakkosāpetvā “kiṃ te tena, ahivātarogo ettha uppajjati? Asukasmimṃ ṭhāne nagaraṃ atthi, tattha chattaṃ ussāpetvā rajjaṃ kārehi”ti vuttakālo viya arūpe saṅkhatametanti ādīnavakathanena appattāsuyeva tāsu samāpattīsu patthanaṃ nivatthāpetvā upari arahattanikūṭena desanāgahaṇaṃ.

Tattha **neva abhisankharotī**ti nāyūhati na rāsīm karoti. **Na abhisāñcetayatī**ti na kappeti. **Bhavāya vā vibhavāya vāti** vuddhiyā vā parihāniyā vā, sassatucchedavasenaṃ piyojetabbaṃ. **Na kiñci loke upādiyatī**ti loke rūpādīsu kiñci ekadhammampi taṇhāya na gaṇhāti, na parāmasati. **Nāparaṃ itthattāyāti pajānāti**ti bhagavā attano buddhavisaye ṭhatvā desanāya arahattanikūṭaṃ gaṇhi. Kulaputto pana attano yathopanissayena tīṇi sāmāññaphalāni paṭivijjhi. Yathā nāma rājā suvaṇṇabhājanena nānārasabhojanaṃ bhuñjanto attano pamāṇena piṇḍaṃ vaṭṭetvā anke nisinnena rājakumārena piṇḍamhi ālaye dassite taṃ piṇḍaṃ upanāmeyya, kumāro attano mukhappamāṇeneva kabaḷaṃ kareyya, sesaṃ rājā sayam vā bhuñjeyya, pātiyaṃ vā pakkhipeyya, evaṃ dhammarājā tathāgato attano pamāṇena arahattanikūṭaṃ gaṇhanto desanaṃ desesi, kulaputto attano yathopanissayena tīṇi sāmāññaphalāni paṭivijjhi.

Ito pubbe panassa khandhā dhātuyo āyatanānīti evarūpaṃ accantasūññataṃ tilakkhaṇāhatam kathaṃ kathentassa neva kaṅkhā, na vimati, nāpi – “evaṃ kira taṃ, evaṃ me ācariyena vutta”nti iti kira na dandhāyitattaṃ na vitthāyitattaṃ atthi. Ekaccesu ca kira ṭhānesu buddhā aññātakavesena vicaranti, sammāsambuddho nu kho esoti ahudeva saṃsayo, ahu vimati. Yato anena anāgāmiphalaṃ paṭividdham, atha ayaṃ me satthāti niṭṭham gato. Yadi evaṃ kasmā accayaṃ na desesīti. Okāsābhāvato. Bhagavā hi yathānikkhattāya mātikāya acchinnadhāraṃ katvā ākāsagaṇaṃ otārento viya desanaṃ desesiyeva.

**363. Soti arahā. Anajjhositāti** gilitvā pariniṭṭhāpetvā gahetuṃ na yutthāti pajānāti. **Anabhinanditāti** taṇhādīṭṭhivasena abhinanditum na yuttāti pajānāti.

**364. Visamyutto naṃ vedetīti** sace hissa sukhavedanaṃ ārabba rāgānusayo, dukkhavedanaṃ ārabba paṭighānusayo, itaraṃ ārabba avijjānusayo uppajjeyya, saṃyutto vediyeyya nāma. Anuppajjanato pana visamyutto naṃ vedeti nissaṭṭo vippamutto. **Kāyapariyantikanti** kāyakoṭikaṃ. Yāva kāyapavattā uppajjitvā tato paraṃ anuppajjanavedananti attho. Dutiyapadepe eseva nayo. **Anabhinanditāni sītībhavissantīti** dvādasasu āyatanesu kilesānaṃ visevanassa natthitāya anabhinanditāni hutvā idha dvādasasuyeva āyatanesu nirujjhissanti. Kilesā hi nibbānaṃ āgamma niruddhāpi yattha natthi, tattha niruddhāti vuccanti. Svāyamattho – “etthesā taṇhā nirujjhamānā nirujjhatī”ti samudayaapañhena dīpetabbo. Tasmā bhagavā nibbānaṃ āgamma sītībhūtānīpi idheva sītībhavissantīti āha. Nanu ca idha vedayitāni vuttāni, na kilesāti. Vedayitānīpi kilesābhāveneva sītībhavanti. Itarathā nesam sītībhāvo nāma natthīti suvuttametam.

**365. Evameva khoti** ettha idaṃ opammaṃsandanaṃ – yathā hi eko puriso telapadīpassa jhāyato tele khīṇe telam āsiñcati, vaṭṭiyā khīṇāya vaṭṭim pakkhipati, evaṃ dīpasikhāya anupacchedova hoti, evameva puthujjano ekasmiṃ bhava tthito kusalākusalam karoti, so tena sugatiyañca apāyesu ca nibbattatiyeva, evaṃ vedanānaṃ anupacchedova hoti. Yathā paneko dīpasikhāya ukkaṇṭhito – “imaṃ purisaṃ āgamma dīpasikhā na upacchijjati”ti nilīno tassa purisassa sīsaṃ chindeyya, evaṃ vaṭṭiyā ca telassa ca anupahārā dīpasikhā anāhārā nibbāyati, evameva vaṭṭe ukkaṇṭhito yogāvacaro arahattamaggena kusalākusalam samucchindati, tassa samucchinnatā khīṇāsavassa bhikkhuno kāyassa bheda puna vedayitāni na uppajjantīti.

**Tasmāti** yasmā ādimhi samādhivipassanāpaññāhi arahattaphalapaññā uttaritarā, tasmā. **Evaṃ samannāgatoti** iminā uttamena arahattaphalapaññādhiṭṭhānena samannāgato. **Sabbadukkhakkhaye ñāṇaṃ** nāma arahattamagge ñāṇaṃ, imasmim pana sutte arahattaphale ñāṇaṃ adhippetam. Tenevāha **tassa sā vimutti sacce tthitā akuppā hotīti**.

**366.** Ettha hi **vimuttīti** arahattaphalavimutti, **saccanti** paramatthasaccaṃ nibbānaṃ. Iti akuppārammaṇakaraṇena **akuppāti** vuttā. **Musāti** vitathaṃ. **Mosadhammanti** nassanasabhāvaṃ. **Taṃ saccanti** taṃ avitathaṃ sabhāvo. **Amosadhammanti** anassanasabhāvaṃ.

**Tasmāti** yasmā ādito samathavipassanāvasena vacīsaccato dukkhasaccasamudayasaccehi ca paramatthasaccaṃ nibbānameva uttaritaraṃ, tasmā. **Evaṃ samannāgatoti** iminā uttamena paramatthasaccādhiṭṭhānena samannāgato.

**367. Pubbeti** puthujjanakāle. **Upadhī hontīti** khandhūpadhi kilesūpadhi abhisankhārūpadhi pañcakāmaguṇūpadhīti ime upadhayo hontī. **Samattā samādināti** paripūrā gahitā paramatṭhā. **Tasmāti** yasmā ādito samathavipassanāvasena kilesapariccāgato, sotāpattimaggādīhi ca kilesapariccāgato arahattamaggeneva kilesapariccāgo uttaritaro, tasmā. **Evaṃ samannāgatoti** iminā uttamena cāgādhiṭṭhānena samannāgato.

**368. Āghātoti**ādīsu āghātakaraṇavasena āghāto, byāpajjanavasena **byāpādo**, sampadussanavasena **sampadosoti** tīhi padehi dosākusalamūlameva vuttaṃ. **Tasmāti** yasmā ādito samathavipassanāvasena kilesavūpasamato, sotāpattimaggādīhi kilesavūpasamato ca arahattamaggeneva kilesavūpasamo uttaritaro, tasmā. **Evaṃ samannāgatoti** iminā uttamena upasamādhiṭṭhānena samannāgato.

**369. Maññitametanti** taṇhāmaññitaṃ mānamaññitaṃ diṭṭhimaññitanti tividhampi vaṭṭati. **Ayamahamasmīti** ettha pana ayamahanti ekaṃ taṇhāmaññitameva vaṭṭati. **Rogoti**ādīsu ābādhaṭṭhena **rogo**, antodosaṭṭhena **gaṇḍo**, anupaviṭṭhaṭṭhena **sallam**. **Muni santoti vuccatīti** khīṇāsavamuni santo nibbutoti vuccati. **Yattha tthitanti** yasmim tthāne tthitaṃ. **Samkhittenāti** buddhānaṃ kira sabbāpi dhammadesanā samkhittāva, vitthāradesanā nāma natthi, samantapaṭṭhānakathāpi samkhittāyeva. Iti bhagavā desanaṃ yathānusandhiṃ pāpesi. Ugghāṭitaññūtiādīsu pana catūsu puggalesu pukkusāti kulaputto vipañcitaññū, iti vipañcitaññūvasena bhagavā imaṃ dhātuvibhaṅgasuttaṃ kathesi.



**370. Na kho me, bhante, paripuṇṇaṃ pattacīvaranti** kasmā kulaputtassa iddhimayapattacīvaraṃ na nibbattanti. Pubbe aṭṭhannaṃ parikkhārānaṃ adinnatā. Kulaputto hi dinnadāno katābhinihāro, na dinnatāti na vattabbaṃ. Iddhimayapattacīvaraṃ pana pacchimabhavikānaṃyeva nibbattati, ayañca punapaṭisandhiko, tasmā na nibbattanti. Atha bhagavā sayaṃ pariyesitvā kasmā na upasampādesīti. Okāsābhāvato. Kulaputtassa āyu parikkhīnaṃ, suddhāvāsiko anāgāmī mahābrahmā kumbhakārasālaṃ āgantvā nisinno viya ahoṣi. Tasmā sayaṃ na pariyesi.

**Pattacīvarapariyesanaṃ pakkāmi**ti kāya velāya pakkāmi? Uṭṭhite aruṇe. Bhagavato kira dhammadesanāpariniṭṭhānañca aruṇuṭṭhānañca rasmivissajjanañca ekakkhaṇe ahoṣi. Bhagavā kira desanaṃ niṭṭhapetvāva chabbaṇṇarasmiyo vissajji, sakalakumbhakāranivesanaṃ ekapajjotaṃ ahoṣi, chabbaṇṇarasmiyo jālajālā puñjapuñjā hutvā vidhāvantiyo sabbadisābhāge suvaṇṇapaṭapariyonaddhe viya ca nānāvāṇṇakusumaratanavisarasamujjale viya ca akaṃsu. Bhagavā “nagaravāsino maṃ passantū”ti adhiṭṭhāsi. Nagaravāsino bhagavantaṃ disvāva “satthā kira āgato, kumbhakārasālaya kira nisinno”ti aññamaññassa ārocetvā rañño ārocesuṃ.

Rājā āgantvā satthāraṃ vanditvā, “bhante, kāya velāya āgatattā”ti pucchi. Hiyyo sūriyatthaṅgamanavelāya mahārājāti. Kena kammena bhagavāti? Tumhākaṃ sahāyo pukkusāti rājā tumhehi pahitaṃ sāsanaṃ sutvā nikkhamitvā pabbajitvā maṃ uddissa āgacchanto sāvatthiṃ atikkamma pañcacattālīsa yojanāni āgantvā imaṃ kumbhakārasālaṃ pavisitvā nisīdi, ahaṃ tassa saṅgahattaṃ āgantvā dhammakathaṃ kathesiṃ, kulaputto tīṇi phalāni paṭivijjhi mahārājāti. Idāni kahaṃ, bhanteti? Upasampadaṃ yācitvā aparipuṇṇapattacīvaratāya pattacīvarapariyesanattaṃ gato mahārājāti. Rājā kulaputtassa gatadisābhāgena agamāsi. Bhagavāpi ākāsena āgantvā jetavanagandhakuṭimhiyeva pāturaṃ ahoṣi.

Kulaputtopi pattacīvaraṃ pariyesamāno neva bimbisārarañño na takkasīlakānaṃ jaṅghavāṇijānaṃ santikaṃ agamāsi. Evaṃ kirassa ahoṣi – “na kho me kukkuṭassa viya tattha tattha manāpāmanāpameva vicinitvā pattacīvaraṃ pariyesituṃ yuttaṃ, mahantaṃ nagaraṃ vajjitvā udakatiṭṭhasusānasaṅkārāṭṭhānaantaravīthīsu pariyesissāmī”ti antaravīthiyaṃ saṅkārakūṭesu tāva pilotikaṃ pariyesituṃ āradhho.

**Jivita voropesīti** etasmiṃ saṅkārakūṭe pilotikaṃ olokentaṃ vibbhantā taruṇavacchā gāvī upadhāvitvā siṅgena vijjhītvā ghātesī. Chātakajjhatto kulaputto ākāseyeva āyukkhayaṃ patvā patito. Saṅkārāṭṭhāne adhomukhaṭṭhapitā suvaṇṇapaṭimā viya ahoṣi, kālaṅkato ca pana avihābrahmaloke nibbatti, nibbattamattova arahattaṃ pāpuṇi. Avihābrahmaloke kira nibbattamattāva satta janā arahattaṃ pāpuṇiṃsu. Vuttañhetam –

“Avihaṃ upapannāse, vimuttā satta bhikkhavo;  
Rāgadosaparikkhīnā, tiṇṇā loke visattikaṃ.

Ke ca te ataruṃ paṅkaṃ, maccudheyyaṃ suduttaraṃ;  
Ke hitvā mānusaṃ dehaṃ, dibbayogaṃ upaccaguṃ.

Upako palagaṇḍo ca, pukkusāti ca te tayo;  
Bhaddiyo khaṇḍadevo ca, bāhuraggi ca siṅgiyo;  
Te hitvā mānusaṃ dehaṃ, dibbayogaṃ upaccaguṃ”nti. (saṃ. ni. 1.50, 105);

Bimbisāropi “mayhaṃ sahāyo mayā pesitasāsanamattaṃ vācetvā hatthagataṃ rajjaṃ pahāya ettakaṃ addhānaṃ āgato, dukkaraṃ kataṃ kulaputtana, pabbajitasakkārena taṃ sakkariṣṣāmī”ti “pariyesatha me sahāyaka”nti tattha tattha pesesi. Pesitā taṃ addasaṃsu saṅkārāṭṭhāne patitaṃ, disvā āgamma rañño ārocesuṃ. Rājā gantvā kulaputtaṃ disvā – “na vata, bho, labhimhā sahāyakassa sakkāraṃ kātuṃ, anātho me jāto sahāyako”ti. Paridevitvā kulaputtaṃ mañcakena gaṇhāpetvā yuttokāse

ṭhapetvā anupasampannassa sakkāraṃ kātuṃ jānanābhāvena nhāpakakappakādayo pakkosāpetvā kulaputtāṃ sīsaṃ nhāpetvā suddhavatthāni nivāsāpetvā rājavesena alaṅkārapetvā sovaṇṇasivikaṃ āropetvā sabbatāḷāvacaragandhamālādīhi pūjaṃ karonto nagarā nīharitvā bahūhi gandhakaṭṭhehi mahācitakaṃ kāretvā kulaputtassa sarīrakiccaṃ katvā dhātuyo ādāya cetiyaṃ patiṭṭhapesi. Sesāṃ sabbattha uttānamevāti.

Papañcasūdaniyā majjhimanikāyaṭṭhakathāya

Dhātuvibhaṅgasuttavaṇṇanā niṭṭhitā.

### 11. Saccavibhaṅgasuttavaṇṇanā

**371. Evaṃ me sutanti saccavibhaṅgasuttaṃ.** Tattha **ācikkhanāti** idaṃ dukkhaṃ ariyasaccaṃ nāma...pe... ayaṃ dukkhanirodhagāminī paṭipadā ariyasaccaṃ nāmāti. Sesapadesupi eseva nayo. Apicettha **paññāpanā** nāma dukkhasaccādīnaṃ ṭhapanā. Āsanaṃ ṭhamento hi āsanaṃ paññāpetīti vuccati. **Paṭṭhapanāti** paññāpanā. **Vivaraṇāti** vivaṭakaraṇā. **Vibhajanāti** vibhāgakeriyā. **Uttānikammanti** pākaṭabhāvakaraṇaṃ.

**Anuggāhakāti** āmisasaṅgahena dhammasaṅgahenāti dvīhipi saṅgahehi anuggāhakā. **Janetāti** janikā mātā. **Āpādetāti** posetā. Posikamātā viya moggallānoti dīpeti. Janikamātā hi nava vā dasa vā māse loṅambilādīni pariharamānā kucchiyā dāraṃ dhāretvā kucchito nikkhantaṃ posikamātaraṃ dhātiṃ paṭicchāpeti. Sā khīranavanītādīhi dāraṃ posetvā vaḍḍheti, so vuddhimāgama yathāsukhaṃ vicarati. Evameva sārīputto attano vā paresaṃ vā santike pabbajite dvīhi saṅgahehi saṅgaṇhanto gilāne paṭijagganto kammaṭṭhāne yojetvā sotāpannabhāvaṃ ṇitvā apāyabhayehi vuṭṭhitakālato paṭṭhāya – “idāni paccattapurisakārena uparimamme nibbattessantī”ti tesu anapekkho hutvā aññe nave nave ovadati. Mahāmogallānopi attano vā paresaṃ vā santike pabbajite tatheva saṅgaṇhitvā kammaṭṭhāne yojetvā heṭṭhā tūni phalāni pattesupi anapekkhataṃ na āpajjati. Kasmā? Evaṃ kirassa hoti – vuttaṃ bhagavatā – “seyyathāpi, bhikkhave, appamattakopi gūtho duggandho hoti...pe... appamattakampi muttaṃ... kheḷo... pubbo... lohitaṃ duggandhaṃ hoti, evameva kho ahaṃ, bhikkhave, appamattakampi bhavaṃ na vaṇṇemi antamaso accharāsaṅghatamattampi”ti (a. ni. 1.320-321). Tasmā yāva arahattaṃ na pāpuṇanti, tāva tesu anapekkhataṃ anāpajjitvā arahattaṃ pattesuyeva āpajjati. Tenāha bhagavā – “seyyathāpi, bhikkhave, janetā evaṃ sārīputto. Seyyathāpi jātassa āpādetā, evaṃ moggallāno. Sārīputto, bhikkhave, sotāpattiphale vineti, moggallāno uttamatthe”ti. **Pahotīti** sakkoti.

**Dukkhe ñāṇanti** savanasammasanapaṭivedhaññaṃ, tathā **dukkhasamudaye. Dukkhanirodhe** savanapaṭivedhaññanti vaṭṭati, tathā **dukkhanirodhagāminiyā** paṭipadāya. Nekkhammasaṅkappādīsū kāmāpaccaṅkappaṭṭhena, kāmato nissābhāvena vā, kāmaṃ sammasantassa uppannoti vā, kāmāpadaghātaṃ kāmavūpasamaṃ karonto uppannoti vā, kāmāvivittante uppannoti vā **nekkhammasaṅkappo**. Sesapadadvayepi eseva nayo. Sabbepi cete pubbabhāge nānācittesu, maggakkhaṇe ekacitte labbhanti. Tatra hi micchāsaṅkappacetanāya samugghātako ekova saṅkappo labbhati, na nānā labbhati. Sammāvacādayopi pubbabhāge nānācittesu, vuttanayeneva maggakkhaṇe ekacitte labbhanti. Ayamettha saṅkhepo, vitthārena pana saccakathā **visuddhimagge** ca sammādiṭṭhisutte (ma. ni. 1.89 ādayo) ca vuttāyevāti.

Papañcasūdaniyā majjhimanikāyaṭṭhakathāya

Saccavibhaṅgasuttavaṇṇanā niṭṭhitā.

### 12. Dakkhiṇāvibhaṅgasuttavaṇṇanā

**376. Evaṃ me sutanti dakkhiṇāvibhaṅgasuttaṃ.** Tattha **mahāpajāpati gotamīti gotamīti** gottaṃ.

Nāmakaraṇadivase paṇassā laddhasakkārā brāhmaṇā lakkhaṇasampattiṃ disvā – “sace ayaṃ dhītaraṃ labhissati, cakkavattiraṇṇo aggamaheṣī bhavissati. Sace puttāṃ labhissati, cakkavattirāṇā bhavissatīti ubhayathāpi mahatīyevassā pajā bhavissatī”ti byākariṃsu. Athassā **mahāpajāpatīti** nāmaṃ akaṃsu. Idha pana gottena saddhiṃ saṃsanditvā **mahāpajāpatigotamīti** vuttaṃ. **Navanti** ahaṭaṃ. **Sāmaṃ vāyitanti** na sahattheneva vāyitaṃ, ekadivasāṃ pana dhātigaṇaparivutā sippikānaṃ vāyanaṭṭhānaṃ āgantvā vemakoṭṭiṃ gahetvā vāyanākāraṃ akāsi. Taṃ sandhāyetaṃ vuttaṃ.

Kadā pana gotamiyā bhagavato dussayugaṃ dātuṃ cittaṃ uppannanti. Abhisambodhiṃ patvā paṭhamagamaṇena kapilapuraṃ āgatakāle. Tadā hi piṇḍāya pavitṭhaṃ satthāraṃ gahetvā suddhodanamahārājā sakaṃ nivesanaṃ pavesesi, atha bhagavato rūpasobhaggaṃ disvā mahāpajāpatigotamī cintesi – “sobhati vata me puttassa attabhāvo”ti. Athassā balavasomanassaṃ uppajji. Tato cintesi – “mama puttassa ekūnatiṃsa vassāni agāramajjhe vasantassa antamaso mocaphalamattampi mayā dinnakameva ahosi, idānipissa cīvarasāṭakaṃ dassāmī”ti. “Imasmiṃ kho pana rājagehe bahūni mahagghāni vatthāni atthi, tāni maṃ na toseti, sahatthā katameva maṃ toseti, sahatthā katvā dassāmī”ti cittaṃ uppādesi.

Athantarāpaṇā kappāsaṃ āharāpetvā sahattheneva pisitvā pothetvā sukhumasuttaṃ kantitvā antovattusmiṃyeva sālaṃ kārāpetvā sippike pakkosāpetvā sippikānaṃ attano paribhogakhādaniyabhojaniyameva datvā vāyāpesi, kālānukālaṇca dhātigaṇaparivutā gantvā vemakoṭṭiṃ aggahesi. Niṭṭhitakāle sippikānaṃ mahāsakkāraṃ katvā dussayugaṃ gandhasamugge pakkhipitvā vāsaṃ gāhāpetvā – “mayhaṃ puttassa cīvarasāṭakaṃ gahetvā gamissāmī”ti raṇṇo ārocesi. Rājā maggaṃ paṭiyādāpesi, vīthiyo sammajjitvā puṇṇaghaṭe ṭhapetvā dhajapaṭākā ussāpetvā rājagharadvārato paṭṭhāya yāva nigrodhārāmā maggaṃ paṭiyādāpetvā pupphābhikiṇṇaṃ akaṃsu. Mahāpajāpatipi sabbālaṅkāraṃ alaṅkaritvā dhātigaṇaparivutā samuggaṃ sīse ṭhapetvā bhagavato santikaṃ gantvā **idaṃ me, bhante, navāṃ dussayugantiādimāha**.

**Dutiyaṃpi khoti** “saṅghe gotami dehi”ti vutte – “pahomahaṃ, bhante, dussakoṭṭhāgarato bhikkhusatassāpi bhikkhusahassassāpi bhikkhusatasahassassāpi cīvaradussāni dātuṃ, idaṃ pana me bhagavantaṃ uddissa sāmaṃ kantaṃ sāmaṃ vāyitaṃ, taṃ me, bhante, bhagavā paṭiggaṇhātū”ti nimantayamānā āha. Evaṃ yāvattiyāṃ yāci, bhagavāpi paṭikkhipiyeva.

Kasmā pana bhagavā attano diyyamānaṃ bhikkhusaṅghassa dāpetīti? Mātari anukampāya. Evaṃ kirassa ahosi – “imissā maṃ ārabba pubbacetanā muñcacetanā paracetanāti tisso cetanā uppannā, bhikkhusaṅghampissā ārabba uppajjantu, evamassā cha cetanā ekato hutvā dīgharattaṃ hitāya sukhāya pavattissanti”ti. Vitaṇḍavādī paṇāha – “saṅghe dinnāṃ mahapphalanti tasmā evaṃ vutta”nti. So vattabbo – “kiṃ tvaṃ satthu dinnato saṅghe dinnāṃ mahapphalataraṃ vadasi”ti āma vadāmīti. Suttaṃ āharāti. Saṅghe gotami dehi, saṅghe te dinne ahaṅceva pūjito bhavissāmi saṅgho cāti. Kiṃ panassa suttassa ayameva atthoti? Āma ayamevāti. Yadi evaṃ “tena hānanda, vighāsādānaṃ pūvaṃ dehi”ti ca (pāci. 269) “tena hi tva, kaccāna, vighāsādānaṃ guḷaṃ dehi”ti (mahāva. 284) ca vacanato vighāsādānaṃ dinnāṃ mahapphalataraṇca bhaveyya. Evampi hi “satthā attano diyyamānaṃ dāpetī”ti. Rājarājamahāmattādayopi attano āgataṃ paṇṇākāraṃ hatthigopakādīnaṃ dāpenti, te rājādīhi mahantatarā bhaveyyuṃ. Tasmā mā evaṃ gaṇha –

“Nayimasmiṃ loke parasmim vā pana,  
Buddhena seṭṭho sadiso vā vijjati;  
Yamāhuneyyānamaggataṃ gato,  
Puññatthikānaṃ vipulaphalesina”nti. –

Vacanato hi satthārā uttaritaro dakkhiṇeyyo nāma natthi. Evamassā cha cetanā ekato hutvā dīgharattaṃ hitāya sukhāya bhavissanti sandhāya yāvattiyāṃ paṭibāhitvā saṅghassa dāpesi.

Pacchimāya janatāya saṅghe cittikārajananattam cāpi evamāha. Evaṃ kirassa ahosi – “ahaṃ na ciratthitiko, mayhaṃ pana sāsanaṃ bhikkhusaṅghe patiṭṭhahissati, pacchimā janatā saṅghe cittikāraṃ janetū”ti yāvattiyam paṭibāhitvā saṅghassa dāpesi. Evañhi sati – “sattā attano diyyamānampi saṅghassa dāpesi, saṅgho nāma dakkhiṇeyyo”ti pacchimā janatā saṅghe cittikāraṃ uppādetvā cattāro paccaye dātabbe maññissati, saṅgho catūhi paccayehi akilamanto buddhavacanaṃ uggahetvā samaṇadhammaṃ karissati. Evaṃ mama sāsanaṃ pañca vassasahassāni ṭhassatīti. “Paṭiggaṇhātu, bhante, bhagavā”ti vacanato pi cetam vedittabbaṃ “sattārā uttaritaro dakkhiṇeyyo nāma natthi”ti. Na hi ānandattherassa mahāpajāpatiyā āghāto vā veraṃ vā atthi. Na thero – “tassā dakkhiṇā mā mahapphalā ahoṣī”ti icchati. Paṇḍito hi thero bahussuto sekkhapaṭisambhidāpatto, so satthu dinnassa mahapphalabhāve sampassamānova paṭiggaṇhātu, bhante, bhagavāti gahaṇattham yāci.

Puna vitanḍavādī āha – “saṅghe te dinne ahañceva pūjito bhavissāmi saṅgho cā”ti vacanato sattā saṅghapariyāpanno vāti. So vattabbo – “jānāsi pana tvaṃ kati saraṇāni, kati aveccappasādā”ti jānanto tīṇīti vakkhati, tato vattabbo – tava laddhiyā satthu saṅghapariyāpannattā dveveva hontī. Evaṃ sante ca – “anu jānāmi, bhikkhave, imehi tīhi saraṇagamanehi pabbajjaṃ upasampada”nti (mahāva. 34) evaṃ anuññātā pabbajjāpi upasampadāpi na ruhati. Tato tvaṃ neva pabbajito asi, na gihi. Sammāsambuddhe ca gandhakuṭiyam nisinne bhikkhū uposathampi pavāraṇampi saṅghakammānīpi karonti, tāni satthu saṅghapariyāpannattā kuppāni bhavēyyuṃ, na ca hontī. Tasmā na vattabbametam “sattā saṅghapariyāpanno”ti.

**377. Āpādikāti** samvaḍḍhikā, tumhākaṃ hatthapādesu hatthapādakiccaṃ asādhentesu hatthe ca pāde ca vaḍḍhetvā paṭijaggikāti attho. **Posikāti** divasassa dve tayo vāre nhāpetvā bhojetvā pāyetvā tumhe posesi. **Thaññaṃ pāyesīti** nandakumāro kira bodhisattato katipāheneva daharo, tasmim jāte mahāpajāpati attano puttaṃ dhātīnaṃ datvā sayam bodhisattassa dhātikiccaṃ sādhamānā attano thaññaṃ pāyesi. Tam sandhāya thero evamāha. Iti mahāpajāpatiyā bahūpakāratam kathetvā idāni tathāgatassa bahūpakāratam dassento **bhagavāpi, bhanteti**ādīmāha. Tattha **bhagavantam, bhante, āgammāti** bhagavantam paṭicca nissāya sandhāya.

**378.** Atha bhagavā dvīsu upakāresu atirekataram anumodanto **evametanti**ādīmāha. Tattha **yam hānanda, puggalo puggalam āgammāti** yam ācariyapuggalam antevāsikapuggalo āgamma. **Imassānanda, puggalassa iminā puggalenāti** imassa ācariyapuggalassa iminā antevāsikapuggalena. **Na suppaṭikāram vadāmīti** paccūpakāram na sukaram vadāmi, abhivādanādīsu ācariyam disvā abhivādanakaraṇam **abhivādanam** nāma. Yasmim vā disābhāge ācariyo vasati, iriyāpathe vā kappento tadabhimukho vanditvā gacchati, vanditvā nisīdati, vanditvā nipajjati, ācariyam pana dūratova disvā paccuṭṭhāya paccuggamanakaraṇam **paccuṭṭhānam** nāma. Ācariyam pana disvā añjalim paggayha sīse ṭhapetvā ācariyam namassati, yasmim vā disābhāge so vasati, tadabhimukhopi tatheva namassati, gacchantopi ṭhitopi nisinnopi añjalim paggayha namassatiyevāti idam **añjalikammaṃ** nāma. Anucchavikakammassa pana karaṇam **sāmīcikammaṃ** nāma. Cīvarādīsu cīvaram dento na yam vā tam vā deti, mahaggham satamūlikampi pañcasatamūlikampi sahasamūlikampi detiyeva. Piṇḍapātādīsūpi eseva nayo. Kim bahunā, catūhi paṇītapaccayehi cakkavālantaram pūretvā sinerupabbatena kūṭam gahetvā dentopi ācariyassa anucchavikam kiriyam kātuṃ na sakkotiyeva.

**379. Cuddasa kho panimāti** kasmā ārabhi? Idam suttaṃ pāṭipuggalikaṃ dakkhiṇam ārabha samuṭṭhitam. Ānandattheropi “paṭiggaṇhātu, bhante, bhagavā”ti pāṭipuggalikaḍakkhiṇamyeva samādapeti, cuddasasu ca ṭhānesu dinnadānam pāṭipuggalikaṃ nāma hotīti dassetuṃ imam desanam ārabhi. **Ayam paṭhamāti** ayam dakkhiṇā guṇavasenapi paṭhamā jeṭṭhakavasenapi. Ayañhi paṭhamā aggā jeṭṭhikā, imissā dakkhiṇāya pamāṇam nāma natthi. Dutiyatatiyāpi paramadakkhiṇāyeva, sesā paramadakkhiṇābhāvam na pāpuṇanti. **Bāhirake kāmesu vītarāgeti** kammavādikiriyavādimhi lokiyapañcābhīññe. **Puthujjanasīlavanteti** puthujjanasīlavā nāma gosīladhātuko hoti, asaṭho amāyāvī param apīletvā dhammena samena kasiyā vā vaṇijjāya vā jīvikaṃ kappetā. **Puthujjanadussīleti** puthujjanadussīlā nāma kevaṭṭamacchabandhādayo param pīlāya jīvikaṃ kappetā.

Idāni pāṭipuggalikadakkhiṇāya vipākaṃ paricchindanto **tatrānandāti**ādīmāha. Tattha **tiracchānagateti** yaṃ guṇavasena upakāravasena posanattamaṃ dinnamaṃ, idaṃ na gahitaṃ. Yampi ālopaadḍhaālopaṃmattaṃ dinnamaṃ, tampi na gahitaṃ. Yaṃ pana sunakhasūkarakukkuṭakākādīsu yassa kassaci sampattassa phalaṃ paṭikaṅkhitvā yāvadatthaṃ dinnamaṃ, idaṃ sandhāya vuttaṃ “tiracchānagate dānaṃ datvā”ti. **Sataguṇāti** satānisamsā. **Pāṭikaṅkhitabbāti** icchitabbā. Idaṃ vuttaṃ hoti – ayaṃ dakkhiṇā āyusataṃ vaṇṇasataṃ sukhasataṃ balasataṃ paṭibhānasatanti pañca ānisamsasatāni deti, attabhāvasate āyumaṃ deti, vaṇṇamaṃ, sukhaṃ, balaṃ, paṭibhānaṃ deti, nipparitasamaṃ karoti. Bhavasatepi vutte ayameva attho. Iminā upāyena sabbattha nayo netabbo.

**Sotāpattiphalasacchikiriyāya paṭipanneti** ettha heṭṭhimakoṭiyā tisaṇamaṃ gato upāsakopi sotāpattiphalasacchikiriyāya paṭipanno nāma, tasmaṃ dinnadānampi asaṅkhyeyyaṃ appameyyamaṃ. Pañcasīle patiṭṭhitassa tato uttari mahapphalaṃ, dasasīle patiṭṭhitassa tato uttari, tadahupabbajitassa sāmaṇerassa tato uttari, upasampannabhikkhuno tato uttari, upasampannasseva vattasampannassa tato uttari, vipassakassa tato uttari, āraddhavipassakassa tato uttari, uttamakoṭiyā pana maggasamaṅgī sotāpattiphalasacchikiriyāya paṭipanno nāma. Etassa dinnadānaṃ tato uttari mahapphalameva.

Kim pana maggasamaṅgissa sakkā dānaṃ dātunti? Āma sakkā. Āraddhavipassako hi pattacīvaramādāya gāmaṃ piṇḍāya pavisati, tassa gehadvāre ṭhitassa hatthato pattaṃ gahetvā khādaniyabhojanīyaṃ pakkhipanti. Tasmaṃ khaṇe bhikkhuno maggavuṭṭhānaṃ hoti, idaṃ dānaṃ maggasamaṅgino dinnamaṃ nāma hoti. Atha vā panesa āsanāsālāya nisinna hoti, manussā gantvā patte khādaniyabhojanīyaṃ ṭhapenti, tasmaṃ khaṇe tassa maggavuṭṭhānaṃ hoti, idampi dānaṃ maggasamaṅgino dinnamaṃ nāma. Atha vā panassa vihāre vā āsanāsālāya vā nisinnassa upāsakā pattaṃ ādāya attano gharaṃ gantvā khādaniyabhojanīyaṃ pakkhipanti, tasmaṃ khaṇe tassa maggavuṭṭhānaṃ hoti, idampi dānaṃ maggasamaṅgino dinnamaṃ nāma. Tattha soṇḍiyaṃ udakassa viya sotāpattiphalasacchikiriyāya paṭipanne dinnadānassa asaṅkhyeyyatā veditabbā. Tāsu tāsu mahānadīsu mahāsamudde ca udakassa viya sotāpānādīsu dinnadānassa uttaritaravasena asaṅkhyeyyatā veditabbā. Pathaviyā khayamaṇḍalamatte padese paṃsum ādiṃ katvā yāva mahāpathaviyā paṃsuno appameyyatāyapi ayamatto dīpetabbo.

**380. Satta kho panimāti** kasmā ārabhi? “Saṅghe gotami dehi, saṅghe te dinne ahañceva pūjito bhavissāmi saṅghe cā”ti hi vuttaṃ, tattha sattasu ṭhānesu dinnadānaṃ saṅghe dinnamaṃ nāma hotīti dassetuṃ imaṃ desanaṃ ārabhi. Tattha **buddhappamukhe ubhatosaṅgheti** ekato bhikkhusaṅghe, ekato bhikkhunisaṅghe, sathā majjhe nisinna hotīti ayaṃ buddhappamukho ubhatosaṅghe nāma. **Ayaṃ paṭhamāti** imāya dakkhiṇāya samappamaṇā dakkhiṇā nāma natthi. Dutiyadakkhiṇādayo pana etaṃ paramadakkhiṇaṃ na pāpuṇanti.

Kim pana tathāgate parinibbute buddhappamukhassa ubhatosaṅghassa dānaṃ dātuṃ sakkāti? Sakkā. Kathaṃ? Ubhatosaṅghassa hi pamukhe sadhātukaṃ paṭimaṃ āsane ṭhapetvā ādhāraṃ ṭhapetvā dakkhiṇodakaṃ ādiṃ katvā sabbamaṃ satthu paṭhamaṃ datvā ubhatosaṅghassa dātappaṃ, evamaṃ buddhappamukhassa ubhatosaṅghassa dānaṃ dinnamaṃ nāma hoti. Tattha yaṃ satthu dinnamaṃ, taṃ kim kātabbanti? Yo sathhāraṃ paṭijaggati vattasampanno bhikkhu, tassa dātappaṃ. Pitusantakaṃhi puttassa pāpuṇāti, bhikkhusaṅghassa dātumpi vaṭṭati, sappitelāni pana gahetvā dīpā jalitabbā, sāṭakaṃ gahetvā paṭākā āropetabbāti. **Bhikkhusaṅgheti** aparicchinnakamahābhikkhusaṅghe. Bhikkhunisaṅghepi eseva nayo.

**Gotrabhunoti** gottamattakameva anubhavamānā, nāmamattasamaṇāti attho. **Kāsāvakaṇṭhāti** kāsāvakaṇṭhanāmākā. Te kira ekaṃ kāsāvakaṇḍaṃ hatthe vā gīvāya vā bandhitvā vicarissanti. Gharadvāraṃ pana tesamaṃ puttabhariyā kasivaṇijjādikammāni ca pākatikāneva bhavissanti. **Tesu dussīlesu saṅghamaṃ uddissa dānaṃ dassantīti** ettha dussīlasaṅghanti na vuttaṃ. Saṅghe hi dussīlo nāma natthi. Dussīlā pana upāsakā tesu dussīlesu bhikkhusaṅghamaṃ uddissa saṅghassa demāti dānaṃ dassanti. Iti bhagavatā buddhappamukhe saṅghe dinnadakkhiṇāpi guṇasaṅkhāya asaṅkhyeyyāti vuttaṃ.

Kāsāvakaṅṭhasaṅghe dinnadakkhiṇāpi guṇasaṅkhāyeva asaṅkhyeyyāti vuttā. Saṅhagatā dakkhiṇā hi saṅghe cittikāraṃ kātuṃ sakkontassa hoti, saṅghe pana cittikāro dukkaro hoti.

Yo hi saṅhagataṃ dakkhiṇaṃ dassāmīti deyyadhammaṃ paṭiyādetvā vihāraṃ gantvā, – ‘‘bhante, saṅhaṃ uddissa ekaṃ therāṃ dethā’’ti vadati, atha saṅhato sāmaṇeraṃ labhitvā ‘‘sāmaṇero me laddho’’ti aññathattaṃ āpajjati, tassa dakkhiṇā saṅhagatā na hoti. Mahātheraṃ labhitvāpi ‘‘mahāthero me laddho’’ti somanassaṃ uppādentassāpi na hotiyeva. Yo pana sāmaṇeraṃ vā upasampannaṃ vā daharaṃ vā therāṃ vā bālaṃ vā paṇḍitaṃ vā yaṃkiñci saṅhato labhitvā nibbematiko hutvā saṅhassa demīti saṅghe cittikāraṃ kātuṃ sakkoti, tassa dakkhiṇā saṅhagatā nāma hoti. Parasamuddavāsino kira evaṃ karonti.

Tattha hi eko vihārasāmi kuṭumbiko ‘‘saṅhagataṃ dakkhiṇaṃ dassāmī’’ti saṅhato uddisitvā ekaṃ bhikkhuṃ dethāti yāci. So ekaṃ dussilabhikkhuṃ labhitvā nisinnaṭṭhānaṃ opuñjāpetvā āsanaṃ paññāpetvā upari vitānaṃ bandhitvā gandhadhūmapupphehi pūjetvā pāde dhovivā telena makkhetvā buddhassa nipaccakāraṃ karonto viya saṅghe cittikārena deyyadhammaṃ adāsi. So bhikkhu pacchābhattaṃ vihārajagganattāya kudālakāṃ dethāti gharadvāraṃ āgato, upāsako nisinnova kudālaṃ pādena khipivā ‘‘gañhā’’ti adāsi. Tameṇaṃ manussā āhaṃsu – ‘‘tumhehi pātova etassa katasakkāro vattuṃ na sakkā, idāni upacāramattakampi natthi, kiṃ nāmeta’’nti. Upāsako – ‘‘saṅhassa so ayyā cittikāro, na etassā’’ti āha. Kāsāvakaṅṭhasaṅhassa dinnadakkhiṇaṃ pana ko sodhetīti? Sāriputtamoggallānādayo asīti mahātherā sodhetīti. Apica therā cirapariniḅbutā, there ādiṃ katvā yāvajja dharamānā khīṇāsavā sodhentiyeva.

**Na tvevāhaṃ, ānanda, kenaci pariyāyena saṅhagatāya dakkhiṇāyāti** ettha atthi buddhappamukho saṅgho, atthi etarahi saṅgho, atthi anāgate kāsāvakaṅṭhasaṅgho. Buddhappamukho saṅgho etarahi saṅghena na upanetaḅbo, etarahi saṅgho anāgate kāsāvakaṅṭhasaṅghena saddhiṃ na upanetaḅbo. Tena teneva samayena kathetaḅbaṃ. Saṅghato uddisitvā gahitasamaṇaputhujjano hi pāṭipuggaliko sotāpanno, saṅghe cittikāraṃ kātuṃ sakkontassa puthujjanasamaṇe dinnāṃ mahapphalataṃ. Uddisitvā gahito sotāpanno pāṭipuggaliko sakadāgāmītiādisupi eseva nayo. Saṅghe cittikāraṃ kātuṃ sakkontassa hi khīṇāsave dinnadānato uddisitvā gahite dussilepi dinnāṃ mahapphalatameva. Yaṃ pana vuttaṃ ‘‘sīlavato kho, mahārāja, dinnāṃ mahapphalaṃ, no tathā dussile’’ti, taṃ imaṃ nayaṃ pahāya ‘‘catasso kho imānanda, dakkhiṇā visuddhiyo’’ti imasmiṃ catukke daṭṭhabbaṃ.

**381. Dāyakato visujjhatīti** mahapphalabhāvena visujjhati, mahapphalā hotīti attho. **Kalyāṇadhammoti** sucidhammo, na pāpadhammo. **Dāyakato visujjhatīti** cettha vessantaramahārājā kathetaḅbo. So hi jūjakabrāhmaṇassa dārake datvā pathaviṃ kampesi.

**Paṭiggāhakato visujjhatīti** ettha kalyāṇinādīmukhadvāravāsikevaṭṭo kathetaḅbo. So kira dīghasomattherassa tikkhattumpi piṇḍapātaṃ datvā maraṇamañce nipanno ‘‘ayyassa maṃ dīghasomattherassa dinnapiṇḍapāto uddharatī’’ti āha.

**Neva dāyakatoti** ettha vaḍḍhamānavāsīluddako kathetaḅbo. So kira petadakkhiṇaṃ dento ekassa dussīlasseva tayo vāre adāsi, tatiyavāre ‘‘amanusso dussīlo maṃ vilumpatī’’ti viravi, ekassa sīlavantabhikkhuno datvā pāpitakāleyevassa pāpuṇi.

**Dāyakato ceva visujjhatīti** ettha asadisadānaṃ kathetaḅbaṃ.

**Sā dakkhiṇā dāyakato visujjhatīti** ettha yathā nāma cheko kassako asārampi khettaṃ labhitvā samaye kasitvā paṃsuṃ apanetvā sārābījāni paṭiṭṭhapetvā rattindivaṃ ārakkhe pamādaṃ anāpajjanto aññassa sārakhattato adhikataṃ dhaññaṃ labhati, evaṃ sīlavā dussīlassa datvāpi phalaṃ mahantaṃ adhigacchatīti. Iminā upāyena sabbapadesu visujjhanaṃ veditaḅbaṃ.

**Vītarāgo vītarāgesūti** ettha **vītarāgo** nāma anāgāmī, arahā pana ekantavītarāgo, tasmā arahatā arahato dinnadānameva aggaṃ. Kasmā? Bhavālayassa bhavapatthanāya abhāvato. Nanu khīṇāsavo dānaphalaṃ na saddahatīti? Dānaphalaṃ saddahantā khīṇāsavasadisā na honti. Khīṇāsavena katakammaṃ pana nicchandarāgattā kusalaṃ vā akusalaṃ vā na hoti, kiriyatthāne tiṭṭhati, tenevassa dānaṃ aggaṃ hotīti vadanti.

Kim pana sammāsambuddhena sārīputtattherassa dinnam mahapphalaṃ, udāhu sārīputtattherena sammāsambuddhassa dinnanti. Sammāsambuddhena sārīputtattherassa dinnam mahapphalanti vadanti. Sammāsambuddhañhi tḥapetvā añño dānassa vipākaṃ jānituṃ samattho nāma natthi. Dānañhi catūhi sampadāhi dātuṃ sakkontassa tasmimyeva attabhāve vipākaṃ deti. Tattrimā sampadā – deyyadhammassa dhammena samena paraṃ apīletvā uppannatā, pubbacetanādivasena cetanāya mahattatā, khīṇāsavabhāvena guṇāṭirekatā, taṃdivasaṃ nirodhato vuṭṭhitabhāvena vatthusampannatīti.

Papañcasūdaniyā majjhimanikāyatthakathāya

Dakkhiṇāvibhaṅgasuttavaṇṇanā niṭṭhitā.

Catutthavaggavaṇṇanā niṭṭhitā.

## 5. Saḷāyatanaṃ

### 1. Anāthapiṇḍikovādasuttavaṇṇanā

**383. Evaṃ me sutanti** anāthapiṇḍikovādasuttaṃ. Tattha **bāḷhagilānoti** adhimattagilāno maraṇaseyyaṃ upagato. **Āmantesīti** gahapatissa kira yāva pādā vahimsu, tāva divase sakiṃ vā dvikkhattuṃ vā tikkhattuṃ vā buddhupaṭṭhānaṃ akhaṇḍaṃ akāsi. Yattakañcassa satthu upaṭṭhānaṃ ahoṣi, tattakamyeva mahātherānaṃ. So ajja gamanapādassa pacchinnatā anuṭṭhānaseyyaṃ upagato sāsanaṃ pesetukāmo aññataraṃ purisaṃ āmantesi. **Tenupasaṅkamīti** bhagavantaṃ āpucchitvā sūriyatthaṅgamanavelāya upasaṅkami.

**384. Paṭikkamantīti** osakkanti, tanukā bhavanti. **Abhikkamantīti** abhivaḍḍhanti ottharanti, balavatiyo honti.

**Abhikkamosānaṃ paññāyati no paṭikkamoti** yasmiñhi samaye mārāṇantikā vedanā uppajjati, uparivāte jalitaggi viya hoti, yāva usmā na pariyādiyati, tāva mahatāpi upakkamena na sakkā vūpasametum, usmāya pana pariyādinnāya vūpasammati.

**385.** Athāyasmā sārīputto cintesi – “ayaṃ mahāseṭṭhissa vedanā mārāṇantikā, na sakkā paṭibāhituṃ, avasesā kathā niratthakā, dhammakathamassa kathessāmi”ti. Atha naṃ taṃ kathento **tasmātihāti**ādīmāha. Tattha **tasmāti** yasmā cakkhuṃ tīhi gāhehi gaṇhanto uppannaṃ mārāṇantikāṃ vedanaṃ paṭibāhituṃ samattho nāma natthi, tasmā. **Na cakkhuṃ upādiyissāmīti** cakkhuṃ tīhi gāhehi na gaṇhissāmi. **Na ca me cakkhunissitaṃ viññāṇanti** viññāṇāñcāpi me cakkhunissitaṃ na bhavissati. **Na rūpanti** heṭṭhā āyatanarūpaṃ kathitaṃ, imasmim tḥāne sabbampi kāmabhavarūpaṃ kathento evamāha.

**386. Na idhalokanti** vasanaṭṭhānaṃ vā ghāsacchādanaṃ vā na upādiyissāmīti attho. Idañhi paccayesu aparitassanattaṃ kathitaṃ. **Na paralokanti** ettha pana manussalokaṃ tḥapetvā sesā paralokā nāma. Idaṃ – “asukadevaloke nibbattitvā asukaṭṭhāne bhavissāmi, idaṃ nāma khādissāmi bhuñjissāmi nivāsessāmi pārūpissāmi”ti evarūpāya paritassanāya pahānatthaṃ vuttaṃ. Tampi na upādiyissāmi, na ca me tannissitaṃ viññāṇaṃ bhavissatīti evaṃ tīhi gāhehi parimocetvā thero desanaṃ arahattanikūṭena

niṭṭhapesi.

**387. Olīyasīti** attano sampattiṃ disvā ārammaṇesu bajjhasi allīyasīti. Iti āyasmā ānando – “ayampi nāma gahapati evaṃ saddho pasanno maraṇabhayassa bhāyati, añño ko na bhāyissatī”ti maññamāno tassa gālhaṃ katvā ovādaṃ dento evamāha. **Na ca me evarūpī dhammīkathā sutapubbā**ti ayam upāsako – “satthu santikāpi me evarūpī dhammakathā na sutapubbā”ti vadati, kiṃ satthā evarūpī sukhumaṃ gambhīrakathaṃ na kathetīti? No na katheti. Evaṃ pana cha ajjhattikāni āyatanāni cha bāhirāni cha viññānakāye cha phassakāye cha vedanākāye cha dhātuyo pañcakkhandhe cattāro arūpe idhalokaṇca paralokaṇca dassetvā diṭṭhasutamutaviññātavasena arahatte pakkhipitvā kathitakathā etena na sutapubbā, tasmā evaṃ vadati.

Apicāyaṃ upāsako dānādhimutto dānābhirato buddhānaṃ santikaṃ gacchanto tucchahattho na gatapubbo. Purebhattaṃ gacchanto yāgukhajjakādīni gāhāpetvā gacchati, pacchābhattaṃ sappimadhuphāṇitādīni. Tasmim asati vālikaṃ gāhāpetvā gandhakuṭipariveṇe okirāpeti, dānaṃ datvā silaṃ rakkhitvā geḥaṃ gato. Bodhisattagatiko kiresa upāsako, tasmā bhagavā catuvīsati saṃvaccharāni upāsakassa yebhuyyena dānakathameva kathesi – “upāsaka, idaṃ dānaṃ nāma bodhisattānaṃ gatamaggo, mayhampi gatamaggo, mayā satahassakappādhikāni cattāri asaṅkhyeyyāni dānaṃ dinnaṃ, tvaṃ mayā gatamaggameva anugacchasi”ti. Dhammasenāpatiādayo mahāsāvakaṃpi attano attano santikaṃ āgatakāle dānakathamevassa kathenti. Tenevāha **na kho gahapati gihīnaṃ odāvasanānaṃ evarūpī dhammīkathā paṭibhātī**ti. Idaṃ vuttaṃ hoti – gahapati gihīnaṃ nāma khattavatthuhiraññasuvaṇṇadāsīdāsaputtabhariyādīsū tibbo ālayo tibbaṃ nikantipariyutṭhānaṃ, tesam – “ettha ālayo na kātabbo, nikanti na kātabbā”ti kathā na paṭibhātī na ruccatīti.

**Yena bhagavā tenupasaṅkamīti** kasmā upasaṅkami? Tusitabhavane kirassa nibbattamattasseva tigāvutappamānaṃ suvaṇṇakkhandhaṃ viya vijjotamānaṃ attabhāvaṃ uyyānavimānādisampattiṇca disvā – “mahatī ayam mayhaṃ sampatti, kiṃ nu kho me manussapathe kammaṃ kata”nti olokeno tīsu ratanesu adhikāraṃ disvā cintesi “pamādaṭṭhānamidaṃ devattaṃ nāma, imāya hi me sampattiyā modamānassa satisammosopī siyā, handāhaṃ gantvā mama jetavanassa ceva bhikkhusaṅghassa ca tathāgatassa ca ariyamaggassa ca sārīputtattherassa ca vaṇṇaṃ kathetvā tato āgantvā sampattiṃ anubhavissāmī”ti. So tathā akāsi. Taṃ dassetuṃ **atha kho anāthapiṇḍikotiādi vuttaṃ**.

Tattha **isasaṅghanisevanti** bhikkhusaṅghanisevitaṃ. Evaṃ paṭhamagāthāya jetavanassa vaṇṇaṃ kathetvā idāni ariyamaggassa vaṇṇaṃ kathento **kammaṃ vijjā cātiādimāha**. Tattha **kammanti** maggacetanā. **Vijjāti** maggapaññā. **Dhammoti** samādhipakkhiko dhammo. **Silaṃ jīvitamuttamanti** sīle patiṭṭhitassa jīvitam uttamanti dasseti. Atha vā **vijjāti** diṭṭhisāṅkappo. **Dhammoti** vāyāmasatisamādhayo. **Silanti** vācākammantājīvā. **Jīvitamuttamanti** etasmim sīle patiṭṭhitassa jīvitam nāma uttamaṃ. **Etena maccā sujjhantīti** etena aṭṭhaṅgikena maggena sattā visujjhanti.

**Tasmāti** yasmā maggena sujjhanti, na gottadhanehi, tasmā. **Yoniso vicine dhammanti** upāyena samādhipakkhiyaṃ dhammaṃ vicineyya. **Evaṃ tattha visujjhantīti** evaṃ tasmim ariyamagge visujjhanti. Atha vā **yoniso vicine dhammanti** upāyena pañcakkhandhadhammaṃ vicineyya. **Evaṃ tattha visujjhantīti** evaṃ tesu catūsū saccesu visujjhanti.

Idāni sārīputtattherassa vaṇṇaṃ kathento **sārīputto vātiādimāha**. Tattha **sārīputto vāti** avadhāraṇavacanaṃ. Etehi paññādīhi sārīputtova seyyoti vadati. **Upasamenāti** kilesaupasamena. **Pāraṅgatoti** nibbānaṃ gato. Yo koci nibbānaṃ patto bhikkhu, so etāvaparamo siyā, na therena uttaritaro nāma atthīti vadati. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Anāthapiṇḍikovādasuttavaṇṇanā niṭṭhitā.



## 2. Channovādasuttavaṇṇanā

**389. Evaṃ me sutanti** channovādasuttaṃ. Tattha **channoti** evaṃnāmako thero, na abhinikkhamanaṃ nikkhantatthero. **Paṭisallānāti** phalasaṃpattito. **Gilānapucchakāti** gilānapaṭṭhānaṃ nāma buddhavaṇṇitaṃ, tasmā evamaḥa. **Satthanti** jīvitahāraṃsattham. **Nāvakaṅkhāmīti** icchāmi.

**390. Anupavajjanti** anupattikaṃ appaṭisaṇḍhikaṃ.

**391. Etaṃ mamātiādāni** taṇhāmānadiṭṭhigāhavasena vuttāni. **Nirodhaṃ disvāti** khayavayaṃ ñatvā. **Netam mama nesohamasmi na meso attāti samanupassāmīti** aniccaṃ dukkhaṃ anattāti samanupassāmi.

**393. Tasmāti** yasmā māraṇantikavedanaṃ adhivāsetuṃ asakkonto satthaṃ āharāmīti vadati, tasmā. Puthujjano āyasmā, tena idampi manasi karohīti dīpeti. **Niccakappanti** niccakālaṃ. **Nissitassāti** taṇhādiṭṭhīhi nissitassa. **Calitanti** vipphanditaṃ hoti. **Passaddhīti** kāyacittapassaddhi, kilesapassaddhi nāma hotīti attho. **Natīti** taṇhānati. **Natīyā asatīti** bhavattāyā ālayanikantipariyutṭhānesu asati. **Āgatigati na hotīti** paṭisaṇḍhivasena āgati nāma na hoti, cutivasena gamanaṃ nāma na hoti. **Cutūpapātoti** cavanavasena cuti, upapajjanavasena upapāto. **Nevidha na huram na ubhayamantarenāti** nayidha loke, na paraloke, na ubhayattha hoti. **Esevanto dukkhassāti** vaṭṭadukkhakilesadukkhassa ayameva anto ayaṃ paricchedo parivaṭumabhāvo hoti. Ayameva hi ettha attho. Ye pana “na ubhayamantarenā”ti vacanaṃ gahetvā antarābhavaṃ icchanti, tesam uttaraṃ heṭṭhā vuttameva.

**394. Satthaṃ āhasesīti** jīvitahāraṃ satthaṃ āhari, kaṇṭhanāḷiṃ chindī. Athassa tasmiṃ khaṇe maraṇabhayaṃ okkamī, gatinimittaṃ upaṭṭhāsī. So attano puthujjanabhāvaṃ ñatvā saṃviggo vipassanaṃ paṭṭhapetvā saṅkhāre pariggaṇhanto arahattaṃ patvā samasīsī hutvā parinibbāyi. **Sammukhāyeva anupavajjatā byākatāti** kiñcāpi idaṃ therassa puthujjanakāle byākaraṇaṃ hoti, etena pana byākaraṇena anantarāyamaṃsa parinibbānaṃ ahoṣi. Tasmā bhagavā tameva byākaraṇaṃ gahetvā kathesi. **Upavajjakulānīti** upasaṅkamitabbakulāni. Iminā thero, – “bhante, evaṃ upaṭṭhākesu ca upaṭṭhāyikāsu ca vijjamānāsu so bhikkhu tumhākaṃ sāsane parinibbāyissatī”ti pucchati. Athassa bhagavā kulesu saṃsaggābhāvaṃ dīpento **honti hete sārīputtāti**ādīmāha. Imasmim kira ṭhāne therassa kulesu asaṃsatṭhabhāvo pākaṭo ahoṣi. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Channovādasuttavaṇṇanā niṭṭhitā.

## 3. Puṇṇovādasuttavaṇṇanā

**395. Evaṃ me sutanti** puṇṇovādasuttaṃ. Tattha **paṭisallānāti** ekībhāvā. **Taṃ ceti** taṃ cakkhuñceva rūpañca. **Nandīsamudayā dukkhasamudayoti** nandiyā taṇhāya samodhānena pañcakkhandhadukkhassa samodhānaṃ hoti. Iti chasu dvāresu dukkhaṃ samudayoti dvinnamaṃ saccānaṃ vasena vaṭṭaṃ matthakaṃ pāpetvā dassesi. Dutīyanaye nirodho maggoti dvinnamaṃ saccānaṃ vasena vivaṭṭaṃ matthakaṃ pāpetvā dassesi. **Iminā ca tvam puṇṇāti** pāṭiyekko anusandhi. Evaṃ tāva vaṭṭavivaṭṭavasena desanaṃ arahatte pakkhipitvā idāni puṇṇattheraṃ sattasu ṭhānesu sīhanādaṃ nadāpetuṃ **iminā ca tvanti**ādīmāha.

**396. Caṇḍāti** duṭṭhā kibbisā. **Pharusāti** kakkhālā. **Akkosissantīti** dasahi akkosavatthūhi akkosissanti. **Paribhāsissantīti** kiṃ samaṇo nāma tvam, idañca idañca te karissāmāti tajjessanti. **Evaṃmetthāti** evaṃ mayham ettha bhavissati.

**Daṇḍenāti** catuhatthena daṇḍena vā ghaṭṭikamuggarena vā. **Satthenāti** ekatodhārādīnā. **Satthahārakaṃ pariyesantīti** jīvitahārakaṃ satthaṃ pariyesanti. Imaṃ thero tatiyapārājikavatthusmiṃ asubhakathaṃ sutvā attabhāvena jigucchantānaṃ bhikkhūnaṃ satthahārapariyesanaṃ sandhāyāha. **Damūpasamenāti** ettha **damoti** indriyasamvarādīnaṃ etaṃ nāmaṃ. “Saccena danto damasā upeto, vedantagū vusitabrahmacariyo”ti (saṃ. ni. 1.195; su. ni. 467) ettha hi indriyasamvaro damoti vutto. “Yadi saccā damā cāgā, khantiyā bhīyodha vijjati”ti (saṃ. ni. 1.246; su. ni. 191) ettha paññā damoti vutto. “Dānena damena saṃyamena saccavajjena”ti (dī. ni. 1.166; ma. ni. 2.226) ettha uposathakammaṃ damoti vuttaṃ. Imasmiṃ pana sutte khanti damoti veditabbā. **Upasamoti** tasseva vevacanaṃ.

**397. Atha kho āyasmā puṇṇoti** ko panesa puṇṇo, kasmā panettha gantukāmo ahoṣīti. Sunāparantavāsiko eva eso, sāvattiyam pana asappāyavīhāraṃ sallakkhetvā tattha gantukāmo ahoṣi.

Tatrāyaṃ anupubbikathā – sunāparantaraṭṭhe kira ekasmiṃ vāṇijakagāme ete dve bhātaro. Tesu kadāci jeṭṭho pañca sakaṭasatāni gahetvā janapadaṃ gantvā bhaṇḍaṃ āharati, kadāci kaniṭṭho. Imasmiṃ pana samaye kaniṭṭhaṃ ghare ṭhapetvā jeṭṭhabhātiko pañca sakaṭasatāni gahetvā janapadacārikaṃ caranto anupubbena sāvattihim patvā jetavanassa nātidūre sakaṭasatthaṃ nivāsetvā bhuttapātarāso parijanaparivuto phāsukaṭṭhāne nisīdi.

Tena ca samayena sāvattivāsino bhuttapātarāsā uposathaṅgāni adhiṭṭhāya suddhuttarāsāṅgā gandhapupphādihattā yena buddho yena dhammo yena saṅgho, tanninnā tappoṇā tappābbhārā hutvā dakkhiṇadvārena nikkhamitvā jetavanaṃ gacchanti. So te disvā “kahaṃ ime gacchanti”ti ekamanussaṃ pucchi. Kiṃ tvam ayyo na jānāsi, loke buddhadhammasaṅgharatanāni nāma uppannāni, iccesa mahājano satthu santike dhammakathaṃ sotuṃ gacchatīti. Tassa buddhoti vacanaṃ chavicammādīni chinditvā aṭṭhimiṇjaṃ āhacca aṭṭhāsi. Atha attano parijanaparivuto tāya parisāya saddhiṃ vīhāraṃ gantvā satthu madhurassarena dhammaṃ desentassa parisapariyante ṭhito dhammaṃ sutvā pabbajjāya cittaṃ uppādesi. Atha tathāgatena kālaṃ viditvā parisāya uyyojitāya satthāraṃ upasaṅkamitvā vanditvā svātanāya nimantetvā dutiyadvāse maṇḍapaṃ kāretvā āsanāni paññāpetvā buddhappamukhassa saṅghassa mahādānaṃ datvā bhuttapātarāso uposathaṅgāni adhiṭṭhāya bhaṇḍāgārikaṃ pakkosāpetvā, ettakaṃ bhaṇḍaṃ vissajjitaṃ, ettakaṃ na vissajjitanti sabbaṃ ācikkhitvā – “imaṃ sāpateyyaṃ mayhaṃ kaniṭṭhassa dehi”ti sabbaṃ niyyātetvā satthu santike pabbajitvā kammaṭṭhānaparāyaṇo ahoṣi.

Athassa kammaṭṭhānaṃ manasikarontassa kammaṭṭhānaṃ na upaṭṭhāti. Tato cintesi – “ayaṃ janapado mayhaṃ asappāyo, yaṃnūnāhaṃ satthu santike kammaṭṭhānaṃ gahetvā sakaṭṭhānameva gaccheyya”nti. Atha pubbaṇhasamaye piṇḍāya caritvā sāyanhasamaye paṭisallānā vuṭṭahitvā bhagavantaṃ upasaṅkamitvā kammaṭṭhānaṃ kathāpetvā satta sīhanāde naditvā pakkāmi. Tena vuttaṃ – “atha kho āyasmā puṇṇo...pe... vīharati”ti.

Kattha panāyaṃ vīhāsīti? Catūsu ṭhānesu vīhāsi, sunāparantaraṭṭhaṃ tāva pavisitvā **ajjuhathapabbate** nāma pavisitvā vāṇijagāmaṃ piṇḍāya pāvīsi. Atha naṃ kaniṭṭhabhātā sañjānitvā bhikkhaṃ datvā, “bhante, aññattha agantvā idheva vasathā”ti paṭiññaṃ kāretvā tattheva vasāpesi.

Tato **samuddagirivīhāraṃ** nāma agamāsi. Tattha ayakantapāsāṇehi paricchinditvā katacaṅkamo atthi, taṃ koci caṅkamituṃ samattho nāma natthi. Tattha samuddavīciyo āgantvā ayakantapāsāṇesu paharitvā mahāsaddaṃ karonti. Theronam – “kammaṭṭhānaṃ manasikarontānaṃ phāsuvīhāro hotū”ti samuddaṃ nissaddaṃ katvā adhiṭṭhāsi.

Tato **mātulagirim** nāma agamāsi. Tattha sakuṇasaṅgho ussanno, rattiṅca divā ca saddo ekābaddhova hoti, thero imaṃ ṭhānaṃ aphāsukanti tato **makulakārāmavīhāraṃ** nāma gato. So vāṇijagāmassa nātidūro naccāsanno gamanāgamanasampanno vivitto appasaddo. Thero imaṃ ṭhānaṃ phāsukanti tattha rattiṭṭhānadivāṭṭhānacaṅkamanādīni kāretvā vassaṃ upagacchi. Evaṃ catūsu ṭhānesu

vihāsi.

Athekadivasam tasmimyeva antovasse pañca vāñjasatāni parasamuddam gacchāmāti nāvāya bhaṇḍam pakkhipimṣu. Nāvārohanadivase therassa kaniṭṭhabhātā theram bhojetvā therassa santike sikkhāpadāni gahetvā vanditvā gacchanto, – “bhante, mahāsamuddo nāma appameyyo anekantarāyo, amhe āvajjeyyāthā” ti vatvā nāvam āruhi. Nāvā uttamajavena gacchamānā aññataram dīpakam pāpuṇi. Manussā pātarāsam karissāmāti dīpake otiṇṇā. Tasmim dīpe aññaṃ kiñci natthi, candanavanameva ahoṣi.

Atheko vāsiyā rukkham ākoṭetvā lohitaḥcandanabhāvaṃ ñatvā āha – “bho mayam lābhatthāya parasamuddam gacchāma, ito ca uttari lābho nāma natthi, caturāṅgulamattā ghaṭikā satasahassam agghati, hāretabbakayuttam bhaṇḍam hāretvā candanassa pūremā” ti. Te tathā kariṃsu. Candanavane adhivatthā amanussā kujjhivā – “imehi amhākaṃ candanavanam nāsitaṃ, ghātesāma ne” ti cintetvā – “idheva ghātitesu sabbam vanam ekam kuṇapam bhavissati, samuddamajjhe nesam nāvam osīdessāmā” ti āhaṃsu. Atha tesam nāvam āruya muhuttam gatakāleyeva uppādikam utṭhapetvā sayampi te amanussā bhayānakāni rūpāni dassayimṣu. Bhītā manussā attano attano devatā namassanti. Therassa kaniṭṭho cūlapuṇṇakuṭumbiko – “mayham bhātā avassayo hotū” ti therassa namassamāno aṭṭhāsi.

Theropi kira tasmimyeva khaṇe āvajjitvā tesam byasanuppattim ñatvā vehāsam uppattivā sammukhe aṭṭhāsi. Amanussā theram disvā “ayyo puṇṇatthero etī” ti pakkamimṣu, uppādikam sannisīdi. Thero mā bhāyathāti te assāsetvā “kaḥam gantukāmatthā” ti pucchi. Bhante, amhākaṃ sakatṭhānameva gacchāmāti. Thero nāvam phale akkamitvā “etesam icchitaṭṭhānam gacchatū” ti adhiṭṭhāsi. Vāñjā sakatṭhānam gantvā tam pavattim puttadārassa ārocetvā “etha theram saraṇam gacchāmā” ti pañcasatā attano pañcamātugāmasatehi saddhim tisu saraṇesu patiṭṭhāya upāsakattam paṭivedesum. Tato nāvāya bhaṇḍam otāretvā therassa ekam koṭṭhāsam katvā – “ayam, bhante, tumhākaṃ koṭṭhāso” ti āhaṃsu. Thero – “mayham visum koṭṭhāsakiccaṃ natthi, sathā pana tumhehi diṭṭhapubbo” ti. Na diṭṭhapubbo, bhanteti. Tena hi iminā satthu maṇḍalamālam karoṭha, evam sathāram passissathāti. Te sādhu, bhanteti tena ca koṭṭhāseṇa attano ca koṭṭhāsehi maṇḍalamālam kātuṃ ārabhimṣu.

Satthāpi kira āradhakālato paṭṭhāya paribhogam akāsi. Ārakkhamanussā rattim obhāsam disvā “mahesakkhā devatā atthī” ti saññaṃ kariṃsu. Upāsakā maṇḍalamālañca bhikkhusaṅghassa ca senāsanāni niṭṭhapetvā dānasambhāram sajjetvā – “kataṃ, bhante, amhehi attano kiccaṃ, sathāram pakkosathā” ti therassa ārocesum. Thero sāyanhasamaye iddhiyā sāvattim patvā, “bhante, vāñjagāmaṇāsino tumhe daṭṭhukāmā, tesam anukampam karoṭhā” ti bhagavantam yāci. Bhagavā adhivāsesi. Thero bhagavato adhivāsanam viditvā sakatṭhānameva paccāgato.

Bhagavāpi ānandatheram āmantesi, – “ānanda, sve sunāparante vāñjagāme piṇḍāya carissāma, tvam ekūnapañcasatānam bhikkhūnam salākaṃ dehī” ti. Thero sādhu, bhanteti bhikkhusaṅghassa tamattham ārocetvā nabhacārikā bhikkhū salākaṃ gaṇhantūti āha. Tamdivasam kuṇḍadhānatthero paṭhamam salākaṃ agghesi. Vāñjagāmaṇāsini pi “sve kira sathā āgamissati” ti gāmaṃajjhe maṇḍapam katvā dānaggaṃ sajjayimṣu. Bhagavā pātova sarīrapaṭijaggaṃ katvā gandhakuṭim pavisitvā phalasamāpattim appetvā nisīdi. Sakkassa paṇḍukambalasilāsanam uṇham ahoṣi. So kiṃ idanti āvajjetvā satthu sunāparantagamanam disvā vissakammaṃ āmantesi – “tāta ajja bhagavā timattāni yojanasatāni piṇḍācāram karissati, pañca kūṭāgārasatāni māpetvā jetavanadvārakoṭṭhamatthake gamanasajjāni katvā ṭhāpēhī” ti. So tathā akāsi. Bhagavato kūṭāgāram catumukham ahoṣi, dvinnam aggasāvakanam dvimukhāni, sesāni ekamukhāni. Satthā gandhakuṭito nikkhamma paṭipāṭiyā ṭhapitakūṭāgāresu dhurakūṭāgāram pavisi. Dve aggasāvake ādim katvā ekūnapañcabhikkhusatānipi kūṭāgāram gantvā nisinnā ahesum. Ekam tucchakūṭāgāram ahoṣi, pañcapi kūṭāgārasatāni ākāse uppattimṣu.

Satthā saccabandhapabbataṃ nāma patvā kūṭāgāraṃ ākāse ṭhapesi. Tasmim̐ pabbate saccabandho nāma micchādīṭṭhikatāpasō mahājanāṃ micchādīṭṭhim̐ uggaṇhāpento lābhaggayasaggappatto hutvā vasati. Abbhantare cassa antocāṭiyāṃ padīpo viya arahattassa upanissayo jalati. Taṃ disvā dhammamassa kathessāmīti gantvā dhammaṃ desesi. Tāpasō desanāpariyosāne arahattaṃ pāpuṇi, maggenevāssa abhiññā āgatā. Ehibhikkhu hutvā iddhimayapattacīvaradharo hutvā kūṭāgāraṃ pāvīsi.

Bhagavā kūṭāgāragatehi pañcahi bhikkhusatehi saddhim̐ vāṇijagāmaṃ gantvā kūṭāgārāni adissamānāni katvā vāṇijagāmaṃ pāvīsi. Vāṇijā buddhappamukhassa bhikkhusaṅghassa mahādānaṃ datvā satthāraṃ makulakārāmaṃ nayimsu. Satthā maṇḍalamālaṃ pāvīsi. Mahājano yāva satthā bhattadarathaṃ paṭipassambheti, tāva pātaraṣaṃ katvā uposathaṅgāni samādāya bahum̐ gandhañca pupphañca ādāya dhammassavanatthāya ārāmaṃ paccāgamāsi. Satthā dhammaṃ desesi. Mahājanassa bandhanamokkho jāto, mahantaṃ buddhakolāhalaṃ ahoṣi.

Satthā mahājanassa saṅghatthaṃ katipāhaṃ tattheva vasi, aruṇaṃ pana mahāgandhakuṭiyāmyeva uṭṭhapesi. Tattha katipāhaṃ vasitvā vāṇijagāme piṇḍāya caritvā “tvam̐ idheva vasāhī”ti puṇṇattheraṃ nivattetvā antare nammadānadī nāma atthi, tassā tīraṃ agamāsi. Nammadānāgarājā satthu paccuggamaṃ katvā nāgabavanaṃ pavesetvā tiṇṇaṃ ratanānaṃ sakkāraṃ akāsi. Satthā tassa dhammaṃ kathetvā nāgabavanā nikkhami. So – “mayhaṃ, bhante, paricaritabbaṃ dethā”ti yāci, bhagavā nammadānadīre padacetiyaṃ dassesi. Taṃ vīcīsu āgatāsu pidhīyati, gatāsu vivarīyati, mahāsakkārappattaṃ ahoṣi. Satthā tato nikkhamma saccabandhapabbataṃ gantvā saccabandhaṃ āha – “tayā mahājano apāyamaḡge otārīto, tvam̐ idheva vasitvā etesaṃ laddhim̐ vissajjāpetvā nibbānamagge patiṭṭhāpehī”ti. Sopi paricaritabbaṃ yāci. Satthā ghanapiṭṭhipāsāne allamattikapīṇḍamhi lañcanaṃ viya padacetiyaṃ dassesi, tato jetavanameva gato. Etamatthaṃ sandhāya **tenevantaravassenā**tiādi vuttaṃ.

**Parinibbāyīti** anupādisesāya nibbānadhātuyā parinibbāyī. Mahājano therassa satta divasāni sarīrapūjaṃ katvā bahūni gandhakaṭṭhāni samodhānetvā sarīraṃ jhāpetvā dhātuyo ādāya cetiyaṃ akāsi. **Sambahulā bhikkhūti** therassa ālāhane ṭhitabhikkhū. Sesam̐ sabbattha uttānamevāti.

Papañcasūdaniyā majjhimanikāyaṭṭhakathāya

Puṇṇovādasuttavaṇṇanā niṭṭhitā.

#### 4. Nandakovādasuttavaṇṇanā

**398. Evaṃ me sutanti** nandakovādasuttaṃ. Tattha **tena kho pana samayenāti** bhagavā mahāpajāpatiyā yācito bhikkhunisaṅghaṃ uyyojetvā bhikkhusaṅghaṃ sannipātetvā – “therā bhikkhū vārena bhikkhuniyo ovadantū”ti saṅghassa bhāraṃ akāsi. Taṃ sandhāyetaṃ vuttaṃ. Tattha **pariyāyenāti** vārena. **Na icchatīti** attano vāre sampatte dūraṃ gāmaṃ vā gantvā sūcikkammādīni vā ārabhitvā “ayaṃ nāmassa papañco”ti vadāpesi. Imaṃ pana pariyāyena ovādaṃ bhagavā nandakattherasseva kāraṇā akāsi. Kasmā? Imāsañhi bhikkhunīnaṃ therāṃ disvā cittaṃ ekaggaṃ hoti pasīdati. Tena tā tassa ovādaṃ sampaṭicchitukāmā, dhammakathaṃ sotukāmā. Tasmā bhagavā – “nandako attano vāre sampatte ovādaṃ dassati, dhammakathaṃ kathessatī”ti vārena ovādaṃ akāsi. Thero pana attano vāraṃ na karoti, kasmāti ce? Tā kira bhikkhuniyo pubbe therassa jambudīpe rajjaṃ kārentassa orodhā ahesuṃ. Thero pubbenivāsañāṇena taṃ kāraṇaṃ ñatvā cintesi – “maṃ imassa bhikkhunisaṅghassa majjhe nisinnaṃ upamāyo ca kāraṇāni ca āharitvā dhammaṃ kathayamānaṃ disvā añño pubbenivāsañāṇalābhī bhikkhu imaṃ kāraṇaṃ oloketvā ‘āyasmā nandako yāvajjajivasā orodhe na vissajjeti, sobhatāyamaṃyasmā orodhaparivuto’ti vattabbaṃ maññeyyā”ti. Etamatthaṃ sampassamāno thero attano vāraṃ na karoti. Imāsañca kira bhikkhunīnaṃ therasseva desanā sappāyā bhavissatīti ñatvā **atha kho bhagavā āyasmantaṃ nandakaṃ āmantesi**.

Tāsaṃ bhikkhunīnaṃ pubbe tassa orodhabhāvajānanatthaṃ idaṃ vatthum̐ – pubbe kira

bārāṇasiyaṃ pañca dāsasatāni pañca dāsisatāni cāti jaṅghasahassaṃ ekatova kammaṃ katvā ekasmiṃ ṭhāne vasi. Ayaṃ nandakatthero tasmim kāle jeṭṭhakadāso hoti, gotamī jeṭṭhakadāsī. Sā jeṭṭhakadāsassa pādapariārikā ahoṣi paṇḍitā byattā. Jaṅghasahassampi puññakammaṃ karontaṃ ekato karoti. Atha vassūpanāyikasamaye pañca paccekabuddhā nandamūlakapabbhārato isipatane otarivā nagare piṇḍāya carivā isipatanameva gantvā – “vassūpanāyikakuṭiyā atthāya hatthakammaṃ yācissāmā”’ti cīvaraṃ pārupitvā sāyanhasamaye nagaraṃ pavisitvā seṭṭhissa gharadvāre aṭṭhaṃsu. Jeṭṭhakadāsī kuṭaṃ gahetvā udakatitthaṃ gacchantī paccekabuddhe nagaraṃ pavisante addasa. Seṭṭhi tesam āgatakāraṇaṃ sutvā “amhākaṃ okāso natthi, gacchantū”’ti āha.

Atha te nagarā nikkhamante jeṭṭhakadāsī kuṭaṃ gahetvā pavisantī disvā kuṭaṃ otāretvā vanditvā onamitvā mukhaṃ pidhāya – “ayyā nagaraṃ pavitṭhamattāva nikkhantā, kiṃ nu kho”’ti pucchi. Vassūpanāyikakuṭiyā hatthakammaṃ yācituṃ āgamimhāti. Laddhaṃ, bhanteti. Na laddhaṃ upāsiketi? Kiṃ panesā kuṭi issareheva kātabbā, duggatehipi sakkā kātunti. Yena kenaci sakkāti? Sādhu, bhante, mayaṃ karissāma. Sve mayhaṃ bhikkhaṃ gaṇhathāti nimantetvā udakaṃ netvā puna kuṭaṃ gahetvā āgamma titthamagge ṭhatvā āgatā avasesadāsiyo “ettheva hothā”’ti vatvā sabbāsaṃ āgatakāle āha – “amma kiṃ niccameva parassa dāsakammaṃ karissatha, udāhu dāsabhāvato mucchitū icchathā”’ti? Ajjeva mucchitūmicchāma ayyeti. Yadi evaṃ mayā pañca paccekabuddhā hatthakammaṃ alabhantā svātānāya nimantitā, tumhākaṃ sāmikehi ekadivasam hatthakammaṃ dāpethāti. Tā sādhuṭi sampaṭicchitvā sāyaṃ aṭavito āgatakāle sāmikānaṃ ārocesuṃ. Te sādhuṭi jeṭṭhakadāsassa gehadvāre sannipatiṃsu.

Atha ne jeṭṭhakadāsī sve tātā paccekabuddhānaṃ hatthakammaṃ dethāti ānisaṃsaṃ ācikkhitvā yepi na kātukāmā, te gālḥena ovādena tajjetvā paṭicchāpesi. Sā punadivase paccekabuddhānaṃ bhattaṃ datvā sabbesaṃ dāsaputtānaṃ saññaṃ adāsi. Te tāvadeva araññaṃ pavisitvā dabbasambhāre samodhānetvā satam satam hutvā ekekakuṭim ekekacāṅkamanādiparivāraṃ katvā mañcapīṭhapānīyaparibhojanīyabhājanādīni ṭhapetvā paccekabuddhe temāsaṃ tattha vasanattāya paṭiññaṃ kāretvā vārabhikkhaṃ paṭṭhapesuṃ. Yo attano vāradivase na sakkoti. Tassa jeṭṭhakadāsī sakagehato āharitvā deti. Evaṃ temāsaṃ jaggitvā jeṭṭhakadāsī ekekaṃ dāsaṃ ekekaṃ sāṭakaṃ vissajjāpesi. Pañca thūlasāṭakasatāni ahesuṃ. Tāni parivattāpetvā pañcannaṃ paccekabuddhānaṃ ticīvarāni katvā adāsi. Paccekabuddhā yathāphāsukaṃ agamaṃsu. Tampi jaṅghasahassaṃ ekato kusalaṃ katvā kāyassa bhedaṃ devaloke nibbatti. Tāni pañca mātugāmasatāni kālena kālaṃ tesam pañcannaṃ purisasatānaṃ gehe honti, kālena kālaṃ sabbāpi jeṭṭhakadāsaputtasseva gehe honti. Atha ekasmiṃ kāle jeṭṭhakadāsaputto devalokato cavitvā rājakule nibbatta. Tāpi pañcasatā devakañña mahābhogakulesu nibbattitvā tassa rajje ṭhitassa gehaṃ agamaṃsu. Etena niyāmena saṃsarantiyo amhākaṃ bhagavato kāle koliyanagare devadahanagare ca khattiyakulesu nibbattā.

Nandakattheropi pabbajitvā arahattaṃ patto, jeṭṭhakadāsīdhītā vayaṃ āgamma suddhodanamahārājassa aggamaheṣiṭṭhāne ṭhitā, itarāpi tesam tesam rājaputtānaṃyeva gharaṃ gatā. Tāsaṃ sāmikā pañcasatā rājakumārā udakacumbaṭakalahe satthu dhammadesanaṃ sutvā pabbajitā, rājadhītarō tesam ukkaṇṭhanatthaṃ sāsanaṃ pesesuṃ. Te ukkaṇṭhite bhagavā kuṇāladahaṃ netvā sotāpattiphale patiṭṭhapetvā mahāsamayadivase arahatte patiṭṭhāpesi. Tāpi pañcasatā rājadhītarō nikkhamitvā mahāpajāpatiyā santike pabbajiṃsu. Ayamāyasmā nandako ettāva tā bhikkhuniyoti evametaṃ vatthu dīpetabbaṃ.

**Rājakārāmoti** pasenadinā kārīto nagarassa dakkhiṇadisābhāge thūpārāmasadise ṭhāne vihāro.

**399. Sammappaññāya sudiṭṭhanti** hetunā kāraṇena vipassanāpaññāya yāthāvasarasato dīṭṭhaṃ.

**401. Tajjaṃ tajjanti** taṃsabhāvaṃ taṃsabhāvaṃ, atthato pana taṃ taṃ paccayaṃ paṭicca tā tā vedanā uppajjantīti vuttaṃ hoti.

**402. Pagevassa chāyāti** mūlādīni nissāya nibbattā chāyā paṭhamataramyeva aniccā.

**413. Anupahaccāti** anupahanitvā. Tattha maṃsaṃ piṇḍaṃ piṇḍaṃ katvā cammaṃ alliyāpento maṃsakāyaṃ upahanati nāma. Cammaṃ baddhaṃ baddhaṃ katvā maṃse alliyāpento maṃsakāyaṃ upahanati nāma. Evaṃ akatvā. **Vilimaṃsaṃ nhārubandhananti** sabbacamme laggavilīpanamaṃsameva. **Antarākilesasaṃyojanabandhananti** sabbam antarākilesameva sandhāya vuttaṃ.

**414. Satta kho panimeti** kasmā āhāti? Yā hi esā paññā kilese chindatīti vuttā, sā na ekikāva attano dhammatāya chindituṃ sakkoti. Yathā pana kuṭhārī na attano dhammatāya chejjaṃ chindati, purisassa tajjaṃ vāyāmaṃ paṭiceva chindati, evaṃ na vinā chahi bojjaṅgehi paññā kilese chindituṃ sakkoti. Tasmā evamāha. **Tena hīti** yena kāraṇena tayā cha ajjhantikāni āyatanāni, cha bāhirāni, cha viññānakāye, dīpopamaṃ, rukkhopamaṃ, gāvūpamañca dassetvā sattahi bojjaṅgehi āsavakkhayaena desanā niṭṭhapitā, tena kāraṇena tvaṃ svepi tā bhikkhuniyo teneva ovādena ovadeyyāsīti.

**415. Sā sotāpannāti** yā sā guṇehi sabbapacchimikā, sā sotāpannā. Sesā pana sakadāgāmiānāgāminiyo ca khīṇāsavā ca. Yadi evaṃ kathaṃ paripuṇṇasaṅkappāti. Ajjhāsayaṃparipūriyā. Yassā hi bhikkhuniyā evamahosi – “kadā nu kho ahaṃ ayyassa nandakassa dhammadesanaṃ suṇantī tasmimyeva āsane sotāpattiphalaṃ sacchikareyya”nti, sā sotāpattiphalaṃ sacchākāsi. Yassā ahoṣi “sakadāgāmiṃphalaṃ anāgāmiṃphalaṃ arahatta”nti, sā arahattaṃ sacchākāsi. Tenāha bhagavā “attamanā ceva paripuṇṇasaṅkappā cā”ti.

Papañcasūdaniyā majjhimanikāyaṭṭhakathāya

Nandakovādasuttavaṇṇanā niṭṭhitā.

### 5. Rāhulovādasuttavaṇṇanā

**416. Evaṃ me sutanti** rāhulovādasuttaṃ. Tattha **vimuttiparipācanīyāti** vimuttiṃ paripācentīti vimuttiparipācanīyā. **Dhammāti** pannarasa dhammā. Te saddhindriyādīnaṃ visuddhikāraṇavasena veditabbā. Vuttañhettaṃ –

“Assaddhe puggale parivajjayato, saddhe puggale sevato bhajato payirupāsato pasādanīye suttante paccavekkhato imehi tīhākārehi saddhindriyaṃ visujjhati. Kusīte puggale parivajjayato āraddhavīriye puggale sevato bhajato payirupāsato sammappadhāne paccavekkhato imehi tīhākārehi vīriyindriyaṃ visujjhati. Muṭṭhassatī puggale parivajjayato upaṭṭhitassatī puggale sevato bhajato payirupāsato satipaṭṭhāne paccavekkhato imehi tīhākārehi satindriyaṃ visujjhati. Asamāhite puggale parivajjayato samāhite puggale sevato bhajato payirupāsato jhānavimokkhe paccavekkhato imehi tīhākārehi samādhindriyaṃ visujjhati. Duppaññe puggale parivajjayato paññavante puggale sevato bhajato payirupāsato gambhīraññācariyaṃ paccavekkhato imehi tīhākārehi paññindriyaṃ visujjhati. Iti ime pañca puggale parivajjayato pañca puggale sevato bhajato payirupāsato pañca suttantakkhandhe paccavekkhato imehi pannarasahi ākārehi imāni pañcindriyāni visujjhantī”ti (paṭi. ma. 1.185).

Apārepi pannarasa dhammā vimuttiparipācanīyā – saddhādīni pañcimāni indriyāni, aniccasaññā, anicce dukkhasaññā, dukkhe anattasaññā, pahānasaññā, virāgasaññāti, imā pañca nibbedhabhāgiyā saññā, meghiyattherassa kathitā kalyāṇamittatādayo pañcadhammāti. Kāya pana velāya bhagavato etadahosīti. Paccūsasamaye lokam volokentassa.

**419. Anekānaṃ devatāsahassānanti** āyasmatā rāhulena padumuttarassa bhagavato pādamūle pālitanāgarājakāle patthanaṃ paṭṭhapentena saddhiṃ patthanaṃ paṭṭhapitadevatāyeva. Tāsu pana kāci

bhūmaṭṭhakā devatā, kāci antalikkhakā, kāci cātumahārājikā, kāci devaloke, kāci brahmaloke nibbattā. Imasmim̐ pana divase sabbā ekaṭṭhāne andhavanasmim̐yeva sannipatitā. **Dhammacakkhūnti** upāliovāda- (ma. ni. 2.69) dīghanakhasuttasu (ma. ni. 2.206) paṭhamamaggo dhammacakkhūnti vutto, brahmāyusutte (ma. ni. 2.395) tīṇi phalāni, imasmim̐ sutte cattāro maggā, cattāri ca phalāni dhammacakkhūnti veditabbāni. Tattha hi kāci devatā sotāpannā ahesum̐, kāci sakadāgāmī, anāgāmī, khīṇāsavā. Tāsaṅca pana devatānaṃ ettakāti gaṇanavasena paricchedo natthi. Sesam̐ sabbattha uttānamevāti.

Papañcasūdaniyā majjhimanikāyaṭṭhakathāya

Rāhulovādasuttavaṇṇanā niṭṭhitā.

## 6. Chachakkasuttavaṇṇanā

**420. Evaṃ me sutanti** chachakkasuttam̐. Tattha **ādikalyāṇanti**ādīmhi kalyāṇam̐ bhaddakam̐ niddosam̐ katvā desessāmi. Majjhapariyosānesupi eseva nayo. Iti bhagavā ariyavaṃsam̐ navahi, mahāsatiṭṭhānaṃ sattahi, mahāassapuram̐ sattahiyeva padehi thomesi. Idam̐ pana suttam̐ navahi padehi thomesi.

**Veditabbānī**ti sahavipassanena maggena jānitabbāni. Manāyatanena tebhūmakacittameva kathitam̐, dhammāyatanena bahiddhā tebhūmakadhammā ca, manoviññāṇena ṭhapetvā dve pañcaviññāṇāni sesam̐ bāvīsati vidham̐ lokiyavipākacittam̐. Phassavedanā yathāvuttavipākaviññāṇasampayuttāva. **Taṇhāti** vipākavedanāpaccayā javanakkhaṇe uppannataṇhā.

**422. Cakkhu attāti** pāṭiyekko anusandhi. Heṭṭhā kathitānaṅhi dvinnam̐ saccānam̐ anattabhāvadassanattam̐ ayam̐ desanā āradadhā. Tattha **na upapajjati** na yujjati. **Vetīti** vigacchati nirujjhati.

**424. Ayam̐ kho pana, bhikkhveti** ayampi pāṭiyekko anusandhi. Ayaṅhi desanā tiṇṇam̐ gāhānam̐ vasena vaṭṭam̐ dassetum̐ āradadhā. Dukkham̐ samudayoti dvinnam̐ saccānam̐ vasena vaṭṭam̐ dassetuntipi vadantiyeva. **Etam̐ mamāti**ādīsū taṇhāmānadiṭṭhigāhāva veditabbā. **Samanupassatīti** gāhattayavasena passati.

Evaṃ vaṭṭam̐ dassetvā idāni tiṇṇam̐ gāhānam̐ paṭipakkhavasena, nirodho maggoti imesam̐ vā dvinnam̐ saccānam̐ vasena vivaṭṭam̐ dassetum̐ **ayam̐ kho panāti**ādīmāha. **Netam̐ mamāti**ādīni taṇhādīnam̐ paṭisedhavanāni. **Samanupassatīti** aniccam̐ dukkhamanattāti passati.

**425. Evaṃ vivaṭṭam̐ dassetvā idāni tiṇṇam̐ anusayānam̐ vasena puna vaṭṭam̐ dassetum̐ cakkhuṅca, bhikkhveti**ādīmāha. Tattha **abhinandatīti**ādīni taṇhādiṭṭhivaseneva vuttāni. **Anusetīti** appahīno hoti. **Dukkhasatīti** vaṭṭadukkhakilesadukkhassa.

**426. Evaṃ tiṇṇam̐ anusayānam̐ vasena vaṭṭam̐ kathetvā idāni tesam̐ paṭikkhepavasena vivaṭṭam̐ dassento puna cakkhuṅcāti**ādīmāha. **Avijjam̐ pahāyāti** vaṭṭamūlikam̐ avijjam̐ pajahitvā. **Vijjanti** arahattamaggavijjam̐ uppādetvā.

**427. Ṭhānametaṃ vijjatīti** ettakeneva kathāmaggena vaṭṭavivaṭṭavasena desanam̐ matthakam̐ pāpetvā puna tadeva sampiṇḍetvā dassento **evaṃ passam̐, bhikkhveti**ādīmāha. **Saṭṭhimattānam̐ bhikkhūnanti** ettha anacchariyametaṃ, yaṃ sayameva tathāgate desente saṭṭhi bhikkhū arahattam̐ pattā. Imaṅhi suttam̐ dhammasenāpatimhi kathentepi saṭṭhi bhikkhū arahattam̐ pattā, mahāmoggallāne kathentepi, asītimahātheresu kathentesupi pattā eva. Etampi anacchariyam̐. Mahābhiññappattā hi te sāvakā.

Aparabhāge pana tambapaṇṇidīpe māleyyadevatthero nāma heṭṭhā lohapāsāde idaṃ suttaṃ kathesi. Tadāpi saṭṭhi bhikkhū arahattaṃ pattā. Yathā ca lohapāsāde, evaṃ thero mahāmaṇḍapepi idaṃ suttaṃ kathesi. Mahāvihārā nikkhamitvā cetiyapabbataṃ gato, tatthāpi kathesi. Tato sākiyavaṃsavihāre, kūṭālivihāre, antarasobbhe, muttaṅgaṇe, vātakapabbate, pācinagarake, dīghavāpiyaṃ, lokandare, nomaṇḍalatale kathesi. Tesupi thānesu saṭṭhi saṭṭhi bhikkhū arahattaṃ pattā. Tato nikkhamitvā pana thero cittalapabbataṃ gato. Tadā ca cittalapabbatavihāre atirekasatṭhivasso mahāthero, pokkharāṇiyaṃ kuruvakatitthaṃ nāma paṭicchannaṭṭhānaṃ atthi, tattha thero nhāyissāmīti otiṇṇo. Devatthero tassa santikaṃ gantvā nhāpemi, bhanteti āha. Thero paṭisanthārenea – “māleyyadevo nāma atthīti vadanti, so ayaṃ bhavissatī” ti ñatvā tvaṃ devoti āha. Āma, bhanteti. Saṭṭhivassaddhānaṃ me, āvuso, koci sarīraṃ hatthena phusituṃ nāma na labhi, tvaṃ pana nhāpehīti uttaritvā tīre nisīdi.

Thero sabbampi hatthapādādiparikammaṃ katvā mahātheraṃ nhāpesi. Taṃ divasañca dhammassavanadivaso hoti. Atha mahāthero – “deva amhākaṃ dhammadānaṃ dātuṃ vaṭṭatī” ti āha. Thero sādhu, bhanteti sampaṭicchi. Atthaṅgate sūriye dhammassavanaṃ ghosesuṃ. Atikkantasaṭṭhivassāva saṭṭhi mahātherā dhammassavanatthaṃ agamaṃsu. Devatthero sarabhāṇāvasāne imaṃ suttaṃ ārabhi, suttantapariyosāne ca saṭṭhi mahātherā arahattaṃ pāpuṇiṃsu. Tato tissamahāvihāraṃ gantvā kathesi, tasmimpi saṭṭhi therā. Tato nāgamahāvihāre kālakacchagāme kathesi, tasmimpi saṭṭhi therā. Tato kalyāṇiṃ gantvā tattha cātuddase heṭṭhāpāsāde kathesi, tasmimpi saṭṭhi therā. Uposathadivase uparipāsāde kathesi, tasmimpi saṭṭhi therāti evaṃ devatthereyeva idaṃ suttaṃ kathente saṭṭhiṭṭhānesu saṭṭhi saṭṭhi janā arahattaṃ pattā.

Ambilakālakavihāre pana tipitakacūḷanāgatthere imaṃ suttaṃ kathente manussaparisā gāvutaṃ ahoṣi, devaparisā yojanikā. Suttapariyosāne saḥassabhikkhū arahattaṃ pattā, devesu pana tato tato ekeko va puthujjano ahoṣīti.

Papañcasūdaniyā majjhimanikāyaṭṭhakathāya

Chachakkasuttavaṇṇanā niṭṭhitā.

## 7. Mahāsaḷāyatanikasuttavaṇṇanā

**428. Evaṃ me sutanti** mahāsaḷāyatanikasuttaṃ. Tattha **mahāsaḷāyatanikanti** mahantānaṃ channaṃ āyatanānaṃ jotakaṃ dhammapariyāyaṃ.

**429. Ajānanti** saḥavipassanena maggena ajānanto. **Upacayaṃ gacchantīti** vuḍḍhiṃ gacchanti, vasibhāvaṃ gacchantīti attho. **Kāyikāti** pañcadvārikadarathā. **Cetasikāti** manodvārikadarathā. **Santāpādīsipi** eseva nayo.

**430. Kāyasukhanti** pañcadvārikasukhaṃ. **Cetosukhanti** manodvārikasukhaṃ. Ettha ca pañcadvārikajavanena samāpajjanaṃ vā vuṭṭhānaṃ vā natthi, uppannamattakameva hoti. Manodvārikena sabbam hoti. Ayañca maggavuṭṭhānassa paccayabhūtā balavavipassanā, sāpi manodvārikeneva hoti.

**431. Tathābhūtassāti** kusalacittasampayuttacetosukhasamaṅgībhūtassa. **Pubbeva kho panassāti** assa bhikkhuno vācākamantājīvā pubbasuddhikā nāma ādito paṭṭhāya parisuddhāva honti. Diṭṭhisāṅkappavāyāmasatisamādhisaṅkhātāni pana pañcaṅgāni sabbatthakakārāpakaṅgāni nāma. Evaṃ lokuttaramaggo aṭṭhaṅgiko vā sattaṅgiko vā hoti.

Vitaṇḍavādī pana “yā yathābhūtassa diṭṭhī” ti imameva suttapadesaṃ gahetvā “lokuttaramaggo pañcaṅgiko” ti vadati. So – “evamassāyaṃ ariyo aṭṭhaṅgiko maggo bhāvanāpāripūriṃ gacchatī” ti iminā anantaravacaneneva paṭisedhitabbo. Uttari ca evaṃ saññāpetabbo – lokuttaramaggo pañcaṅgiko nāma



natthi, imāni pana pañca sabbatthakakārāpakaṅgāni maggakkhaṇe virativasena pūrenti. “Yā catūhi vacīduccaritehi ārati viratī”ti evaṃ vuttaviratīsu hi micchāvācam pajahati, sammāvācam bhāveti, evaṃ sammāvācam bhāventassa imāni pañcaṅgikāni na vinā, saheva viratiyā pūrenti. Sammākamantājīvesupī eseva nayo. Iti vacīkammādīni ādito paṭṭhāya parisuddhāneva vaṭṭanti. Imāni pana pañca sabbatthakakārāpakaṅgāni virativasena paripūrentīti pañcaṅgiko maggo nāma natthi. Subhaddasuttepi (dī. ni. 2.214) cetam vuttam – “yasmim kho, subhadda, dhammavinaye ariyo aṭṭhaṅgiko maggo”ti. Aññesu ca anekesu suttasatesu aṭṭhaṅgikova maggo āgatoti.

**433. Cattāropi satipaṭṭhānāti** maggasampayuttāva cattāro satipaṭṭhānā. Sammappadhānādīsūpi eseva nayo. **Yuganandhāti** ekakkhaṇikayuganandhā. Etehi aññasmim khaṇe samāpatti, aññasmim vipassanāti. Evaṃ nānākhaṇikāpi honti, ariyamagge pana ekakkhaṇikā.

**Vijjā ca vimutti cāti** arahattamaggavijjā ca phalavimutti ca. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Mahāsaḷāyatanikasuttavaṇṇanā niṭṭhitā.

### 8. Nagaravindeyyasuttavaṇṇanā

**435. Evaṃ me sutanti** nagaravindeyyasuttam. Tattha **samavisamaṃ carantīti** kālena samam caranti, kālena visamaṃ. **Samacariyampi hetanti** samacariyampi hi etaṃ.

**437. Ke ākārāti** kāni kāraṇāni? **Ke anvayāti** kā anubuddhiyo? **Natthi kho pana tatthāti** kasmā āha, nanu araññe haritatinacampakavanādivasena atimanuññā rūpādayo pañca kāmaguṇā atthīti? No natthi. Na panetaṃ vanasaṇḍena kathitaṃ, itthirūpādīni pana sandhāyetaṃ kathitaṃ. Tāni hi purisassa cittaṃ pariyādāya tiṭṭhanti. Yathāha – “nāhaṃ, bhikkhave, aññaṃ ekarūpampi samanupassāmi, yaṃ evaṃ purisassa cittaṃ pariyādāya tiṭṭhati, yathayidaṃ, bhikkhave, itthirūpaṃ. Itthirūpaṃ, bhikkhave, purisassa cittaṃ pariyādāya tiṭṭhati”ti (a. ni. 1.1) vitthāretabbaṃ. Sesam sabbattha uttānamevāti.

Papañcasūdaniyā majjhimanikāyaṭṭhakathāya

Nagaravindeyyasuttavaṇṇanā niṭṭhitā.

### 9. Piṇḍapātapārisuddhisuttavaṇṇanā

**438. Evaṃ me sutanti** piṇḍapātapārisuddhisuttam. Tattha **paṭisallānāti** phalasaṃpattito.

**Vippasannānīti** okāsavasetam vuttam. Phalasaṃpattito hi vuṭṭhitassa pañcahi pasādehi patiṭṭhitokāso vippasanno hoti, chavivaṇṇo parisuddho. Tasmā evamāha. **Suññatavihārenāti** suññataphalasaṃpattivihārena. **Mahāpurisavihāro**ti buddhapaṅkhabuddhatathāgatamahāsāvakaṇaṃ mahāpurisaṇaṃ vihāro. **Yena cāhaṃ maggenāti**ādīsū viharato paṭṭhāya yāva gāmassa indakhilā esa pavitṭhamaggo nāma, antogāmaṃ pavisitvā gehapaṭipāṭiyā caritvā yāva nagaradvārena nikkhamānā esa caritabbapadeso nāma, bahi indakhilato paṭṭhāya yāva viharā esa paṭikkantamaggo nāma. **Paṭighaṃ vāpi cetasoti** citte paṭihaññanakilesajātaṃ kiñci atthi natthīti. **Ahorattānusikkhināti** divasañca rattiñca anusikkhantena.

**440. Pahīnā nu kho me pañca kāmaguṇāti**ādīsū ekabhikkhussa paccavekkhaṇā nānā, nānābhikkhūnaṃ paccavekkhaṇā nānāti. Kathaṃ? Eko hi bhikkhu pacchābhataṃ piṇḍapātapāṭikkanto pattacīvaraṃ paṭisāmetvā vivittokāse nisinnō paccavekkhati “pahīnā nu kho me pañcakāmaguṇā”ti. So

“appahīnā”ti ñatvā vīriyaṃ paggayha anāgāmimaggena pañcakāmaguṇikarāgaṃ samuggahētvā maggānantaraṃ phalaṃ phalānantaraṃ maggaṃ tato vuṭṭhāya paccavekkhanto “pahīnā”ti pajānāti. Nīvaraṇādīsupi eseva nayo. Etesaṃ pana arahattamaggena pahānādīni honti, evaṃ ekabhikkhussa nānāpaccavekkhaṇā hoti. Etāsu pana paccavekkhaṇāsu añño bhikkhu ekaṃ paccavekkhaṇaṃ paccavekkhati, añño ekanti evaṃ nānābhikkhūnaṃ nānāpaccavekkhaṇā hoti. Sesāṃ sabbattha uttānamevāti.

Papañcasūdaniyā majjhimanikāyaṭṭhakathāya

Piṇḍapātapārisuddhisuttavaṇṇanā niṭṭhitā.

### 10. Indriyabhāvanāsuttavaṇṇanā

**453. Evaṃ me sutanti** indriyabhāvanāsuttaṃ. Tattha **gajaṅgalāyanti** evaṃnāmake nigame. **Suveḷuvaneti** suveḷu nāma ekā rukkhajāti, tehi sañchanno mahāvanasaṅḍo, tattha viharati. **Cakkhunā rūpaṃ na passati, sotena saddaṃ na suṇātīti** cakkhunā rūpaṃ na passitabbaṃ, sotena saddo na sotabboti evaṃ desetīti adhippāyena vadati.

**Aññathā ariyassa vinayeti** iminā bhagavā attano sāsane asadisāya indriyabhāvanāya kathanatthaṃ ālayaṃ akāsi. Athāyasmā ānando – “satthā ālayaṃ dasseti, handāhaṃ imissaṃ parisati bhikkhusaṅghassa indriyabhāvanākathaṃ kāremī”ti satthāraṃ yācanto **etassa bhagavāti**ādīmāha. Athassa bhagavā indriyabhāvanaṃ kathento **tena hānandāti**ādīmāha.

**454.** Tatha **yadidaṃ upekkhāti** yā esā vipassanupekkhā nāma, esā santā esā paṇītā, atappikāti attho. Iti ayaṃ bhikkhu cakkhudvāre rūpārammaṇampi iṭṭhe ārammaṇe manāpaṃ, aniṭṭhe amanāpaṃ, majjhatte manāpāmanāpañca cittaṃ, tassa rajjituṃ vā dussituṃ vā muyhituṃ vā adatvāva pariggahetvā vipassanaṃ majjhatte ṭhapeti. **Cakkhumāti** sampannacakkhuvisuddhanetto. Cakkhābādhikassa hi uddhaṃ ummīlananimīlanaṃ na hoti, tasmā so na gahito.

**456. Īsakamponeti** rathīsā viya utṭhahitvā ṭhite.

**461. Paṭikūle appaṭikūlasaññīti**ādīsū paṭikūle mettāpharaṇena vā dhātuso upasaṃhārena vā appaṭikūlasaññī viharati. Appaṭikūle asubhapharaṇena vā aniccato upasaṃhārena vā paṭikūlasaññī viharati. Sesapadesupi eseva nayo. Tadubhayaṃ abhinivajjetvāti majjhatto hutvā viharitukāmo kiṃ karotīti? Iṭṭhāniṭṭhesu āpāthagatesu neva somanassiko na domanassiko hoti. Vuttañhetam –

“Kathaṃ paṭikūle appaṭikūlasaññī viharati? Aniṭṭhasmiṃ vatthusmiṃ mettāya vā pharati, dhātuto vā upasaṃharati, evaṃ paṭikūle appaṭikūlasaññī viharati. Kathaṃ appaṭikūle paṭikūlasaññī viharati? Iṭṭhasmiṃ vatthusmiṃ asubhāya vā pharati, aniccato vā upasaṃharati, evaṃ appaṭikūle paṭikūlasaññī viharati. Kathaṃ paṭikūle ca appaṭikūle ca appaṭikūlasaññī viharati? Aniṭṭhasmiṃca iṭṭhasmiṃca vatthusmiṃ mettāya vā pharati, dhātuto vā upasaṃharati. Evaṃ paṭikūle ca appaṭikūle ca appaṭikūlasaññī viharati. Kathaṃ appaṭikūle ca paṭikūle ca paṭikūlasaññī viharati? Iṭṭhasmiṃca aniṭṭhasmiṃca vatthusmiṃ asubhāya vā pharati, aniccato vā upasaṃharati, evaṃ appaṭikūle ca paṭikūle ca paṭikūlasaññī viharati. Kathaṃ paṭikūle ca appaṭikūle ca tadubhayaṃ abhinivajjetvā upekkhako viharati sato sampajāno? Idha bhikkhu cakkhunā rūpaṃ disvā neva sumano hoti na dummano, upekkhako viharati sato sampajāno... pe... manasā dhammaṃ viññāya neva sumano hoti na dummano, upekkhako viharati sato sampajāno. Evaṃ paṭikūle ca appaṭikūle ca tadubhayaṃ abhinivajjetvā upekkhako viharati sato sampajāno”ti.

Imesu ca tīsu navesu paṭṭhamanaye manāpaṃ amanāpaṃ manāpāmanāpanti saṃkilesaṃ vaṭṭati,

nikkilesaṃ vaṭṭati. Dutīyanāye saṃkilesaṃ, tatiyanāye saṃkilesanikkilesaṃ vaṭṭati. Puna vuttaṃ – “paṭhamāṃ saṃkilesaṃ vaṭṭati, dutīyaṃ saṃkilesampi nikkilesampi, tatiyaṃ nikkilesameva vaṭṭati”ti. Sesāṃ sabbattha uttānamevāti.

Papañcasūdaniyā majjhimanikāyaṭṭhakathāya

Indriyabhāvanāsuttavaṇṇanā niṭṭhitā.

Pañcamavaggavaṇṇanā niṭṭhitā.

Uparivaṇṇasāṭṭhakathā niṭṭhitā.

Yo cāyaṃ “sabbadhammūlapariyāyaṃ vo, bhikkhave, desissāmi”ti āradhattā **ādikalyāṇo**, majjhe “suttaṃ geyyaṃ veyyākaraṇaṃ gāthā udānaṃ itivuttakaṃ jātaṃ abbhutadhammaṃ vedalla”nti vacanato **majjhekalyāṇo**, sannīṭṭhāne “ariyo bhāvitindriyo”ti vacanato **pariyosānakalyāṇoti** tivīdhakalyāṇo majjhimanikāyo “mahāvīpassanā nāmāya”nti vutto, so vaṇṇanāvasena samatto hoti.

### Nigamanakathā

Ettāvata ca –

Āyācīto sumatinā therena **bhadantabuddhamittena**,  
Pubbe mayūradūtapattānamhi saddhiṃ nivasantena.

Paravādaavidhamāsanassa **majjhimanikāyasetṭhassa**,  
Yamaṃ **papañcasūdanimatṭhakathaṃ** kātumārabhiṃ.

Sā hi mahāatṭhakathāya sāramādāya niṭṭhitā esā,  
Sattuttarasatamattāya pāḷiyā bhāṇavārehi.

Ekūnasatṭhimatto visuddhimaggopi bhāṇavārehi,  
Atthappakāsanatṭhāya āgamānaṃ kato yasmā.

Tasmā tena sahā’yaṃ gāthāgaṇanāyena atṭhakathā,  
Samadhikachasaṭṭhisatamiti viññeyyā bhāṇavārānaṃ.

Samadhikachasaṭṭhisatapamāṇamiti bhāṇavārato esā,  
Samayaṃ pakāsayantī mahāvīhārādhivāsīnaṃ.

Mūlatṭhakathāsāraṃ ādāya mayā imaṃ karontena,  
Yaṃ pañnamupacitaṃ tena hotu loko sadā sukhītoti.

Paramavisuddhasaddhābuddhivīriyappaṭimaṇḍitena  
sīlācārajjavamaddavādiguṇasamudayasamuditena sakasamayasaṃsāraṃ antaragahanajjhogāhanasamatthena  
paññāveyyattiyasamannāgatena tipīṭṭakapariyattippabhede sātṭhakathe satthu sāsane  
appaṭihatañāṇappabhāvena mahāveyyākaraṇena  
karaṇasampattijānitasukhaviniggaṭamadhurodāravacanalāvaṇṇayuttana yuttamuttavādinā vādīvarena  
mahākavinā pabhinnapaṭisambhidāparivāre chaḷabhiññādippabhedaguṇappaṭimaṇḍite  
uttarimanussadhamme suppaṭiṭṭhitabuddhīnaṃ theravaṃsappadīpānaṃ therānaṃ mahāvīhārāvāsīnaṃ

vaṃsālaṅkārahūtena vipulavisuddhabuddhinā **buddhaghosoti** garūhi gahitanāmadheyena therena  
katā ayam **papañcasūdanī** nāma majjhimanikāyaṭṭhakathā –

Tāva tiṭṭhatu lokasmiṃ, lokanittaraṇesinaṃ;  
Dassentī kulaputtānaṃ, nayam diṭṭhivisuddhiyā.

Buddhoti nāmampi, suddhacittassa tādino;  
Lokamhi lokajeṭṭhassa, pavattati mahesinoti.

Papañcasūdanī nāma

Majjhimanikāyaṭṭhakathā sabbākārena niṭṭhitā.